

ჯემალ ქერია

ბელეტრისტიკა

ტომი 7

ყოველი  
რაყოველი

(ტრილოგია)

ნიგნი პირველი . დღესასწაული, 1947 (გვ.5)  
ნიგნი მეორე. კვარცხლბეკი, 1953 (გვ.207)

თბილისი 2008  
გამომცემლობა „საარი“

ამ ტომში წარმოდგენილია ტრილოგიის პირველი ორი ნიგნი.  
პირველი ნიგნი — „დღესასწაული, 1947“ გამოქვეყნებულია  
ჟურნალ „მნათობში“ (5—6, 1995, 1—2, 3—4, 5—6, 1996).  
მეორე ნიგნი — „კვარცხლბეკი, 1953“ გამოქვეყნებულია  
ჟურნალ „განთიადში“ (3—4, 5—8, 9—12, 1994).  
მესამე ნიგნი ქვეყნდება მომდევნო ტომში.

© ჯემალ ქრია - კიბე იაკობისი  
საავტორო უფლებები დაცულია

ტექნიკური რედაქტორი: ირინა მარკოზაშვილი

*ესი ზმრა ყრმას, მართალი თოდუას:*

*იდგა იგი უდაბნოსა ადგილს, არა უწყოდა გზაი არსაით, არცა აღმოსავალით, არცა დასავალით, არცა ჩრდილოით და არცა სამხრით... წყუროდა და წყალი არა დიოდა წყაროისა... არცა პური აქუნდა მშვიერსა და მაშურალსა... ვერღარა ეპოვა სიბრძნეი იგი ცხორებისაი, რამეთუ სიცოცხლე უფროის ძნელ არს, ვიდრე სიკუდილი...*

*„უფალო, მასწავე მე გზანი ჭეშმარიტნი!“ – ლაღადყო ყრმამან მან მართალი თოდუამ.*

*„ჭე, ძეო, აღახილნე თუალნი შენნი!“ – ხმაი მამისაი განვივრცო ზეცასა შინა. აღახილნა თუალნი ყრმამან მან.*

*ნახა კიბე იგი საოცარი, მიწითგან ვიდრე ზეცად აღმართული.*

*ანგელოზნი ღმრთისანი აღვიდოდეს და გარდამოვიდოდეს კიბესა ზედა.*

*თაყუანისცა სასწაულსა მას ყრმამან მართალი თოდუამ. განავდო ბიწი და ჭუჭყი მიწისაი და ადვიდა ცასა ეთეროვანსა, რამეთუ სული მისი სუბუჭი ივლტოდეს ზევით.*

*იხილა ყრმამან ტახტი იგი ოქროისი, მუნ ჯდეს მამაი ჩუენი და ხელთ უბყრის სასწორი სამართალისა... მუნ ქერუბიმნი შემოკვრიდეს ბუკსა და ნაღარასა, მუსიკობდის და მღეროდის...*

*ძნელ არს მოსმენაი ხმათა ღვთაებრივთა მართალთა...*

*ძნელ არს ხილვაი სინათლისა ჭეშმარიტისა...*

*და განიდვიდა მართალი თოდუა ძილისაგან... ვერღარა ხედვიდის ნათელსა და არღარა ესმოდის ხმანი...*

# წიგნი პირველი

დღესასწაული, 1947

*შევით ნოემბერქ მუ მიღუნი,  
ვაგაჭყორდუ მოხანდეს,  
არნივიში მანგიორო  
ჩაქურ-მაგანა დოხანტეს... \**

შემდგომ, არაერთგზის, შეჭირვების ჟამს, მართალი თოდუა ცდილობდა ჩაეღწია მეხსიერების შორეთში, უფრო მიღმაც კი, სიზმრისა და ცხადის გასაყარში. ნისლსა და ბუნდოვანებაში ჭვრეტდა იგი სინათლის სუსტ ანარეკლს, მკრთალი ციალი უბნევედა გონებას და ერთმანეთისაგან ვერ გაერკვია ნამდვილი და წარმოსახული, ჭეშმარიტი და მოგონილი... პირუკუ ჩაჰყვებოდა დროის სათვალავს, ეწადა უხილავი ზღვარისათვის მიეღწია, არარსისაგან „მე“-ს რომ გამოჰყოფდა, მაგრამ გასცდებოდა ხოლმე დანიშნულების სადგურს — ჟამს სულის შთაბერვისა და იჭვნეულად კითხულობდა: ნუთუ მარად ვარსებობდი? ვერ მოეაზრებინა, თუ რა იყო ეს არსებობა, რა ფორმით მოერგო მის ლტოლვილ სულს, საით მიდიოდა გზა, რომელზეც უსასრულოდ უნდა ევლო, ვერ მიმხვდარიყო მიზეზსა და მიზანს, სწყუროდა ამოხსნა არსებობის ქარაგმისა, თუმცა კარგად უწყოდა, მიუწვდომელს რომ გამოჰკიდებოდა, წინასწარმეტყველურად გრძნობდა, ჭეშმარიტების კარიბჭესთან რომ გასრულდებოდა ეს სრბოლა, იქ, კიბის პირველ საფეხურთან მოვიდოდა უსასრულო და უკიდევანო სიმშვიდე...

მკრთალად ახსოვდა: ოდესღაც ქვა იყო, უკუნიდან მოვლენილი. მინა იძრა და მოულოდნელად მოწყდა იგი მაცხოვრისგორის ფერდობს. მოწყდა და დაგორდა... სინათლისა და სისწრაფისაგან თავბრუდახვეულმა ჩამოლენა ბუჩქნარი, მოსრისა მწვანე, ლორთქო ბალახი, ჩააღწია ჩხერიის ქალაში, ნაპირზე, სხვა, ადრე ჩაგორებულ ლოდებში ჩაიჭედა, გაყურდა, წინ კი გამჭვირვალე ჩქერალს მოჰქონდა მსუბუქი ტალღები... ნეტავ ვინ ჩადო მეხსიერებაში ეს გაელვება — მაცხოვრისგორიდან დაგორებული ქვის განცდა... ან რანაირად არსებობდა შემდგომ და შემდგომ სამყაროს ეს უსულო ნატეხი, ჩხერიისპირას რომ მიეჩინა ბინა... ხან მწველი მზე დაჰნათოდა, ხან კოკისპირული ჩამოთქრიალდებოდა ციდან, სინათლეს ბნელი ცვლიდა, ბნელს კვლავ სინათლე... ზოგჯერ ადიდებული და მღვრიე

ჩხერია გადაუვლიდა, ნახნაგებს ჩამოურეცხავდა, ადგილიდან კი ველარა ძრავდა... მერე მოვიდა ვილაცა, დაკოჟრილი ხელისგულები შემოაჭდო, ღონივრად მოზიდა, ძლივძლივობით მოწყვიტა რიყეს, ციმციმ ნაილო და მაცხოვრისგორის ფუძესთან, მაღალი კიბის პირველ საფეხურში ჩადო, გვერდები კირით შემოუღესა — ამ პირველი საფეხურიდან მწვანე ფერდობი არბოდა ზევით, ცის გუმბათამდე...

როდის მოხდა ყოველივე ეს? ან მოხდა კი?.. ეჭვის ბინდი ეფინა ამ გახსენებას, რადგან სხვა ხატიც ტივტივებდა მართალი თოდუას ნარმოსახვაში და ვერ გაეგო, სიზმრის კვალი იყო თუ ცხადისა... უკან მაცხოვრისგორა აზიდულა, წინ გამჭვირვალე ჩქერალი მოაგორებს მსუბუქ ტალღებს. კუს ბაკნისათვის შეუფარებია თავისი ჯერაც შეუცნობელი, ეული სული. სამყარო საშიშროებითაა სავსე. ხანდახან თავს გამოყოფს ბაკნიდან, ფრთხილად მიმოიხედავს, წყლის მოუსვენარ ტრიალს დააკვირდება — წყლის ლუკლუკს ერთვის ლოდებში ქარის სისინი, ფოთლების შრიალი... ჩუ, უცხო ხმებიც ისმის! მინა იძვრის თითქოს!.. ადამიანები მოაბიჯებენ!.. სადღაც ზარი რეკავს — ძინძინძინ! კუ ბაკანში იმალება, თავის გამოყოფისა ეშინია... მინა ირყევა, უთვალავი ფეხისხმა ერთმანეთს უერთდება... ადამიანთა უსასრულო ნაკადი მოედინება ჩხერიის ქალაში, ზოგნი საურმე გზას მოჰყვებიან, ზოგნი რიყეზე გადმოდიან, ქვებს აჩხრიალებენ, სხვები წყალში დგაფუნით გადიან, ამღვრევენ... მოდის ლაშქარი და ჰაერში ჰკიდია შეგუბებული, მრისხანე დვრინი — „უტუში ჯარიში გოლუაფირო, ვოჰო-ჰოიოდო!..“\* ზარი კი სადღაც გამაფრთხილებლად რეკავს — ძინძინძინ!

უცებ ვილაცა ჩერდება. პანანკინტელა კუს გაუჩინარება სწადია, გატრუნულა, თავს იმკვდარუნებს... „უტუ, დახე, მდინარის კუ!“ ბაკანი რიყეს მოსწყდა, ჰაერში გადაყირავდა, მზემ შემოანათა და მზესთან ერთად — ორმა ლურჯმა, დაღლილმა და დაფიქრებულმა თვალმა... „ნუ გეშინია, საბრალოვ, შენც ღვთის შექმნილი ხარ!“ — თქვა დიდმა უტუმ, მართალიად წოდებულმა, და კუ რიყზე დასვა...

დიახ, ახსოვდა მართალი თოდუას, თვალეში როგორ ჩახედა დიდმა უტუ თოდუამ, მართალიად წოდებულმა, ჩახედა ლურჯი, ფიქრიანი, აუმღვრეველი მზერით, სადაც ამოიკითხებოდა: ვინა ხარ? ნუთუ შენც უფალმა გაგაჩინა? გონიერება თუ მოგანიჭა? მეხსიერებით თუ დაგაჯილდოვა? ალბათ იმიტომ სდუმხარ, ჩემზე მეტი იცი და უკვე ამოხსენი მარადისობის საიდუმლოება!.. იქნებ საცნაურია შენთვის, თუ საიდან მოვდივართ ჩვენ, კაცნი ქართლოსიანთა მოდგმისა, კიდევ რამდენ ხანს უნდა ვიაროთ სისხლის ამ წვიმებში, წინ რა მოგველის?.. გაიტრუნა მდინარის კუ, თავი მოიმკვდარუნა. მის სიზმარულ და ბინდმოფენილ ზმანებებში ქურუში ღრუბლები ჩანდა, საიდანაც სისხლის წვიმები მოშხაპუნებდა და ჩხერიის ტალღებს წითლად აფერადებდა... დიდმა უტუ თოდუამ კი, მართალიად წოდებულმა, ამოიოხრა და გაამხნევა: „შენც ღვთის შექმნილი ხარ!“ ზმანებიდან გამოვიდა მდინარის კუ, შეხედა კაცს. ამ ღმობიერი პირისახის მიღმა, თვალსანიერზე ჩანდა სხვა დაღლილი სახეები წვეროსანი მამაკაცებისა, თავზევით ფრიალებდა უტუს ლაშქრის წითელი შილა, უფრო შორს, ზევით აზიდულიყო მწვანე ფერდობი და იქ, ცის გუმბათზე ოქროს ჯაჭვებით ეკიდა უფლის მაღალი ტახტი... ყოველი მხრიდან სხივმოფენილი, იგი იწვოდა თითქოს, სამყარო ნათელს აევსო და მაცხოვრისგორიდან ჩრდილი არსაით ეფინებოდა... არც უტუ თოდუას ჰქონდა ჩრდილი, მართალიად წოდებულს, მზის სხივებს განემსჭვალა იგი და ჰაერის ამ გამჭვირვალეებაში ქრებოდა მეხსიერების ფოფინა ხატი...

ვინ განსაზღვრა შესაძლებლისა და შეუძლებლის ზღვარი? განა შეუძლებლის შესაძლებლობა არაა, რომ მინამ დაგვბადა და მარადიულ გზაზე სახეტილოდ გაგვიშვა! — ასე ფიქრობდა მართალი თოდუა და შორეული სიზმრების ანარეკლი სულს უფორიაქებდა.

— ბჟა დია რე ჩქიმი, თუთა მუა ჩქიმი...\* — ხუმრობით ჩაულექსა ერთხელ ეფრო და ცაცანა ბებიებს.

ეფრომ პირჯვარი გადაინერა, რატომღაც ხმა გაეზარა:

— მაცხოვრის შვილო!

ამ სიტყვების შინაარსი ვერ ამოხსნა მართალიმ. დედა-ბერს ალბათ უნდოდა ეთქვა, მზესა და მთვარეს შეეშვი, ყველანი ღვთისშვილები ვართო, ან იმას გულისხმობდა, ხორციელი დედამა არა გყავს და ღმერთს მიენდო, ანდა იმასაც ფიქრობდა, მინამ დაბადა ადამიანი და ამჯერად მაცხოვრისგორამაო... ეფროს სჯეროდა სასწაულისა, — მაცხოვრისგორას უბედურების მოტანაც შეეძლო და ბედნიერებისაც... მაცხოვრისგორამ გერა მოინელა, მერე კი ნესტორიც, მაგრამ მაცხოვრისგორამ მის შვილიშვილს სული შთაბერა და ამით არ განირა თოდუების გვარი.

— მაცხოვარს შეეშვი! — მკაცრად ჩაურთო ცაცანამ, მუხლზე გადაშლილი სქელტანიანი წიგნი შეიმაგრა, სათვალიდან გამოხედა ეფროს: — ბავშვს ტვინს ნუ უმღვრევ! იცის ბიჭმა, ვისი შვილიცაა!

მართლის „ბუა“ მართა იყო, „თუთა“ — ტატაჩი.

— ადრე ამ გორას სახელი არ ჰქონდა, — თქვა ცაცანამ, — მაცხოვრისგორა უტუს დროს დაერქვა. უტუ თოდუამ, მართალიად წოდებულმა ზედ საყდარი ააშენაო, გერა იტყოდა... მერე მოვიდა ნესტორი და დაანგრიო...

ახლა ტაძარი აღარ იყო მაცხოვრისგორის თავზე. მწვანე ხეთა ვარჯებში ნანგრევები თუ გამოკრთებოდა რუხად, მაგრამ ეფროს იქითკენ როცა გაიხედავდა, წინანდებურად მალლა აზიდულ ტაძარს ხედავდა, ცის გუმბათზე ოქროს ჯაჭვებით ჩამოკიდებულს, და პირჯვარს გადაინერდა: „ღმერთო, ჩემი მართლის მფარველო!..“ შეხედავდა შვილიშვილს და კვლავ პირჯვარს გადაინერდა: „ღვთისმშობელო ქალწულო, სასწაულმოქმედო!..“

ერთხელ იყო და ეფროს ბებიას დასცდა: იქ, მაცხოვრისგორაზე მუხლის ჩოქვით ავიდა ქალწული მართა, ღვთისმშობელს ევედრა, ბერნად ნუ დამტოვებ, ძე მომივლინეო... შეისმინა ღვთისმშობელმა!

ურწმუნოდ გააქნია თავი ცაცანამ, ცხვირი წიგნში ჩარგო, თქმით კი არაფერი უთქვამს.

— და სული ჩემი ჩასახლდა ჩემსავე გვამში! — იანგლა მართალიმ, რადგან არა სჯეროდა სასწაულებისა. ადრევე, სკო-

ლის კარიბჭეშივე შთააგონეს, რომ ღმერთი არსადაა ცათა შინა, რომ არის უკიდევანო სივრცე და ჩვენ მტვერნი ვართ, ამ სივრცეში გაბნეული, უსულო მატერიის ცვალებადობათა შედეგი, შემთხვევითობათა ჯამი, არსაიდან და არსაითკენ მავალნი...

2

თავისი ოთხთვალისანი ოდა აგურის მაღალ სვეტებზე შემოდგა ტატაჩი თოდუამ. სახლი უცხო რამ ფრინველს დაემსგავსა, ისე მსუბუქად აწეულიყო, საცაა გაფრინდებაო, ანდა ქარი დაუბერავს და წაიღებსო. ალბათ ასეც მოხდებოდა, მტკიცედ ნაგები ბუხარი რომ არა, შუაში რომ ამოიყვანეს, ოთხივ ოთახისაკენ პირი გაუხსნეს, მეხუთე კერია ქვემო, ღია სართულზე დაუტოვეს. იფიქრა, ალბათ, ტატაჩიმ, ვინძლო ბედმა გამიღიმოს, საშუალება მომეცეს — კედლებს ამოვუშენებ და ესეც პირველი სართული იქნებაო. თურმე დიდხანს არ ეწერა საკუთარ სახლში ცხოვრება და ეს იმედი, სხვა იმედებთან ერთად, საითკენაც წავიდა, იქით გაიყოლია... მოხერხებული რამ აღმოჩნდა ღია სართული. ზამთრისათვის შეშას შეინახავდა პატრონი, ან ძროხას მიუჩენდა ადგილს, ზაფხულობით კი ისეთი გრილი სიო უბერავდა, პაპანაქებაში სულს მოათქმევინებდა კაცს.

ეს დაუმთავრებელი სახლი დარჩა ტატაჩის. ჯერაც რამდენი რამ იყო გასაკეთებელი! სხვენის თავვი ლამფის ჭერიდან იჭყიტებოდა და მტვერს ჩამოყრიდა ხოლმე... იატაკის ღრიჭოები თანდათან ჭუჭყით ამოიგლისა და გაქრა. კედლის ჭუჭრუტანებში ადრე უბერავდა. ერთი პირი ძველი გაზეთი ააკრეს, ზედ შპალერი დაანებეს. მოგვიანებით, შპალერს თუ ცოტათი აახვედი, „ყაზაყიმი გაზეთის“ ყვითელი ფურცელი გამოჩნდებოდა და მეგრულად დაწერილი კომუნისტური ლოზუნგები სასაცილოდ იკითხებოდა... ერთხელ ანახევიდან ტატაჩის სურათმაც გამოიხედა. დახეთ, მამას იმოდენა წონა ჰქონია, მის სურათს გაზეთში ბეჭდავდნენ.

— ისაკის საქმეს გადააყოლეს ჩემი შვილი, ჟვანიასი! — თქვა ერთხელ ეფროს, ამის მეტი არაფერი წამოსცდენია.



ზუსტად ათი წლის წინ გავიდა შინიდან ტატაჩი. მართალიმ მაშინ არაფერი იცოდა ამებებისა, იწვა აკვანში, კმაყოფილი ღულუნებდა და ხან თავის „ბჟას“ ახედავდა, ხან „თუთას“. მახსოვსო, თავს იტყუებდა მართალი, აკვანში ვიყავიო ჩაკრული, სატყუარას ვწუნნიდი, ვლულუნებდი და მართას და ტატაჩის ვათვალეერებდიო. ალბათ ეფროსა და ცაცანას მრავალგზისი მონაყოლი ეფინებოდა ერთიმეორეს და იგი მართალის მეხსიერების ნაწილი გახდა. ორი წლისა კვლავ აკვანს ითხოვდიო, ამატებდა ცაცანა, და თითქოს ყველაფერი თავის ადგილას ლაგდებოდა.

დაიხარა ტატაჩი აკვანზე. ლოყა გაპარსული ჰქონდა, უღვაშები ჩაპაევი და პატარას ამ უღვაშებით ლაბაბზე მიუხახუნა. მერე წამოიმართა, შეხედა გამტკნარებულ მართას, ჩახლეჩილი ხმით თქვა: „ამალამ, ალბათ, მოვლენ!“ სიტყვა დამთავრებულიც არა ჰქონდა, ჭიშკართან გაჩერებული მანქანის თუხთუხი გაისმა. ტატაჩიმ ბუდიდან რევოლვერი ამოიღო და მოსულთ გაეგება. ისინი სამნი იყვნენ და უკვე კიბეზე ამოდიოდნენ. ტატაჩიმ რევოლვერი შემართა და უბრძანა: „შეჩერდი! იცოდეთ, არ დაგინდობთ!“ სამეული გაჩერდა. ტანზე ტყავის ქულაჯები ეცვათ, სარტყელზე მაუზერები ეკიდათ, მაგრამ სამიდან ერთი ვერ დაასწრებდა ტატაჩის და უკანდახევა ამჯობინეს. ეზოდან ხელებანეულნი გავიდნენ. ტატაჩი ტრიფოლიატის დაბალ ლოპეს გადაევიდა და მეზობელი ეზოებით მოუსვა... სამეული ცოტა ხანს იდგა თოდუების ჭიშკართან, ყოყმანობდნენ. მერე ერთმანეთს რაღაც გადაულაპარაკეს, მოპირდაპირე სახლს მიადგნენ და იქ რომ იზორიები ცხოვრობდნენ, იმათი მამაკაცები წაასხეს, მანქანით ნელინელ მიჰყვნენ...

ის იზორიები უკან ველარ დაბრუნდნენ... ვერც ტატაჩი დაბრუნდა უკან, მინამ პირი უყო თითქოს...

ცოცხალი მამის ხატება არ შერჩა მართალის მეხსიერებას. უღვაშის ცაცუნინდა ეზმანებოდა და ელუტუნებოდა. ტატაჩი მხოლოდ სურათებში არსებობდა. კედლის ფოტოზე ვინროსახიანი, დამფრთხალი ახალგაზრდა ჩანს. გაზეთის ფურცლიდან სულ სხვა, თავდაჯერებული კაცი იყურება, უღვაშები ყო-

ჩაღად აუნვართია... ტატაჩის ფოტოს გვერდით, კედელზე, სხვა სურათიც ჰკიდა, ათიოდე წლის გოგონასი. ბავშვური, გაცრეცილი პირისახე, დიდრონი თვალები, წმინდად დავარცხნილი, შუაზე გაყოფილი თმა და მკერდზე გადმოგდებული ორი ნაწნავი. გოგონა ნაწნავის ბოლოს მორცხვად აწვალებს. ესაა და ეს! მართამ ვერასოდეს მოიცალა სხვა სურათის გადასაღებად. მართა აღარაა, კედელს კი ათი წლის გოგონას სურათი შერჩა და მართალი ცდილობს ამ ბავშვში ამოიკითხოს დედის ხატი...

ერთი დიდი სურათიც ამშვენებს ზალას — მუყაოზე დასტამბული. ზედ ოთხი ბელადის თავია გამოსახული, თითქოს კისრებზე ნაუჭრიათო. ადრე ამ ადგილას ღვთისმშობლის ხატი ეკიდა. ცაცანამ ჩამოახსნევინა და სამაგიეროდ ეს სურათი გამოჭიმა. ბელადები ამომავალ მზეს გაჰყურებენ. სამს სერიოზული, ოცნებანარევი მზერა აქვს, მეოთხე უღვაშებში იღიმება და მართალის ვერ ამოუცვინა ეს ღიმოლი.

სურათებქვეშ, კედელთან მომცრო მაგიდაა. ზედ წიგნები აწყვია, ტატაჩის ნაყიდი წითელყდიანი, ოქროსვარაყიანი ტომები. ოთხი ბელადის ბრძნული აზრებია შიგ ჩანნიკნიკებული. ტატაჩის თურმე ოცნებად ჰქონდა გადაქცეული, ოდესმე მოვიცლი, ჩაუფდები და სიბრძნის პირველწყაროს ვეზიარებო. ვერა და ვერ მოიცალა... ახლა ცაცანა დასაკუთრებია ამ წიგნებს. სასოებით აიღებს მორიგ ტომს, არ გავაჭუჭყიანოვო, გაზეთს შემოახვევს, ცხვირზე სათვალეს წამოიცვამს და ტურების ცმაცუნით კითხულობს. ეფრო ამ დროს შორიახლო ჩამოჯდება, წინდას ქსოვს, ხანდახან გახედავს ცაცანას, თავს უკმაყოფილოდ გააქიცინებს, ალბათ, მიაჩნია, ამოდენა წიგნების წამკითხველი მთლად ჭკუაზე ვერ იქნებაო... გავა დრო, მართალიც გადაშლის ამ ტომებს, ჭეშმარიტების ამოკითხვას მოინდომებს — პასუხს კითხვებზე, აზრის პირველი გაელგებიდან რომ დაჰყვა: საიდან მოვდივართ? სად მივდივართ? რისთვის?.. გვიან მიხვდება — პასუხის მისაღებად მსოფლიო ბიბლიოთეკის ყველა წიგნიც არ კმარა... ჯერჯერობით კი პატარა მართალი ფრთხილად შეახებს თითს წითელ, ოქროსვარაყიან ყუას და მადლიერია მამისა, ანდერძად რომ ასეთი სიმდიდრე დაუტოვა...

ზალის უკან სასადილოა. ასე ჰქვია, თორემ ორი დედაბერი და ბიჭი სადაც როგორ მოუხერხდებათ, ისე სადილობენ. ფანჯარასთან დედიკოს საწოლი დგას. მართალის ლამაზი და სევდიანი დედა უკვე აღარაა და ამ საწოლში არავინ იძინებს. ხანდახან მოეჩვენება მართალის, რომ დაღლილი მართა საწოლზე ჩამომჯდარა, ხელები მუხლებზე ჩამოუნყვია. ზის ჩუმად, სივრცეში იყურება... რა ტკიოდა დედას? რა აწუხებდა? ცაცანა იტყოდა, ჩემი გოგო ადრე სულ სხვანაირი იყო. ცერზე აინევდა თურმე, მკლავებს გაშლიდა, კი არ ცეკვავდა, დაფრინავდაო... ფანდურზე რომ დაამღერებდა, ისეთი სირინოზის ხმა ჰქონდა, ცრემლს ვერ შეიკავებდიო... გაიცინებდა და პირიდან ვარდი და მარგალიტი ცვიოდაო... ჩემი ლამაზი გოგოო! — დასძენდა ცაცანა... როდის იყო ეს? რომელი სიზმრიდან შერჩა ცაცანას ქალიშვილის ძველი ხატი?.. მართალის არასოდეს სმენია დედის სიმღერა, ფანდური კი მუდამ დუმდა კარადაში — იმ დღიდან, როცა ტატაჩი გავიდა შინიდან და აღარ დაბრუნდა... ხმაჩახლეჩილი პატეფონი თუ აჟღერებოდა თოდუების ოჯახში ხანდახან, ადრე ტატაჩის რომ აჩუქეს საწი-მუშო სამსახურის წილ. პატეფონის ხმა ბანგივით მოქმედებდა მართაზე, კუთხეში მიჯდებოდა, გაილურსებოდა, უჩუმრად ცრემლს შეინმენდდა... მერე ის ბნელი ღამე დადგა, მართა და მართალი შინიდან რომ გავიდნენ. უკან დახურული კუბოთი მოასვენეს მართა, გახსნა აუკრძალეს... დედაბრებმა ცივ ფიცარს ახალეს თავი, ისე დამარხეს ერთის შვილი და მეორის რძალი, თითქოს ბატონებს წაეყვანათ...

დიდი ხნის შემდეგაც, ძილის წინ ცაცანა მოულოდნელად გაყურდებოდა და ხმადაბლა იკითხავდა:

— იქნებ შიგ მართა არ იყო, ჰა?

ეფრო თავს ასწევდა, ისიც ჩაფიქრებული იტყოდა:

— ვინ იცის, იქნებ ჩემი ტატაჩიც ცოცხალია!

დედაბრები შეთქმულებივით ერთმანეთს შეხედავდნენ და თავთავიანთ ოთახებში წაცუნცულდებოდნენ...

უკანა, მომცრო ოთახი, საკუჭნაოს რომ ჰგავდა, ეფრო ბეზიასი იყო. თვითონაც მოცუცქნულსა და გალეულს, ეს ოთახიც ებევრებოდა. უამრავ პატარპატარა ბალიშებსა და მუთა-

ქებში ისე ჩაიკარგებოდა, არცა ჩანდა. ბუხრის თავზე ღვთისმშობლის ერთი ციდა ხატი იდგა, ცაცანამ ზალიდან რომ გამოაბრძანა. ეფრო შიშნეულად, ჩუმჩუმად უნთებდა სანთელს. ფანჯრიდან გახედავდა მაცხოვრისგორას და პირჯვარს გადაინერდა, მერე შეხედავდა ხატს და კვლავ გადაინერდა: „ღვთისმშობელო, შენ გადააფარე მწყალობელი კალთა ჩემს მართალის!“

ცაცანა წინა ოთახში იძინებდა, ფუმფულა ლეიბებსა და საბნებში იწვა. ესეც პატარა ქალი იყო, ოღონდ თვითონაც ფუმფულა და ქათქათა. უზარმაზარ ბალიშებს შემოიწყობდა, ცხვირზე სათვალეს წამოიცვამდა და ტუჩების ცმაცუნით, მარცვალმარცვალ კითხულობდა. ხანდახან ამოიოხრებდა და გოცუბით წამოიძახებდა: „ვინ ყოფილა, ძა, ეს ბუხარინი!“ „დი, ვინ ყოფილა ეს ტროცკი!“

აი, ამ სახლში დაიბადა და ფეხი აიდგა მართალი თოდუამ. ფეხი აიდგა და ფართო აივანზე გავიდა... გავიდა და გაირინდა, თვალი გაუშტერდა. სახლი არც ისე მაღლა იდგა, მაგრამ ჩხერიისპირა ველი მსუბუქად იტალღებოდა და ტალღის ზურგს ამოენია თოდუების უბანი, რომელსაც ადრე კოსიორის ქუჩა ერქვა, მერე კომუნარებისა, დაბოლოს — ტალახაძისა... პირველხილული სურათი მერეთისა სამუდამოდ შერჩა მართალის: ზაფხულის მცხუნვარე დღე იყო ის დღე. სივრცეს თვლემისმომგვრელი სინყნარე ეფინა. ლორთქო მწვანეში ჩაფლული ყავრიანი ოდეები ერთიმეორის გასწვრივ ჩამორიგებულყო. ქალაქი აუჩქარებლად ეშვებოდა ჩხერიის ქალისაკენ. გაღმა ნაპირი კვლავ აღმა ადიოდა და იქ თეთრად მოქათქათე რამდენიმე შენობა ამპარტავნულად დაჰყურებდა გარემოს. შენობებს მიღმა მწვანე კედლად იდგა ქალაქის ბულვარი და ბოტანიკური ბაღი, რომელსაც თავის წიაღში მიელო მთავრის ძველი სასახლე. დაბოლოს, მაცხოვრისგორა წამომართულიყო ქალაქის თავზე, ცას მიელტვოდა... უფრო შორს კავკასიონის ლურჯი ქედი იგრაგნებოდა; მარადი კავკასიონი თითქოს მცირდებოდა მაცხოვრისგორის უჩვეული ზესწრაფვასთან...



ზარის დარეკვას ცოტალა აკლდა, როცა მართალის წინ დაჭმუჭნილი ქალაღდი დაეცა. ბიჭები უკვე მოუთმენლად ცმუკავდნენ. გეოგრაფიის მასწავლებელი გრიშა ყოლბაია აუჩქარებლად აგროვებდა მაგიდაზე გაშლილ ქალაღდებს. ბოლოს ჟურნალიც დაკეცა, საჩვენებელი ჯოხი შიგ ჩადო და ილღიაში ამოიჩარა. იმავე ხელით გლობუსიც ჩაიხუტა. თავისუფალი მარჯვენით ყავარჯენს დაეყრდნო და ხის ფეხი კარისაკენ ბრავუნით გადადგა. სწორედ ამ დროს დაირეკა, მაგრამ სანამ გრიშა მასწავლებელი კარს არ გაიხურავდა, ადგილიდან წამოხტომა ვერავის გაეხედა.

მართალიმ ქალაღდი გახსნა და სახე აუხურდა. შიგ ერთადერთი სიტყვა ეწერა — „მეზიზღები!“ ვინ უნდა ყოფილიყო? მართალიმ მზერა ფრთხილად გააპარა. ბიჭები სტარტზე იდგნენ, გაფაციცებით ადევნებდნენ თვალს მასწავლებლის ნელ, მტანჯველ სვლას კარისაკენ. ლესტამბე თოლორაიამ პირი მიაბრუნა, წიგნებს საქმიანად ჩრიდა ნაჭრის ჩანთაში. „რა უნდა? — გაიფიქრა მართალიმ, — რას გადამეკიდა?“

ლესტამბე კლასელებში ყველაზე მაღალი იყო, ოწინარით ზევიდან დაჰყურებდა თანატოლებს. სიგამხდრისაგან სინათლე გასდიოდა. პატარა პირისახეზე პაჭუა ცხვირი აჩნდა. „თავი მოაქვს, — ბრაზით სჯიდა მართალი, — ალბათ გრძელია და იმიტომ, ანდა მაგისი მამიკოსი ეშინიათ, ბიკენტისი, და იმიტომ... ან სახელის გამო! ტყუილად კი არ იხუმრა არიქა ძაძუამ, ვინც ლესტამბეს ჭიტლაყს ამოჰკრავს, კომკავშირში არ მიიღებენო!“

გრიშა ყოლბაიამ ფეხი ზღურბლს მიღმა გადაგა და ბიჭების მოთმინებაც დაიღია. მთელმა კლასმა კარისაკენ იხუვლა.

— ჰა, რას ელოდები? — არიქამ შეყოვნებულ მართალის მუჯღლუგუნი ჰკრა.

— შენ ხომ არ იცი, ვის ვეზიზღები?

— გააფრინე?

მართალი უცბად წამოხტა, ლესტამბეს მიენია, საკინძეთი ჩაბლუჯა და კედელს ზურგით მიაჭეჭყა.

— ვა, რა გინდა?! — გაიოცა ლესტამბემ.

— მე კი არა, შენ რა გინდა? — მუქარით ჰკითხა მართალიმ. თავით ყანყრატომდე თუ სწვდებოდა, მაგრამ ლონივრად ეჭირა.

დურუ გეგია მოვარდა, შუაში ჩაეკვება.

— ჩხუბობთ?

გასვლა ვინც ვერ მოასწრო, ირგვლივ შექუჩდნენ.

— ჩხუბობენ?

— ჩხუბობენ!

ჩხუბი ზემია!

— მე რა მინდა? — განელა ლესტამბემ, თან მიმოიხედა, მშველელს თუ ეძებდა.

მშველელმაც არ დააყოვნა, აქლემაპარმენმა შემოყო გრძელ კისერზე წამოცმული თავი.

— შენ! — თითი მიუშვირა მართალის, — შენ! — არიქას, —

შენ! — დურუს, — და შენც! — ლესტამბეს, — დირექტორთან! დერეფანი უნდა გაევილოთ. წინ აქლემაპარმენი მიდიოდა და ლესტამბეს გული მოეცა.

— რა მინდა და... — ჩაუჩურჩულა, — ჩხუბი მინდა!

— დავარტყათ?

— დავარტყათ!

— ბოტანიკურში! — ბეჭედი დაუსვა მართალიმ.

აქლემაპარმენმა ეჭვით მოიხედა, ალბათ ვერაფერი გაიგო და გზა განაგრძო.

დირექტორი მარტო არ ბრძანდებოდა. სხვა ვითარებაში ამპარტავანი, ქედმაღალი და მკაცრი, საჩხუბრად მომართული თამარადირექტორი ახლა პირმოთნეობის განსახიერება იყო, ბაგეზე ნაძალადევი ღიმილი აღებეჭდა და სტუმარს თვალში შესციცინებდა. სტუმარი კი, ბიკენტი თოლორაიას მოადგილე ვავა ზარქუა შინაურულად მიყრდნობოდა სკამის ზურგს, ფეხი ფეხზე შემოედო, ხელში საყვავილედან ამოღებული ვარდი ეჭირა და აწვალებდა.

ბიჭები კედლის გასწვრივ ჩამწკრივდნენ მორიდებულად. არავინ იცოდა საკუთარი დანაშაულის სიმძიმე, მაგრამ თავდახრილები ელოდნენ მსჯავრს. ხანდახან შიშინად შეხედავდნენ ვავა ზარქუას და მის თითებში მომწყვედულ ვარდს, რომელსაც, ალბათ, ეზარებოდა კაცის თეთრად გაცრეცილი თითები და ზიზღისაგან კვდებოდა.

მართალისაც ეზარებოდა ეს კაცი. ვავა ზარქუას მელოტზე ღერი თმა არ შერჩენოდა და თავზე ძარღვების ლურჯი ქსელი აჩნდა. მეჩხერი, ჟღალი წარბების ქვეშ უფერული, უნამნამო თვალები თითქოს ჩაშრეტოდა და მიცვალებულის თვალებს უფრო მიუგავდა. მართალის გააჟრჟოლა კიდეც, კაცმა კი სწორედ მას მიაცივა მზერა, კარგა ხანს ათვალეირა, მერე სხვა ბიჭებსაც შეხედა და ვითომც გაიღიმა.

- კარგი ბიჭები ჩანან!
- დიახ, დიახ, კარგად სწავლობენ, მონინავე პიონერებია!
- შვებით მიუსწრაფა დირექტორმა.
- რა გქვია? — გეგიას შეეკითხა ვავა ზარქუა.
- დურუ!
- გვარი არა გაქვს?
- დურუ გეგია!
- შენა?
- არიქა ძაძუა!
- შენა? — ყასიდად ჰკითხა ლესტამბესაც.
- ლესტამბე თოლორაია!
- შენა, ყმანვილო?
- მართალი თოდუა!
- ბიჭოს, რა სახელი შეურჩევიათ! — ლოჯა კბილები მტაცებელივით დაკრიჭა ვავა ზარქუამ. — მამაშენს რა ჰქვია?
- ტატაჩი!
- სად მუშაობს მამაშენი? — წინ გადმოიხარა ვავა და ბიჭი მიხვდა, ამ კაცმა ყველაფერი იცოდა და განგებ კითხულობდა.
- მოკვდა! — მხრები აიჩეჩა.
- ჰო! — ვავა ზარქუამ ვარდი მოჭმუჭნა და სანაგვე კალათაში გადაუძახა, — კარგი ბიჭები ჩანხართ! — კრუტუნით

ალაპარაკდა, — პიონერული ფიცი ხომ დადეთ? ყელსახვევები რატომ არ გიკეთიათ? ეს არაა კარგი, მაგრამ არა უმავს... თქვენმა დირექტორმა მითხრა, სანდო ყმანვილები არიანო!.. ხომ იცით, მე ვინცა ვარ? — იკითხა უცებ.

- ეს ამხანაგი ვავა! — სულსწრაფად ჩაურთო დირექტორმა.
- ახლა მე თქვენ ერთი საიდუმლო უნდა გაგანდოთ! — ხმას დაუნია ვავამ და ბიჭებმა კისრები წაიგრძელეს. როგორია, ბიკენტის მოადგილე მათ საიდუმლოს ანდობდა! — იცოდეთ, არსად ერთი სიტყვაც არ წამოგცდეთ, თორემ დაისჯებით!.. ყმანვილებო, ალბათ მასწავლებლები გასწავლიდნენ, რომ ჩვენს დიად სამშობლოს უამრავი მტერი ჰყავს. ჩვენ დღე და ღამე ვებრძვით მათ, მაგრამ მტერი ძლიერია და ბოლომდე ჯერ ვერ დაგვიმარცხებია! — ვავა შეყოვნდა, თითი ასწია და ჩურჩულზე გადავიდა: — ჩვენს მხარეში შემოპარულა მეტად საშიში დივერსანტი. არ ვიცით, რას აპირებს, იქნებ რამე ააფეთქოს, ანდა ჭები დაგვიწამლოს... ჩვენ მონდომებით ვეძებთ, მაგრამ...

აქ ვავა ზარქუა კვლავ შეყოვნდა, ბიჭებს სათითაოდ შეხედა, ისინი კი, პირდაღებულნი, გაფაციცებით უსმენდნენ.

— მაგრამ კვალს ჯერ ვერ მივაგენით. გადავწყვიტეთ, პიონერებსა და კომკავშირლებს მივმართოთ დახმარებისათვის. ყველას, ცხადია, ვერ ვენდობით! ჩვენ უნდა შევექმნათ სადაზვერვო სამეულები. აგერ თქვენ სამნი — გეგია, ძაძუა და თოდუა ერთად იქნებით, თოდუა იყოს მეთაური... თოლორაიასაც ორ ბიჭს მოვუძებნით... უნდა იაროთ ქალაქსა და შემოგარენში. რაიმე საეჭვოს თუ შეამჩნევთ, ანდა ყურს მოკრავთ, უნდა შეგვატყობინოთ... გასაგებია?

- ბიჭებმა ერთმანეთს გადახედეს.
- ბოტანიკურით დავინწყებთ! — ყოყმანით თქვა მართალიმ.
- „ჯერ ლესტამბე უნდა გავლახო!“ — ფიქრში დასძინა.
- ჰო, — თვალი გაუხსნორა ვავამ და მართალის გაახსენდა ანტიკური ქანდაკების თვალები სახელმძღვანელოდან, — ჰო! — გაიმეორა ვავამ, — ბოტანიკური და მიღმა უბნები, ჩხერიის სათავის მიმართულებით. ოლონდ არაფერი შეგამჩნიონ, ვითომ თამამობთ და ეგაა...

დღე იყო შაბათი, თვე — ნოემბერი, რიცხვი — პირველი, წელი — 1947...

\* \* \*

მერე მრავალგზის იხსენებდა მართალი თოდუა დღეს, როცა დამთავრდა ბავშვური თამაშობანი და დაიწყო სხვა ცხოვრება. ლესტამბეს გალახვა ჯერ კიდევ ბავშვური გულფიცხოზა იყო, დივერსანტის კვალზე სირბილი — უკვე „კლასობრივი ბრძოლა“.

არიქა, დურუ და მართალი ადრე მოვიდნენ, ბუჩქებში ჩასხდნენ.

წინათ აქ უღრანი ყოფილა თურმე. მთავარმა შემოაღობინა. ფრანგი მეზალე ჩამოაყვანინა, სულ ცინცხალი ოქროთი უხდიდა. ფრანგმა ზედმეტი გააკაფვინა, მეტი სინათლეაო საჭირო; სადაც მეჩხრად იყო, ახალი ჩაარგვევინა... ჩხერიის პირას ჩამოსახლდა აქამდე უცნობი არისტოკრატები — თბილი მხარეების ხე და ბუჩქი, მარადმწვანენი, ბრჭყვიალა ფოთლებით, ფანტასტიკურად ჭრელი, ხელისგულისოდენა ყვავილებით, ჭაობის გამოუცდელ მწერებს რომ იტყუებს და აბრუებს...

აგერ, ბალის სიღრმეში ძველი სასახლის ნანგრევებია... მკვიდრად ნაგები აგურის კედლები, სუროთი და ველური ვაზით გადახლართულნი. იქით მცირე გორაკია, დეკორატიული ყვავილებით მოჩითული... წითელ ფონზე თეთრად იკითხება: „ოქტომბერი, 30 წელი“, „დიდება დიდ სტალინს!“ უფრო იქით მომცრო ტბის კრიალა ზედაპირია, შუაში პატარა ნახევარკუნძულია შემოჭრილი, ზედ ნეკერჩხლები დგას. ტოტებში წითლად ღვივის ტრანსპარანტი: „ოქტომბერი, 30 წელი“, „დიდება დიდ სტალინს!“

დურუ ხანდახან თავს ამოყოფს, მიდამოს დაზვერავს, ისევ ჩაიმალება.

სხედან და თათბირობენ. ხან დივერსანტზე საუბრობენ, ხან ლესტამბეზე, ეამაყებათ მაღალი დავალება, თავს კაცებად გრძნობენ.

ჩაიარეს ქალთა სკოლის გოგონებმა. წინ სათვალისანი მასწავლებელი მიუძღვება, ცხვირი ზევით აუპრეხია, აქაოდა, სათვალე არ ჩამომივარდესო. გოგონები წყვილწყვილად, ხელიხელჩაკიდებულნი მიჰყვებიან. უზარმაზარი თეთრი ბაბთები თმებში ჩამჯდარი პეპლებივითაა.

— ჯერ ლესტამბე უნდა გავლახო, — ჯიუტობს მართალი, — დივერსანტს მერე მოვძებნით!

— არ მომნონს მე ეს ამბავი! — ნუნუნებს არიქა, — მაბეზლარაა, დაიხსომე ჩემი ნათქვამი, ბიკენტის ჩაუკაკლავს და ციხეში ჩაგვყუდებენ!

— როგორ უნდა გავლახო, ასეთი სახელი ჰქვია! — ყოყმანობს დურუც.

— დავაშავე რამე? — ფიცხობს მართალი. — მეზიზღებიო! იქნებ არც მე მეხატება გულზე...

ბილიკზე მილიციელი გამოჩნდა. ბიჭები სულგანაბულნი ადევნებენ თვალს. იქნებ მთლად ბიკენტის გამოგზავნილია, ამათ ეძებს. მაღლობა ღმერთს, ისე ჩაიარა, აქეთკენ არ მოუხედავს.

— მოდი, თავი დავანებოთ... — ისევ იწყებს არიქა.

— ვცემ და მერე დავანებებ! — იქადნება მართალი. — მერე მივალ და ბიკენტის ვეტყვი, ძია ბიკენტი, დღეს შენი ბიჭი გავლახმეთქი...

— უჰ, გაბედავ? — თვალი გადმოკარკლა დურუმ.

— ეტყვი და თავზე ხელს გადაგისვამს. — დაეჯღანა არიქა. — დამრჩები უყურებოდ!

— თან მოვახსენებ, დივერსანტი დაჭერილიამეთქი და ყურებიც შემრჩება!

ბიჭები ჩუმად ხითხითებენ.

ირგვლივ სინყნარეა, თბილა. ნიავი ტოტებს ატოკებს და კენტად მოწყვეტილი ყვითელი ფოთოლი ფარფატით ეშვება.

— იქნებ არც მოვიდეს! — ამბობს არიქა და საპასუხოოდ, თავზევით, ხის კენწეროზე ჩიტი აჭახჭახდა, აგერ, აგერ, მიმალულანო.

ბილიკზე ლესტამბე გამოჩნდა. მარტო არ იყო, „თავისი“ ბიჭებიც წმოყვანა, ერთით მეტნი იყვნენ.

— მოერევი? — ხმა მთლად ჩაუვარდა არიქას.  
 — უნდა ვცემო! — ჯიუტად გაიმეორა მართალიმ.  
 — სცემ და ციხეში ჩაგაყუდებენ! — ნაღვლიანად გააფრთხილა დურუმ და სამალავიდან გამოძვრნენ.  
 ლესტამბე გაჩერდა, ის ბიჭებიც. ნელნელა მიუახლოვდნენ ერთმანეთს. წრე თავისთავად შეიკრა, უთქმელად. შუაში მოჩხუბრები იდგნენ, ერთიმეორეს მამლაცინებებით მისჩერებოდნენ.  
 — გაბედე და თითი დამაკარე! — დაქადნებით თქვა ლესტამბემ, ხმა უკანკალებდა.  
 — შენ თვითონ გაბედე და დამაკარე!  
 — გაბედე და თითის წვერით შემეხე!  
 — თუ მაგარი ხარ, შენ შემეხე!  
 ლესტამბემ ჰაერში ხელით რალაც მოხაზა, თითით კი არ შეხებია.  
 — იქნებ არ გეჩხუბათ, ჰა? — იკითხა არიქამ.  
 — მოდით, შევარიგოთ! — დინჯად ჩაურთო ბიჭმა, ლესტამბეს რომ ახლდა.  
 — შერიგება ჯობია! — კვერი დაუკრა დურუმ.  
 — მაშინ მითხრას, რა დამიშავებია! — თქვა ჯიუტად მართალიმ. — მეზიზღებიო!  
 ლესტამბე წამოწითლდა, ფეხებს ანაცვლებდა, ვერ ისვენებდა, ენას იჩლექდა:  
 — იმიტომ რომ... მამაშენი ნაძირალაა და დედაშენიც ნაძირალაა!  
 სიტყვა მომთავრებულიც არ ჰქონდა, მართალი გაქანდა და თავური მკერდში აძგერა. ლესტამბე ზურგით გადავარდა, მდელიოზე გრძლად გაიშხლართა. მართალი მკერდზე დააჯდა, ხელები გაუკავა და მოემზადა, რათა შუბლი პირდაპირ ცხვირში ეთავაზებინა, მაგრამ რალაც მოხდა. ირგვლივ მდგომი ბიჭები დაფრთხნენ, ჩიტებივით შეიფრთხილეს და მიმოიფანტნენ.  
 მართალის ვილაცამ ილღიებში ჩაავლო ხელი და აქაჩა.  
 — დანყნარდი, დანყნარდიმეთქი, ყმანვილო!  
 მართალი იმ ხელს აჰყვა, განზე გაიწია, მაგრამ ვერ დაუძვრა.

მუზეუმის დირექტორი ბერი ზაქარაია ჩასჭიდებოდა, მეორე ხელით კი ლესტამბეს ადგომაში შევლოდა.  
 ძლივს აიზღაზნა ლესტამბე, ნელში ძლივს გაიმართა, თვალი აცრემლებოდა.  
 — დანყნარდით, ყმანვილებო! — ბერი ზაქარაიას რბილი, მშვიდი ხმა ჰქონდა. — ძალადობა ბოროტებაა, ყმანვილებო!.. თქვენც აქეთ მოდით, ნუ გეშინიათ! — სხვებს გასძახა: — მეგობრების გასაჭირში მიტოვება სირცხვილია! აქეთ მობრძანდით, აქეთ!  
 ბიჭები ნელნელა მოგროვდნენ, განგან იყურებოდნენ გასაქცევად მომზადებულნი.  
 — მოდით, წყენა დავივიწყოთ! — თქვა კაცმა, — გულიდან ბოროტება ამოვირეცხოთ და სიკეთე შემოვუშვათ! წამობრძანდით, მე თქვენ დღეს მუზეუმს უფასოდ შემოგატარებთ!

— თოდუა რომელია?  
 — მე!  
 — რა გქვია, ვაჟკაცო?  
 — მართალი!  
 — შენ ტატარის შვილი ხარ?  
 — დიახ!  
 — ბაბუას რა ერქვა, თუ იცი?  
 — ნესტორი!  
 — ნესტორის მამას?  
 — გუდუ!  
 — გუდუს მამას?  
 — უტუ, მეტსახელად მართალია!  
 — მე მიცნობ?  
 მართალიმ — ყოყმანით:  
 — დიახ, ძია ბერი!  
 ბერი ზაქარაია თვითონაც სამუზეუმო ექსპონატსა ჰგავს. ქერა, სამკუთხად შეკვეცილი მოკლე წვერი და კობტა უღვა-



შეგი კაცს წინა საუკუნის მემამულეს შეახსენებს. შეხუჭუჭე-ბული, მისი ასაკისათვის საკმაოდ მდიდარი ქოჩორი მალა აუვარცხნია, ფართო შუბლი მის გონიერებას ცხადყოფს, წვრილი მაჯა და გრძელი თითები — ინტელიგენტურობას. სქელლინზე-ბიანი სათვალისა და მომზირალი ბეცი თვალები კი უცილოდ ქალაქის ფიას ავლენს.

ყოველივე ეს მართლის გონებაში ჩაიხატა. შეცბუნებული პასუხობს, რაკი ბიჭებში გამოარჩიეს... ნუთის წინ ჩხუბის მონანილენი ახლა უხერხულად იშმუშნებიან, ერთმანეთის უკან იმალებიან. ლესტამბე მხრებში იხრება, ცდილობს, რაც სიმაღლე აქვს, იმაზე ნაკლები გამოჩნდეს. მორიდებით ჩაახველა და ამოღერდა:

— მუზეუმი ლამაზია!

მართლაც რომ! მუზეუმის თეთრი შენობა (რა თქმა უნდა, ყოფილი მთავრის სასახლე!) იზიდავს მერეთელებს, ამაყობენ, ჩვენს პატარა, პროვინციულ ქალაქში ისტორიამ როგორღა შემოიტოვა ასეთი უცხო, რომანტიკული ხიბლით შემოსილი ძეგლი. ორსართულიანი შენობა ისე ამაყად ანეულა, ბევრად უფრო მაღალი ჩანს. ვინრო, აზიდულ ფანჯრებს, ქონგურებს, ფერად ვიტრაჟებს, მოჩუქურთმებულ სვეტებს და ღია აივანს, მაგნოლიებით დაჩრდილულ შიდა ეზოს სულ სხვა მერიდიანებზე გადაჰყავს მერეთის მკვიდრნი. თუმცა იმასაც ფიქრობენ მერეთელები, რომ ღირსნი არიან ამ სიკეთისა, რადგან ამ ქალაქის სახელწოდება მეგრულიდან ითარგმნება როგორც „სასწაული“.

ბერი ზაქარაია აქ ყველაფერია — დირექტორი, მეცნიერ-მუშაკი, ექსკურსიამძღოლი... იგი მთელ მერეთში გამორჩეული პიროვნებაა, დიდპატარა „ამხანაგოს“ ვერ უბედავს და ბატონობით მიმართავს. ერთმანეთში კი ჩუმჩუმად, ცხადია, სიყვარულით, შერევილია, ირწმუნებიან. ეს უწყინარი ქილიკი ოდნავადაც არ ამცირებს, პირიქით, კიდევ უფრო გამორჩეულსა ხდის, რადგან მერეთში იქნებ ჭკვიანიც საკმარისია, გიჟიც, მაგრამ ცოდნით შერევილი მართლაცდა სხვა არავინ მოიძებნება.

ბიჭები შიშნარევი ცნობისმოყვარეობით უსმენენ ბერის, უხერხულობა ავიწყდებათ, წინ მიძვრებიან. აგერ არიქა ძაძუა სერიოზულად აყვლიპინებს თვალებს... დურუ გეგია მოზვერივით ქმინავს, თითქოს ყველაფრის კბილებით გასინჯვას აპირებდეს... ლესტამბე თოლორაიას კისერი ნაუგრძელებია, სხვებს ჟირაფივით ზევიდან დაჰყურებს... იმ სამ ბიჭსაც, ლესტამბეს რომ წამოყვნი, ალბათ დაავინყდათ, აქ როგორ მოხვდნენ...

— აქედან, ბავშვებო, აი, აქედან!.. — ბერი გრძელ ჯოხს დი-რიჟორივით მალა ასწევს, მეორე ხელით ჰაერს შემოხაზავს.

ექსპოზიცია გეოლოგიური ეპოქებით იწყება...

— დააკვირდით, მეგობრებო, ეს ხერხემლის ძვალია, ალბათ კაპიტოზავრისა. აგერ, ეშვიც, ვფიქრობ პარეიაზავრისა.

— ბერის კილო საზეიმო ელფერს იძენს, თუმცა უმაღლე ხმას დაბლა წევს და მორცხვად დასძენს: — ამისი სპეციალისტი მე არ გახლავართ, ჩვენს მუზეუმს, სამწუხაროდ, პალეონტოლოგი არა ჰყავს...

ოცი წლის წინ, მერეთიდან ათ კილომეტრზე, ხურჩას ნაპირას (სადაც ხურჩას ჩხერია უერთდება) აღმოაჩინეს ნამარხი ცხოველების სასაფლაო. სწორედ იქ იპოვეს ეს ძვლები. ეს, ალბათ, ხერხემალია აი იმ კაპიტოზავრისა. პარეიაზავრი ძლიერი ეშვებით ჩაჰფრენია კაპიტოზავრს, ის კი აუტანელი ტკივილებისაგან საშინელი ხმით ღრიალებს... ადგილობრივი მხატვრის ჩიჩუას ნახატშია ასე. მხატვარს ტილოზე იმდენი სისხლი დაუქცევია, თუ ახლოს არ მიხვალ, წითელი დროშების ფრიალი გეგონება.

დარბაზი დარბაზს მისდევს, ექსპოზიცია იცვლება... პირველყოფილი ადამიანები ქვის იარაღს აკეთებენ, მამონტებზე ნადირობენ, გამოქვაბულში ცეცხლთან თბებიან.

ცოტა აქეთ ადრე შუასაუკუნეებისა და ეთნოგრაფიის კუთხეებია... ტაძრები, ციხეები, გალავნები, ფრესკები, მოზაიკა... „ყაზაყიმი\* ჯარგვალი“ — შუაცეცხლი, ლარჭაზე დაკიდებული შავი კარდალი, ღომის შესაზელი სუთით... გამურული ძელის კედლები, რომელთა გასწვრივ გრძელი სკამლოგინებია... შუაცეცხლის ერთ მხარეს „მეგრელი“ ზის, პაჭიჭები, ძიქვა და

ბლუზა აცვია, თავზე ყაბალახი შემოუხვევია, გრძელი ყალი-  
ონი პირში გაუჩრია. მეორე მხარეს ჩითისკაბიანი დედაკაცი  
აკვანს არწევს, მუხლებზე ორიოდ წლის მოკლებლუზიანი  
ბავშვი ეპოტინება და პატარას ვარდისფერი ტაკუნები მოუ-  
ჩანს... „ჟინოსქუაში\* დარბაზი“ — გრძელფარდაგიან ტახტზე  
ფეხმორთხმული ღიპიანი კაცი ჩიბუხს ექაჩება, ჩიხტიკოპიანი  
კნეინა იქვე ჩამომჯდარა და ქსოვით ერთობა... ბოლოს თავა-  
დები — ლუარსაბი და დარეჯანი, სხვანაირი თავადები ბავშ-  
ვებს ვერც წარმოუდგენიათ...

— დააკვირდით, ყმანვილებო! — ბერის ხმა უფრო ჟღერადი  
ხდება. — აქ ჩვენ ვხედავთ ბუნების საოცრებას! რას იტყვით,  
ყმანვილებო, განა ეს საოცრება, — კაცი თვითონაც გაკვირ-  
ვებული ჩანს, — განა ეს საოცრება სამყაროში სიცოცხლის ჩა-  
სახვისა და მისი განვითარების შეუცნობელ გზებზე სასაუბროდ  
არ განგვანყობს?

ბიჭები პირდაღებულნი მისჩერებიან მუზეუმის ღირსშე-  
სანიშნაობას — ორთავიან ხბოს. მთელი ქალაქი ხომ ამ საო-  
ცარ ხბოზე მსჯელობს. იმის დასანახად შორეული სოფლები-  
დანაც მოდიან. მოხუცი ქალები პირჯვარს იწერენ და ფუი,  
ემშაკსო, მიაყოლებენ.

— ძია ბერი, — თქვა უცებ მართალიმ, — ერთ სხეულში  
მარტო ერთი სული უნდა ჩასახლდეს! როცა მარტო ხარ, მაშინა  
ხარ თავისუფალი. ამაში კი ორი სული ჩასახლდა...

ბერიმ ბიჭი გაოცებით შეათვალიერა. კარგა ხანს აზრი ვერ  
მოიკრიბა. მეორე სართულის კიბეს რომ აპყვნენ, ფიქრი აეკ-  
ვიატა, ეს ბავშვი ასაკზე მეტიაო. წუთის წინ ბავშვურად ჩხუბობ-  
და, ახლა კი სულზე მსჯელობსო. რა იცის ამ ბავშვმა სულზე,  
ღმერთზე, სამყაროს ალტერნატიულ მოდელებზეო.

— აჰ, ჩემო მართალი, ადამიანი პალიმფსესტს მაგონებს!  
ვერც მართალიმ, ვერც სხვა ბიჭებმა შერეკილის ქარაგმა  
ვერ ამოხსნეს, ბერი ზაქარაიამ კი სევდით გაიფიქრა:

„თვითონ მე ვარ პალიმფსესტი, რომლის ადრეული ტექსტი  
უფლისადმი ლოცვაა, ხოლო შემდგომი, გადაშლილზე ხელახლა  
დანერილი — ღვთის უარყოფა... ეს ბავშვიც პალიმფსესტია.“

მასში ჩანერილი კოდი სულს ეძიებს, სასკოლო ქრესტომათია კი  
იმას ჩასჩინებს, შენა ხარ ხორცი და მეტი არაფერიო...“

— მარტოობაშიც არ არის თავისუფლება! მარტო თუ ხარ,  
შენს არსებობას ვერაფერს შეადარებ. თავისუფლება ადამია-  
ნებში უნდა მოიპოვო... — უცებ განყვიტა, თითქოს ზედმეტი  
რამ წამოცდაო, ენაზე კლიტე დაიდო.

ფართო კიბე ადის მუზეუმის მეორე სართულზე. ორთავ  
მხარეს მერეთელ მხატვართა ფერწერული ტილოებია. ადგი-  
ლობრივი მხატვრები ოპტიმისტები და რეალისტები არიან.  
ვინც ისტორიის წიაღში თემას ეძებს, აუცილებლად ერთსა და  
იმავეს უტრიალებს — „მჭედელი უტუ მიქავა მიუძღვის გლეხ-  
თა მრისხანე ტალღას!“ დანარჩენების პური პეიზაჟია — უმ-  
თავრესად ჩაის ზურმუხტოვანი პლანტაციებისა, რომელთ-  
აც ლოყებდაბრანული, უბესავსე ქალები შესევნიან და პირზე  
ისეთი განცხრომა აწერიან, იოლი მისახვედრია — ჩაის კრე-  
ფაზე სასიამოვნო საქმიანობას დედამინის ზურგზე ვერავინ  
მოიგონებს...

კიბე ჯერ ბაქანს ებჯინება, მერე ორად იყოფა და მეორე  
სართულიც აგერაა. ბაქნის თავზე სამი ბელადის უზარმაზარ  
პორტრეტებია: „ლენინი რაზლივში“ — ვლადიმერ ილიას  
ძე ჯორკოზე ჩამომჯდარა, შავი პალტო შინაურულად მხრებ-  
ზე მოუსხამს და მუხლზე დადებულ ქალაღზე გაფაციცებით  
წერს; იოსებ სტალინი კრემლის ფონზე — ქირზის ჩექმები  
აცვია, ჯარისკაცის უბრალო შინელი და კოზიროკიანი ქუდი.  
ხელში ტრადიციული ჩიბუხი უჭირავს. დიდი სტალინი მეტად  
უბრალო და შინაურული ჩანს; ლავრენტი ბერია კი თითქოს  
სიღრმეში დგას, ლურჯი სამოქალაქო კოსტიუმი აცვია, მის  
უკან მხოლოდ ცის თეთრი ფონია.

ბიჭები რიდით გვერდს უვლიან ამ სურათებს. ლენინს ამათ-  
თვის არა სცალია. ორი ბელადის მზერა კი, საითკენაც შებრუნ-  
დები, იქით გაგყვება.

ორად გაყოფილი კიბე კვლავ ერთდება და მის თავზე ისევ  
სამი პორტრეტია: აგერ მჭედელი უტუ მიქავა — გრდემლზე  
უზარმაზარი ურო დაუდვია და ტარზე მსხვილი, დაკუნთული



მკლავით ეყრდნობა... აგერ კოჩი თოდუა ზის კუნძზე, დატყვევებულ თავადიშვილებს ასამართლებს... აგერ უტუ თოდუა, მართალიად წოდებული... კარგი აღნაგობის პირხმელ ვაჟკაცს საყდრის მაკეტი უჭირავს...

— აი, შენი წინაპარი! — ბერიმ კვლავ გამოარჩია ბიჭი.

მართალიმ თვალი მოჭუტა და ისე ახედა პორტრეტს.

— უტუ თოდუა, თურმე, ასეთი ბრგე არ იყო. რუსეთიდან რომ დაბრუნდა, ჩეხოტკიანსა ჰგავდა.

კვლავ გაოცდა ბერი, როგორც ტოლს, ისე შეეპასუხა:

— ამ სურათზე უტუ ჯერაც ახალგაზრდაა. საყდარიც ასეთი კი არა, ხისა ააშენა!

— ჩვენი სახლის ფიცრები უტუ თოდუას დახერხილია! — თქვა მართალიმ.

დიახ, უტუ თოდუამ, მართალიად წოდებულმა, ქონების მოსახვეჭად ვერ მოიცალა. წარსულს ჩაბარდა ნგრევაპარტახის ბოროტი წლები. ოფლიც საკმარისი ღვარა და სისხლიც, უპოვარიც იყო და ურდუს კეისარიც, მაგრამ ჭარმაგობის ჟამს მანათი ფარა არ შერჩა, რუსეთის თოვლყინულოვანი მხარეებიდან სული ძლივს ჩამოიტანა და ჩხერიისპირას, მაცხოვრისგორასთან დასახლდა... სახლის შენება რომ დაიწყო, საყდრის შენებაც წამოიწყო გორის თავზე. წაბლის ერთ მორს თავისთვის რომ გათლიდა, ორს — საყდრისთვის. საყდარი უფრო ადრე აშენდა. უტუ თოდუამ ეპისკოპოსი მოიწვია, აკურთხებინა, სანთელი აანთო, ღვთისმშობლის სახელზე ლოცვა აღავლინა. თავისთვის მცირედი იკმარა, ორთვალისანი ჯარგვალის შეკრა, ზევიდან ისლით გადახურა, შუაღვეცხლი გამართა და ღომის კარდალი ლარჭაზე ჩამოჰკიდა.

უტუს ძემ გუდუმ ორ თვალს ორიც სხვა დაამატა, ვინრო სარკმლების მაგიერ განიერი ფანჯრები გამოჭრა. ვაჭარი კაცი იყო გუდუ თოდუა, ფარაც საკმარისი უჩხრიალებდა ჯიბეში, მაგრამ თავისი მამის შვილს ღვთის მსახურება მიაჩნდა კაცთა უპირველეს ვალად. შეუჩნდა მეზობლებს, არც თავისი დაზოგა, სხვანიც დაიყოლია და მაცხოვრისგორის თავზე ძელური საყდრის ნაცვლად ქვითკირის თეთრი ტაძარი ააყელყე-

ლავა, სამრეკლოს ზარები აანკრიალა, გუმბათზე ოქროს ჯვარი აღმართა.

— გაუნათლებელი ხარ, ბაბაია, შენ! — სიკვდილის სარეცელზე მწოლიარე გუდუს ჰკადრა ერთადერთმა ძემ ნესტორმა. — არ იცი, ღმერთი რომ არ არის? გერჩივნა ტრაქტირი აგე შენებინა, ანდა აბანო!

კოჭებში ეტყობოდა ნესტორ თოდუას, რა ეშმაკის ნაგრამიც იზრდებოდა. ტაძარს იგი რას შესძენდა, ტყვიის სამიზნედ გამოდგებოდა, ასე ბრძანა. არც მამის ქონებისათვის წაუმატებია ბევრი რამ, მიწის ტკეპნა მობეზრდა და ძირს წაბლის ფიცრები დააგო...

ბევრი იცოდა ბერი ზაქარაიამ, მაგრამ ბავშვის სმენისათვის ყოველივე როდი იყო განკუთვნილი. ბავშვებს არ შეეძლოთ პალიმფსესტის პირველი ტექსტის წაკითხვა, მათთვის მხოლოდ გვიანდელი, გადაშლილზე დაწერილი, მრავალგზის შემონმებული და განწონასწორებული ტექსტი არსებობდა.

მუზეუმის ფართო დარბაზებში გამოფენილია მერეთის წარსული, აწმყო და მომავალი.

ბერი გაჩერდა, საჩვენებელი ჯოხი გაიშვირა. კედელზე კვლავ სამი სურათი ეკიდა, რევოლუციის სამი მერეთელი არწივისა — ნესტორ თოდუასი, ძღვიბი თოლორაიასი და გერა კვარაცხელიასი.

სინყნარეს არღვევს ბავშვების მორიდებული ჩურჩული, ხველება, პარკეტის ქრიალი. აქ დრო გაჩერებულა, მერეთის მატიანე ამ სურათებსა და წარწერებშია. მერეთი იმ ჟამს დაიბადა, როცა დიდმა მართალიამ პირველი წაბლის ხე წააქცია სამორედ, მატიანეს ბოლო ფურცელი კი ის წამია, როცა პატარა მართალი მუზეუმის კედელთან თავის დიდ წინაპარს შეხვდა.

— შეხედეთ, შეხედეთ, ყმანვილებო, მართლაც „მერეთი“ ანუ სასწაული არ არის, აბა, რა არის? რიტმი თუ იგრძენით, ყმანვილებო, დროს თავისი რიტმი აქვს, მდინარების რიტმი... — ძია ბერი ჰაერში ხელს ისე მოხდენილად არხევს, თითქოს დროის ორკესტრს დირიჟორობდეს. — წარმოიდგინეთ, ყმანვილებო, თავდაპირველად ტყეში მიკარგული, პატარა სოფლის

ნელი, ზოზინა არსებობა... ჟამთასვლის ბორბალი ნელა ტრიალებს, მაგრამ ხომ ტრიალებს!.. დიახ, ის აჩქარდება... თანდათან, თანდათან... ჯერ ქრაჭუნით, ძლივძლივობით... მერე და მერე აგუგუნდება, აგუგუნდება და ადამიანთა ბედობალებს ფქვავს და ფქვავს... სისხლი და ოფლი, დაბადება და სიკვდილი, ასე ნვალებში აშენდა მერეთი, გაიზარდა, გაიშალა, გადაეფოფრა მიდამოებს, ორლობებით დაქსელა ჩხერიის გაღმავამოღმა ქალები, თითქმის ხურჩამდე ჩააღწია... მერე ჯარგვლები ოდასახლებად გადაიქცა. მთავარს თვალში მოუვიდა, ბინა აქ მიიჩინა, ეს თეთრი სასახლე წამომართა, ევროპული ბალი გააშენა, ჭადრის ხეივანი... სავაჭრო ფარდულები ჩამომწკრივდა ხეივნის გასწვრივ... აყაყანდა ბაზარი, ჟრიაშული დასცა მარულამ... ყველაფერი პირველით იწყება, ყმანვილებო: პირველმა ბოქაულმა ბილა უღვაშები დაიყენა... პირველი მზეთუნახავი მოიტაცა პირველმა შეყვარებულმა... გაჩნდა სასაფლაო, სკოლა, ღვინის სარდაფი, ციხე, დილიჟანი, ეტლი, რკინიგზა, ღია თეატრი, სინემა... მერე იყო პირველი გაფიცვა, დემონსტრაცია, აჯანყება, პირველი სისხლისღვრა...

მოულოდნელად სიტყვა გაუწყდა ბერის, დაცხრა, თვლებში ჩაუქრა ფანატიკური ცეცხლი.

— ნახვამდის, ძია ბერი!

კარამდე ჩააცილა ბიჭები. მართალის მხარზე ხელი დაადო, მოაბრუნა.

— ქალბატონი ეფრო და ქალბატონი ცაცანა მომიკითხე, მოჩხუბარიძევ!

— დიახ!

— გადაეცი, ხვალზეგ ძია ბერი გინახულებთთქო!

— დიახ!

მუზეუმის გრილი დარბაზებიდან სინათლეზე გამოსული ბიჭები ერთმანეთს უხერხულად შეჰყურებდნენ.

— შერეკილია რა! — განაცხადა ლესტამზე თოლორაიამ.

მართალიმ ზურგი შეაქცია, ნავიდა, არიქა და დურუ გამოედევნენ...

„მე, ბერი ზაქარაია, ძე სოლომონ ზაქარაიასი, ღმერთის, მთავრობისა და საკუთარი სინდისის წინაშე ფიცსა ვდებ, რომ არავითარი დანაშაული ჩვენი მუშურგლებური ქვეყნის წინაშე არც საქმით, არც სიტყვით არ მიმიძღვის... არასოდეს მივინია პროლეტარიატის დიადი საქმისათვის, მუდამ ვცდილობდი ერთგულად შემესრულებინა პარტიის ბრძნული განაწესები... ერთხელ მაცდუნა ეშმაკმა. რა თქმა უნდა, ეს ბოროტი განზრახვით არ ჩამიდენია, შემეშინდა, არაფერი დამბრალდესმეთქი და გავჩუმდი...“

პალიმფსესტი დავარქვი იმ ქალადებს, შემთხვევით, მუზეუმის აღწერის დროს რომ წავაწყდი. საარქივო საცავში, ძველი სეკრეტერის უჯრა გამოვნიე და შეკვრა აღმოვაჩინე. ჩვეულებრივი თაბახის ქალაღი მეგონა. იქვე გაზეთში გახვეული საწერკალამი და მეღანიც იღო. რაკი გაზეთი რევოლუციამდელი აღმოჩნდა, ძღვენიც უთუოდ იმდროინდელი იქნებოდა. ყველაფერი ეს საწერ მაგიდაზე დავალაგე. ავიღე ფურცელი და ყოველგვარი წინასწარგანზრახვის გარეშე ჯერაც 1918 წელს შეთხზული ხალხური ლექსის ორი ბნკარი დავწერე — „შქვით ნოემბერქ მუ მიღუნი, ვაგაჭყორდუ მოხანდეს...“ კალიგრაფია კარგი მაქვს, თავდაპირველად ამ კალიგრაფიის გამო მიმიღეს მუზეუმის უშტატო თანამშრომლად. ფურცელი ავნიე და მზის შუქზე გავხედე ლამაზად ჩანიკნიკებულ ქართულ ასოებს... გავხედე და ვერაფერი დავინახე... თვლები მოვიფშვნიტე, ქალაღი სუფთა იყო. ხელახლა დავწერე ლექსის ის ბნკარი, წუთიც და წარწერა ისევ გაქრა... მივხვდი, რომ ქალაღიც და მეღანიც საიდუმლო ჩანაწერებისათვის ყოფილა გადამალული. ეს კარადა რევოლუციის შემდეგ, ალბათ, არავის გაუხსნია და გვიანი იყო ამის პატრონის მოძებნა... ცხადია, შევცდი, რომ უმაღვე ბიკენტი თოლორაიას არ ვაცნობე ყველაფერი, მაგრამ იქნებ არ დამიჯერონმეთქი, ვიფიქრე. როგორო, — მკითხავდნენ, — ნახევარი საუკუნე ეს

სეკრეტერი კუთხეში იდგა და მისი გახსნა არავის მოგაფიქრდათო?“

ბერი ზაქარაიამ საწერკალამი გადადო, ხელისგულები პირისახეზე ჩამოისვა. კაბინეტში მარტო იჯდა და შიშინ ფიქრებს უტრიალებდა. ცხადია, თავი საფრთხეში ჩაიგდო, ნაღმზე იჯდა და არ იცოდა ეს ნაღმი როდის აფეთქდებოდა. იოლზე იოლი იყო ამ ქალაქლების ცეცხლისთვის მიცემა, მაგრამ დანაშაულის სიტკბოება აიძულებდა, გადაემალა იგი.

მაშინ ნაპოვნი შეკვრა უკანვე შეინახა, ვითომ არც მიპოვნიყო. ამ რამდენიმე დღის წინ კი ბიკენტი თოლორაიამ დაიბარა. გინვევენო, რომ გადასცეს, მუხლებში სისუსტე იგრძნო. იფიქრა, რაღაცნაირად გაიგო ბიკენტიმ ჩემი საიდუმლო და შეიძლება უცხო ქვეყნის აგენტობაც დამბრალდესო. ძლივს მიაღწია შინსაკომამდე. ბიკენტის კაბინეტი მეორე სართულზე ჰქონდა და ბერიმ ბარე ორჯერ შეისვენა სულის მოსათქმელად.

მდივანი ქალი ბეჯითად აკაკუნებდა შავ მანქანაზე, თვალი არც აუნწვია, თავის მოძრაობით მიუთითა, შედი, გელოდებო.

— მობრძანდი, მობრძანდი, ამხანაგო ბერი! — ბიკენტი ფეხზე იდგა, ხელით მაგიდასთან დადგმულ სკამზე ანიშნა.

— დამიბარეთ? — დაბნეულად იკითხა ბერიმ. არ იცოდა, რას უქადდა ეს საუბარი. წინასწარ მოიფიქრა, თუ სეკრეტერი უხსენეს, თავი ემართლებინა, ჩვეულებრივი ქალაქი მეგონა და არაფრად ჩამიგდიაო.

— ჰო, საქმე მქონდა შენთან! — ბიკენტიმ დაუცადა, სანამ ბერი დაჯდებოდა და თვითონვე სკამზე დაეშვა, ფიქრიანი თვალებით მოაშტერდა.

საშუალოზე ცოტა მაღალი კაცი იყო ბიკენტი თოლორაია. ადრე უფრო ხმელი, დაწურული ვაჟკაცი ახსოვდა ბერის. ასაკმა საგრძნობლად შეცვალა, პირისახე დაუმრგვალდა, ტანზე ხორცი შეისხა, მიმოხვრა შეურბილდა, დაეხვეწა, კეთილშობილური, ჰუმანური ნიღაბი მოირგო, თუმცა თვალები არ ეცვლებოდა თურმე ადამიანს. ბიკენტის მოცისფრო, მშვენიერი მოყვანილობის თვალები რატომღაც ნაკლებად მოსწონდა ბერის, ქალურად ლამაზი ეთქმოდა და ეს სილამაზე ზიზღსა და შიშს უმძაფრებდა.

— როგორაა მუზეუმის საქმეები? — სასხვათაშორისოდ იკითხა ბიკენტიმ.

ბერი შეეცადა, თავი ყოჩაღად დაეჭირა, სამეგრელოს გლეხთა აჯანყების თემაზე ახალი ექსპოზიცია გავაკეთეთო, აუხსნა.

— კარგი ბიბლიოთეკა გაქვთ, მგონია! — ჩაუბრუნა ბიკენტიმ, ბერიმ კი გულისფანცქალით გაიფიქრა, კატა რომ თავგს ეპარება, ისე ნელინელ მეპარებაო.

— დიახ, შესანიშნავი! — ხმა ძლივს დაიმორჩილა, — შესანიშნავი... მარტო ხელნაწერების ფონდი რად ღირს!.. ვეფხის-ტყაოსნის ხელნაწერი, მაგალითად, ხომ იცით, ფასი არა აქვს... რამდენიმე ძვირფასი ბიბლია... პალიმფსესტი...

ჰქონდათ მართლაც ერთი პალიმფსესტი, მაგრამ ეს სიტყვა რომ ახსენა, ბერიმ თითქოს ზედ ნაიბორძიკაო.

ბიკენტი ყურადღებით უსმენდა, თავს უკანტურებდა, თან ისეთი ინტერესით ათვალთვლებდა, ბერის სიტყვებში ჩადებულ ქარაგმის ამოხსნას ცდილობსო, ანდა უარესი — ფარული ფიქრების ამოკითხვას აპირებსო.

— შენზე ამბობენ, დისერტაციას წერსო, — თქვა ბიკენტიმ, — საიდუმლო თუ არ არის, რაზე მუშაობ?

— სწორედ იმ პალიმფსესტზე! ძველი აღთქმის ფრაგმენტია, იაკობს რომ კიბე დაესიზმრა და ზედ ანგელოზები მიმოდოდნენ. ვფიქრობ, ძველი ნაწერი მეშვიდე საუკუნეზე გვიანდელი არაა, ახალი კი აგერ მეცამეტე მეთოთხმეტესი...

— ჰო! — ბიკენტიმ ხელისგული მაგიდას გადაუსვა, ნამოდგა, გაიარგამოიარა, — საინტერესოა, საინტერესოა...

ვერაფრით გაეგო ბერის, რისთვის აინტერესებდა შინსახკომის უფროსს ეს ამბავი. თვითონ მხოლოდ იმიტომ მოჰკიდა ხელი, იფიქრა, შორეულ საუკუნეებს შევაფარებ თავს, იქ მაინც ვერავინ მომიკაკუნებსო... ბიკენტიმ კი მოუკაკუნა და ეგაა! მიდიმოდის კაბინეტში, ბოლთასა სცემს, ფიქრობს. ბერი ჩუმად ზის, დრო მიეცა და კაბინეტს ათვალთვლებს.

ხალვათი კაბინეტი ჰქონია ბიკენტი თოლორაიას; ფუნქციონერის სამკუთხა მაგიდა და მკაცრი წესრიგით ჩამწკრივებული მაღალზურგიანი სკამები... კუთხეშიც დგას ერთი უბრა-

ლო სკამი. განაგონი ჰქონდა ბერის, ეს სკამი იატაკზეა მიმაგრებული და პატიმრებისთვისაა განკუთვნილი. მადლობა ღმერთს, არავის უთქვამს, აბრძანდი ახლა ბერიმამაძალო და გადაჯექი იმ სკამზეო.

— გვიანდელი ტექსტი რა შინაარსისაა? — იკითხა ბიკენტიმ.

— ნივთების ნუსხაა, — აუხსნა ბერიმ, — ან მზითევია ჩამოთვლილი, ან ვინმე ვაჭარი ადგენდა.

კვლავ დადუმდნენ. ბიკენტი ისევ ფიქრს მიეცა, ან იქნებ ამ დუმილით აგრძნობინებდა ბერის, ხედავ რა მძიმე სამსახური მაქვს, რამდენი საფიქრალი მიგროვდებაო.

ბერიმ თავი მოაბრუნა. კედლის სურათიდან სტალინმა შემოჰლიმა. ორმოციოდე წლის სტალინს შავი უღვაშები ჰქონდა. ნუთის წინ ალბათ იცინოდა და თვალის კუთხეებში ნაოჭები ჯერაც არ გაქრობოდა... რაზე იცინის ბელადი?.. ნუთუ ხვდება, რომ ბერის სულში შიშია ჩაბუდებული?.. უსაფუძვლო შიში!.. მეორე სურათიც გადმოჰყურებდა ბერის ყურადღებით. ლავრენტი პავლეს ძის სათვალეს თეთრი ანარეკლი აბრწყვიალებდა. მის თვალეში ვერც განაჩენს ამოიკითხავდა კაცი, ვერც თანაგრძნობას... კუთხის სეიფზე ლენინის თაბაშირის სკულპტურა იდგა, ორი მტკაველის ზომისა. ბელადს მხრებზე პალტო მოეგდო, გადაშლილ „პრავდას“ ჩაღრმავებოდა და მელოტი ულაპლაპებდა... ლენინს არ ეცალა ბერი ზაქარაიას მფრთხალი ფიქრებისათვის...

სამაგიეროდ ბიკენტი თოლორაიას ეცალა მისთვის. ბოლთის ცემა შეწყვიტა, ენერგიულად დაუბრუნდა თავის სკამს.

— ამხანაგო ბერი... ჰმ, უცნაურია მეტად, დიდი ხანია გიცნობ, ვიცი, ჩვენი კაცი ხარ, პარტია შენ გენდობა...

— მადლობელი ვარ! — მღელვარებისგან პირი გაუშრა ბერის, ბიკენტიმ კი მის სიტყვებს ყური არც ათხოვა, ისე განაგრძო:

— დალახვროს ეშმაკმა, ახლალა მივაქციე ყურადღება! სახელად გქვია ბერი, მამაშენი სოლომონი მღვდელი იყო, მერე ეს პალიმფსესტი, ბიბლია და მისთანანი...

— თქვენ, მეზრდოლმა ათეისტმა, ამწუთას ახსენეთ ეშმაკი, თუმცა ეშმაკისა არაფერი გნამთ, — ნაძალადევი ღიმილი შეაგება ბერიმ, — თქვენ იცით, ჯერ კიდევ როდის მიმიღეს

კომკავშირში, ბერობასთან და ეკლესიასთან არაფერი მაკავშირებს, მუდამ პარტიის მთავარ გეზს მივყვებოდი და არსაითკენ გადამიხვევია!

— ჰო, — თვალი აუციმციმდა ბიკენტის, — ვიცი, მამაშენი საკუთარი ხელით რომ გაკრიჭე!

ბერის პირზე სინითლე მოასკდა... დიახ, მოხდა ესეც!.. ყმანვილი იყო, მოტყუებული და რეგვენი... მთელი სიცოცხლე უნდა ეზიდა ცოდვის სიმძიმე, თან ამის გაცხადება არ შეეძლო. უთქმელად მონანიება ვერ შედეგებოდა, მოუნანიებლად კი უფალი არასოდეს აპატიებდა! არსებობდა კი უფალი?.. ესმოდა ბერი ზაქარაიას მწუხარე სულის ძახილი?.. სურვილი წვავდა, ვინმეს მინდობოდა ამ დაუნდობელ ჟამს?.. სწორედ აქ, ბიკენტი თოლორაიას მქრქალად განათებულ კაბინეტში გაუკრთა აზრი, ქალღმერთისათვის მიენდო საიდუმლო, სეკრეტერში დამალული ქალღმერთისათვის... ამ ფურცლებზე დაწერს იგი მისთვის მისანდომ სიმართლეს, ზედ კი, — ჩვეულებრივი მეღმერთი, — საყოველთაო სიცრუეს, ფარად რომ აუფარებია თანაბრად ყველას... გავა დრო, შეიცვლება ჟამი და პალიმფსესტი გაცხადდება, სიცრუის ქვეშ შენიღბული სიმართლე წაიკითხება...

— კარგად მახსოვს ის დღე. რამდენი ვიცინეთ!.. უჰ, რამდენი... — ახლაც იკრიჭება ბიკენტი, ჯანსაღი კბილები მოუჩანს. მართლაც ლამაზი კაცია, თავიც მოსწონს და სხვასაც აწონებს, მაგრამ ბერის ის სძულს საშინელი სიძულვილით... ოღონდაც, სიმართლის გამჟღავნებას ვერ ბედავს, მამის გამწირავი კაცი გამირი ვერ გახდება!

აგერ, ბიკენტისაც ნათლად ხსომებია ის დღე, ბერის გულს რომ ღია ჭრილობად დააჩნდა, მისი ცხოვრების გზა სიცრუის კალაპოტში მოაქცია...

ეს ამბავი უფრო ადრე მოხდა, ვიდრე ქოსა ძღვიბიამ, ბიკენტის მამამ, და ნესტორ თოდუამ მაცხოვრისგორაზე თეთრი ტაძარი ჩამოანგრიეს. კომკავშირის ახლადგამომცხვარი კანდიდატი ბერი ზაქარაია ნალიაში გადამალულ მამას — სოლომონს ხმის ჩახლეჩამდე არწმუნებდა, ღმერთი არ არის, შენ კი წურბელა და მატყუარა ხარ, მოისროლე ეს ჯვარი და ჩვენთან, პროლეტარებთან გადმოდიო. უყურა სოლომონმა ატ-



როცებულ შვილს, უყურა და ისეთი ალიყური აჭამა, ეს მოზვე-რივით ბიჭი ფეხზე ძლივს გაჩერდა, თვითონ კი სწრაფად, სწრაფად პირფვარი გადაინერა, შემინდე, უფალო, შემინდე მე ცოდვილსო! ბერის ცრემლი წასკდა და ანჩხლად მიაყვირა, უფალს კი არა, შენდობა მე მთხოვე, შენს გამო კომკავშირში არ მღებულობენო... გავარდა გარეთ, შეყარა კომუჯრედის წევრები, მიუცვივდნენ სოლომონს, ჩამოათრიეს ნალიიდან და ჯორზე უკუღმა შესვეს... „ნუ მარცხვენ, შვილო!“ — თვალზე ცრემლი მოადგა სოლომონს... გული ჩაუვარდა ბერის, მაგრამ უკვე ვერაფერს გამოასწორებდა და იხტიბარი არ გაიტეხა. ახალგაზრდებმა მხიარული ხორხოცით მისდიეს ჯორს, ქუჩაქუჩა ჩაატარეს, რევკომის წინ დალაქი შეაგებეს. ზორბა კაცი იყო სოლომონი, გაუძალიანდა, მერე დანყნარდა და მწუხარე ხმით ერთხელაც შეეხვეწა ბერის: „ნუ მარცხვენ, შვილო!“ რაღა დროს! ბერიმ ხელზე იკბინა და ტკივილი ვერ იგრძნო. მთელი ქალაქი გარეთ გამოეფინა. აივანზე ძღვიბი თოლორაია და ნესტორ თოდუა გადმოდგნენ, უყურებდნენ და იცინოდნენ... დალაქმა მაკრატელი მოუმარჯვა, გაატკაცუნა და მღვდლის წვერი მტვერში დაცვივდა. ახალგაზრდები, სასეირო რამ ნახესო, ზედ ბუქნას მოჰყვნენ... სოლომონმა თავი ასწია და რაღაც ჩაიჩურჩულა. გაკრეჭილი მღვდელი მართლაც სასაცილო იყო, თითს უშვერდნენ და ხარხარებდნენ... მხოლოდ ბერი იდგა გამტკნარებული. შვილმა მამის სიტყვები მოისმინა. ღმერთს შესთხოვა სოლომონმა — „უფალო, მიუტევე, რამეთუ უმეცარნი არიან!“ ბერის კი ტვინში თითქოს ვილაცამ ჩასძახა: „რეგვენო, გეშინოდეს უფლის რისხვისა!“

ამასობაში ჯორი შეაბრუნეს, უკუღმა შემჯდარი, გაკრეჭილი სოლომონი ბულვარზე ხელახლა ჩაასეირნეს, შინ მიაბრძანეს. ჯორი რევკომმა წაიყვანა. კომკავშირლებიც გაიკრიფნენ და ეზოში ორნი დარჩნენ — მამა და შვილი. მხრებჩამოყრილი, დაჩიავებული იდგა ეს აქამდე ახმახი ვაჟკაცი. ბერი ზურგში უყურებდა, მაგრამ მიხვდა, რომ მამა ტიროდა. უნდოდა ფეხებში ჩავარდნოდა, პატიება გამოეთხოვა... ველარ გაბედა!

სოლომონი შინ შევიდა, ლოგინში ჩაწვა, კედლისაკენ მიბრუნდა და აქეთკენ პირი აღარ უქნია.

მეორე დღეს მიიღეს კომკავშირში ბერი ზაქარაია. ხმის კანკალით წარმოთქვა ფიცი. უკვე იცოდა, რომ ცრუ ცხოვრებით უნდა ეცხოვრა. სიმართლეს გულში იმარხავდა, იგი სიზმრის ნაწილი უფრო იყო, ცხადში კი ბეჯითი კომკავშირელი, მერე პარტიელი ბერი ზაქარაია ერთგულ ჯარისკაცად ედგა მაღალ მითითებებს.

— მაგრად იეშმაკე შენ მაშინ! — თქვა ბიკენტიმ.

ბერის ნირი შეეცვალა, ვერ მიხვდა, რას ნიშნავდა ეს სიტყვები.

— შენმა პარტიულმა ერთგულებამ გადაარჩინა მამაშენი, თორემ გაკრეჭას ვინ აკმარებდა! — ბიკენტიმ მაგიდას ხელისგული გადაუსვა, თითქოს მღვდლის აჩრდილს შლიდა: — ისე, დიდხანს ვერ იცოცხლა სოლომონმა!

— ჰო, ერთ თვეში მიიცვალა!

— ბრგე ვაჟკაცი მახსოვს! — გაიღიმა ბიკენტიმ. — ასე უცებ რამ დაადნო, კაცო, გასაკვირია!

გაკვირვებული ბიკენტი კი არა, ბერი აღმოჩნდა. ბიკენტის სიტყვებში გულწრფელობა ჟღერდა. ნუთუ ვერ ხვდებოდა, რომ შვილმა მოკლა მამა. ბერი იარაღი აღმოჩნდა, ქოსა ძღვიბიასა და მისთანების იარაღი. იმათ გაისროლეს, ოლონდ შვილის ხელით. იმ დღეს, როცა მთელი ქალაქი მისცემოდა მხიარულებას, იქნებ მრისხანე ღმერთს ეწადა კიდევ დაესაჯა მერეთი, მოესრა სოდომსა და გომორასავით, მაგრამ სოლომონის სინმინდემ შეაჩერა უფლის მსახვრალი ხელი... ასე ფიქრობდა სამსახოვანი ბერი ზაქარაია, რომლის არსში ერთად შეზავებულიყო იუდას სული, უფლის შიში და კომკავშირული რწმენა... ყოველივე ამას ვერ ხვდებოდა ბიკენტი თოლორაია. არც ის იცოდა შინსახკომის უფროსმა, რომ სეკრეტერის უჯრაში ბერის უდევს ქალაქის დასტა, რომელიც ახალ პალიმფსესტად გადაიქცევა... „მე მას პარტიულ ამხანაგად და მისთა საქმეთა თანამონაწილედ მივაჩნივარ!“ — გაიფიქრა ბერიმ.

— პალიმფსესტს დროებით შეეშვი! — ბიკენტის რჩევას ბრძანების კილო დაჰკრავდა. — ხომ ხედავ, რანაირი ჟამი

დაგვიდგა. კლასობრივი ბრძოლა მწვავედება, მტერი ყოველი მხრიდან გვიტყვის, ნაძირალების ხროვა ყველაფერს კადრულობს. არ დაგიმალავ და პირადად მეც მეცხება ჩირქი. სამშობლოს გამყიდველებმა იქ, კორდონს მიღმა ცილისმწამლებური პასკვილი შეითხნეს, ძველ ბოლშევიკებს თავზე ლაფს ასხამენ. კარგი იქნება, ღირსეულ პასუხს თუ გაცემთ! აი, ჩვენი ქალაქის, მერეთის უახლესი ისტორია რომ დაგვანერინა, ჰა... ახალგაზრდები ნაიკითხავენ, მტყუანსა და მართალს გარჩევენ... — ბიკენტი წინ გადმოიხარა, კილოში თხოვნა გაურია, თითქოს ეპირფერებოდა კიდევ: — ხომ იცი, ვისი შვილიცა ვარ, საიდან მოვდივარ! სიმართლის გამრუდებას არავის ვაპატიებ!

ესეც ასე!.. ყველაფერი გაირკვა!.. ხოტბა უნდა შევასხათ ქოსა ძღვიბიასა და მის თანამებრძოლებს!.. თანაც სიმართლეო!.. ვინ იცის სიმართლე?.. სიმართლე თუ ისეთი ლამაზი ვერ აღმოჩნდა, ვინ დართავს ნებას ქეშმარიტების გაცხადებისა? — ბერი გულუბრყვილოდ ვერ მოტყუვდება...

— მასალა მუზეუმშიც ბევრია ალბათ, — ხმადაბლა დაურთო ბიკენტომ, — საჭიროების შემთხვევაში, ჩვენს არქივშიც გამოუშავებ. ცოცხალი მონმეებიც ხომ გვყავს ჯერჯერობით, ეგერ ეფრო თოდუა და ცაცანა კვარაცხელია გვეყოფა, მაგალითად...

ბიკენტი თოლორაიას ლამაზ თვალეში ცივი მოლოდინი ჩადგა...

## 6

ცა უღრუბლოა, მაგრამ მზის მცხუნვარება შენელდა და ჩრდილს არავინ ეძებს.

ცაცანას თავისი ჯორკო მზის გულზე, ტრიფოლიატთან გამოუტანია. თვალი ელულება. ხელი წითელყდიან, სქელ წიგნზე უდევს, შიგ სათვალე გაუკვებია და საჩვენებელი თითი ჩაუტანებია. გაცრეცილი, ჭრელი ხალათი აცვია, გვიანი შემოდგომის სიმბოლოსა ჰგავს.

ეფროს ჭასთან სარეცხი დაურეცხია, ახლა აღანლალებს, წურავს და ეზოს გარდიგარდმო გაჭიმულ თოკზე აფენს. ხანდა-

ხან შორიდან თვალმოჭუტული შეხედავს, შეამონმებს, წესრიგი თუა დაცული, ზენარი ზენართან უნდა ეკიდოს, ბალიშისპირი — ბალიშისპირთან და ასე შემდეგ... ტანზე თალხი აცვია, სატინის შავი მანდილით შეუკრავს ქალარა. ეტყობა, მის ბებრულ ძვლებს მზის შესუსტებული სითბო უკვე ვეღარ ათბობს.

— მობრძანდით, ბატონო! — გამოფხიზლდება ცაცანა, წამოდგომა ეზარება და ვითომც ჯორკოს ვეყრდნობიო, ხელიგულს ებჯინება, წინ გადმოიწევა, ოღონდ ამაზე მეტად ღონეს არ ხარჯავს, — მობრძანდით, ამხანაგო ბერი!

— სალამი, თქვენი ჭირიმე! — ეფრო ჩერდება, მერე — ბოდიშით, — ნუ გამინყრებით, ახლავე საქმეს მოვრჩები!

— გამარჯობა, ძია ბერი! — მართალი ჭიშკრის ჭრიალმა გამოახედა და კიბეზე ჩამორბის.

— ბრძანდებოდეთ, ბრძანდებოდეთ! — ხელებს ასავსავებს ბერი, ცაცანას წამოდგომას უშლის. — როგორ გიკითხოთ, ქალბატონო ეფრო! — დედაბერს მოიკითხავს და მართალის მიუბრუნდება: — შენს გაზრდას, ტაბურეტი გამოაყოლე ხელს!

უკვე მერამდენე დღეა ბერი ზაქარაია თოდუების სტუმარია. მოვა, ტაბურეტზე ჩამოჯდება, მუხლზე რვეულს გადაშლის, ფანქარს მოიმარჯვებს და დედაბრებს უსმენს... ყველაფერი აინტერესებს ბერის: რა, როგორ, როდის? მუზეუმის ბიბლიოთეკის ძველი გაზეთებისა და ბროშურების სიტყვებს ნაცრისფერი დასდებია, იქიდან სიცოცხლე გამქრალა... არქივში ჩაყვითლებულ ქალაღებს გულგრილობა და სისასტიკე ახლავს... დედაბრების გულუბრყვილო ტიტინი კი ისტორიადქცეულ წარსულს ფერებით ავსებს... ბერი ზაქარაია მარცვალმარცვალ კრეფს სიტყვებს და ამით ცდილობს სიმართლის შენობა ააგოს...

„სიმართლე?.. რა არის სიმართლე? — ეჭვი აწვალებს ბერის, — საიდან იწყება ათვლის წერტილი?“

გაზეთის ნაცრისფერი სიტყვები, არქივის საბუთების ყვითელი სიტყვები, დედაბრების ვარდისფერი და შინდისფერი სიტყვები, ბერი ზაქარაიას ხან შავი, ხანაც ლურჯი სიტყვები... რას ნიშნავს „სიტყვები“?



სიტყვები... სიტყვები... სიტყვები... მერეთის ორლობებში ნიავი დაფაჩუნობდა, თან დაჰქონდა უცნაური, მანამდე გაუგონარი სიტყვები — თავისუფლება... თანასწორობა... ავტონომია... ჩვენ საქართველო ვართ!.. ჩვენ გუბერნია არა ვართ!.. ჩვენ სამშობლო გვაქვს!.. ჩვენ სამშობლო არა გვაქვს!.. ჩვენ პროლეტარები ვართ, ჩვენი სამშობლოა მთელი დედამიწა!.. სიტყვები... სიტყვები, ჩუმ ნიავს ორლობებში რომ დაჰქონდა, ყოველ ჯარგვალსა და ოდაში აღწევდა, სულს ამღვრევდა, აფორიაქებდა... ხალხი მოედნებსა და ბულვარებში გაჰყავდა... პირველი თავყრილობები... პირველი ტალღა რევოლუციისა... პირველი დემონსტრაციები... გაფიცვები... გიმნაზისტებისა და სემინარისტების ამბოხი... საპოლიციო უბნების რბევა... ტალღა ტალღას აჰყვა, ტალღა ტალღას მიეხალა... ცაცანა ჩაითრია ადამიანთა მორევმა, ეფროც ჩაითრია, ხან აქეთ მიაგდო, ხან — იქით... „აჰ, ბოდიში, ცირა, მგონი ფეხზე დაგაბიჯეთ!“ „უკაცრათ, პატონი!“ „ნამეტანი ხომ არ შეგანუხეთ, ქალიშვილო?“ „პირიქით, პატონი!“ — ბრბომ ცაცანა გერას მიაჭეჭყა, ეფრო — ნესტორს... ქოსა ძღვიბია ამ დროს ღვინის კასრზე იდგა, ცხელ და მძულვარე სიტყვებს ისროდა: „ძმებო! ჩვენ ჩაგრულნი ვართ! ჩვენ დასაკარგი არაფერი გვაქვს, ბორკილების გარდა! ჩვენი სამშობლოა მთელი დედამიწა, ჩვენი ერია ყველა დაჩაგრული და უპოვარი!.. წინ, ძმებო, დავანგრიოთ ასპიტა ეს ბუდე!“

ენა უჭრიდა ქოსა ძღვიბიას და მერეთში პირველად მან თქვა სიტყვა, მერეთში წითელი დროშა პირველად გერა კვარაცხელიამ ააფრიალა, მერეთში პირველად ტყვია ნესტორ თოდუამ გაისროლა...

— სამივე კაი ვაჟკაცი იყო! — ცაცანას თვალეები გაუბრწყინდა. — ძღვიბი ტანმორჩილი, მაგრამ ვერცხლისწყალივით მოუსვენარი მახსოვს... ნესტორსა და გერას თვალს ვერ აანვდენდი. ნესტორი ფიცხი, გერა — მშვიდი... გაბრაზებული არ მახსოვს... ჯარობაზე იჭიდავეს, ღონე მოუსინჯეს ერთი-მეორეს...

პარასკეობით, ბაზრობაზე, მინდვრის კიდეზე ტაშფანდური იმართებოდა. გოგონები ციდან ვარსკვლავებს წყვეტდ-

ნენ, ბიჭები ბედაურებსა ჰგავდნენ... ჭკუაცეცტნი ცეკვათამაშით ერთობოდნენ, ღონივრებს საჭიდაოსაკენ მიუწევდათ გული. მძლავრი ტორები გადააჭდეს ნესტორმა და გერამ, იჯაჯგურეს, იბუქნავეს — ვერც ერთმა გადასძალა, ვერც მეორემ. კუტკალისავით დახტოდა ქოსა ძღვიბია, ხელში წკნელი ეჭირა, მაყურებლებს ფეხებში უჟაპუნებდა. „დაიხიეთ, დაიხიეთ, წრე, წრე!“ — ქალური ხმით გაჰკიოდა... ცოტათი კოჭლობდა ქოსა ძღვიბია და იმიტომაც დახტოდა, ნაკლი რომ დაემალა...

გოგობმა, ეს რა დათვები დაბაჯბაჯებენო, კისკისი მორთეს... ცაცანა აჭახჭახდა სხვაზე მეტად; ეფრო ხითხითებდა, ტურებზე ხელისგულს იფარებდა, ვარდივით გადაფიჩინდა ჩათა — ქოსა ძღვიბიას რჩეული...

თვალეები განგან წაილო ქოსამ და გოგობებს ჩასჩურჩულა:

— აბა, ძღვიბეფი, შენც ეფრო და შენც ცაცანა, გაიქეციო შინ და მშობლებს მოახსენეთ, ხვალ ჩვენს სათხოვნელად გერა და ნესტორი მოვლენთქო!

მერე ჩათას წინ დატრიალდა, მაიმუნივით დაიმანჭა, ააკისკისა და საცეკვაოდ გაიტაცა.

ეფრომ და ცაცანამ ერთმანეთს გადახედეს, გაიბუსნენ, დაფრთხნენ. ასეთი ხუმრობა გაგონილა?

— მეორე დღეს მართლაც მოგვაკითხეს, ძა! — ახლაც გაოცებით იგონებს ცაცანა, — აკი ხუმრობა გვეგონა! ის ღამე ეფროსთან გავათიე და დილამდე ბჭობა გვექონდა, იქნებ არც ხუმრობენ და მოვლენთქო... ისიც ვერ გაგვეჩიხა, რომელი რომელს გვთხოულობდა. მე უფრო გერა მომწონდა, ეფროს — ნესტორი... ასეც მოხდა!

გერა კვარაცხელია მორცხვი კაცი ყოფილა. ეტლში ხმაგაკმენდილი იჯდა. შინ, საკუთარ ჯარგვალს რომ მიაღწიეს, გაუბედავი ადამიანების ჩვეულებისამებრ, ზედმეტად გაისარჯა, პატარძალს მინაზე ფეხი არ დააკარებინა, ხელში აიტაცა და ეს თეთრი პეპელა თავის გამჭვარტლულ ჯარგვალში შეიყვანა. ძირს დაშვება ველარ გაბედა და კერიასთან ჯორივით გაჩერდა. ცაცანას სიცილი აუტყდა, ცხვირი კაცის კისერში ჩარგო და მოუღიჭინა...

— ეფრობები, შენ ხომ მთლად ფიორა ჩიტვიით იქნებოდი?  
— იკითხა მართალიმ.

უფროსებს გაეცინათ.

— ხელებზე აყვანისა რა მოგახსენოთ, — ეფროს დამჭკ-  
ნარ ბაგეებზე ღიმილი მიიჭუჭკა, — ნესტორი ისე მიაბიჯებდა,  
ვერაფრით მივენიე. არიქა, გამექცევამეთქი და თავი მოვიკა-  
ლი. ეს ოდა ხომ მაშინ ძირს იდგა, ორსაფეხურიანი კიბელა  
ჰქონდა. ნესტორს საფეხურებისათვის ფეხი არ დაუკარებია,  
დირეს ისე გადაალაჯა, ჯორკოზე ჩამოჯდა, ჩექმები ნაიძრო  
და მიბრძანა: ფეხის წყალი მომირბენინე, შურიგე!

— ტყუი, ტყუი! — ქოქოლა დააყარა ცაცანამ.

— შენ კი სულ სიმართლე ჩამოკაკლე! — უბოროტოდ შეე-  
პასუხა ეფროს.

— ყველანი აქ ვიკრიბებოდით, ეფროსთან! — მოგონებე-  
ბით გათბა ცაცანა, — გვიან ღამემდე კამათობდნენ კაცები.  
ძღვიბი თოლორაია ქალივით გაჰკიოდა, მარქსი და მარქსიზმიო,  
პროლეტარი და პროლეტარიატიო... მაშინ ხომ ახალი სიტყვები  
იყო, ყური შეჩვეული არა გვექონდა და გვეუცხოებოდა. ნესტორ-  
იც ასე იძახდა, მარქსი და პროლეტარიო; გერაც, ოლონდ დინ-  
ჯად და უფალ ღმერთს დააყოლებდა!.. მიკვირდა, ყველანი  
ერთსა და იმავეს თუ ლაპარაკობენ, საკამათო რა აქვთმეთქი...  
წერაკითხვის უცოდინრები ვიყავით მე და ეფროს...

— შენ მაშინაც ჭკუის კოლოფი იყავი! — შეაწია ეფროს.

— ყველანი ერთად ვიყავით! — ცაცანას ხმას სევდა შე-  
ეპარა, ეფროს შენიშვნას წაუყრუა. — თითქოს ვერაფერი  
გაგვეყრდა. მე მართა მენვინა აკვანში, ეფროს — ტატაჩი, ჩა-  
თას — ბიკენტი!

— ვინ იფიქრებდა, ქალს თუ იშოვიდა! — დააგდო უცებ ეფროს.

— რატომ? — ცაცანას ეფროს ქილიკი არ მოეწონა. —  
ჩათას მზე და მთვარე ამოსდიოდა ქმარზე, ოლონდ უხანე  
ყოფილა ის საცოდავი. ყველას აჯობა ძღვიბი თოლორაიამ  
ჭკუით, ისეთი ძალა იშოვა, ძღვიბის დაძახებასაც ვერ უბე-  
დავდნენ, შინაურები „ბიკენტის მამაო“ იტყოდნენ, შორებლე-  
ბი „ამხანაგო თოლორაიაო!“

— „ბიკენტის მამა“, — ჩაიხიბნითა ეფროს, — საკუთარი  
სახელი დაკარგა კაცმა.

საშიში ქალი იყო ეს ეფროს, არაფერს ერიდებოდა... ბერი  
ზაქარაიამ ქალის სიტყვები ვითომც ვერ გაიგო, უბის წიგნაკი  
დაკეცა და შეინახა...

წინა დღეს ბერი ზაქარაიამ ადგილობრივი გაზეთის „მე-  
ბრძოლი სტალინელის“ რედაქციის თხოვნით ორგვერდიანი  
წერილი გააშანშალა. ასეთ წერილებს ადრეც უკვეთავდნენ  
ხოლმე. დიდი ტვინის წყლელთა ამას არ სჭირდებოდა, რადგან  
ტრაფარეტულ, მზამზარეულ ფრაზებს თავს მაინც ვერ დააღ-  
წევდა. ერთგვარი ზიზღის გრძნობით ასრულებდა დავალებ-  
ბას, რადგან კარგად იცოდა, ამ სიტყვებში ჭეშმარიტების  
ნატამალიც არსად მოიძიებოდა. ჭეშმარიტება სისხლიანი და  
სასტიკი იყო. სიმართლის სინათლე სულს განწმენდს ხოლმე,  
ოლონდ ამის უფლება ბერის არ ჰქონდა და სიცრუის ჭუჭყი სულში  
ელექებოდა... ამჯერადაც წერილის შინაარსი, ოქტომბრის  
ოცდამეათე წლისთავს რომ უძღვნა, მერეთელ რევოლუცი-  
ონერებს ეხებოდა. სამი ვაჟკაცის — გერა კვარაცხელიას, ძღვი-  
ბი თოლორაიას და ნესტორ თოდუას თავგადასავლები ოქროს  
ვარაყში უნდა ჩაესვა, ყოველნაირად შეელამაზებინა, მნიკვლი  
თუ რამ ეცხო, ჩამოერეცხა... ეს მატყუარა წერილები, თამაშის  
კანონით შეთხზულნი, ათვლის ცრუ წერტილიდან დანახული  
სამყაროს ფანტასტიკურ განზომილებას იძლეოდნენ... რატომ  
ვაკეთებ ამას? — ფიქრობდა ბერი, — ხომ შემიძლია უარი ვთქ-  
ვა?.. არა მაქვს, ამხანაგებო, წერის ნიჭი და ნურც მიკვეთავთ.  
სხვაც ბევრია ისეთი, კალამს საითაც გინდათ, გააჭენებს...

ფიქრობდა ასე, მაგრამ იცოდა, ვერასოდეს გაბედავდა ამ  
სატყვევის ხმამაღლა წარმოთქმას.

„რისი უნდა მეშინოდეს მე, ბერი ზაქარაიას?.. რისი ეშინია  
ადამიანს საერთოდ?.. ვითომ ლაჩარია და იმიტომ?.. უშიშარი

კაცი იყო მამაჩემი, სოლომონ ზაქარაია. ერთი რამისა ეშინოდა მხოლოდ — შერცხვენისა და ამას ვერ ასცდა... შიში ჩვენს სულში იმთავითვე ჩაბუდებულია. თავისუფლება, ალბათ, შიშისაგან განთავისუფლებაა. ამ გაგებით ჩვენ არასოდეს ვყოფილვართ თავისუფალნი. რევოლუციაც იმიტომ მოხდა, თავისუფლება მოგვეპოვებინა, მაგრამ მაუზერის თავისუფლებამ სულის თავისუფლება აკვანშივე ჩაკლა და თავისუფლების წილ დაგვრჩა შიში... უფლის წინაშე დავიფიცებ, რომ სიკვდილისა არ მეშინია. მამ, რატომ მეშინია, რომ ეს უბრალო, არცთუ უჩვეულო სიტყვები ჩვეულებრივი მელნით ჩვეულებრივ ქალაქდზე ჩავინერო. ბოლოს და ბოლოს სიკვდილზე უარესი ვის რა დამართნია?”

„მებრძოლი სტალინელისათვის“ დანერილ წერილს დახედდა. სათაური ტრაფარეტულია, სტილი კანცელარული, ქალაქდის ვირთხის დანერილი. მისწვდა, უნდოდა გადაეფხრინა, მაგრამ გონს მოეგო, განზე გადადო. დიახ, ხვალ რედაქციაში გაგზავნის, გაზეთის პირველ გვერდზე დაბეჭდავენ. გვარს არ მოაწერენ, სარედაქციო წერილად გაასაღებენ. კითხვით მაინც არავინ კითხულობს მსგავს წერილებს...

ბერიმ ქალაქდების სულ სხვა დასტა მოსწია. ზედ ლამაზი კალიგრაფიით გამოიყვანა: „რევოლუციის 30 წელი“. ჩაფიქრდა და ჩამოწერა: „1. გერა კვარაცხელია, 2. ძღვიბი თოლორია, 3. ნესტორ თოდუა“, და კიდევ, ქვევით — „დასაწყისი“.

სანამ ბოლო სიტყვას დანერდა, პირველი უკვე გაქრა, ბერი კი, ღამეს შეფარებული, თავის ოთახში განმარტოებული, შიშისაგან განთავისუფლებული შეუდგა აღწერას გერა კვარაცხელიას შიშისა... მრავალი წლის შემდეგ მართალი თოდუა ეტყვის ბერი ზაქარაიას: ძია ბერი, ის შიში ჩემშიც ცოცხლობს. დაბადებული არც ვიყავი, უფლის განაწესშილა ვენერე, მაგრამ ჩემი მომავალი არსებობის ხაზი ნესტორისა და გერას, ეფროსა და ცაცანას ცხოვრებაზე უნდა გასულიყო, იმთავითვე თანამონაწილე ვიყავი მათი სილაჩრისა და გამირობისა, მარცხისა და გამარჯვებისა...”

ოქტომბრის იმ დღეს — ეს მოხდა 1906 წელს — გერა კვარაცხელიამ სასახლის ქუჩაზე სიკვდილის ცივი სუნთქვა იგრძნო და სიცოცხლეში პირველად მძიმე გამოცდას ვერ გაუძლო. აზრი თითქოს გამოეთიშა, ძალა ფეხებს მიეცა. იმდენად მოულოდნელი, იმდენად დაუჯერებელი რამ ხდებოდა, მისი სხეული თავისთავად ესწრაფვოდა გადარჩენას... ყველაფერი აირია, ყველაფერი ყირაზე დადგა და გერას მესხიერებას შერჩა მხოლოდ ფრაგმენტები — გაათრეული, გიჟური სახეები კაზაკებისა, შიშველი ხმლები, ცხენების ოფლიანი, მოღრეცილი კისრები, გაშლილი ფაფარი და ძუა, ქაფიანი, ყვითელი კბილები... ძირს დაცემული ქალი, ბრბოსაგან გათელილი — ვერავინ იცლიდა ხელის შესაშველებლად... თოფების ჭახაჭუხი და ზრიალი... ზრიალი... ხმაურისაგან თავი უსკდებოდა გერას, შიგ ტვინში გუგუნებდა რალაც უსაშველო და გაუგებარი... ყურში ისევ და ისევ ჩაესმოდა მჭახე და უხეში — „Шапкы долой!“ სროლა, წივილიკვილი, გნისასი... გარბოდა გერა და სიკვდილის შიშს ცნობიერებიდან ამოეშანთა ყოველივე დანარჩენი. თავზევით გრძნობდა სისხლიან ხმაღს, ზურგში შაშხანის ხიშტი ებჯინებოდა თითქოს, მისთვის გასროლილი ტყვია ენეოდა და იმასაც გაურბოდა... გარბოდა პროსპექტზე და დავინყებოდა, რომ არსებობს ეშმაკი, სულის წილ სიცოცხლეს რომ გაჩუქებს, და არსებობს ღმერთი, თავდადების წილ უკვდავებას რომ გაზიარებს... არჩევანის შესაძლებლობა დავინყებოდა...

„სამხედრო სობორის“ თეთრი კედლები... გიმნაზიის ნაცრისფერი შენობა... გიმნაზიელთა ტალღა, გერა კვარაცხელია რომ შენობაში შეიტანა... კიბე... სართულები... ისევ კიბე... აღმა... დაღმა... იყო უამრავი კარი, მაგრამ დასამალი ადგილი ვერსად იპოვა... ფანჯრებში შუშის მსხვრევის ხმა... ჩექმების ბრაგაბრუგი პარკეტზე, ყმანვილთა დამფრთხალი თვალები თითქოს ნისლში მიცურავენო და კაზაკები: ლურჯი თვალები, ქერა უღვაშები, სიკვდილის ბანგი, სისხლის ყაყაჩოები... ეგონა გერას, რომ მხოლოდ მას მისდევდა სიკვდილი, მხოლოდ ის აელო მი-

ზანში... ამიტომაც ვერ გაეგო, რატომ ეყარა ძირს გვამები, რატომ დიოდა სისხლი, გოდებით რატომ იყო ჰაერი სავსე... დერეფანში მოუხვია... კვლავ კიბე!.. ზევით თუ ქვევით, აქეთ თუ იქით?... საფეხურებზე ჩაირბინა, კარი იპოვა, პატარა საკანინი... იქ ჩვრებსა და ცოცხებში ჩაიმალა... ხმაურმა შორს გადაინაცვლა, თითქოს შენელდა, ჩაიხშო... ალბათ ბამბის კედლები ჰქონდა საკანს, ამიტომაც ვერ აღწევდა გარე ხმები, ანდა გერას გულის ბაგაბუგი ფარავდა ყველა დანარჩენ ხმას.

ზის გერა ბნელში, ცდილობს სუნთქვა დაიოკოს, ცდილობს გაქრეს, კედელში გაუჩინარდეს...

ჩქარი და მსუბუქი ფეხის ხმა ისმის, ვილაცა მორბის, კართან წრიალებს, ალებს, შემოდის, იქვე ჩაცუცქდება, ბავშვურად სლუკუნებს...

უცებ კარი გასკდა, ტალღასავით შემოვარდა ღრიანცელი, ყვირილი, ღმუილი...

— აგერ, აგერ მიმალულა!

და შეშინებული, ტირილიანი ხმა:

— ძია, არ მომკლათ, არ მომკლათ, რა!

გერას შეაცვივა... წამოდგა... პარკიდან ჭია რომ გამოძვრება, ისე გამოძვრა თავისი ლაჩარი, უმაქნისი გვამიდან... „უფალო, მომეც ძალა!“ — პირფვარი გადაიწერა და კუთხიდან გამოაბიჯა.

სირცხვილის გრძნობას შიში გამოეხვეტა. მიხვდა, არაფრად უღირდა სიცოცხლე, მიხვდა, ამ წუთამდე მონა იყო, ამიერ კი — თავისუფალი... იგი სხვა კაცი გახდა, მაგრამ ამ სხვა კაცს თავისი მხრებით უნდა ეზიდა წინა გერა კვარაცხელიას უსაზღვრო დანაშაული.

გამოვიდა გერა სამალავიდან, კარი ფართოდ გააღო, სინათლე შემოუშვა. იქვე, საკნის ზღურბლთან სისხლისაგან დაცლილი გიმნაზიელი ეგდო. ძირს დაეშვა, ცივ შუბლზე ხელისგული დაადო, პირისახეზე ჩამოუშვა, ღიად დარჩენილი თვალები დაუხუჭა.

მალლა აიხედა და უფალს შესთხოვა:

— ღმერთო, რომელი ხარ ცათა შინა, მიიბარე უმანკო კრავის სული!

ადგა და წამოვიდა. დერეფნებში კვლავ ჩორჩოლი იდგა. ზედაც არავინ უყურებდა უცხო მავალს. ძალაუფლებით მთვრალნი მიეზიდებოდნენ, რისი წაღებაც შეიძლებოდა. ბალიშიდან ამოცვენილი ბუმბული ფარფატებდა ჰაერში, ძირს ეფინებოდა და ნასისხლარს ეკრობოდა.

— Пошел вон! — შეუბღვირა ვილაცამ და გარეთ უბიძგა.

გოლოვინის პროსპექტი ნაომარ ველსა ჰგავდა.

პროსპექტს მიღმა, „სობორის“ გუმბათზე ჯვარი ბრწყინავდა და მის სხივთა ანარეკლში უფლის ხატება მოელანდა.

— შემინდე, უფალო, ცოდვილს! — ღალადყო გერა კვარაცხელიამ...

ასე ყვებოდა ამ ამბავს ეფრო, მკაცრად და შეუვალად მოკუმავდა თხელ, დამჭკნარ ბაგეებს, თვალებში აშტერდებოდა მართალის და ბერი ზაქარაიას.

— იცოდეთ, შვილებო, ადამიანი სუსტია, ყველაზე ძალგულოვანი კაციც ვერ ვაჟკაცობს ყოველთვის, ნუ გიკვირთ სხვათა სისუსტე!

ვის გაუკვირდებოდა? ან კაცთა სისუსტე, ან ვაჟკაცური სიქველე!

— ტყუილია, ტყუილია! — ცხარობდა ცაცანა. — ჩემი გერა ორჯერაც არ წასულა თბილისში, გოლოვინის პროსპექტზე რა უნდოდა?... სწორედ მაშინ ააფრიალა მაცხოვრისგორის ტაძრის გუმბათზე წითელი დროშა...

— ეს მაისობაზე იყო, ნახევარი წლის შემდეგ! — შეუსწორა ეფრომ.

— მერეთში სულ პირველად საპირველმაისო ალამი ბაბუა გერამ აღმართა, — თავმომწონედ თქვა მართალიმ, — ნესტორ ბაბუა ეხმარებოდა და ძღვიბი თოლორაიაც!

იმ დროს სამივენი — გერა, ნესტორი და ქოსა ძღვიბია განუყრელი ძმებავით იყვნენ და სწამდათ კიდეც, ჩვენი ძმობა მარადი და ურღვევი იქნებო.



— ჰე, ბიჭო, გერას კლავენ მგონია! — გადმოსძახა მეზობელმა ქოსა ძღვიბიას.

კლავენო? ქოსა ძღვიბიამ სამალავიდან ჩვარში გახვეული მაუზერი ამოიღო, ტყვიებით დატენა და მაცხოვრისგორისკენ გაიქცა.

— ნესტორ, გესმის, კაცო, გერას კლავენო! — იკივლა ეფრომ.

ნესტორი წუთის წინ მიუჯდა სუფრას წასახემსებლად. ლუკმა უმალ დააგდო და, აბა, თოფიო.

ეფრომ თავისი ხელით გამოურბენინა თოფი და სატყვიანამლე.

ხიდთან რომ ორი ძირი კაკალი დგას, უტუ თოდუას, მართალიად წოდებულის, დარგული, აი, იქ შეხვდნენ ერთმანეთს ნესტორი და ქოსა ძღვიბია.

— გაიგე?

— ჰო, გავიგე!

კაკლების ჩრდილში მუდამდღე მოქალაქეები იყრიდნენ თავს. ახლაც ბლომად იდგნენ და მუსაიფით ერთობოდნენ. ამათ თვალს რა დაემალებოდა და შეხეთ, მთავრობასთან საომრად მიდიანო, ერთმანეთს გადაუჩურჩულეს.

— ამ გზით გაიარეს? — იკითხა ნესტორმა.

— ჰო, ამ გზით წავიდნენ! — გაუბედავად შეეპასუხა ვილაცა.

— აბა, თქვენ იცით, ბიჭებო! — მიაძახა მეორემ.

ორიოდე საათით ადრე გერა კვარაცხელიამ წითელი დროშა დაკეცა, უბეში ჩაიღო და ცაცანას დაუბარა:

— მაგ წიგნებს რომ დააცანცარებ, ოსურპატონი, საქმის დროა უკვე!

ქალაქში უჩვეულო არაფერი ხდებოდა იმ დღეს. მერეთელებს არაფერი სმენოდათ მაისობაზე. ეგ იყო, რაღაც ცნობები აღწევდა თბილისიდან, იმპერიის ახლო და შორეული გუბერნიებიდან. მაზრის ხელმძღვანელობამ მანამდე ცქვიტა ყური, სანამ თანამოქალაქენი ძილბურანში ნებავრობდნენ. მაისობის ხსენებაც კი იმპერიის ბალავრის რღვევად მიიჩნია და ქუჩებში ჩაფრები და ცხენოსანი კაზაკები გამოიყვანა. საქმე

ამათ არაფერი ჰქონდათ, ჩუმჩუმა ღვინის სარდაფებში ჩაიკარგებოდნენ და მთხლენარევე ღვინოს პირში ისხამდნენ...

მთავრის სასახლესთან რომ კარის ეკლესიაა, იქ შეიარა გერამ, სანთელი დაუნთო გიმნაზიელის უბინო სულს, ჩუმად ილოცა და ეზოში რომ გამობრუნდა, მზემ თვალეში მოაბარჩხალა, თითქოს ღმერთის მზერას შეეფეთაო, წამით დაბრმავდა.

ხალხმრავალი ბულვარი გადაჭრა, კაკლის ხეებთან ჩაიარა, ნაცნობებს მიესალმა და ჩხერიას ხიდი გადაკვეთა. ამ დროს უკვე ქვის ხიდი იყო ჩხერიაზე გადებული, ორი ურემი ერთმანეთს გვერდს რომ აუვლიდა, ისეთი.

მთისძირი ტყიანი იყო, ჭრელი, შერეული ტყე მიჯრით იდგა. ოლონდ რაც უფრო უახლოვდებოდა გორაკს, მით უფრო დაბლდებოდა, თითქოს მაცხოვრისგორის წინაშე თავს მალლა ველარა სწევსო. ფერდობი დაბალ ტყეებუჩქნარს შეემოსა, უფრორე ბზას.

აღმართის დასაწყისს ვილაც ღვთისნიერს ქვითკირის ცხრა საფეხური ჩაუდულაბებია მტკიცედ. ვინ იცის, ვინ და როდის მოინდომა მაცხოვრისგორაზე კიბის აყვანა. ალბათ სახსარი არ ეყო, ან ღონე, ან სიცოცხლე... დარჩა ცხრა საფეხური — გერა ყოველ ასვლაზე ითვლიდა — რვა სალი და მეცხრე — ჟამისაგან მორღვეული...

შედგა ფეხი პირველ საფეხურზე გერა კვარაცხელიამ, აიხედა და მეცხრე, მორღვეულ საფეხურზე ყმანვილი იხილა. გიმნაზისტის ფორმა ეცვა, გაბუტული, დაჭორფლილი, თეთრი პირისახე ჰქონდა, ბავშვურად ნორჩი და გულუბრყვილო გამოხედვა.

„მომღვეენ?“ — იკითხა გიმნაზიელმა.

გერამ იცნო ყმანვილი, სირცხვილი შეუბრუნდა, შეახურა.

„მაპატიე, შევრცხვი ყაძახი! — შესთხოვა, — შიშმა წამართვა ღონე, ველარ გიშველე!“

„ყოველივე ღვთის ნებაა!“ — ყმანვილმა მარჯვენა შემართა და გერამ თვალს არ დაუჯერა — გიმნაზიელის ხელში ის წითელი დროშა აფრიალდა, აქამდე უბეში რომ ეგულებოდა.

„სასწაულია პირდაპირ!“ — გაიფიქრა.

გიმნაზიელი შებრუნდა, ნაბილიკარს აჰყვა. ისე მიაბიჯებდა, მინას ფეხს არ აკარებსო, წითელი დროშა მალლა ეჭირა, თავზევით მიაფრიალებდა.

გერა მიედევნა. ციცაბოზე ფეხის მოკიდება უჭირდა, ხანდახან ბზის ტოტს შეავლებდა ხელს და ეს უადვილებდა გზას.

მზემ დროშას სხივები მიაფინა, ააგიზგიზა, ცეცხლი წაუკიდა.

„ეს რა ხდება? — ფიქრობდა გერა, — ბიჭი ხომ კაზაკებმა მოკლეს! ჩემი თვალით დავინახე, აი, ამ ხელით დავუხუჭე თვალები!“

პირფარევი გადაიწერა კაცმა, ხვდებოდა, რომ საშიშ გზას შესდგომოდა, მაგრამ მზად იყო თავგანწირვისათვის, ოღონდ მძიმე ცოდვა გამოესყიდა.

ნახევარი გზა გავლილი ჰქონდა, როდესაც მოიხედა. ჩხერიის ხიდს გამოლმა, ორღობეში, მხედრები შედგნენ. აქეთკენ იყურებოდნენ, ალბათ ცდილობდნენ გაერკვიათ, ასე წითლად რა ღვიოდა მაცხოვრისგორის მწვანე ფერდობზე. მერე ცხენები დაძრეს და გამოეშურნენ.

„იყოს, უფალო, ნება შენი!“

გიმნაზიელი საკმაოდ შორს წასულიყო. კაცი ძლივს ხედავდა ლურჯი ცის ფონზე, თითქოს ღვთის ანგელოზი მიაფარფატებდა წითელ დროშას.

კვლავ მისდია გერამ, მუხლჩაუხრელად იარა მალა და მალა, დაიღალა, სუნთქვა მოუხშირდა.

მხედრები პირველ საფეხურთან ჩამოქვეითდნენ. სამნი იყვნენ, შაშხანები ეჭირათ. გერას კი არავინ იცავდა, უფლისა და წინ გაჭრილი ყმანვილის გარდა. ოღონდ შიში არ აწუხებდა კარგა ხანია, შიშისაგან სამუდამოდ განთავისუფლდა.

მდევერებს გაუჭირდათ, აღმართი იოლი დასაძლევია როდი იყო. „ეჭვი!“ — ატეხეს სტვენაყიფინა, მუქარის სიტყვები გაურიეს. გერამ ყური არ ათხოვა, იმათთვის არ ეცალა, რადგან უსმენდა საკუთარ აჩქარებულ გულისცემას, ხშირ სუნთქვას, დაღლილ სხეულს და ჯიუტ სულს, ამ სხეულზე რომ მბრძანებლობდა.

გაიტკაცუნა, თითქოს კენჭი გასკდაო... მეორეჯერაც გაიტკაცუნა, ტოტი მოსხიპა, ბზას წვრილი ფოთლები დასცვივდა.

„მესვრიან!“ — აუღელვებლად გაიფიქრა. კიდევ ცოტაც და ტყვია ვერ მისწვდებოდა.

გიმნაზიელი უკვე ფერდობის თავზე იდგა. წითელ დროშას მზეზე აფრიალებდა და ალამი ცეცხლივით გიზგიზებდა.

„აჩქარდი, მდევარი მოგენევა!“ — თითქოს მოუხმო.

აჩქარდა გერა, ღონე დალეოდა, გული აღარ უჩერდებოდა საგულეში.

ნაბიჯიც და მაცხოვრისგორის თავზე აღმოჩნდა. ყმანვილი გამქრალიყო, გერა კი მომცრო გალავანთან იდგა.

„გმადლობთ, უფალო!“

გალავანზე გადაძვრა, ეზოში ჩახტა. გედივით ყელმოღერებული იდგა მაცხოვრის ტაძარი. ზე ასვეტილ გუმბათს მალა აეტყორცნა ოქროს ჯვარი.

მუხლებზე დაეცა გერა კვარაცხელია, მიწას შუბლით შეეხო, წითელი ალამი გულში ჩაიხუტა.

— უფალო იესო ქრისტე, ძეო და სიტყვაო ღვთისა ცხოველისაო, შემინყალე მე უღირსი ესე მონა შენი!

ისმინა თითქოს უფალმა, სუნთქვა დაუოკა, ღონე მოუბრუნა.

წამოდგა გერა, პირფარისწერითა და ლოცვის ბუტბუტით შემოუარა ტაძარს, ეზოში ტოტებგაშლილ კაკლის ხეზე გავიდა, იქიდან ნავზე გადაცოცდა, გუმბათიდან ჩამოკიდებულ ჯაჭვს მისწვდა, აჰყვა და წმინდა ჯვრის გვერდით წითელი ალამი აღმართა...

ის იყო, მდევარი მოენია, მაგრამ მდევარს ზურგიდან ნესტორ თოდუა და ძღვიბი თოლორაია მოადგნენ, სულზე მოუსწრეს.

— ჰე, ჰე, ნუ ხუმრობთ, ბიჭებო! — შეუძახა ძღვიბი თოლორაიამ.

მთელი ის დღე — დღე პირველი მაისისა — მაცხოვრისგორის თავზე ფრიალებდა წითელი დროშა და ბრწყინავდა ქრისტეს წმინდა ჯვარი...



„წარსული მუდამ ჩვენს გვერდითაა. ადამიანთა მოდემის ცხოვრება უწყვეტი ჯაჭვია, იგი დროის მდინარეებს წამითაც ვერ გადაახტება, მაგრამ ქრონომეტრიმეხსიერება ყოველთვის თანაბრად ველარ აღნუსხავს. მარადისობის სათვალავში გარდასული ჟამი პუნქტირივითაა მონიშნული... ვის უნდა დავეყრდნობოდი სიმართლის ძიებაში? რანაირად უნდა გამეცოცხლებინა გერასა და ნესტორის, ქოსა ძღვიბიას თავგადასავლები. ისინი ორი დედაბრის — ეფროსა და ცაცანას მესხიერებაში განაგრძობდნენ არსებობას. ჩემს მოგონებებში კი უფერული აჩრდილებივით გაიცრიცნენ. ყველაზე რეალური ხატი მუზეუმის კედლებზე ჩამოკიდებული ფოტოებია. თუმცა ესენი ხომ წამიერი სინამდვილის მხოლოდ და მხოლოდ ასლებია. სიყვითლეგადაკრული, გაუფერულელებული ფოტოები ლეგენდებს აცოცხლებენ... ჩვენ ისტორია არა გვაქვს, ჩვენი წარსული ლეგენდების კრებულია...

მაშინ, პირველი ამბოხის დროს ტყვიას გადაურჩა გერა კვარაცხელია, ტყვიას გადაურჩნენ ნესტორ თოდუა და ძღვიბი თოლორაიაც. ტყვიას კი გადაურჩნენ, მაგრამ სუსხი სასჯელისა სამივეს შეეხო, ამოგლიჯა მერეთის გამოზომილი ცხოვრებიდან, უფრორე კი — ძღვიბი თოლორაია...

\* \* \*

ქოსა ძღვიბიას ჩექმებით შესდგნენ საპოლიციო უბანში, მერე ხელფეხშეკრული დააგდეს ურემზე და ქუთაისის საგუბერნიო ციხის კარამდე სულ ცემატყეპით მიაცილეს. ალბათ თვალში ეპატარავებოდათ. მისი უწვერულვამო, ბავშვური პირისახე დაუცველობის შთაბეჭდილებას აძლიერებდა და ყოველ ვიგინდარას ხელი სილის გასალანუნებლად გაურბოდა — ამანაც თავი როგორ წამოყო, ამ ნეხვის ქიამ რანაირად

გაბედაო, ერთი დამიხედეთ, ესეც რევოლუციას აპირებსო. კაცად არავის ჩაუთვლია ქოსა ძღვიბია, ჩვრად მოეჩვენათ და ზედ ფეხებს აწმენდნენ. აქეთ ქურდებმა გაფცქენეს, იქით პოლიტიკურნიც აღმაცერად უყურებდნენ, აქაოდა ყველა დაჩაგრულის მხარეს კი ვართ, მაგრამ ეს საცოდავი იმდენად დაჩაგრულია, ჩვენს საქმეებში რომ გავრიოთ, სახელი გაგვიტყდებაო.

ციმბირის გზას რომ გაუყენეს, ძღვიბის სასო წარეკვეთა. აქამდე თუ სულში პროტესტი უღვიოდა, თავისთვის მაინც იქადნებოდა, მოიცათ, ჩემი დროც მოვაო, ახლა მიხვდა, მისი დრო არც ისე ახლო იყო, ჯერჯერობით მავანთა და მავანთა ჟამი იდგა და მისი გულის სკდომა და ნალვლის გასიება არავის ანუხებდა.

„სტოლიპინის“ ვაგონში ტევა არ იყო და ქოსა ძღვიბია შიგ რომ შეტენეს, კუპეში თექვსმეტი თავზეხელაღებული პატიმარი ისე ეწყო, როგორც ქაშაყი კასრში — ჰაერი არ ყოფნიდათ, ოფლად იწურებოდნენ.

— ეს ლამაზი საიდან დაგვიხატეს, ამისი დედა ასე და ისე! — ბრაზით დაიბუბუნა ბაყბაყდემა, ხალვათად რომ იჯდა ქვედა მერხზე, ორთავ მხარეს ვინც ესხდნენ, ერთიერთმანეთზე მიეჭყლიტა, წინა მერხის პატრონები თვალეებში პირფერულად შესციცინებდნენ, ზედა ფიცარნაგზე წამოწილილნი კი, გვერდის მონაცვლება რომ უჭირდათ, ხანდახან თავს გადმოჭყოფდნენ და ოფლის წინკლებს გადმოასხურებდნენ...

— ეს ჯღანი გვაკლდა ახლა! — ვერ მშვიდდებოდა ბაყბაყდევი და საცრისოდენა თვალეებით ხვრეტდა ქოსა ძღვიბიას, რომელიც ზურგით გისოსზე მიჭეჭყილიყო და ჯერაც არ იცოდა, ბედი რას უმზადებდა.

ბაყბაყდევი წინ გადმოიხარა, თითი ატაკა (თითი ხომ ქოსას მაჯის სიმსხო მაინც ექნებოდა), იკითხა:

— ვინა ხარ და რას წარმოადგენ?

ძღვიბიმ ხმას რიხი შესძინა:

— პოლიტპატიმარი თოლორაია!

— ჩვარი ხარ, შენ, პოლიტპატიმარო თოლორაია! — და-  
ასკვნა ბაყბაყდემა.

— როგორ გეკადრებათ... — წამოიწყო ძღვიბიმ, მაგრამ  
შარიანმა კაცმა ყური არ ათხოვა მის პროტესტს, აქეთ ჩააჯინდა:

— სიცოცხლე გიყვარს, პოლიტპატიმარო თოლორაია?

ძღვიბის გულმუცელი ამღვრა. შეეცადა შიში არ დაემ-  
ჩნია და ვითომც უდარდელად, ისე თქვა:

— სიცოცხლე ვის არ უყვარს!

— ჰოდა, ჩაჯექი ძირს!

ძღვიბის მუხლები თავისთავად მოუდუნდა, სადაც იდგა,  
იქვე დაეშვა. მიხვდა, მორჩილების ფასად უნდა ეყიდა სიცოცხლე...

ბაყბაყდემა ბათინკებიდან ფეხები ამოიღო, გამოუწოდა  
და კატასავით მოურბილა:

— პოლიტპატიმარო თოლორაია, სახვევი შემხსენი!

სახვევი ოფლის სუნით ყარდა, მაგრამ სხვა რა ჩარა იყო,  
ძღვიბიმ შეუხსნა, თან ხითხითებდა, ვითომცდა მესმის ხუმ-  
რობის ფასიო, ფიქრში კი თავის დამამცირებელს ბარე ხუთ-  
ჯერ გაუყარა დანა მუცელში.

ბაყბაყდემა ფართოდ გაუღიმა. პირისახე ნიჩაბს მიუ-  
გავდა და მისი ღიმილი შემზარავი იყო.

— ჩემი მოკვლა ინატრე, არა?! — ფეხები მუხლებზე და-  
უნყო ქოსას და თითქმის მეგობრულად უთხრა: — ფეხისგუ-  
ლებზე მომფხანე, გუნებაში კი, რაც გინდა, ის იფიქრე, ჩემთ-  
ვის სულ ერთია!

ძღვიბიმ ფეხისგულზე მოფხანა და მწარედ გაიფიქრა: „შე  
საცოდავო, შე მართლაც ქოსავ! ამოდენა იმპერიას უჯანყდე-  
ბი და აგერ, ამ პირუტყვმა დაგიმორჩილა!.. არაფერია! — უმალ  
შეეპასუხა მეორე ძღვიბი, „პოლიტპატიმარ თოლორაიად“  
წოდებული, — მოვა ჩემი დროც, ჩაგრული აღსდგება!“

დერეფანში ჯარისკაცმა გაიარა, გისოსებში შემოიხედა.  
თვალი ზანტად მოაშორა და მონყენით წაიდუღლუნა:

— არ იშლი შენსას, ჩორნა, ხომ?

„ჩორნა! — გაიფიქრა ქოსამ, — მოიცა, მოიცა, ჩემგან  
მოგელის შავი ბედი!“

მატარებლის კვილიმა დაარღვია კუნაპეტი ღამე. ბორბ-  
ლებმა დაგადუგით გადაიარეს ხიდზე, ვაგონი ირწეოდა. ქოსა  
ძღვიბია ჩორნას ფეხისგულებს ფხანდა, თან დაღლილმისა-  
ვათებულს თვლემა ერეოდა.

— მაგარი რევოლუციონერი იყო პოლიტპატიმარი თოლო-  
რაია! — ამაყად ჩაურთო ცაცანამ. — ვაგონში რომ შეჰყავდათ,  
პერონზე მთელი ჯარი იდგა, თავზე არავინ დაგვეცეს და ტყვე  
არ წაგვართვასო. კუპეში მაჯისსიმსხო ჯაჭვით დააბეს, აქე-  
თიქით შაშხანიანი სალდათები ამოუყენეს... აბა, ჩასძინებო-  
დათ, ისე გაქრებოდა, ჩიტი გაფრენილაო...

საკუთარ ხვედრს ვერსად გაუფრინდა ძღვიბი თოლორა-  
ია. მატარებელმა გადაიარა სათათრეთი და ვლადიკავკავი,  
ვოლგისპირეთი და ურალი. დიდხანს მიხობავდა აღმოსავლე-  
თის ვრცელ ტრამალებზე. დაბოლოს, მიაღწია ტაიგის მხარეს.  
ამასობაში ჩამოთოვა და ციმბირული ყინვები დაიჭირა.

ძლივს გადაიტანა ძღვიბიმ ის ყინვები. თოხისა და ენის  
მოქავეების მეტი არაფერი ეხერხებოდა, მაგრამ რად გინდა,  
თოვლში სიმინდს არავინ თესავს, ვერც თავისი საყველპურიო  
რუსულით გადარევედა ქვეყანას... ერთ მიყრუებულ ქალაქში  
დააგდეს და უბრძანეს, აქ იარსებე და გაქცევა არ გაბედოვო.  
რითი ეარსება?.. დადიოდა კარდაკარ ხელებგანვდილი. მისი  
უნვერული სახე დაჭმუჭნილ ჩექმის ყელს დაემსგავსა, დამ-  
ზრალი ფეხებით საგრძნობლად კოჭლობდა, ხმით ხომ კა-  
ტასავით კნაოდა: „პოდაიტე, ხრისტა რადი, ბოჟიემუ ჩელო-  
ვეკუ!“ გუნებაში კი ბოლმისაგან გასიებული ღმერთს ტახტს  
აცლიდა და ქვეყნის დამხობას ნატრობდა... კარტოფილის  
ნაფცქვენითა და კომბოსტოს მწნილით გადაიტანა მკაცრი  
ზამთარი... ზაფხულში ეს დიდი ქვეყანა მწვანე ფერით დამ-  
შვენდა. ოლონდ ძღვიბის ერთი წვალემა მეორეთი შეეცვალა  
— კოლო და ქინქლი აცლიდა სიქას... კბილები რომ ერთმანე-  
თის მიყოლებით დასძვრა, საბოლოოდ მიხვდა, ვილუპებო, და  
გაქცევა სცადა. ასი კილომეტრით გაშორდა მისჯილ ქალაქს,  
როცა ხელი სტაცეს და ასი როზგი დაჰკრეს...

— ხუთჯერ გაიქცა პოლიტპატიმარი თოლორაია, — ყვება  
ცაცანა, თან თითებზე ითვლის, ერთხელ მატარებლითო, ერ-

თხელ დროვითო, ერთხელ ირმის მარხილითო, ცხენითო, ძალ-  
ლის მარხილითო, თხილამურებითო... ჩერდება, ხვდება, რომ  
ანგარიში შეეშალა და თავიდან იწყებს ჩამოთვლას.

ეს იყო ლეგენდა, ზღაპარი... სინამდვილეში რას აკეთებდა  
ათ წელზე მეტ ხანს ძღვიბი თოლორაია?.. რა ისეთი დანაშაული  
ჰქონდა, ამდენ ხანს რომ ვერ მოინანია?.. ალბათ დანაშაულს  
დანაშაული წაამატა... ის ათი წელი ბნელითაა მოცული და ცა-  
ცანას მოყოლილ ზღაპარს თუ არაფრად ჩავთვლით, სამუდა-  
მოდ ნაშლილია კაცთა მეხსიერებიდან...

თვით ძღვიბის სიტყვებიდან ჩანერილი ამბები უკვე რევე-  
ოლუციის გარიჟრაჟს ეხება. ტყუილმართალის დადგენა ისევ  
ძღვიბისა და მისი მეხოტბეების სინდისზე იყოს!

უკანასკნელად სცადა ქოსა ძღვიბიამ გაქცევა. მოწყენი-  
ლობამ გული დაუხრა, სიგიჟე მოერია და გზას თოვლში დაადგა.  
მგლის ხროვა აეკიდა კვალზე. მონადირის სახლი რომ არა, ვერა-  
ფერი გადაარჩენდა. ფაფუკი თოვლი იდო, წელამდე ეფლობოდა  
და ძლივს მიარღვევდა... თალხი, გაცრეცილი ცა დაბლა ჩამო-  
წოლილიყო. თეთრად შესუდრული წინწარი ფერებს უსიხა-  
რულოდ ამუქებდა. სულიერი არსად ჭაჭანებდა და ძღვიბიმ  
შიშისა და დაღლილობისაგან ზმუილი მორთო. ცრემლი ღანვ-  
ზე ეყინებოდა. ხელთათმანს რომ ჩამოისვამდა, კანი ეფხაჭ-  
ნებოდა. ტირილი ღონეს აცლიდა, მხნეობას უკარგავდა, მაგ-  
რამ თავის შეკავება აღარ შეეძლო. მგელი მაშინ ნახა და ძალ-  
ლი ეგონა. გზაზე ჩაცუცქულიყო და აზრიანი თვალეებით შემო-  
ხედა, თითქოს ეუბნებოდა, ტყუილუბრალოდ რას ნვალობ,  
ადამიანო, ვიცი, მალე თოვლში ჩანვები და ჩემი კერძი გახდე-  
ბიო. „ვაგაი!“ — შეჭბლავლა ძღვიბიმ. მგელს თითქოს გაუკ-  
ვირდა ეს უცნაური ხავილი, უკან გადახტა, ჯუჯა ნაძვს ამოე-  
ფარა... მიხვდა ძღვიბი, ტყე სავსე იყო მგლებით. ყოველი  
ხის ძირიდან უმზერდნენ მოთმინებით და ელოდნენ, როდის  
შელამდებოდა, როდის დაუსხლტებოდა ფეხი, როდის ჩაემხო-  
ბოდა თოვლში და დაადასტურებდა თავის უსუსურობას... შიშ-  
მა აამჩატა, ღონე მოემატა... შორიახლო შეჰყმუვლა მგელმა,  
მოშორებით ბანი მისცა ხროვამ... „ვაგაი, ჩქიმი ცოდა!“ — მიიჩ-

ქაროდა და მიბლაოდა ძღვიბი. ამ სასონარკვეთილი ბლავილით  
სიცოცხლის ნამებს იხანგრძლივებდა, რადგან არაადამიანური,  
უცნაური ბგერები ხროვას აფრთხობდა... და უცებ რეტიანივ-  
ით გაჩერდა... პირდაპირ, ჩანამქრული ბილიკის ბოლოს, ფი-  
ჭვნარში ჯარგვალი ჩაყურსულიყო შავად და ქოსას ელოდა...  
„ვაგაი, ჩქიმი ცოდა!“ — უკვე სიხარულით შეჭლრიალა ძღვიბიმ  
და კარს მიაწვა, მძიმედ, ჭრიალით შეაღო და ბნელში შეაბიჯა.  
ზღურბლთანვე იატაკზე დაეშვა და კარგა ხანს იზლუქუნა,  
თვითონაც არ ესმოდა ნუხილისაგან თუ სიხარულისაგან...

გონს რომ მოეგო, მაშინლა მიმოიხედა. მონადირის ქოხი  
აღმოჩნდა. ლუმელი... კობტად დაწყობილი შეშა... კვესი და  
აბედი... გამხმარი ორცხობილა, შებოლილი ლორის ნაჭერი და  
ერთი ბოთლი არაყი... გამეხებული გული ველარ მოულობო  
ღვთის საჩუქარმა, ორად ორი კბილით ლოლნიდა ლორს და  
უმისამართოდ იმუქრებოდა — „მაცადეთ, გაზღვევინებთ  
სამაგიეროს!“ ტაიგაში კი განზილებული ხროვა ყმუოდა, უსა-  
სოოდ მოთქვამდა ბედის სამდურავს.

— ზურგზე რომ მგელი მოახტა, პოლიტპატიმარმა თოლო-  
რაიამ ქეჩოში ხელი სტაცა, გადმოიღო და ძირს დააბერტყა,  
— ცაცანამ თავისი უღონო, მაგრამ ფუმფულა ხელები ისე  
მოიქნია, თითქოს ზურგიდან ნადირის გადმოღებას აპირებ-  
და, — აქ მეორემ ისკუპა, ძღვიბიმ ჭიტლაყი ამოკრა და ამო-  
ატრიალა... დაავლო კომბალს ხელი, დრუზა და დრუზა... —  
ცაცანას ქოშინი აუტყდა, სული ძლივს მოითქვა.

— ნეტავი შენ, ბავშვივით რომ აცეტლები! — ჩაიბზლუნა  
ეფრომ.

გაზაფხულამდე დარჩა მონადირის ქოხში. საკვებს ახლო  
ტყეში პოულობდა. ხან ციყვის მარაგს გაანიავებდა, ხან არყის  
ქერქს ხარშავდა და ღეჭავდა... ყოველივე დავინწყებოდა. ერ-  
თადერთი სურვილი შეჩინებოდა, როგორმე კუჭი ამოეცხო...  
თოვლი სწრაფად დადნა, ნორჩ, მწარე ყლორტებს იტენიდა  
პირში... სოროებიდან მინდვრის თავგვებმა ამოყვეს თავი და  
ხაფანგი დაუგო...

მონადირეებმა ტყის საფრთხობელა რომ დაინახეს, შიშისაგან კინალამ ტყვია დაახალეს. ამ არსებაში ძლივს ამოიცნეს ადამიანი. ქოსა სიხარულისაგან ახითხითდა. საზარელი იყო მისი დაჭმული ღოჯების ყურება... მთელი გზა ტაიგის სოფლამდე ისე მიხითხითებდა. „რას იცინი, რომ იცინი, ორი კბილი შეგჩა და ისიც ამოგვარდება!“ — შეუღრინა ბოქაულმა, სოფლიდან ქალაქს რომ მიაბრძანა, იძულებული გახდა ორლობეში ტალახი ეზილა და ამის გამო ბოლმა კლავდა.

ციდან უსიამოვნო ჟინჟული ეშვებოდა უსახურ, დაბალ ჯარგვალეებზე, ტალახიან, ფიცრულ ღობეებზე. ამ გაუხარელმა სურათმა და ამინდმა ძღვიბის სული სევდით ააკვნესა. თავისი ხანმოკლე სიცოცხლე ამ ნაცრისფერში, ნესტსა და სიცივეში უნდა ეტარებინა და ამის გაფიქრება გაუსაძლის ტკივილსა გვრიდა.

ტარანტასი გაჩერდა. სავარძელში კოხტა, შუახნის ოფიცერი და ლამაზი მანდილოსანი ისხდნენ. ძღვიბის ამათ დანახვაზე შეაძაგდა. რამდენი წელია, ლამაზად ჩაცმული, სუფთა ქალი არ ენახა. დავინწყებოდა, რომ ისიც კაცი იყო, ადრე კაცებში ერია, ჰქონდა სამშობლო, ჰქონდა სახლი და კარი, საჭმელიც მოეპოვებოდა და სასმელიც, იბანდა კიდეც და გარეცხილიც ეცვა. მის ცოლს ჩათას მზეთუნახავი არ ეთქმოდა, მაგრამ ქალს ხომ მაინც ჰგავდა, შვილი ბიკენტი აკვანში ეწვინა — ქოსას ეგონა, ახლაც აკვანში წევს და ლულუნებსო... ყველაფერი ახლა მოაგონდა ძღვიბის და შერცხვა.

ოფიცერმა უცხოურად გადაულაპარაკა ქალს. „რა საშინელებაა!“ — თქვა ქალმა და ბაგე აუთრთოლდა, ალბათ სიბრაღულის გამო. ოფიცერმა თითოთ მოიხმო ბოქაული: „ძმობილო, ვინ არის ეს კაცი?“ „პოლიტიკატიმარია, თქვენო კეთილშობილებავ!“ „ძმობილო, ნუთუ არ გაგიგონია, რომ მეფე ტახტიდან გადააყენეს და პოლიტიკურები გაათავისუფლეს? გაუშვი, წავიდეს!“ ტარანტასი დაიძრა, ოფიცერმა მოიხედა და მონეტა გადმოაგდო. მონეტა ძღვიბის ფერხითით ჩავარდა. ქოსამ აიღო, მანეთიანი იყო, ნიკოლოზისა. დააცქერდა, დააცქერდა და უცებ გიჟივით ახარხარდა... მოალო თავისი ჩაშავებული, უკბილო პირი და ხარხარებდა, ხარხარებდა...

ნირნამხდარი ბოქაული სარგადაყლაპულივით იდგა და გონს ვერ მოსულიყო.

— უჰ, შენი! — შეუბღვირა ძღვიბიმ და პანლური ამოჰკრა.

— ეე, რას შვები, რას შვები!.. — დაბნეულად ჩაიბურტყუნა ბოქაულმა და დედლურად მოუსვა.

— ძღვიბი თოლორაია ირმის მარხილით შეიჭრა ქალაქში, წელგამართული იდგა, თმა ლომის ფაფარს მიუგავდა! — ცაცანა ცდილობს წელში გაიმართოს, მაგრამ ქარისაგან ზურგატკიებულს კრუსუნი წასცდება. — დაინახა გუბერნატორის ცოლმა, ლამაზმა კნენამ და ამოიოხრა: „აჰ, ჩტო ზა კრასავეც! მითხარით, გეთაყვა, რას ნიშნავს კოსა დზგვიბია?“ ძღვიბიმ მკერდი ბორბალივით გამოისროლა და ეშმაკურად უთარგმნა: „ეს, გენაცვალე, უმშვენიერეს ვაჟკაცს ნიშნავს!“ „აჰ, — აღფრთოვანდა გუბერნატორის ცოლი, — შენ ნასტაიაში კოსა დზგვიბია ხარ!“

— ოჰ, ოჰ, ღმერთი დაგსჯის მაგეთი ტყუილებისათვის! — გაეცინა ეფროს.

— ტყუილი რატომ იქნება, ბები, — ჩაერთო მართალი, — მუზეუმში, მეორე სართულზე ნახატი ჰკიდია — „პოლიტიკატიმარი თოლორაია და გუბერნატორის ქალი“, აი...

— ჟამი შეიცვალა, — თავი ურწმუნოდ გააქნია ეფრომ, — კოჭლი თხა წინ აღმოჩნდა!

დიახ, ჟამი შეიცვალა!

— ჰეი! — შეუძახა ქოსა ძღვიბიამ.

აივანზე იჯდა, ფეხი ფეხზე შემოედო.

სახლის კუნუბზე წითელი დროშა ფრიალებდა. მოაჯირზე ორი „მაქსიმკა“ გადმოედგათ. ეზოში წითელრაზმელები მიმოდოდნენ, ისვენებდნენ, ცხენებს არწყულებდნენ, იარაღს აჩხაკუნებდნენ, კამათობდნენ, ღიღინებდნენ, ყაყანებდნენ...

ძღვიბის ტანზე ეცვა წითლად მოსირმული კავკასიური ჩოხა, ფეხებზე — თექის ჩექმები, თავზე ბოხოხი ეხურა... შავად დაჭმუჭნილი მისი პირისახე ეშმაკს გზიდან მოაბრუნებდა. წვრილი, ცივი თვალები უხსენებელივით უბზინავდა.

ალაყაფის კართან ბაყბაყდევი იდგა. მთელი თავით მაღალი ჩანდა ორ რაზმელზე, აქეთიქიდან რომ ამოსდგომოდნენ შამ-



ხნებით. ბაყბაყდევეს ხელები უკან შემოეწყო, კისერი დაეძაგრა. მკლავები რომ გაეშალა, ალბათ მთელ ეზოს იფრენდა, მაგრამ ტყვია ძალოვანსა და სუსტს ერთნაირად პოულობს.

ძღვიბიმ თითოთ მოიხმო.

რაზმელებმა ზურგზე ხიშტი მიაბჯინეს. კაცი დაიძრა, ეზო გადაჭრა. აივანს სულ ხუთი საფეხური ჰქონდა და ისე ამოალაჯა, ძირს არ დაუხედავს.

თავდახრილი გაჩერდა ქოსას წინ.

— გამარჯობა, ჩორნა! — შეპარვით, ალერსით დაიკრუტუნა ძღვიბიმ.

გიგანტი შეკრთა, თვალეში ძრწოლა ჩაუდგა.

— ველარ მიცანი, ჩორნა!.. — ხმა კვლავ ალერსიანი და აუღელვებელი ჰქონდა ქოსას. — იქნებ მაშინ მიცნო, შე კონტრა, კედელთან რომ მიგაყენებ, ჰა!

ჩორნას ყბა აუკანკალდა.

— რა გეგონა, შე შობელძალო, ჩემი დრო არ მოვიდოდა, ჰა?

ჩორნამ რალაცის თქმა მოინდომა, მაგრამ პირიდან ხმა არ ამოსდიოდა.

უყურა, უყურა ქოსამ უხსენებელის თვალეებით და უცებ დასჭექა:

— ჩაჯექი მძლ...ო!

ჩორნა მოცელილივით ჩაჯდა.

ძღვიბიმ კი, ისევ ალერსიანად, შემპარავად —

— გამხადე ჩექმები, ჩორნა! — და ფეხები გაუწოდა.

ჩორნა გამოჩოჩდა, ძღვიბის ფეხები ჩაიხუტა და თექის ჩექმები სათითაოდ წააძრო.

— სახვევი შემხსენი! შენსავით აყროლებული კი არ მაცვია, დროზე ვარეცხინებ!

დევეკაცმა სახვევი ნაზად შეხსნა, ვითომცდა ვცდილობ, რამენაირად არ გატკინოო.

აივანს რაზმელები შემოერტყნენ, ზოგი გაოცებით, ზოგი ჩუმი სიცილით უყურებდნენ სეირს.

— ფეხისგულეებზე მომფხანე, ჩორნა!

ბაყბაყდევემა თავისი უზარმაზარი თათებით ფეხისგულეებზე მოფხანა. ქოსა ნეტარებით ახითხითდა.

— რა კაი ფხანა გცოდნია, ჩემო ჩორნა! — მოულოდნელად ფეხები გამოსტაცა, სახვევი კოხტად შემოიხვია, თექის ჩექმები წამოიცივა და უბრძანა: — ადექი, ბოთვე!

წამოდგა დევეკაცი, შიშისაგან ბავშვივით ჩაისლუკუნა.

— წამდვილი სახელი რა გქვია?

— ივანე!

— ღირსი ხარ კედელთან მიგაყენო, როგორც ბურჟუაზიის ნასუფრალით გასქელებული და თვითონაც კონტრა, მაგრამ გადავწყვიტე აღგზარდო პროლეტარიატის ინტერესებისათვის... დღეის იქით ჩემი „ოხრანა“ იქნები!.. აგერ, შენ ბრაუნინგი! ძღვიბიმ ბრაუნინგი გამოიძრო, ხელში შეათამაშა და გადმოუგდო.

ჩორნამ ჰაერშივე დაიჭირა, პირფერულად ჩაილულლულა:

— გმადლობ, უფროსო!

— მადლობას მერე მეტყვი! — დაიჯღანა ქოსა. — ჩადი ახლა ამ სახლის სარდაფში, გააღე კარი, იქ ქალსა და კაცს იპოვი. ქალი დაკითხული მყავს, კაცის დაკითხვა არ მჭირდება. კონტრაა, მაგისი დედა!.. წადი და მაგათი ხმაც არ გამაგონო!

ჩორნა უმალ გადაუნძულდა, სარდაფში ჩაიმალა.

— მეშინია, მიშა! — ჩაიჩურჩულა ქალმა სარდაფის მქრქალ ბინდში.

— ნუ გეშინია, კატრინ! — კაცმა ქალის თავი ჩაიხუტა და ყურში ჩასჩურჩულებდა: — ყველაფერი გაირკვევა და გაგვიშვებენ. ჩვენ ხომ ცივილიზებულ ქვეყანაში ვცხოვრობთ...

კარი გაიღო და ურჩხულმა შემოალაჯა, ნიჩაბივით სახეზე კაცმა შებრალება ვერ ამოიკითხა და ყველაფერს მიხვდა.

— ნუ გეშინია, კატრინ! — ხმა გაეზარა...

— რკინის კომისარი გახლდათ ძღვიბი თოლორიაი, — ასე სჯეროდა ცაცანას, — მტერს შიშის ზარსა სცემდა!

— ოჰ, ნუ გააბუქე! — ეფრომ გაჩხინკულ მუხლზე ხელი დაიკრა. — პატივცემულმა ბერიმ ჩვენზე უკეთ იცის ეგ ამბები!

— შენ ყველაფერს ეჭვით უყურებ, — არ დათმო ცაცანამ, — ეჭვი რწმენაში ბზარს აჩენს, ბზარში კი უმალ ჩვენი მტერი შემოიპარება... რწმენას უნდა გავუფრთხილდე, დიას!

— მხოლოდ ღვთისას... — ხმადაბლა ჩაიბურტყუნა ეფრომ, პირჯვარი გადაინერა...

რისი რწმენა?.. გერამ დროშა ააფრიალაო, ძღვიბი თოლო-რაია რკინის კომისარიო, ნესტორზე ხომ ლაპარაკიც ზედმეტია. ცაცანა რომ მის სახელს ახსენებს, მოწინებისაგან სიტყვები არ ყოფნის და „ოჰ, ოჰო!“ — იძახის... ეფრო (ამას ხომ უკეთ უნდა ცოდნოდა!) ტუჩებს ჯიუტად მოკუმავს, არაფერს იტყვის... მუზეუმის კედელზე რუკა ჰკიდია — „ნესტორ თოდუას გზა“. თავის შველა რომ დასჭირდა, ნესტორი მთავრობას მოხერხებულად დაუძვრა თურმე. მინდორში უბელო ცხენი დაიჭირა, ჭენებჭენებით ატარა ტურების ბილიკებით. ასე ჩააღწია მამიდა დარიკოსთან. ეს ქალი ერთი თავზეხელაღებული ვინმე იყო, კაცივით იარაღასხმული დადიოდა. ბოქაული ხმას ვერ სცემდა და ტყის ყაჩაღი ვერაფერს გაუბედავდა. გამოუცვალა დარიკომ ნესტორს ცხენი, ანაკლიამდე ჩააცილა. იქ თურმე ცხენი გაუყიდათ, თურქს მოლაპარაკებიან, ნესტორი გემზე აპარულა და სტამბოლისაკენ გაჰყოლია...

ვითომ?.. კაცი იფიქრებს, ეს გემი იმისთვისაა იდგა, მერეთიდან გამოქცეულ ნესტორს დალოდებოდა. იქნებ მართლაც ყველაფერი ისე იყო, როგორც იმ რუკაზეა დახაზული. ნესტორი თურქს მიადგა, ჯიბეში ცხენის საფასურად აღებული ფული ჩაუჩხრიალა. ამანაც ხელზე ხელი დაუკრა — „იახშიოლ!“ და თავის შავად მხრჩოლავ გემზე ააპარა... რუკაზე აღნიშნული ხაზები მრავალ ზღვასა და ოკეანეს კვეთდა, ნავსადგურებზე კი, სადაც ნესტორი ჩასულა, პანია, ნითელი ალმები ეხატა... სხვა რამ კვალი იმ წლებისა ნესტორს არ დაუტოვებია, თუ არ ჩავთვლით პატარა ტატაჩის, რომელიც მამის ალიკვალის იყო, ისეთ დროს კი გაჩნდა, როცა ნესტორი ცხრა ზღვასა და ცხრა მთას იქით უნდა ყოფილიყო. ალბათ დიდ საიდუმლოებას არც წარმოადგენდა გერას ან ნესტორის ყოველდღიური ცხოვრების ავანჩავანი, მაგრამ ამისი გამოწველილვით შესწავლა არავის უცდია და თუ მუზეუმის კედელზე რუკა ვიდაც მეზღაპრემ ჩამოჰკიდია, ეს მხოლოდ იმიტომ, რომ ჭეშმარიტი მე-

რეთელი იყო, სურდა უცხოთათვის ემცნო, ჩვენი მერეთი მიყრუებული პროვინცია არ გეგონოთ, აქაური კაცის ნაკვალევი მთელ დედამიწას ფარავსო. ეფროს ამაზე თუ ვინმე სიტყვას ჩამოუგდებდა, მოგცლია ერთიო, — ხელს ჩაიქნევდა. ცაცანას მეხსიერება კი წვრილმანებს ნაკლებად ინახავდა, ცაცანას დროშების ფრიალი უფრო ახსოვდა...

ამიტომ ბევრ ვერაფერს ყვებოდა თავის მეცხედრეზეც. გერა კვარაცხელია მერეთიდან გაქრა, თითქოს არც ყოფილიყო. თავის მეჯოგე მოგვარეს გაჰყვა ლაკადის მაღალ იალაღებზე. შავი ტყეების ზემოთ ალპური საძოვრები პირუტყვისაგან ჭრელ ხალიჩას დამსგავსებოდა. გერა გაირინდებოდა მთის წვერზე. ქვემოთ მთათა გრეხილები იგვერგვებოდა, ლურჯზე ლურჯი ცა კი ისე ახლოს იყო, ფეხის წვერებზე თუ აინეოდა, უფლის ტახტის საფეხურს მისწვდებოდა. ჰაერის გრილ გამჭვირვალებაში გერა აშკარად ხედავდა დიადი ბერიკაცის ნათელ ხატებას. ტახტიდან გადმოვიდოდა უფალი, ფეხშიშველა გაივლიდა ლორთქო მდელით, ლურჯი ჰაერის ტალღებს მიუშვერდა გულმკერდს... მოიხედავდა გერასაკენ, გაუღიმებდა. „მწყემსავ, გერა?“ „ვმწყემსავ, უფალო!“ „გნამს, გერა?“ „მნამს, უფალო!“ „რა გნამს, გერა?“ „სიკეთე, უფალო!“ „რა არის სიკეთე, გერა?“ „ყოველივე ეს, უფალო!“ — მიმოიხედავდა გერა, ცასა და მიწას, აღმოსავლეთსა და დასავლეთს შორის გაშლილ სივრცეს ერქვა სიკეთე...

როდის დაბრუნდა გერა კვარაცხელია მერეთში, ან ნესტორ თოდუა როდის გამოჩნდა?

ის დღე დაამახსოვრდათ ეფროს და ცაცანას, ნესტორი რომ არსაიდან შემოიჭრა ქალაქში. ეტლზე იდგა, ხელი აენია და გამვლელგამომვლელს გასძახოდა: „ხალხო, გძინავთ თუ რა ამბავია! ორი კვირის წინ პეტერბურგში მეფე ჩამოაგდეს, თქვენ კი ისე ცხოვრობთ, თითქოს ძველებურად ორთავიანი არწივი დაგჩხაოდეთ!“

გერა გამოეგება ნესტორს, გადაეხვივნენ ერთმანეთს.

— ნუთუ ეს მართალია?.. გაფიცებ ყველაფერს!

— გადამრევს ეს ხალხი, ჭურში ზიხართ თუ რა!



მოვიდა ერთი ბოქაული, შე მუდრეგო და ბუნტისთავო, — სტაცა ხელი და საპოლიციო უბანში წაათრია. ნახევარი დღე აყურყუტეს ვინრო და ჭუჭყიან საკანში, მერე ქუდები მოიშვლიპეს და ბოდიშებით გამოისტუმრეს.

გარეთ გერა ელოდებოდა ძმაკაცს. ერთად იპურმარილეს. ეფრომ ქათამი დაკლა, ღომი, სულუგუნი და მწნილიც ჰქონდათ. ცაცანამ ცოტა ჯანჯუხა და ტკბილისკვერი მოიტანა. დასხდნენ და იჭუკჭუკეს: რევოლუციას მოვესწარით და ანკი დაგვიდგება ოქროს საუკუნეო... ოღონდ, ნესტორი მთელი მსოფლიოსათვის ამზადებდა ოქროს საუკუნეს, გერა ამ მთასა და იმ მთას შუა რაც ქვეყანაა, იმის მიღმა არ იხედებოდა...

მარტის ქურუში სალამო იდგა, ნელა და ცივად ცრიდა. მერეთი ნესტს გაეფერებინა. ნისლი იბოლქვებოდა, ქურუბში ჭუჭყიანი რუები მოწანწკარებდა და ტალახი აზელილიყო. ბუნებას თითქოს სულაც არ ახარებდა ოქროს საუკუნის დადგომა.

ტატაჩი ჭირვეულობდა აკვანში, მამაკაცთა ხმებზე გაფაც-იცდებოდა, ანდა ისე ჭყლოპინობდა, საცაა ავტირდებო. ეფრო დაურწევდა, ჩურჩუო, ჩასჩურჩულებდა.

ცაცანა იქვე იჯდა. ხელები წამობურცულ მუცელზე შემოეჭდო. ცალი ყურით კაცებს უსმენდა, უფრო კი პანანკინტელა მართას, სასტუმროს კედლებს რომ ეხლებოდა და ქვეყნიერებაზე გაჩენას ჩქარობდა.

ნესტორმა ხმას აუნია, უმისამართოდ იმუქრებოდა, ტალდა რაკი აგორდა, მისი დაშოშმინება შეუძლებელიაო, ყველაფერს მოანგრევსო, ძველსა და დრომოჭმულს გადარეცხავს და დავინყების უფსკრულში გადაუძახებსო... გერამაც ულატა ჩვეულ სიმშვიდეს, იმანაც ხმას აუნია, რა არ გასვენებსო, ხომ დაინგრა ძველი წყობა, ახალს სულის მოთქმა ვაცალოთო... მათი კამათი ჩხუბს დაემსგავსა... ტატაჩი უცებ გულსაკლავად ატირდა, ეუცხოვა მამაკაცთა გაუხეშებული ხმები.

— რა მოგივიდათ, ბავშვი შემიშინეთ! — საყვედურით თქვა ეფრომ.

კაცები გაჩუმდნენ.

— ნეტა სად გადაიკარგა ძღვიბი თოლორია? — მოულოდნელად იკითხა ცაცანამ.

იმ სალამოს შთაბეჭდილებებიდან ყველაზე მკვეთრად ტატაჩის ტირილი ჩაებეჭდა ეფროს მეხსიერებას, წინასწარმეტყველური ტირილი ანგელოზისა და ქოსა ძღვიბიას გახსენება, თითქოს ოქროს საუკუნის პირველ დღეს მჭმუნვარების შავი ლანდი გადაეფოფრაო...

აი მაშინ ახსენა პირველად გერამ კიბე!

— რა კიბე? — ფრთხილად, დადარაჯებულივით იკითხა ნესტორმა, შეიჭმუნა.

ცაცანამ ხელები გაასავსავა, ამოდენა ყაძახი ბავშვივითააო, ეგეთ რამეს ამოიჩემებს, ჭკუათმყოფელი კაცი ხმამაღლა ვერ გააცხადებსო.

— კიბე უნდა ავაშენო! — თქვა გერამ.

ეს ფიქრი ადრევე აეკვიატა, იმ დღიდან, როცა უბით წითელი ალამი მაცხოვრისგორაზე აჰქონდა, წინ კი გიმნაზიელის ლანდი მიფარფატებდა. მაშინ გაიაზრა პირველად, რომ მაცხოვრის თეთრი ტაძარი ახლოსაა ცასთან, ადამიანებისაგან კი — შორს და კაცთაგან იშვიათი ვინმე თუ აუყვებოდა ხოლმე ციცაბო ბილიკს.

მავანს უცდია გერამდეც — ჩხერიიდან ლოდები ამოუღია, კირით ჩაუდულაბებია, ცხრა საფეხური მოუსწრია. სანამ დაინყებდა, ჯერ მტკიცე ფუძე ჩაუქვითკირა. რვა საფეხურს ვერა ძალა ვერ მოანგრევს, მეცხრეს კი, რაკი მეათე არ წამატებია, ფერდობზე ჩამოღვრილმა წყალმა ძირი გამოუთხარა, შეარყია...

იმ მეცხრე საფეხურით უნდა დაეწყო გერას, ჯერ ის უნდა გაემაგრებინა. მერე თითოთითოდ უნდა გამოეჭრა, ზევით აეზიდა, საგანგებოდ გამზადებულ ფუძეში ჩაესვა. მტკიცედ ნაგები უნდა ყოფილიყო ეს კიბე, მარადისობისათვის უნდა გაეძლო.

— სულელი იყო მამაჩემი გუდუ თოდუა! — სიძულვილით თქვა ნესტორმა. — არ მეგონა, სხვა იმნაირი თუ დაიბადებოდა. რამდენი ფარა დაახარჯა იმ ტაძარს, მთაზე რომ წამოკოლიკებულა. ახლა შენ გამოგვიჩინდი შერეკილი, კიბე გინდა იქამდე აიყვანო!

ჯერ კიდევ ომამდე, გუშინდელი მეამბოხენი მონარქიას რომ სამსახურს სთავაზობდნენ, მკერდზე მუშტის ბრაგუნით ინანიებდნენ, საკუთარ სულში ჩაკეტილ გერას პოლიცმაისტერმა შესთავაზა:

— ვიცი, გულზე არ გეხატებით, მაგრამ ისიც ვიცი, პატიოსანი კაცი ხარ, სიტყვას არ გადახვალ! პოლიტიკაში ნუ გაერევი, მოძებნე მშვიდი საქმე, იყავი შენთვის და მიხედე ოჯახს.

— კიბეს ავაშენებ! — თქვა მაშინ გერამ.

— რა კიბეს? — შეცბა პოლიცმაისტერი.

— მაცხოვრისგორაზე ასასვლელ კიბეს!

— არ გაბედო! — მკაცრად უბრძანა პოლიცმაისტერმა.

— მომინდომა წმინდანობა! მირჩევნია თოფი აილო და ტყეში ყაჩაღად გახვიდე!

— მომინდომა წმინდანობა, — მძულვარედ გაიმეორა ნესტორმა, — დაფნის გვირგვინი, ვერცხლის ფრთები... თუ მაგდენი ღონე და ფარა გაქვს, აბანო ააშენე, ან კლუბი...

გერა გაუჩუმდა, არ შეპასუხებია. სარკმელში გაიხედა. წვიმა შეწყვეტილიყო. ღრუბლები გაიხლიჩა და მზემ ცალი თვალით გამოიხედა.

— არ გაბედო! — მუქარით დასძინა ნესტორმა.

ეს უჩვეულო, ფიცხი კილო არ მოეწონა ეფროს. შემრიგებლურად ჩაიწუნუნა ცაცანამ. გერა კი კვლავ უტეხად დუმდა.

— გაბედა რომელია! — მზერა გაუთბა ეფროს. — გერა უთქმელი კაცი იყო, მაგრამ ჯიუტი. რასაც გადაწყვეტდა, ბეჭედი ესვა. ნეტავი ხელს ვის უშლის, თუ კაცი ჭკუიდან გადაცდა და კიბეს აშენებს არსაიდან არსაითკენ... უნდა და აშენოს!

— იცოდა გერამ, რა კიბეს აშენებდა, ნესტორიც კარგად ხვდებოდა ამას! — უკმაყოფილოდ თქვა ცაცანამ.

„გუშინდელი ძმები ამ კიბემ გადაკიდა ერთმანეთს, — გაიფიქრა ბერიმ, — რატომ?“ უბის წიგნაკში კი ჩაინიშნა: „კიბე მაცხოვრისგორაზე — ცხრა საფეხური (მშენებელი უცნობია) — 101ე საფეხურის ჩათვლით — გერა კვარაცხელია!“

— იქნებ იმ კიბემ უბიძგა ნესტორსა და ძღვიბის, დაენგრიათ მაცხოვრისგორის ტაძარი? — იკითხა ბერიმ.

დედაბრებმა ერთმანეთს გადახედეს.

— ძველია ეს ამბავი, — თქვა ეფრომ, — გუშინდელმა ძმებმა სხვადასხვა გზა ირჩიეს. ახალმა მთავრობამ ახედდა-ხედა გერას, შერეკილია, მაგრამ ჩვენიაო... გახედა ნესტორს, ესეც შერეკილია, მაგრამ მტრისიაო და ციხეში მიაბრძანა...

10

ბოტანიკურს ჭადრის ხეივანი კვეთს. ბილიკზე ჭრელი ჩრდილი აფენია. სამნი გარბიან და თვალეზი უჭრელდებათ.

— სად მივრბივართ? — ქოშინებს დურუ გეგია.

— ამ ბოლოდან იმ ბოლოსაკენ! — ძლივს ამოთქვამს არიქა ძაძუა.

— იცით, თოლორაია ახლა რას აკეთებს? — კითხულობს მართალი, — ლესტამბეს ცხვირი ძალღვივით წაუგრძელებია და ნაკვალევს სუნავს!

წინ ბზა განოლილა, დაგრაგნილ ურჩხულსა ჰგავს... იქნებ მართლაც ურჩხულია, მუზეუმის კედლიდან გადმოსახლებულა ბოტანიკურში... თუმცა რა უნდა მერეთში ურჩხულს? ასეთი საოცრებები მერეთში არ ხდება. აქ ცხოვრება აწყობილია. რაც ადრე მოხდა — მუზეუმშია. ახლა, დიდიდიდი, მტრის აგენტი შემოიპაროს და წყალი დანამლოს... ეს აგენტიც ალბათ ვავა ზარქუას მონაგონია. იმიტომ დასჭირდა, ქვეყანას გააგებინოს, უქმად კი არ ვზივარ, აგე, უცხოურ აგენტებს ვიჭერო... რაც კი საინტერესოა, ყველაფერი უკვე მოხდა! ამ ქალაქში ურჩხული არ იჩეკება... მოსაწყენია ცხოვრება, როცა ყველაფერი უკვე მოხდა...

— რატომ? — ჩაეკითხა ერთხელ ისტორიის მასწავლებელი, გამხდარი და მალალი აქლემი, პარმენ სიგუა. — რატომ არ ხდება?.. პირიქით, მერეთში ისტორია იჭედება! — თითი ასწია, ვილაც უხილავს დაემუქრა. — ჩვენ მსოფლიოში ყველაზე მოწინავე, ყველაზე პროგრესულ, ყველაზე დემოკრატიულ და ბედნიერ საზოგადოებას ვაშენებთ!

„სხვები ძაან ჩამოგვრჩნენ, — ფიქრობს მართალი, — აგერ თურქები, თურმე, შიმშილით იხოცებიან... გადავიპარები და წითელ დროშას ავაფრიალებ!“

— ამიტომაც მტერი ბევრი გვყავს! — გაფარჩხულ თითებს მუშტად შეკრავს აქლემაპარმენი. — ის აშკარად როდი გვებრძვის, კუთხეკუნჭულში მიმაღულა, — ამ სიტყვისას ჯოხით საკლასო ოთახის „კუთხეკუნჭულს“ ჩხვერავს, — რაც უფრო მეტად გავიმარჯვებთ, მტერი მით უფრო გააფთრებით შემოგვიტევენ... ამას გვასწავლის დიდი ბელადი!

„მტერი ბრყვია, — ასკვნის მართალი, — მისთვის მთავარია, ოქრო მოიხვეჭოს, მუცელი ამოიყოს, ღიპი დაიყენოს! — ერთი ღორმუცელა ბიჭი, ბოჩია ცინტორია ახსენდე ბოდა. ლუარსაბივით მსუქანი იყო ბოჩია, მოუთმენლად, თქვლეფათქვლეფით ქამდა. ლუკმას პირში რომ იტენიდა, სალოკსა და შუათითს ახმარდა. — რა თქმა უნდა, ბურჟუა და პარაზიტი სწორედ ასე ქამს!“

— ფხიზლად იყავით, ბაღნებო! — უფრო ცხარდებოდა აქლემაპარმენი, — მტერი ყოველ ნაბიჯზეა, მთელი მერეთი აგენტებითა და ტროცკისტებითაა სავსე!

„ნეტა აგენტი და შპიონი დამაჭერინა, — ოცნებობს მართალი, — უფრო კი — ტროცკისტი...“

ტროცკისტი მტერია, მტერს ბიკენტი თოლორაია ებრძვის, ლესტამბე ბიკენტის შვილია და რატომღაც მართალი ეზიზღება... თავში დომხალია, ყველაფერი ერთმანეთში აირია.

- სად მივრბივართ? — კვლავ კითხულობს დურუ.
- სადაც ურჩხული იჩეკება! — პასუხობს მართალი.
- რა გვინდა იქ? — არიქა ყოვნდება.
- უცხოვს კვალს ავიღებთ! — დარწმუნებულია მართალი.
- მართლაც რომ გადავეყაროთ? — ეშინია არიქას.
- მაშინ ფეხებს ქარი დავატანოთ! — ამბობს დურუ.

აქ უკვე ბოტანიკური ბაღი თავდება, ჩვეულებრივი უბნები იწყება. მოსაწყენი ორლობები კვეთენ ერთმანეთს. ზოგი მოხრეშილიც არაა, აქაიქ გუბურა ჩამდგარა. გუბურის პირას მონყენილი ბაყაყი თვლემს, ყიყინი ეზარება... ნესტით ჩაშავ-

ბული მესერი, წკნელის ნალობი, ტრიფოლიატი — ზოგან ლარზე გადაკრეჭილი, უფრო კი უშნოდ აძეძვილი... ლობებს მიღმა მოსაწყენ ეზოებში მოსაწყენი ქათმები იქეჩებიან... კამეჩი წამონოლილა და მოსაწყენად იცოხნება... ტალახში ამოგანგლულ უღლიან ღორებს ერთიერთმანეთზე სძინავთ... თხამ კიკინით მოიხედა, ტუჩებს აპარპალებს, თითქოს რაღაცას ჩქარჩქარა ამბობს...

ყველაფერი ნაცნობი და ჩვეულებრივია, ახალს ვერაფერს აღმოაჩენ!

— ვითომ რატომო? — კითხულობს გეოგრაფიის მასწავლებელი გრიშა ყოლბაია, ხის ფეხს ეყრდნობა, სადღაც ამ ომში კი არა, წინა, პატარპატარა ომებში დაუკარგავს, რომლისა არავის არაფერი სმენია, დაჭრილდახოცილთა რაოდენობა კი მერეთსაც დაეტყო.

— ამერიკის აღმოჩენა როდი კმარა! — ხის ფეხზე რეზინის ქუსლია აჭედელი, მაგრამ გრიშა მასწავლებლის ნაბიჯს ისეთი ბრახუნი გააქვს, ალბათ ეზოშიც ისმის. — აბა, რომელი ყოფილხართ ჩხერიის სათავეზე? არავინ? ჩხერიის სათავეც გეოგრაფიაა, ჩხერია ხომ სადღაც იწყება და აქ, ჩვენს ქალაქში ჩამოივლის...

ორლობის ბოლო მოტიტვლებულ მინდორში გადის. ადრე ეს ადგილი უღრანით იქნებოდა დაფარული, შეშად გაიხმარეს. მერე საქონელი მიესია, მდელოს თავის აწევა არ აცალა. ბალახსაც რა ექნა, მიწისპირს მიეტმასნა.

— სათავე სულ ახლოსაა, ხუთეჭვს კილომეტრზეო, ბაბამ მითხრა! — არიქას ბაბა არ შეცდებოდა. სიმთვრალესა და სიმთვრალეს შორის, თუ შვილს ქამრით არა სცემდა, უფროსი ძაძუა ჩხერიაზე ფაცრით დაძვრებოდა აღმა-დაღმა.

მინდორი დაბლდება... ჯერ ხრეშია, მერე მსხვილმსხვილი ლოდები. ჭორომში ჩხერიას გამჭვირვალე წყალი მიედინება ჩუმად, მონოტონური შხუილით.

— ჩუ, უსმინეთ, ჩხერია ყვება! — მართალი თითს მაღლა აიშვერს.

ჩხერია მოშხუის პატარა ჭორომებში, ლოდებს გვერდს უბანს, თავზე გადასდის. ნაპირიდან ნაპირს ეხლება, თავქვე

მიგორავს, სწორზე ტბორდება, მერე ისევ მიგორავს, თან მი-  
აქვს წყლის ხმები და გრილი სუნთქვა.

— უტუს ჯარმა ჩამოიარა თურმე ჩხერიის ქალებში, უტუ  
თოდუასი, მართალიად წოდებულისა. აი, იქ, მაცხოვრისგორის  
ძირას შედგა. მერეთი მაშინ ჯერაც არ არსებობდა... დგას უტუ  
თოდუა, გაჰყურებს ჩხერიის სანახებს, ულევნი ჯარი კი მოდის  
და მოდის, მდინარესავით მოედინება... „უტუში ჯარიში გო-  
ლუაფირო, ვოჰოჰოიაოდო!..“ — მღერიან მოლაშქრენი.

ჩხერიის გასწვრივ ვიწრო ბილიკი მიიკლაკნება. გაღმაგა-  
მოღმა მინდვრის ვიწრო ზოლებია. აქაიქ თხმელა წამომარ-  
თულა, ტოტები ეკალას და მაცვალს დაუძენძია... ოდასახლე-  
ბი და ეზოები მოშორებით ჩამწკრივებულა. მშვიდმა ჩხერიამ  
ხანდახან გადარევა იცის, ადიდდება, აქაფდება, აღრიალდე-  
ბა, ნაპირს გადმოლახავს... მოსახლენიც ერიდებიან, ეკრძალ-  
ვიან, მოშორებით სახლდებიან... ახლა უწყინარია ჩხერია, —  
მოშხუის, მოჟღურტულებს, მობუტბუტებს, მოლუკლუკებს,  
მართალის უგდებს ყურს.

— ისე ყვები, თითქოს შენც იქ იყავი! — უკვირს დურუს.

— მაშ, იქვე ვიყავი! — თავს უქნევს მართალი. — ლოდს  
უკან მივიმალე, მართალია თოდუამ ბაკანში ხელი ჩამავლო,  
ამნია და თვალეში ჩამხედა!

— ბაკანში? — პირი დაალო არიქამ.

— ჰო, მე ხომ მაშინ მდინარის კუ ვიყავი!

გიჟია ეს მართალი!

ჩხერია ყვებაო!.. ჩხერია რას უნდა ყვებოდეს, მოჩქრი-  
ალებს, მოუსვენრობს და ეგაა... რაც გუშინ იყო, იმ წყალმა ჩა-  
იარა, ახალს ახალი ამბები მოაქვს ალბათ. ჩხერია თუ რამეს  
ყვება, მაშინ ნიავიც ყვება რამეს...

ნიავი მოფარფატებს ჩხერიის სანახებში, წყლის სიგრილეს  
აიტაცებს, ნაპირის ბუჩქნარებში შესისინდება, ხეთა ტოტებს  
შეარხევს.

აქ, ამ ადგილას მერეთი თავდება. ეს უკვე ქალაქი არაა,  
სოფელია. ნაპირი უსწორმასწორო ხდება, აღმადღმა არბი-  
ჩამორბის, ხან მწვანედ მოიქოჩრება, ხან ჟანგიან პირს მოა-  
ლებს მორღვეული ფლატე, ბალახის ფესვსაც რომ არ იჭერს.

— ბაბაია აქ თევზაობს, — ამბობს არიქა, — ფაცრით იჭერს!

ხმაში სიხარული არ ეტყობა. მამის გახსენება კბილის  
ტკივილივითაა, იგი ღვინის სუნს და ქამრის სიმწარეს აგონებს.

დურუ არაფერს ამბობს. მას მამა სულაც არა ჰყავს. ისიც  
არ იცის, ჰყავდა თუ არა ოდესმე. დედა ერთი ჩუმი, მოანგარიშე  
ქალია, კოდალასა ჰგავს. გრძელი ცხვირი საანგარიშოზე და-  
უხრია და ჩხინკა თითებით ჩქარჩქარა აჩხაკუნებს. რასაც ან-  
გარიშობს, ხომ სხვისია, შინ მოტანილი კაპიკები ხელისგულ-  
ზე ადნება... ამაზე ფიქრობს დურუ გეგია და ჩუმად ოხრავს.

— ჰეი!

შემკრთალი ბიჭები მაღლა იყურებიან. ბექობზე ცხენოს-  
ნები დგანან, ბიკენტი თოლორიაა, ვავა ზარქუა და ორიც სხვა.  
ბიკენტის ფრენჩი აცვია, ფეხებზე აზიური ჩექმები. ერთი ხე-  
ლით ლაგამი უჭირავს, მეორეში მათრახი.

— ჰეი, ყაჩაღებო, აქეთ საით გაგიწვიათ?

ვავა ზარქუა პატრონის ლანდივითაა, იმასავით აცვია.  
ჩუმად, უთქმელად დასარსალებს ქალაქში, დიდებსაც აშინებს  
და პატარებსაც.

ბიჭები თავდახრილები დგანან. ელოდებიან, როდის ამოი-  
ღებს ხმას ვავა ზარქუა, დავალება ამათ მე მივეცი და იმიტომ  
თუ დაეხეტებიანო, მაგრამ იგი დუმს.

— რაკი ხმას არ იღებთ, ესე იგი საყაჩალოდ მიდიხართ! —  
ბიკენტი წინ გადმოინია, თითქმის ცხენის კისერზე განვა,  
ცდილობს კარგად შეათვალიეროს გაყურული ბიჭები.

მართლაცდა, რისი უნდა ეშინოდეთ? ბიკენტი ლესტამბეს  
მამაა, ლესტამბეს კი, როცა მოეპრიანებათ, მაშინ ამოკრავენ  
ჭიტილას... ქალაქში გამორჩეული კაცი იყო ბიკენტი, ეს თუ  
აშინებდა მერეთელებს. მუდამ ერთნაირად ჩაცმული გამო-  
ეცხადებოდა თანაქალაქელებს: ხაკისფერი ფრენჩი და ქუდი,  
გალიფე, აზიური ჩექმები, რომელზეც უამინდობაში კალოშს  
წამოიცვამდა.. სხვები თუ ეტლით, დროგით, ურმით, მოგვი-  
ანებით კი „პალტარატონკით“ დადიოდნენ, ბიკენტის „ვილი-  
სი“ ემსახურებოდა, — ერთადერთი მთელ მერეთში. გამოჩ-  
ნდებოდა ქუჩის ბოლოს ის „ვილისი“ და უბანში შიშინი სინყნა-  
რე ჩამოეფინებოდა. წავიდოდა და ჰაერში ისევ ეკიდა პირფერ-



ული „ამხანაგო ბიკენტი!“ ეფრო ბეზიასლა არ აკრთობდა ბიკენტის ხსენება, აქილიკებდა რალაცნაირი, თითქოსდა უმი ზეზო გაბოროტებით: „ბიკენტი ძღვიბიევიჩი!“ ცაცანა გადმოკარკლავდა უმალ თვალებს: „როგორ გეკადრება, ქალბატონო ეფრო, მეფის მთავრობისაგან დაჩაგრულ გლექს რომ ძღვიბი ერქვას, დასაცინია?“ „ახლა ესეც მეფეს დააბრალეთ, — ბუზღუნებდა ეფრო, — ძაან კი ეცოდინებოდა ნიკოლოზას, ბიკენტის მამას ძღვიბი და ქოსა რომ ერქვა!“ მართალისაც არ მოსწონდა ბეზიას ეს ახირება, შიში გაკენწლავდა: „ვინმემ თუ გაუგო, დაიჭერენ ბეზიას და სწორსაც იზამენ!“

— კვალს დავეძებთ! — მართალი შეეცადა რიხით ეთქვა.

— ყოჩაღ, თქვენი იმედითლა დავრჩით! — ღიმილის გარეშე თქვა ბიკენტი. — ლესტამზე რა უყავით?

— სხვა მხარეს წავიდა! — ხმა გაეზარა მართალის. გული ხშირხშირად უცემდა, ვერ მიმხვდარიყო, რატომ აფრთხოვდა ეს კაცი, რა ისეთ ძალას ფლობდა ბიკენტი თოლორაია, მისი რომ უნდა სშინებოდათ.

— ფრთხილად იყავით, ძალიან შორს ნუ წახვალთ! — დაარია ბიკენტი. — საეჭვო ვინმე თუ შეგხვდათ, შემატყობინეთ! ხომ იცით, პიონერები ხართ!

ცხენი შეაბრუნა და აღმართს შეუყვავა. მსლებლებიც მიჰყვნენ, ჯერ ვავა ზარქუა, მერე ორი სხვაც. პირდაპირ მზის დასავალისაკენ მიდიოდნენ. ცხენმხედართა ჩრდილი დაგრძელდა, დაგრძელდა და ჩხერიის ხეობაზე განვა... კვლავაც ნათელი, ლურჯი ცა გადმომხობოდა სანახებს, მაგრამ იმ ჩრდილმა თითქოს შეატოვავო უფერული ფერი, ქუფრი მოეფინა გარემოს... გორაკის თავზე შეყოვნდა ეჭვიანი ბიკენტი თოლორაია, გადმოჰყურებდა შემოგარენს ფხიზელი თვალით... არაფერი ამ მზერას არ დაემალებოდა, ფიქრშიც ვერ გაექცეოდი, იქაც ჩაგწვდებოდა და სააშკარაოზე გამოგიყვანდა.

— დავბრუნდეთ? — ყოყმანით იკითხა არიქამ.

დურუმ უსიტყვოდ შეხედა მართალის.

— სათავემდე თითქმის მივედით! — ხმამალლა გამოუვიდა მართალის, ამ შეძახილით სულის კუნჭულში მიმალული შიში დააფრთხო.

კარგა ხანს მიდიოდნენ. გორაკები ერთიერთმანეთზე მიბობლავდა. ჩხერია ცდილობდა მათ შორის გზა გაეკვლია და აბნეული მიიკლაკნებოდა.

წინ მაღალი ფლატე წამოიშარათა. სველი, წვრილი ბუნკით მოფენილი შუბლი გადმოაყუდა, თვალეზმულულ გიგანტსა ჰგავდა... იქ, სადაც პირი უნდა ჰქონოდა, უზარმაზარმა გამოქვაბულმა დაიღრინა და სიგრილე ამოისუნთქა.

ბიჭები შეჩქვიფდნენ, ერთმანეთს აეკვრნენ. დამფრთხალნი შეჰყურებდნენ პირფართო გამოქვაბულს, რომლის ჩაბნელებული სტომაქიდან გველეშაპის ენასავით გადმოვარდნილიყო თეთრად აქაფებული ჩხერია... სველ ჭერს ხავსი მოსდებოდა, ხავსზე წვეთები ეკიდა და კაპაკუპი გაჰქონდა... გამოქვაბულის ფსკერზე კამკამა წყალი ქაფქაფებდა და გარეთ გადმონთხეულ ჩხერიას სინათლეზე სიღრმისეული თოში ამოჰქონდა.

იდგნენ ბიჭები და ვერაფერი გადაეწყვიტათ.

მართალიმ იგრძნო — ვილაცა უთვალთვალებდა... მოიხედა, არავინ იყო. დურუმ და არიქამაც სწრაფად მიმოიხედეს, ალბათ ამათაც იგრძნეს უცხო მზერა, ან მართალის ჯიქურმა მოძრაობამ შიშს შიში წაამატა.

მართალის შეაფრყოლა, არავინ ჩანდა, მაგრამ საფრთხე თვით ჰაერში ეკიდა.

ვინ უმზერდა ასე დაჟინებით?

იქნებ კლდე უყურებდა? ან ურჩხული გამოქვაბულის სიღრმიდან!.. ან ვილაც უჩინარი გაყურებდა გუბურის ფსკერზე!.. ან შორიახლო ბუჩქნარიდან... ან ფერდობზე შეფენილი შავი ტყიდან!..

— წავიდეთ, ბიჭებო! — ნაიჩურჩულა მართალიმ.

თვალეზმულულებმა დაიხიეს უკანუკან, მერე ქარით მოწყდნენ ადგილს და ელვისუსწრაფესად, — თვითონ ეგონათ ასე, — ქალაქის შემოგარენში აღმოჩნდნენ.

— ვილაცა გვითვალთვალებდა! — ქოშინი ძლივს შეიკავა არიქამ.

— ჰო, ვილაცა იყო! — დაუდასტურა დურუმ.

ნათელი დღე იდგა. ქალაქმა სწრაფად შეიფარა თავისი დამფრთხალი შვილები და მართალიმ ჩაიცინა:

— მოგვეჩვენა!

— ალბათ მოგვეჩვენა! — ყოყმანით ამოლერლეს დურუმ და არიქამ.

— გამოქვაბულში ნეანდარტალელი იჯდა, მუზეუმის კედლიდან რომ იყურებოდა, ისეთი!.. აბა, რა გეგონათ! წარსული არ ქრება, იგი ჩვენს გვერდითაა!

ვერ გებულობდნენ დურუ და არიქა, როდის ხუმრობდა მათი ამხანაგი და როდის — არა!

11

ქალაქის საპატიო დაფაზე სამი მერეთელი რევოლუციონერის სურათი ჰკიდია. გვერდიგვერდ დგას ჩოხაახალუხიანი, ყაბალახმომხვეული სამი ვაჟკაცი... ნაბიჯი წინ გადმოუდგიათ, უტეხად გაჰყურებენ სივრცეს. გერასა და ნესტორს წითელი ალმები უპყრიათ. ძღვიბი თოლორაიას ხელი თვალზე მოუჩრდილებია, დაჟინებით აკვირდება დროის შორეულ სამანებს... ასეთებად დახატა ისინი ადგილობრივმა მხატვარმა ჩიჩუამ, ასეც უჩრჩია მას ყოვლისმცოდნე ბერი ზაქარაიამ.

— როგორ მიდის საქმე? — ჰკითხა ბიკენტი თოლორაიამ ბერის. საპატიო დაფასთან იდგნენ და ბიკენტიმ რევოლუციონერთა სურათისაკენ მიახედა. — ჩვენთვის ტრადიციულია სამი ვაჟკაცის გმირობა! ხომ გახსოვს, შოთასთან, „მათ სამთა გმირთა მნათობთა...“

ბერის, რა თქმა უნდა, ახსოვდა! კანონიკურ ისტორიოგრაფიაში ასეც ეწერა და ტექსტში წერტილმძიმის გადასმასაც ვერავინ გაბედავდა. თვითონაც ასე წერდა ხოლმე, — ჩვეულებრივი მეღვინით, სასკოლო რვეულის ფურცლებზე... იქ ისიც ეწერა, ჯერ თებერვალმა, მერე ოქტომბერმა გაჰყარაო სამთა გზები...

— ვინ ჩიქვანმომხელეა, დაჭერას რომ მიბედავს?! — იკითხა ნესტორ თოდუამ.

იდგა შინდისფერი რესპუბლიკის გაზაფხული... თავისუფლების მოედნიდან დაძრულ ეტლში ნოე ჟორდანი იჯდა, თეთრი, სპეტაკი წვერი მკერდზე ჩამოჰფენოდა... სასახლესთან გვარდიელები იდგნენ... ქუჩები სავსე იყო მოსწავლეებით, ოფიცრებით, ბანოვანებით... ისმოდა ბაბილონის ათასი ენა... თბილისიდან დასავლეთისაკენ მიმავალ მატარებელზე სამფეროვანი ალამი ფრიალებდა და სასულე ორკესტრი „მარსელიოზას“ უკრავდა... მწვანე საყანეებს გლეხობა შეჰფენოდა, მინას იზომავდნენ... მერეთიც გამოცოცხლდა და მერეთელები ჰგავდნენ იმ ადამიანებს, ვინც ძილი ახლალა მოიშორა და სიცოცხლის ძალა წამით წამზე ემატება.

ნესტორ თოდუას თვალებზე თითქოს ბინდი ჩამოწვავდა, ბურანიდან ვერა და ვერ გამოსულიყო, სინათლეს ვერ ხედავდა.

— ვინ ჩიქვანმომხელეა...

— მე ვარ, ნესტორ! — მაგიდიდან გერა კვარაცხელია წამოდგა, შემოეგება.

— გავიგე, ჩემო გერა, ახალ ხელისუფლებას მხარი შეაგებე! — გულღრძოდ თქვა ნესტორმა. — შენ რომ კიბის აშენება გადანიყვიტე, მაშინ მივხვდი, რომ ჩვენს გზას განუდექი!.. თხუთმეტი წლის წინ მაცხოვრისგორაზე წითელი ალამი შენ ააფრიალე. ახლა კი ამ სახლის სახურავზე შინდისფერი დროშა ჰკიდია! ლალატის სუნი უდის ამას, იცოდე...

— მტრობა და სიძულვილი გალაპარაკებს, ჩემო ნესტორ, თორემ საკუთარი ქვეყნის სამსახური კაცს ლალატად როგორ ჩაეთვლება!

— რომელია შენი ქვეყანა?.. მერეთი?.. ადრე ჩვენ სხვა ფიცი ვფიცეთ, ვამბობდით, ჩვენი ქვეყანა მსოფლიო პროლეტარიატიაო!

— ჩემი ქვეყანა საქართველოა! — მხრები აიჩეჩა გერამ. — ახლა აქ შედარებით სიმშვიდეა, ირგვლივ კი სისხლის წვიმები მოდის. რა ვერ განწყნარებს, ვერ გამიგია. ჩვენი მთავრობაც ხომ სოციალისტურია. თუ საქართველოს სიკეთეს მოვუტანთ, ამით მსოფლიო პროლეტარიატსაც ვარგებთ!

— ჩვენი ლაპარაკი ორი ყურნაკლულის საუბარს ემსგავსება. ადრე ერთი გზით მივდიოდით, მე, ძღვიბი და შენ! —

ნესტორის ხმაში გულწრფელი წყენა ისმოდა. — ახლა ჩვენ მტრები ვართ! იცოდე, გერა კვარაცხელია, არც მსურს და არც ველი შენგან შეწყალებას!

გერა აუღელვებლად უსმენდა, მერე წყნარად ჰკითხა:

— ეფრო როგორაა?

ნესტორმა მზერა აარიდა. ქალები ადრე სულ ერთად იყვნენ. რაც ქმრების გზები გაიყარა, ისინიც, თითქოს უბრად არიანო, თავთავიანთ სახლებში გამოიკეტნენ. ამიტომაც გაუკვირდა ეს უბრალო კითხვა, სიფიცხე შეუწელა.

— რა უშავს!

— ტატაჩი?

— ფეხი აიდგა!

— მართაც დიდია უკვე! — გერამ სარტყელზე რევოლვერის ბუდე შეისწორა და უცებ მოწყვეტით თქვა: — წავიდეთ!

ნესტორი გაფითრდა, იხტიბარი მაინც არ გაიტეხა, მღელვარება დაიოკა:

— ახლა ისეთი დრო არაა, სასამართლო კომედიები ვითამაშოთ! შენს ადგილას მეც ასე მოვიქცეოდი!

— წავიდეთ, წავიდეთ! — გაანწყვეტინა გერამ, მკლავზე ხელი გამოსდო.

კიბესთან მდგარმა გუშაგმა განზე გაიწია, გერას არაფერი დაუბარებია.

მზე დაჰნათოდა მერეთს, ხასხასა მწვანე ფერი ჩამოეღვარა გაზაფხულს. მოქალაქეებმა ძილქუში ჩამოიგდესო, ბულვარზე, ტროტუარებზე, დუქნების მწკრივებთან გამოფენილიყვნენ. ზამთრის ტანისამოსი უკვე გადაენახათ, კაცები ბლუზებით, მანდილოსნები თეთრი კაბებით იწონებდნენ თავს. სიღარიბის ნიშანი ეტყობოდა მოსეირნეებს, მაგრამ პირზე კეთილგანწყობა და სიცოცხლის სიხარული იკითხებოდა და ნესტორ თოდუას შეებრალა თავი, დაენანა თავისი ახალგაზრდა სიცოცხლე... „მე ამათი ბედნიერება მინდა, — ფიქრობდა გულმომხამული, — ესენი კი ასე იოლად მიმეტებენ!“ სურდა ალაპარაკებულიყო, ყურადღება მიეპყრო: „ხალხო, ნუთუ ვერ ხვდებით, ყოფილმა მეგობარმა გამიმეტა, მივყავარ, რათა

ტყვია თავში დამახალოს!.. მერე და რისთვის?.. მხოლოდ იმიტომ, რომ სიყმანვილიდან ლატაკთა საქმე გავითავისე...“

ჩუმად მიდიოდნენ ყოფილი მეგობრები. არავინ იცოდა, რა ფიქრი ედო გულში გერას და რა ფორიაქს აეტანა ნესტორი.

ასე გადაკვეთეს ქალაქის ბულვარი.

ნესტორმა ნაბიჯი შეანელა.

— რა ჩაიფიქრე?

გერამ კეფა მოიქეჭა, მაცხოვრისგორისაკენ გაიხედა.

— ეფროს არ გამოემშვიდობები?

— მადლობელი ვარ წყალობისათვის! — უხეშად, ბრაზით წარმოთქვა ნესტორმა.

გერამ ამოიხვნეშა, დავა არ დაუნყია.

თოდუების სახლამდე მეტი არა თქმულა რა.

ეფრო ისე შეხვდა გერას, თითქოს აგერ, გუშინდა ხედავდაო, მკერდზე აკოცა, ცაცანა და მართა მოიკითხა.

ტატაჩი ხელში ეჭირა ქალს. ლაპარაკი უკვე შეეძლო პატარას, ენას იჩლექდა. ბაბა, ბაბაიო, — ლულუნებდა, ფუნჩულა ხელით ღილილოზე ეპოტინებოდა მამას.

სული აემღვრა ნესტორს, ბავშვი გამოართვა, ჩაიხუტა.

— შინ შემოდით, გარეთ რატომ ვდგავართ! — შემოიპატიჟა ეფრომ.

— გვეჩქარება! — თავი გააქნია გერამ. — შედით, ერთმანეთს გამოემშვიდობეთ, მე აქ დაგელოდებით!

ნესტორმა თავისუფალი მარჯვენა გადახვია ეფროს, შინ შევიდნენ.

— რა ხდება ჩვენს თავს? — ჰკითხა ეფრომ, პასუხს არც დალოდებია, ხელი უკანა კარისაკენ გაიშვირა: — გზა აქეთაცაა, თოლიგე!

— რას ამბობ, ოსურპატონი\*! — წარბი შეჰყარა ნესტორმა. — მე რომ გავიქცე, გერამ რა პასუხი გასცეს მთავრობას?

ეფრომ ხმა გაკმინდა, დაფაცურდა, სახელდახელო საგზალო გაუხაზირა ქმარს. უნდოდა ეთქვა ნესტორს, აღარ დამჭირდება აწი საგზალიო, მაგრამ გაჩუმდა, არ ისურვა დედაკაცის შეშინება.

ზღურბლზე დარჩა ეფრო, ხელში ბიჭუნა ეჭირა და კაცებს გაჰყურებდა.

— ბაბა, ბაბა! — აჭყლოპინდა ტატაჩი.

კვლავ ჩუმად მიდიოდნენ გერა და ტყვედქმნილი, ორლობეთა ხლართი არ იღეოდა. აწრიალდა ნესტორი, შეეჭვიანდა.

— ახლა საით? — ყრუდ იკითხა.

— ცაცანასთანაც შევიაროთ.

რალა ეთქმოდა, გაუჩუმდა ნესტორი, ველარ ამოეხსნა გერას ჩანაფიქრი.

აგერ კვარაცხელიების ჯარგვალის ცაცანა წამოფრინდა, ქმარს კისერზე ჩამოეკიდა. ნესტორს ხელი გაუწოდა, რად დაგვივიწყე, ჩვენი დაძმობის პირობა სად გაქრაო.

მართა ფეხებში ებლანდებოდა დიდებს, ყოჩაღად დაბაჯბაჯებდა.

ნესტორმა ხელი დასტაცა, კისერზე უღვაში მოუცაცუნა, ააკისკისა.

— ამ წუთას სადილს მოგართმევთ! — დაფაცურდა ცაცანა.

— გვეჩქარება! — აღმაცერად გახედა ნესტორმა გერას. სიხარული გაუქრა უცებ ცაცანას, კაცებს დააკვირდა.

— ნესტორ, გერა წინა კარიდან გავა, შენ უკანა კარით გადი! თქვენს ჯიბრს დრო გაარკვევს!

გერამ არაფერი თქვა, წვერზე ჩამოისვა ხელი. ნესტორმაც არაფერი თქვა, მართას ლოყაზე უჩქმიტა, გერას ანიშნა და ორივენი წინა კარით გავიდნენ.

ცაცანამ ბავშვი აიტაცა, აივანზე გაედევნა.

— გერა, კაცო!.. ნესტორ!

იმათ არ მოუხედავთ, ორლობეს დაუყვანენ, ჩხერიაზე გავიდნენ. კაკლებთან რომ ხიდია, ის გადაიარეს.

ხიდის თავზეც სამფეროვანი დროშა ეკიდა — შინდისფერი, შავით და თეთრით კუთხეში.

— თავისუფლებისაა ეს დროშა! — თითი ასწია გერამ.

— ბურჟუებისაა ეს დროშა! — უკმეხად შეეპასუხა ნესტორი.

კამათს აზრი არ ჰქონდა.

ორლობე მაცხოვრისგორასთან თავდებოდა. აქ იწყებოდა კიბის თეთრი საფეხურები.

შეჩერდა გერა, თვალი აადევნა.

შეჩერდა ნესტორიც, გუნებაში გადაითვალა. ცხრა საფეხური ახსოვდა, მეორე ცხრა და მესამეც დამატებოდა.

— როდისლა მოასწარი?

— თებერვლიდან ოქტომბრამდე, — ამოიხვნეშა გერამ, — ახლა მოცლა არა მაქვს. რესპუბლიკას დაცვა სჭირდება. დამშვიდდება ქვეყანა და ამ საქმესაც ეშველება!..

— მაგ სიმძიმე საფეხურებს ზურგით მოათრევ?

— უფალი ხელს მაშველებს და არ მემძიმება!

— მერედა ვის სჭირდება ეს?

— საქართველოს! — დაბეჯითებით თქვა გერამ. — სიმშვიდე და უფლის გზა, აი, რა სჭირდება საქართველოს!

ნესტორს ბრაზი შეუბრუნდა.

— აქ რატომ მომიყვანე? ამ თეთრ ქვეებს ჩემი სისხლი სჭირდება?

— რესპუბლიკას არ სჭირდება შენი სისხლი, ნესტორ თოდუავ! — მშვიდად, აუღელვებლად წარმოთქვა გერამ. — იარე შენი გზით! ოლონდ, ძველი მეგობრის პირობაზე, თხოვნა შემისრულე — ერთი წლით მაინც გადაიკარგე მერეთიდან... ცოტა დრო მაინც მოგვეცით, თქვე დედმამისშვილნო, სული მოგვათქმევინეთ და მერე ვნახოთ!

ნესტორმა უნდობლად შეხედა:

— კეთილები ხართ, ხომ? მტერიც გეცოდებათ! ქამარზე კი მაუზერი გიკიდია!

გერამ მაუზერის ბუდე გახსნა, შიგ რალაც რკინები ეწყო.

— რა არის ეს?

— სატეხებია. დროს რომ მოვიხელთებ, ქვეებსა ვთლი, საფეხურებად.

ნესტორს ყბა მოექცა.

— უხერხემლონო, ლაჩრებო!.. ვის რაში სჭირდება თქვენი სიკეთე! ქვეყანა ლამისაა სისხლმა წალეკოს!.. ჩემი სიტყვები დაიმახსოვრე, დიდი ხანი არ გინერიათ!



შებრუნდა და მთისძირა ბილიკს გაჰყვა.

გერამ თითქოს მძიმე ტვირთი მოიხსნაო, ამოიხვნეშა, კიბეზე ჩამოჯდა, საფეხურის გლუვ ზედაპირს ხელი გადაუსვა...

12

ბედი წყალობდა ძღვიბი თოლორაიას, თეთრებთან თეთრობდა, წითლებთან წითლობდა. ამათთან თუ მუშურგლესურ ხელისუფლებაზე იფიცებოდა, იმათთან დენიკინის სახელზე ინერდა პირფარს. სამოქალაქო ომის სისხლიანმა მორევმა ჩაითრია ის და ჩორნა... ჩაითრია და აბურთავა, აღმადამა ატარა. ვერ გაეგო, საითკენ მიჰქონდა დინებას, რა მიმართულებით, ცდილობდა ზედაპირზე ეტივტივა და გადარჩენის ხრიკებს იმდენაირად ხრიკავდა, რომ მტერსა და მოძულეს ოინი უყო... ჩორნასაც კი, ვისაც ეგონა, პატრონის ოინბაზობისა ყველაფერი ვიცო, არაერთგზის გაკვირვებისაგან დააფრენინა პირი.

ჩორნას მთლად აებნა გზაკვალი. ამიტომაც არ სცილდებოდა ქოსას, ძუნძულითა და ქოშინქოშინით მისდევდა, ეშინოდა, ორომტრიალში ჩავიკარგები და შინისაკენ გზას ვერ გავიგნებო. ამიტომაც ერთგულეობდა, ამიტომაც ეფიცებოდა ჩეკას, ძღვიბი თოლორაია ჩემი პარტიული ამხანაგიაო, ვითომც თვითონ დიდი ვინმე მოღვაწე იყო, ამიტომაც გამოჰყავდა ტყვიის წვიმიდან, არიდებდა შიმშილის მახეს. ქოსა ძღვიბია ის ტივტივა იყო, რომლის იმედით ჩორნაც არ ჩაიძირებოდა...

დაბოლოს, ტალღამ კავკასიის მთებზე მიაგდო ორივე. გამოღმა სისხლის წვიმები წვიმდა, გაღმა, საქართველოში სიმშვიდე სუფევდა, თუმცა ამ სიმშვიდის მოჩვენებითობაც საფრთხეს შეიცავდა. იქ რატომ უნდა ყოფილიყო სიმშვიდე, როცა აქ ყალყზე შემდგარი უქონელი სასტიკად უსწორდებოდა ყოველ მქონებელს.

— ბურჟუის ხარჭებია! — ასე აუხსნა რკინის კომისარმა ქოსას. — ამ მთებს მიღმა პროლეტარული თავისუფლების

სიოს ჯერ არ დაუბერავს. ხალხი გმინავს მსოფლიო იმპერიალიზმის უღელქვეშ. მენშევიკები მიეყიდნენ გერმანელებს... იმპერიალიზმის დაქირავებული აგენტები, ინტელიგენტიკები... დიახ, ხალხი გმინავს და თავისუფლებას ნატრობს და ჩვენ უნდა მივეშველოთ... თუ საჭიროა, დანით გამოვუშვიგნოთ გულმუცელი...

ძღვიბი და ჩორნა გარიჟრაჟზე შეუდგნენ აღმართს. მსუბუქი ტვირთი იკმარეს. ქოსას მაუზერი მოჰქონდა, ჩორნას ხელყუმბარა, ზურგჩანთაში შავი პური და ლორის ნაჭერი. მალვით მოდიოდნენ. უცხო მთის ხალხსაც არიდებდნენ თავს და ახალი რესპუბლიკის სასაზღვრე კორდონსაც.

ნაშუადღევს ააღნიეს უღელტეხილამდე. ქურუმ კლდეებზე გადმოკიდებული ყინულის ენები ტბათა ნაპირებს ლოკავდა. თეთრად მოელვარე მთებს ზევიდან ულურჯესი ცა გადმომხოზოდა. ზღაპრული სანახაობა წარმოუდგათ თვალწინ, მაგრამ ძღვიბისა და ჩორნას არა გაეგებოდათ რა სამყაროს მშვენიერებისა, მათი ტვინი სულ სხვა რამეებით იყო გამოტენილი.

— არაფერი გესმის, ჩორნა, შენ! — გულდინჯად მოძღვრავდა ქოსა თანამგზავს. — მგლის თავზე სახარების კითხვაა შენთან საუბარი. რაც გინდა უჩიჩინე მგელს, ის მაინც ტყისკენ იყურება. თუმცა რა შენი ბრალია! ექსპლოატატორთა კლასია დამნაშავე, შენ რომ მკვლელად და ყაჩაღად გაგზარდა. სოციალიზმის დროს არც ბანდიტი იქნება, არ მკვლელი. რკინის ცოცხით გამოვგვით ყველაფერ ბურჟუაზიულს და მაშინ გვექნება კაი ცხოვრება... აი, გაიმარჯვებს მსოფლიო რევოლუცია, ბურჟუებს ქათმებივით ნავაკლავთ ერთმანეთს და მთელი დოვლათი ჩვენ დაგვრჩება. ვიცხოვროთ მერე ძმურად. რატომ ვიჩხუბებთ, რა გვექნება გასაყოფი? ერთად ვჭამოთ, ერთად ვსვათ, სახლიც ერთად ავიშენოთ, დიდზე დიდი, უთვალავი ოთახებით. შენი ჩემი იქნება, ჩემი — შენი...

— ქალიც საერთო გვეყოლება? — ჩაიხვიხვინა ჩორნამ.

— ქალიც, რა თქმა უნდა, თუ ის პარტიული ამხანაგი არაა, — ჩაფიქრდა ძღვიბი, — პარტიული ამხანაგი რაღა ქალია...

ნუთუ მართლაც ასე საუბრობდნენ უღელტეხილიდან გადმოპარული ძღვიბი და ჩორნა?... ყოველივე ეს ბერი ზაქარაიას პალიმფსესტში წერია, მაგრამ ბერი იქ არ იყო, მან მხოლოდ ის იცოდა, რომ ორნი გადმოვიდნენ ქლუხორის უღელტეხილზე რკინის კომისრის დავალებით, ფრთხილად ჩამოჰყვნენ კოდორის ხეობას, იქიდან საკენისაკენ გადაუხვიეს, სოფელს ტყეტყე აუარეს, კვლავ ფერდობზე აფოფხდნენ. მოტიტვლებული სერი გადაკვეთეს და ჭუბერის ხეობაში აღმოჩნდნენ... კარგა ხანს მოდიოდნენ ასე. ფერდიდან ფერდზე ეშვებოდნენ, უღრანი ტყეები ჩაათავეს. საგზალი გამოელიათ და კენკრით იყურებდნენ შიმშილს... უფრთხოდნენ კაცსა და ნადირს... ჭუბერში, სახლის თავზე პირველად დაინახეს უცნაური დროშა — შინდისფერი, შავი და თეთრი ზოლით კუთხეში და ქოსამ ბოლმიანად შეიგინა:

— უუ, თქვენი, ბურჟუებო!

ჩაუყვნენ ნენსკრას. ქაფიანი ნენსკრა ღრიალებდა ვინრო ხეობაში. დაღლილდაქანცულნი საცალფეხო ბილიკზე ძლივს მიცოცავდნენ. იქ, სადაც ნენსკრა ენგურში ჩაიხრჩო, ჩალანდრებს გადაეყარნენ, ჯორცხენით თაფლი და ყველი ჩაჰქონდათ მერეთის ბაზრობაზე. ეჭვით შეხედეს უცხო კაცებს, მაგრამ კითხვით არაფერი უკითხავთ, პურზე დაპატიყეს... თითო არაყი გადაკრეს ძღვიბიმ და ჩორნამ. ქოსას ძვლები გაუთბა, ტვინში შეულიტინა და ტყუილების ბადე გააბა:

— საკენში მამიდა მყავდა გათხოვილი, იმის სატირალში ვიყავით. კოდორის ხეობაში ყაჩაღები დაძრწიანო, ხალხს ძარცვავენო და გვირჩიეს, ჭუბერით დაბრუნდითო. აქეთ რა ისმის, ბოლშევიკები ხომ არ გადმოსულან?

ჩალანდრებმა მხრები აიჩიჩეს, ბოლშევიკებზე ყურმოკვრით გაგვიგონია რალაცაო.

— როგორ, ლენინიც არ გაგიგონიათ? — გაუკვირდა ძღვიბის.

— რუსია? სვანები მთებზე რუსს არ გადმოუშვებენ! — გულდაჯერებით მოჭრა ერთმა ახმახმა.

გზა ერთად განაგრძეს. ქვევით, ღრმა ხეობაში ენგური გუგუნებდა, ქარავანი კი ვინრო და საშიში ბილიკებით თავბრუდამხვევ ფერდობებზე მიიწეოდა. გამოცდილი ჩალანდრე-

ბი და მთის მორჩილი ცხენები უსიტყვოდ უგებდნენ ერთმანეთს. ძღვიბი ჩიტის წონისა იყო და მიწას მისი სიმძიმე რას დაეტყობოდა, მაგრამ ჩორნა მოლაყუნებდა მძიმედ, მის ქვეშ მიწა იზნიქებოდა და უფსკრულში გადაჩხვას უპირებდა.

ხანდახან ერთურთს შეუძახებდნენ ჩალანდრები, მოკლე წინადადებებს ესროდნენ. ძღვიბი ვერაფერს გებულობდა, მით უფრო ჩორნა, ეგონა ჩვენზე ლაპარაკობენო და გულს ასკდებოდნენ, ბოღმა ავსებდათ. ენის ქავილი აუტყდა ძღვიბის, პირზე კლიტე ვერ დაიდო, როგორც კი ქარავანი წასახემსებლად მოხერხებულ ტაფობზე შეყოვნდა, სიტყვა ითხოვა:

— აი, თქვენ ლენინი არ გაგიგონიათ. რევოლუცია რომ მოხდა, იმას თუ მოჰკარით ყური?

— მეფე რომ ჩამოაგდეს? — იკითხა ახმახმა. — ეს ამბავი ვიცით, მაგრამ ჩვენ მაგას ვინ გვკითხავს...

— რუსეთში რევოლუცია მოხდა, მთელი ძალაუფლება მიუშვსა და გლეხებს გადაეცათ, ბურჟუებს დედა უტირეს, დიდი ომი გაიმართა...

— მაგი რა ჩვენი საქმეა, — ხელი ჩაიქნია ახმახმა, — ჩვენს სოფელში ათასი წელია, ბურჟუა არ გვინახავს!

— როგორ თუ ბურჟუა არ გინახავთ? — გაცეცხლდა ძღვიბი. — გაიხედგამოიხედეთ, ყურები გამოიბერტყეთ! ვერა ხედავთ აქ, საქართველოში იმპერიალისტების აგენტები კისრებზე დაგაჯდნენ. ეს ჟორდანიები და რამიშვილები სულ ბურჟუები არ არიან? დაგყიდნენ ნემეცებზე ერთად და ცალცალკე, მაშინლა მიხვდებით, ვინაა ბურჟუა და ვინ პროლეტარი...

— შენ რალაც სხვანაირად ჭიკჭიკებ, — მოიღუშა ახმახი, — ვინცა გვყავს, ისაა ჩვენი მთავრობა, ბურჟუა არ ვიცი მე!

— ეს ისე უქცევს, საკენიდან კი არა, უფრო ზემოდან ჩამოსულსა ჰგავს! — ჩაურთო მეორემ.

— ესენი მერეთში ჩავიყვანოთ და მთავრობას ჩავაბაროთ! — თქვა მესამემ.

— საბუთები შევუმონმოთ, — ახლა მეოთხე ჩაერია, — გაქვთ საბუთები?

ჩორნამ უბიდან ხელყუმბარა ამოიღო, შეათამაშა და დაიღრიალა:

— აი, საბუთი!  
ჩალანდრებმა ერთმანეთს ჭოჭმანით გადახედეს.  
ჩორნამ წინ უბიძგა ძღვიბის, თავისი ფართო ზურგით და-  
ფარა მოსალოდნელი თავდასხმისაგან.  
ფეხს აუჩქარეს, რათა ქარავანი კვალზე მოეწყვიტათ.  
სალამოს ჩააღწიეს ბარში. სოფლებს გარეგარე უვლიდნენ და  
უკვე დღისით მერეთი გამოჩნდა.  
დიდად არ შეცვლილიყო ძღვიბი თოლორაიას მშობლიური  
ქალაქი. ისევ ისეთი მტვრიანი ორლობეები გარეუბნებში, შო-  
რიშორ მდგარი ჯარგვლები, პატარა, მაგრამ ლამაზი ცენტრი  
— ქვაფენილი, ბულვარი, სასახლე, ორისამი ქვითკირის შენო-  
ბა... მაცხოვრისგორის თავზე თეთრად აღმართული ტაძარი...  
— ქვეყნიერება ინგრევა, ეს კი ისევე დგას, მაგისი ღდი-  
ნი... — ბოლმით შეაგინა, გაუგებარი იყო, ტაძარს თუ მთელ  
მერეთს.  
მართლაცდა, მსოფლიოს გრიალით უვლიდა რევოლუციის  
ქარიშხალი, აქ კი ერთი პატარა ქალაქი მყუდროდ განოლილი-  
ყო ჩხერიის სუფთა წყლის პირას, მაცხოვრისგორის მწვანე  
კალთასთან და უდარდელად თვლემდა.  
შეყოვნდნენ, სანამ კარგად დაბნელდებოდა. ძღვიბი გა-  
უძღვა ჩორნას. თითქოს სწორად მიდიოდა, თითქოს ნაცნობი  
ორლობეები გაიარა, მაგრამ როცა ეგონა, აგე, შინამდე მივალ-  
ნიეო, ადგილი ვეღარ იცნო.  
ვინმესთვის უნდა ეკითხა, მაგრამ ყოყმანობდა.  
— უკაცრავად, პატონი, ვერ მეტყვი, სად ცხოვრობს ძღვი-  
ბი თოლორაია?  
ბნელში გამვლელს ძღვიბს არჩევდა.  
— სად და ციმბირში! — ბერიკაცული ხრინნით შეეპასუხა  
უცნობი. — ამბობენ, იქ ჩაკლესო. თქვენ ვინა ხართ, ასეთ  
კაცს რომ კითხულობთ?  
ძღვიბის პასუხი არ მოეწონა, თუმცა უნდა გაკვირვებოდა,  
ათი წლის შემდეგ ვიღაცას რომ მისი სახელი ახსოვდა.  
— ვიცი, რომ გადაიკარგა, მაგრამ აქ ხომ ჯარგვალი დარ-  
ჩა და ცოლშვილი!

— ჯარგვალი დაინვა, — თქვა კაცმა, — ჟანდარმებმა ქნეს  
ეს საქმე, ძღვიბი რომ დაიჭირეს, მაშინ... ჩათაც დაიჭირეს და  
იმდენი ცემეს, დაჭლექდაო, ამბობდნენ. ცხოვრობს სადღაც  
გარეუბანში, გათხოვდაო, ისიც თქვეს... იქნებ ჭორია, თუმცა  
იმ ქოსას ხომ არ დაელოდებოდა სულ...  
ძღვიბიმ ხელი ატაკა კაცს და გვერდზე მიაგდო. ჩორნამაც  
წიხლი მიაზილა. უადგილოდ აჭიკჭიკებულს ენა, ეტყობა, მუ-  
ცელში ჩაუვარდა. ძღვიბი კი წინ გავარდა, გზაჯვარედინამდე  
ირბინა. ჩორნა ქოშინით წამოეწია.  
— ჰა, რა დაგემართა? — ხელი თანაგრძნობით შეახო. —  
ცოცხლები ხომ არიან, მოვნახავთ!  
— მომწყდი, ჩორნა! — აფეთქდა ძღვიბი და კვლავ წავი-  
და, ამჯერად ჩქარი ნაბიჯით.  
ჭიშკართან გაჩერდა, სიღრმეში სახლი ჩაბნელებულიყო.  
— ნესტორ! — ხმადაბლა დაუძახა ძღვიბიმ.  
სახლიდან ჩქამი არ ისმოდა.  
— ნესტორ, კაცო, ნესტორ! — ხმას აუნია.  
პასუხი არ იყო.  
— შინ არ არიან! — დაასკვნა ჩორნამ.  
შებრუნდნენ. კარგა ხანს იარეს და ძღვიბი კვლავ გაჩერდა.  
ეზოში სახლი იდგა და მოღიავებული კარიდან ჭრაქის სი-  
ნათლე გამოდიოდა.  
ძღვიბიმ მუხლის სისუსტე იგრძნო. სული მოითქვა და შეც-  
ვლილი ხმით გასძახა:  
— გერა, ჰა, გერა!  
ქალმა გამოიხედა.  
— ვინ ბრძანდებით?  
ძღვიბიმ ცაცანა იცნო, თავის გამჟღავნება არ ისურვა.  
— გერა შინაა?  
— არ გახლავთ, პატონი! შემობრძანდით, სტუმარი ღვთისაა!  
— დიდი უკაცრავად, მაგრამ არა გვცალია! — ძღვიბი სიბ-  
ნელეში იდგა და ისე პასუხობდა.  
კარიდან ბავშვებმა გამოიხედეს. ორნი იყვნენ. ძღვიბი მათ  
სახეებს ვერ არჩევდა. „უკვე ორი ყოლია!“ — შურმა გაკენწლა.

თვითონ ხეტიალს გადაყვა, ძმაკაცები კი ლოგინს ვერ შორდებიან და ბავშვებს აცხობენ.

— დიდი უკაცრავად, მაგრამ ჩათას სახლი უნდა მიმასწავლოთ!

ცაცანა აივნიდან მთლად გადმოვიდა. ხელს იჩრდილებდა, რათა სიბნელეში რამე გაერკვია, მაგრამ კაცებს ვერა ხედავდა და ხმაში შიში შეეპარა.

— ამ ორლობეს გაყევით, პატონი, სულ ბოლო სახლი იქნება!.. შემობრძანებულიყავით, გერაც საცაა გამოჩნდება!

ძღვიბიმ ხმა გაკმინდა, სიბნელეს შეერია. ჩორნა შავი ლანდივით მიედევნა.

სიცხიანივით მირბოდა... ეგონა, ჩათა დახვდებოდა, ათი წლის უნახავი ცოლი, ჩათბუნდებოდა ცოლქმრულ სარეცელში, ოღონდაც ქალი ეშმაკისაა... ძღვიბი ცხოვრებამ ტანჯვის ზღვაში ათრია, მისი ცოლი კი კარგა ხანია სხვა კაცს ჩახუტებია, სხვასთან ნებივრობს... ქოსას გული ამის გაფიქრებაზეც კი ღვარძლსა და ბოლმაში ცურავდა... მთელი ქვეყნიერების მიერ გათელილს ამ ქალის დანდობის იმედილა რჩებოდა და არც ამან დაინდო...

ორლობის ბოლოს სახლები შეთხელდა. ბნელში გაყურსულიყვნენ და აქაიქ თუ ჭიატობდა სუსტი ჭრაქი.

ძღვიბი უცებ შეჩერდა, ჩორნა ზედ გადააწყდა, კინალამ წააქცია.

— აი, აქ! — თქვა ძღვიბიმ.

ლობენულთან იდგნენ. ბნელში ჭიშკრის ძებნა არ დაუნყიათ, ლობეს აუტეხეს ლანალუნნი.

დაბალი, ორთვალისანი ოდიდან სუსტი შუქი კრთოდა.

— რომელი ხარ? — იკითხა მასპინძელმა.

— სტუმრები ვართ, კეთილო კაცო, გზა აგვებნა!

— მობრძანდით, სტუმარი ღვთისაა! — შიშინად შეეხმინა მასპინძელი.

კიბე არც უგრძვნია ძღვიბის, ასე ეგონა, რალაც ძალამ ეზოდან პირდაპირ აივანზე შეაგდო.

კაცუნას დანახვამ მასპინძელი დაამშვიდა, მაგრამ სიბნელიდან ჩორნა რომ წამოიმართა, ხმა დაუტკბა:

— მობრძანდით, მობრძანდით! — თან უჩინარ დიასახლისს გასძახა: — ჩათა, სტუმრებია!

ქალი, ალბათ, აქამდე ტახტზე იჯდა, კაცის ხმამ წამოაგდო.

— მობრძანდით, ბატონო!

იგი არ ჰგავდა იმ გამწლეულ, თამაშთამაშა გოგონას. ათწელიწადს ისე შეეცვალა, სადმე, ქუჩაში რომ შეხვედროდა, ვერც იცნობდა. ადამიანს თვალეხი ეცვლება ყველაზე გვიან, თვალეხით იცნო თავისი ჩათა და გული შეუხტა.

— აქეთ, აქეთ, ჭირიმე, აქ დაბრძანდით! — ფაციფუცობდა თავგზააბნეული მასპინძელი.

ღარიბულ ოთახში მაგიდა და სადა ტახტი იდგა, ოთხი ტაბურეტი. ლამპა ბუხრის თავზე შემოედგათ და ოთახს მონითალო შუქი ეფინა.

„ღატაკს გაჰყოლია!“ — ნიშნისმოგებით დაასკვნა ძღვიბიმ. გული ბოლმაში იძირებოდა და მასში პატიების გრძნობა არ გაფაჩუნებულა. ტაბურეტი ფეხით გამოსწია, დაჯდა და ჩორნასაც ანიშნა, დაჯექიო.

დიასახლისი დაბნეული იდგა, თითებით წინსაფარს აწვალებდა და ქმარმა შეუძახა:

— ჩათა, რამ დაგაბნია, დატრიალდი ახლა შენებურად, არ შემარცხვინო!

— ნუ წუხდებით! — ყასიდად ითავპატიჟა ძღვიბიმ.

იგუმანა, ქალმა მიცნო და მისი დაბნეულობით ტკბებოდა.

— ჩემი სიკვდილი, მთლად გამოვშტერდი! — ხელები გაასავსავა ჩათამ. — კაცო, ღვინო ამოიტანე!

„იქნება შენი სიკვდილიც!“ — განაჩენი გამოუტანა ძღვიბიმ.

მასპინძელმა თითქოს გამოსავალი იპოვაო, მოზრდილ, სიმინდის ნაქუჩით თავდაცობილ კოკას დაავლო ხელი.

— უკაცრავად ვარ, მაგრამ ა, ამ წუთას გეახლებით! ღვინო შემოგვაკლდა, სარდაფი ორ ნაბიჯზეა...

სტუმრებმა ერთმანეთს გადახედეს.

„გაგვცემს!“ — უსიტყვოდ იკითხებოდა ჩორნას სიფათზე.

„საპოლიციო უბანი შორსაა, ვერ გაბედავს!“ — გაიფიქრა ძღვიბიმ და მზერა მიაყინა შუა ოთახში გაუბედავად შეყოვნებულ ქალს.



— ჩათა! — ხმადაბლა გასძახა, ხმაზე გალიზიანება ეტყობოდა. ქალს თავით ტერფამდე ცახცახმა დაუარა, საწყლად გაუღიმა.

— ჩემი სიკვდილი, ძღვიბი, უმალ გიცანი, მაგრამ რა ვქნა მე დასამინებელმა!

— ესაა შენი ქალობა? — ბოროტი შურისგებით იკითხა ძღვიბიმ. — ასე უერთგულე გაციმბირებულ ქმარს, ხომ! — ტაბურეტიდან წამოხტა, პირისპირ აეტუზა. ქალი ამ ათ წელიწადში ხორციტ ავსებულყო. სიმაღლეც მომატებოდა და ძღვიბი ქვემოდან აჰყურებდა. — მე იქ, სიცვივეში, შიმშილით ვიღუპებოდი, შენ კი იმას ცდილობდი, ლოგინი არ მოგეცდინა, ხომ?

— შენ რომ დაგიჭირეს, ულუკმაპუროდ დავრჩით, ბავშვი კინალამ გამითავდა... ისიდორემ გამიმართა ხელი, — თავის მართლებას შეეცადა ჩათა, — ბიჭი უკვე დიდია, დღეს ცაცანასთან დავტოვე...

ძღვიბი კბილატკიებულივით დაიჯღანა, თითქოს მუცელში ამოარტყესო, უცნაურად მოიკაკვა, მაიმუნს დაემსგავსა. რალაც საშინელის თქმას აპირებდა, მაგრამ პირიდან სისინი ამოსდიოდა და ზარდაცემული ქალი გაბრუნებული იდგა.

ჩორნამ ვერაფერი გაიგო ამათი ლაპარაკისა, იჯდა, ტაბურეტს აჭრაჭუნებდა და ხან ერთს მიაჩერდებოდა, ხან მეორეს.

ძღვიბის უხსენებლის პანია თვალები დაუვიწროვდა. მის აღგზნებულ ტვინში მხოლოდ ერთი აზრი ტრიალებდა: აქვე, ახლავე, რამენაირად ეძია შური!.. სასჯელი უნდა ყოფილიყო სასტიკი და შეუბრალებელი. „წავაქცევ ტახტზე და ჩორნას თვალწინ ავხდი ნამუსს!“ — გულღრძოდ გაიფიქრა, მაგრამ ამ წამიერმა აზრმა უფრო გააბოროტა... ვერ შეძლებდა, კაცობა არ ეყოფოდა... სისხლიან ორომტრიალში დაკარგა ძღვიბიმ მამაკაცური ძალა. პირველად ამას რომ მიხვდა, კინალამ ტყვია დაიხალა. თავი ვერ გაიმეტა, მაგრამ ქალის სინსილა შეზიზღდა. დარჩენილ სიცოცხლეს მისცემდა ახლა, ოღონდ ის ძალა მობრუნებოდა. იმისთვისღა ჭირდებოდა, მოღალატე ქალი ტალახში ჩაეზილა და შურისძიებით დამტკბარიყო.

ჩათა გუმანით მიხვდა, ძღვიბის სულში საშინელი რამ მზადდებოდა, შიშისაგან მუხლები მოაწყდა, ძირს დაეშვა და ხმაჩავარდნილმა შესთხოვა:

— მაპატიე, ძღვიბი, მე უბედურს!

— მე ვინ მაპატიო! — თითქოს უკბინესო, შეხტა ძღვიბი. საკუთარმა უძღურებამ გაამწარა, თხელი პირიდან სისინით გამოსცრა: — ბოზო, უკაცოდ ვერ გაძელი, ხომ? აგერ მოგიყვანე შენი სადარი ახვარი! ჩორნა, მიდი!

ჩათამ ვერ გაიგო, რას უპირებდნენ. თითქოს დაყრუვდაო, სიტყვათა აზრმა მის ცნობიერებაში ვერ ჩააღწია. ოღონდ უზარმაზარი, ნიჩბივით სახემოქცეული ჩორნა რომ წამოვიდა, ძღვიბის მუხლებზე მოეხვია:

— არა, არა!

ძღვიბიმ ცივად მოიშორა.

— არა, არა! — იწივლა ქალმა, მაგრამ ჩორნა უკვე თავზე ადგა. პირზე ხელი ააფარა, იატაკს მოწყვიტა და ტახტზე დააგდო. ქალი ასხმარტალდა, გიჟივით გაუნია წინააღმდეგობა. ოღონდ ბაყბაყდევის ღონიერ ხელებს ველარ უსხლტებოდა, — ჩორნა ხვიხვინებდა და კაბას ახევდა.

ძღვიბი კართან წამით შეყოვნდა. არ უნდოდა მოეხედა, მაგრამ უნებლიეთ მზერა გააპარა. ქალის შიშველ ბარძაყებს ჩორნას ბინძური ლეში გადაჰფოფრებოდა.

გულისრევა მოაწვა. იქვე, კიბესთან ანთხია.

ოთახიდან ფხაკური და ორთაბრძოლის ხმა გამოდიოდა და ძღვიბიმ თანდათან ჭკუაზე აინია.

წაკუზული იყო და ვერა და ვერ იოკებდა ღებინებას.

მერე სიჩუმე ჩამოვარდა. ცოტა ხანში ზღურბლზე ჩორნა გამოჩნდა.

ძღვიბი თავს ძლივს მოერია. პირი შხამით ჰქონდა საცხე. ხმა დაიმორჩილა და ნაძალადევი გულგრილობით ჰკითხა:

— რა ქენი, ჩორნა?

— მე არ მინდოდა... — ენა დაეხა ჩორნას. — არ იკივლოს-მეთქი და მოუჭირე... ეტყობა, მეტი მომივიდა!

— გაგუდე?

ჩორნამ სუსტად ჩაისლუკუნა.

— წავიდეთ! — დაუგდო ძღვიბიმ და სიბნელეს შეერია. ჩორნა ფეხდაფეხ მიჰყვა. შიშინად კრუსუნებდა, თავს აცოდებდა.

წინიდან ფეხის ხმა მოისმა, ვილაცა აჩქარებით მოდიოდა.

— მისმინე, ჩორნა! — ჩასჩურჩულა ძღვიბიმ. — ქმარი ბრუნდება. შინ რომ მივა, განგაშს ატეხს და ველარ გავასწრებთ. მიდი, გააჩუმე, სანამ ვერაფერს მიმხვდარა!

ჩორნა უსიტყვოდ გავარდა. ძღვიბი ღობის ჩრდილს აეკრა. თვითონ არ ჩანდა, ორ ლანდს კი შესანიშნავად ხედავდა.

ჩია კაცს მხარზე რომ შემოედგა, ცხადია, ღვინის კოკა იყო.

გზაზე შავ კლდესავით წამოიშრათა ჩორნა და კაცი ზედ გადააწყდა.

— ა! — ერთი ბგერაღა აღმოხდა. ტკაცანი გაისმა. ეს ჩორნას მძიმე მუშტი დაეშვა ჩია კაცის თავზე. ძირს დავარდნილი დოქი გასკდა და ჰაერს ღვინის სუნი შეერია.

— გავიქცეთ! — ჩაუქროლა ძღვიბიმ.

ორივენი კარგა ხანს გარბოდნენ.

მერეც დიდხანს იხეტიალეს აღმადღმა.

გარიჟრაჟზე ხურჩას პირას გააღწიეს, იქ, სადაც მღვრიე ხურჩას ჩხერია უერთდებოდა.

აღმოსავლეთით მზე ამოიწვერა და ჟანგისფერი სხივები გადმოაფინა.

დალლილი ძღვიბი ხაბოზე ჩამოჯდა. მდინარე ფართოდ მიაქანებდა ტალღებს, ნესტი და სიცივე ამოდიოდა და ძღვიბის აცახცახებდა.

იჯდა და თავისი უბედური გზების უნებლიე თანამგზავრს გაჰყურებდა.

ჩორნა ნაპირზე ჩაცუცქდა, ხელები დაიბანა, წყალი პირზე შეისხა.

— ჩორნა! — ხმადაბლა დაუძახა ძღვიბიმ.

ჩორნამ უხმოდ ამოხედა. არ მოეწონა ეს ხმადაბალი შეძახილი. ძღვიბის ხელში მაუზერი ეჭირა და არც ეს მოეწონა ჩორნას.

— შენ დღეს საკუთარ თავს გადააჭარბე, ჩორნა! — შემპარავი ალერსით თქვა ქოსა ძღვიბიამ. — ის ქალი ჩემი ცოლი

იყო და ეს შენ იცოდი, ჩორნა... ჩემი შვილის დედა... ჩათა ერქვა... მე ის მიყვარდა...

ნაწყვეტნაწყვეტ ლაპარაკობდა, თითქოს ყოველ სიტყვას სასწორზე წონიდა.

გაჩუმდა და მაუზერი ასწია.

— რას შევები, ხომ არ გაგიჟდი! — შეუძახა ჩორნამ, მაგრამ უკვე გვიან იყო.

ძღვიბიმ სასხლეტს თითი გამოჰკრა. ტყვიამ ბაყბაყდევს გულმკერდი შეუნგრია, ხურჩას მღვრიე ტალღებმა მის წიაღში გადავარდნილი ჩორნა ტაატით წაიღო...

მერეთი ემზადება სადღესასწაულოდ. მთელი ქალაქი გადანიტლებულა. დროშები, ყველგან დროშები... ელნათურების ბოძებზე, აივნებზე, დანესებულებებზე... ქუჩების გარდემო ვეებერთელა ტრანსპარანტები გაჭიმულა, რუსულ და ქართულ ენებზე უსასრულოდ მეორდება ერთი და იგივე: „გაუმარჯოს... გაუმარჯოს... გაუმარჯოს!“ სურათები... სურათები... მარქსენგელსენინსტალინი, ან ლენინსტალინი, ან სტალინი და მისი თანამებრძოლები... მოლოტოვი სათვალისგან ბეცად იყურება... ბერიას პენსე უკეთია... ვიშინსკი იმპერიალისტურ აგენტებს სჯის... ყველგან კვლავ სტალინი, სტალინი, სტალინი...

ბერი ზაქარაიას სულში უხერხულობის შეგრძნება იზადებოდა. არ მოსწონდა ეს სიჭრელე და აურზაური, თავის ტკივილი ეწყებოდა. სურდა გარიდებოდა ყოველივეს, მაგრამ ეს იყო არსებობის ერთადერთი ფორმა და მოცემულ განზომილებას ვერსად გაექცეოდა. პირიქით, ყველა მსგავს ზარზეიმში უნდა ჩაბმულიყო, ქალაქში გამორჩეული პიროვნება ამ პატივს ვერ დაემალებოდა.

ჩვეულებრივ კოლონის თავში აყენებდნენ ხოლმე. ეს მისი მუდმივი ადგილი იყო საშვიდნოემბრო თუ საპირველმასისო

მსვლელობისას. კულტურის ფრონტის მუშაკები ცალკე კოლონად ეწყობოდნენ. ყოველთვის ერთი და იგივე ლოზუნგი მოჰქონდათ: „კულტურა პარტიის ერთგული მსახურია!“ „პირისფარეშია!“ — ზიზლით გაიფიქრებდა ბერი. ამისი ხმამალლა გაცხადებდა კი არა, იცოდა, გაფიქრებაც საშიში იყო. „ლაქიაა!“ — მაინც არ ეშვებოდა ასეთ ფიქრს, აკრძალულის სიტკბოება წამლავდა. ისე კი, სასულე ორკესტრის გრიალში, დემონსტრანტთა ნავარჯიშე „ვაშაში“ მისი სუსტი ხმაც ალბათ თავისას აკეთებდა. სხვანაირად არც გამოუვიდოდა. იმიტომაც იყო გამორჩეული, იმიტომაც მიაბიჯებდა სხვაზე წინ, ქვეყანას ცოდნოდა, ვინ ვის უწყობს ნაბიჯს, ვინ უფრო გამოხატავს ენთუზიანზმსა და ერთგულებას. ტრიბუნაზე ჩამწკრივებული ხელმძღვანელი ამხანაგები ნაცრისფერ სილუეტებად აღიქმებოდნენ. ბერი იცოდა, რა ძალა იმალებოდა ერთ თარგში გამოჭრილ ამ სილუეტებში და ხელს უქნევდა, ნიშნად იმისა, თქვენი ვარ, ეჭვიც ნუ შეგეპარებათო... გასცდებოდა მოედანს და დაღლილი, მოთავებული ბერი გაიფიქრებდა: როდემდე? ნუთუ მთელი ცხოვრება ასე „ვაშას“ ძახილით უნდა გავლიო... იქნებ ჯობდეს, ტყვია დავიხალო და ამით მოთავდება ყველაფერიო... მაგრამ ეს იქნებოდა გამოწვევა, ამბოხი, ბერი კი მემბოხედ არ იყო გაჩენილი... ამბოხის წილ ისლა შეეძლო, ფეხჩქარებით გასცლოდა ხალხმრავლობას, მიეტოვებინა უმეცართათვის მოგონილი საზეიმო რიარია...

მიაღწევდა მაცხოვრისგორის ძირს, აჰყვებოდა კიბის საფეხურებს, ფეხს მანამ უჩქარებდა, სანამ ქოშინი აუტყდებოდა. ღონე არ ყოფნიდა, ას მეერთე, ბოლო საფეხურამდე ასასვლელად. შეჩერდებოდა სულის მოსათქმელად, ამ დროს გულზე ხელი ჰქონდა მიდებული. შემობრუნდებოდა ქალაქისაკენ, გახედავდა.

ეულად, მარტოსულად ცხოვრობდა ბერი ზაქარაია. დედამინის ზურგზე არავინ და არაფერი გააჩნდა ამ ქალაქის გარდა. ქალაქი კი, თბილი, ნაზი, მოსიყვარულე, ხანდახან ურჩხულს ემსგავსებოდა, მზად რომ იყო, თავისი უგუნურობით გაესრისა ბერის მეობა.

დღესაც აქ, ამ კიბეზე ამოირბინა, შემობრუნდა. გახედა ფერხით გაშლილ მერეთს, შემოდგომის ყვითელვარდისფრად შეღებულ ბუღვარს, ყავრიანკრამიტთან ოდასახლების უსასრულო რიგს... საფეხურზე გაზეთი დაიფინა, დაჯდა და გაყურდა.

მაცხოვრისგორის ფერდობზე გრილი ნიავი დაფაჩუნობდა, მყუდროება და სინყნარე სუფევდა. ლურჯი ცა ახლოს იყო, ქალაქის არეული ხმები კი ციდან ექოდ ეფინებოდა, ნელდებოდა, რბილდებოდა...

სადღაც ცის ტატნობზე გაბერილი ბუმტი ტივტივებდა, კუდად წარწერიანი წითელი ნაჭერი გამობმოდა. წარწერა აქედან არ იკითხებოდა, მაგრამ ისედაც იცოდა ბერი, რაც ზედ ეწერა,.

„ნუთუ ოცდაათი გავიდა?“ — ამოიხრა.

დიახ, თითქმის ოცდაათი წელი გავიდა იმ დღიდან, როცა თორმეტი წლის ბერი მაცხოვრისგორასთან მძიმედ დატვირთულ კაცს წაანყდა.

წელზევით შიშველს მხრებზე ქვის საფეხური შემოედო და ჩხერიისპირა ბილიკით ამოდიოდა.

კუნთები ეძაგრებოდა, ბურთულეებით ასხდა ტანზე. ოფლი წურწურით ჩამოსდიოდა თავკისერზე.

„ლამაზი კაცი იყო ცხოვებული, — სევდამ შეიპყრო ბერი, — ახალგაზრდული, ჩამოსხმული ტანი ჰქონდა, სული კი ბერიკაცივით ბრძენი. მიხვდა, რომ დროჟამმა კალიბანს გაუხსნა ასპარეზი, არიელი კი დააკნინა, ჰარმონიული წონასწორობა დაირღვა... თავისი ამ ახირებულობით შეეცადა დარღვეული წონასწორობის აღდგენას...“

მართლაც ახირებული კაცი იყო გერა კვარაცხელია. მემბოხედ დაბადებული, ველარ ეგუებოდა ხელმწიფეთა ხელმწიფობას, თავს მხოლოდ უფალს უხრიდა. ეს იყო მესამე გზა, რაკი იმ დროს ერთი გზა ხელმწიფის მსახურება იყო, მეორე — მისი სრული უარყოფა.

„ხერხემალს გადაიტყვის საცაა!“ — შეშინდა ბერი. უნდოდა, წაშველებოდა, მაგრამ რაღაცამ შეაკრთო, ღონე წაართვა, ისე მიმოიხედა, თითქოს საძრახის საქმეზე წაასწრესო. შემ-

დგომ, უკვე ასაკში შესული, იხსენებდა იმ გაუგებარ შიშს. მიზანს ვერ მივუხვდი და იმან შემაშინაო, ფიქრობდა. იქნებ შერეკილი იყო გერა კვარაცხელია! მაშინ მისი მოქმედება იოლად აიხსნებოდა. მაგრამ თუ შერეკილი არ იყო, თუ ის უზენაეს ნებას ემორჩილებოდა?..

ასეთ კითხვებზე პასუხს თორმეტი წლის ბერი ვერ დაძებნიდა. მონუსხული უთვალთვალეზა უცნაურ კაცს. იგი ნელა მოაბიჯებდა, ფეხს მყარად ადგამდა. ასე მიაღწია პირველ საფეხურამდე, მოსინჯა, ხენეშით აინია. ახლა მეორე მოსინჯა. ასე თანდათან მიიწევდა ერთი საფეხურიდან მეორეზე, მალა და მალა, ბოლო საფეხურამდე... იქ ჩაიკუზა, ტვირთს ადგილი მოუძებნა, რათა დარტყმისაგან თლილი საფეხური არ გაპობილიყო. მერე წინასწარ გამზადებული ფუძე შეასწორა, აუჩქარებლად მოზილა დუღაბი, გადაუსვა. ლოდი გამოაჩოჩა, ჩასვა როგორც საჭირო იყო... ზედ ჩამოჯდა და ქალაქს გახედა...

— რაო, გიკვირს? — ჰკითხა ბერის, უღვაშებში ჩაელიმა. ყმანვილი განითლდა, ეგონა, ვერ ამჩნევდნენ.

— ეს თეთრი კიბე აი, იმ ტაძარზე აგვიყვანს! — აუხსნა კაცმა.

ტაძარი ისე მალა იდგა, ასი წელი დასჭირდებოდა კიბის იქამდე აყვანას.

„მოცლილი უნდა იყო!“ — გაიფიქრა ბერიმ.

გერა კვარაცხელია მოცლილი არ იყო.

ჟამი იდგა მოუცლელობისა... რევოლუციამ შვა რესპუბლიკა, რესპუბლიკას ახალი ფორმა და ახალი სული სჭირდებოდა. ჰქონდა კი რესპუბლიკას დრო ისეთი ფორმის ჩამოსასხმელად, იმავდროულად ჭეშმარიტი სულიერების ჭურჭელიც რომ იქნებოდა!

ერთხელ კაცი ვინმე მოვიდა, გვარდიელის კიტელი ეცვა. მტკიცე მიმოხრა ჰქონდა, ხელი რევოლვერის ბუდეზე ედო.

ახედა გერას ნამუშევარს და თქვა:

— კიბე მარადისობისაა, ჩვენ კი ახლა გვიჭირს!.. რა არის უზენაესი მიზანი?.. სამშობლო! მისი აღშენება!.. სამშობლო აგერაა! — კაცმა ხელით ჰაერი შემოხაზა, თითქოს მთელ მერეთს

შემოავლო. — უნდა ავაშენოთ, საკუთარი ფორმა მივცეთ. მას კიბე კი არა, მაუზური და ახალი კანონები სჭირდება!

გერამ ხელსაწყობი ჩანთაში ჩაილაგა, შინ წამოვიდა. ღამით ცაცანას სამფერი დროშა შეაკერინა. დილით ბულვარზე ფრიალფრიალით ჩამოატარა, მაზრის სამმართველოს შენობამდე მიიტანა, იქ აივანზე გადმოკიდა და კაბინეტში მაგიდას მიუჯდა.

— ვინ ჩიქვანმობელეა, დაჭერას რომ მიბედავს! — გაიგონა რიხიანი შეძახილი და ნესტორ თოდუა შემოუყვანეს...

„სიკეთით უნდოდა რესპუბლიკის დაცვა, — ნაღვლიანად ფიქრობდა ბერი, — ნუთუ ბოროტება უფრო ძლიერია? სიკეთე ვერ გაუმკლავდა ბოროტებას!“

ოცდაათი წელი ვერ განიკურნა ბერი ზაქარაია იმ სიმთვრალისაგან. ვინმეს რომ გაეგო, მუზეუმის დირექტორი კიბეზე იმიტომ ჩამომჯდარა, მესხიერებაში ყველასაგან მივიწყებულ და წაშლილ შინდისფერ რესპუბლიკას აცოცხლებსო, ოჰოჰო!.. ფიქრიც ხომ საშიში იყო, ოღონდ სად გაექცეოდა საკუთარ წარსულს. სიმთვრალის ჟამს ადამიანს რეალობის გრძნობა ეკარგება. იქნებ იმიტომაც ეჩვენებოდა ის შორეული წლები მარად გაზაფხულად, გერა კვარაცხელია კი იმ გაზაფხულის მეკვლე... „ხალხი ჩვენს მხარესაა!“ — იტყოდა გერა და მართალიც იყო. ხალხი მის მხარეს იდგა, თუმცა ბევრმა არც იცოდა რატომ... ზოგს შინდისფერი დროშის ფრიალი მოსწონდა ალბათ, ზოგს რესპუბლიკა, ზოგს გერა კვარაცხელია...

მერე მოვარდა ჭუჭყიანი ზვავი. ქვაფენილზე ფლოქვები არაკუნდა, ჩექმები აბრაახუნდა, ზარბაზნისა და ოთხთვალეზის რკინისსალტიანი ბორბლები აგრიალდა... საიდანაც ჩამოიღვარა ხაკისფერი ტალღა დაუბანელი სალდათებისა, გზა-გზა ტილი რომ ცვიოდათ... ნაკვალევზე უბნის ქათმები კენკავდნენ, თან ფრთხილობდნენ, მანდ არ დაგვიჭირონ და ცოცხლად არ გაგვპუტონო...

ამ უთავბოლოდ და უსაშველოდ გაჭიმულ არმიას, ვინ იცის სად წაომარს, ახლა კი აღთქმულ ქვეყანაში ჩამოღწეულს, წინ, დახეთ, თეთრ ცხენზე ამხედრებული ქოსა ძღვიბია მოუძ-



ღვის, ვერ გაიგებ სარდლად, თუ უცხო ძალის მეგზურად საკუთარ სამშობლოში. პირისახე მაიმუნის ნილაბივით უცინის, გამარჯვების სიხარულს ველარა მალავს... ქოსას გვერდიგვერდ შავცხენოსანი ნესტორ თოდუა ასდევნებია, გაუღიმარი და მკაცრი, ბედისწერასავით უცხო და გაუგებარი.

მოდინ თავიანთ ქვეყანაში, ხელთ ნითელი დროშები უპყრიათ, ზედ არაქართული წარწერებია, მერეთში ორი კაცი ძლივს რომ ამოიკითხავს...

გერა კვარაცხელია კაბინეტიდან გამოდის. აივნიდან სამფეროვან დროშას ჩამოხსნის, დაკეცავს, გულის უბეში ჩაიდებს... მერე კიბეზე ჩამოირბენს და ტროტუარზე ჩერდება.

აგერ ხაკისფერმა ტალღამაც მოაღწია. ცხენები შეაჩერეს ძღვიბიმ და ნესტორმა.

— გერას გაუმარჯოს, გერას! — იძახის ძღვიბი. — დავბრუნდით, გერა, გაყვარეთ ბურჟუები და თავისუფლება მოვიტანეთ!

გერას პირი მოუკუმავს, დგას, სადღაც სივრცეში, ძღვიბის მიღმა იყურება.

ახლოს მოაგდი ნესტორმა ცხენი, გადმოიხარა, უთხრა:

— ნუ გვიწყენ, გერა, უსაქმოდ დაგვირჩები, შენი ხელისუფლება ჩაბარდა წარსულს! შენმა მთავრობამ ოქროვერცხლი მიიტაცა და გემით მოუსვა!.. წინ ბევრი დრო გაქვს, შეგიძლია ქვეები ათრიო და კიბე აშენო! ძალიანაც კარგი იქნება, კიბის თავზე ამ ნითელ დროშას რომ ავაფრიალებთ!

— რა კიბე? — იკითხა ძღვიბიმ.

— ნახავ, რა კიბესაც გვიშენებს ეს ყმანვილი! — ნესტორის ხმაში მუქარა გაკრთა.

გერა უტეხად უსმენდა, პასუხი არ მიუცია.

ძღვიბიმ და ნესტორმა ცხენები დაძრეს. ბულვარის ბოლოს, მოედანზე მცირერიცხოვანი ბრბო შეყრილიყო, კრებულნი ადამიანთა, ყოველ ახალ ხელისუფალთ ფიანდაზად რომ დაეგება...

იგი იმ კიბეზე დაიღუპა, ას მეერთე საფეხურზე... ოფიციალური ისტორიოგრაფია წვეთ ცრემლს დააპკურებდა ხოლმე მის ხსოვნას. სასკოლო სახელმძღვანელოში ეს ამბავი ერთი წინადადებით იყო მოხსენიებული, ხელისუფლების მტრებმა სიცოცხლე მოუსწრაფესო... ამ მთავარ წინადადებას ზედ დამოკიდებული ეკიდა, ახალი ხელისუფლებისადმი მისი ერთგულების გამოო.

— სწორია ეს! — ტუტუნებდა ცაცანა. — თავის ძმებს, ძღვიბის და ნესტორს ხომ არ შეებრძოლებოდა? თვითონაც სოციალისტი იყო, მენშევიკებმა არ აპატიეს განდგომა...

— მგონი ოცდასამში მოხდა ეს ამბავი! — ჩაფიქრდა ბერი.

— შენ არ გახსოვს? — ეფროს მიუბრუნდა ცაცანა. — ოცდაორი იყო თუ ოცდასამი?

— ნეტავი ამ გამოჩერჩეტებულ დედაბრებს არ უსმენდეთ! — გაბრაზდა უცებ ეფროს, პირი მკაცრად მოკუმა და მეტი სიტყვა ვერ დააცდენინეს.

რისი გაგება სურდა ბერი ზაქარაიას? რა უფლება ჰქონდა დაერღვია მწყობრი მითი სამი ძმადნაფიცის შესახებ. შენობა-ლეგენდა ხელშეუვალი იყო, აგურს თუ გამოაცლიდი, დაინგრეოდა.

იმ დღეს ძღვიბი თოლორაიამ და ნესტორ თოდუამ ახლად-გამოჩეკილი კომკავშირლები მიუსისინეს მაცხოვრისგორის ტაძარს. ნესტორი ჩუმად იჯდა კრებაზე, კუმტად იყურებოდა. ძღვიბი კი ტრიბუნაზე იდგა, ნითელი ლოზუნგის ქვეშ — „რელიგია ხალხის ოპიუმია!“ იდგა და გულზე ხელს იბრაგუნებდა:

— ღმერთი?.. აბა, სად არის ღმერთი?.. თურმე ნუ იტყვიტ,

შვიდ დღეში შეუქმნია მთელი სამყარო. ზის ოქროს ტახტზე, იტყვის, იყავნ ნათელი და გაჩნდება სინათლე. ჩვენ, ბოლშევიკებს, ამისთვის ღმერთი არ გვჭირდება, ელექტრონათურით გავანათებთ არემარეს... ისე აჩახჩახდება, თქვენი მონონებელი, ღამეს სულაც გავაქრობთ!.. ღმერთი კეთილიაო!

კეთილი თუ არის, ის თავისი ოქროს ტახტი გადაადნოს და გაჭირვებულ პროლეტარიატს წაახმაროს... ამას ის არ გააკეთებს! ან რანაირად გააკეთებს, როცა არ არსებობს!.. ეს მღვდლები გვატყუებენ, ღმერთი არისო. რისთვის დასჭირდათ მღვდლებს ეს სიცრუე? ჯერ ერთი, იმისთვის, რომ თვითონ უშრომლად იცხოვრონ, ტკიპასავით მიეკრან ღარიბ გლეხობას და პროლეტარიატს... მეორეა, ეს სიცრუე იმისთვის სჭირდებათ, რომ დაგვაბრმავონ და ჭეშმარიტებას აგვაცდინონ... ნუ იქურდებო, ნუ წაგლეჯო, მტერს აპატიეო!.. ცარიელი, რახარუხა სიტყვით ძნელია ჩვენი მოტყუება. ჩვენივე ხარჯით ლამაზლამაზ ეკლესიებს იშენებდნენ, ოქროვერცხლით მორთავდნენ და ამით გონებას გვიბნელებდნენ!.. აგერ, მაცხოვრისგორისაკენ გაიხედეთ! საიტკენაც არ მიბრუნდები, თვალში გვეჩხირება და ღმერთით გვაშინებს!.. ჩვენ უნდა მოვსპოთ ეს ტაძარი, ავაფეთქოთ, გავაცამტვეროთ და იმის ნანგრევებზე პროლეტარიატის ძღვევამოსილი დროშა აღვმართოთ!.. ის დროშა იქნება ჩვენი ღმერთი!

— ასე რომ, ამხანაგებო, — ალაპარაკდა ნესტორი, — მაცხოვრისგორის ტაძარი ქარქაშიდან ამოღებული ხმალია, ოღონდ მტრის ხელში! ამიტომ მტერს იგი ხელიდან უნდა გავაგდებინოთ!.. დღესვე წითელი დროშებით და დინამიტით მოვანყოთ ლაშქრობა... მობრძანდი, ამხანაგო ბერი, აქ დაჯექი! შენ კაი ხელი გაქვს. აი, ამ ქალაღზე დანერე მერეთის კომკავშირელთა მტკიცე გადანყვეტილება... კენჭი ვუყაროთ, ამხანაგებო, ვინ არის მომხრე, დღესვე დაინგრეს მაცხოვრისგორის ტაძარი? ხელი მიჩვენეთ, ამხანაგებო, ხელი! ნუ ჭოჭმანობთ!

ბერი იჯდა წითელი ნაჭრით გადაფარებულ მაგიდასთან, თავისი ლამაზი კალიგრაფიით გამოჰყავდა კომკავშირული დადგენილების ტექსტი, მარცხენა ხელი კი ზევით აენია თანხმობის ნიშნად.

— ერთხმად! — კმაყოფილებით თქვა ნესტორმა.

— ერთხმად! — ბეჭედი დაადო ძღვიბიმაც.

კრება აიშალა, ახალგაზრდები ქუჩაში გამოცვივდნენ, ოთხრიგად დაეწყვნენ. წინ უზარმაზარი ალამი წაიმძღვარეს, ლოზუნგები ზე ასნიეს — „რელიგია ხალხის ოპიუმია!“ „ძირს

ბნელეთის მოციქულები!“ „ტახტიდან ნიკოლოზი ჩამოვადეთ, კერენსკი ჩამოვადეთ, ჟორდანია ჩამოვადეთ, ღმერთსაც ჩამოვადებთ!“

ნესტორი და ძღვიბი დადგნენ გვერდიგვერდ, წამოუძღვნენ.

ბერის გული კრთოდა შიშინად. დიახაც, ღმერთი არ იყო, მაგრამ იქნებ იყო კიდევ! იქნებ ახლაც ზის ოქროს ტახტზე ცათა შინა, დაჰყურებს თავის ბეც, დაბრმავებულ შვილებს და სინანულით თავს აქნევს... ნუთუ გაჯავრდება და ციდან მახვილს სტყორცნის, ალგვის პირისაგან მინისა... ოღონდაც, ღმერთი ღმობიერია, რა თქმა უნდა, თუ არსებობს... ღვთის უარმყოფელი ყველა რომ მოესრა, ქვეყანაზე სისხლის ტბები ველარ დაშრებოდა... შვილები ხშირად ზურგს აქცევენ მშობლებს, მაგრამ რომელი მშობელი სჯის ამის გამო მახვილით შვილს.

ბერიმ მოკრძალებით ახედა ზეცას. ლურჯ სარკეში თითქოს დალანდა რაღაც თეთრი და სპეტაკი... სხვებთან ერთად პირი დაელო, სხვებსავით ყვიროდა — „ძირს!“ გუნებაში კი ფიქრობდა: „ღმერთო მაღალო, რომელი ხარ ცათა შინა, შემინდე!..“ დიახ, მამამისმა სოლომონმა შეუწოდო ბერის, კედლისაკენ შებრუნდა და ჩუმად მოკვდა... ღმერთიც მამასავითაა, შემწყნარებელი, შემნდობი, მპატიებელი...

სწორედ ამ დროს გერა კვარაცხელია ჩხერიისპირა ქალაქში ასმეერთე საფეხურს ეჭიდებოდა... ბოლოთი მიწას მონყვიტა, ააყენა და ბეჭზე დაკეცილ პერანგს იფარებდა, რათა კანი არ გადახეხოდა.

წამით გაირინდა.

თხმელის ფოთლები შრიალებდა სუსტად. ჩხერია მილუკლუკებდა თავისთვის. ფოთოლთა შრიალი წყლის ლუკლუკში გადადიოდა და ამ მონოტონურ, დამამშვიდებელ ხმებში ჩაიწნა რაღაც შემამფოთებელი, ულოგიკო... ჩხერიას გაღმა, ოდებსა და ეზოებს იქით რაღაცა ხდებოდა.

გერა წაიხარა, ლოდს შუაზე უსწორა, აქაჩა. ტვირთი მეტად მძიმე იყო. კუნთები დაებერა, ძარღვები დასკდომამდე ჰქონდა. წელში ჩუმმა ტკივილმა გაჰკრა... ბოლო დროს უჭირდა. ადრე ჩიტივით მიჰქონდა ასეთი ლოდი. მერე სხეულში ტკივილი გაჩნდა და ხანდახან შეახსენებდა თავს, თუ უხერხულად

გაიმართებოდა წელში, ან დაღლილობა დაუგროვდებოდა, ან სულის სიმტკიცე წამით დააღალატებდა.

ნაბიჯი წარსდგა. კვლავ ჩხვლეტა იგრძნო. ლოდი უჩვეულოდ მძიმედ აწვა, თითქოს ამჯერად უფალი არ აშველებდა ხელს. წუნუნნი და ოხვრა მაინც არ შეიძლებოდა, დათქმულს ველარ გადათქვამდა.

ფიქრი ტკივილს აყუჩებს და ამიტომ გონებით მერეთს გადასწვდა. ახლა უფრო აშკარად მოესმა ხმები, ბრბოს მოძრაობით რომაა გამონვეული... ნესტორი და ძღვიბი ერთობიან ალბათ, აღმადღმა დაარბენინებენ ახალი თაობის ბიჭბუჭებს... რა სწრაფად იცვლება ჟამი ოხერი! განა გუშინ არ იყო, გერა, ძღვიბი და ნესტორი პირველ პროკლამაციას რომ დაჰკანკალებდნენ, მომავალს ვარდისფერებში ხედავდნენ, მათ გულებს ავი ზრახვა არ ეკარებოდა, თავს სიკეთისათვის მოწოდებულად რაცხდნენ... ნესტორის გულში დრომ სისასტიკე ჩააბუდა, ძღვიბი კი, ქოსა ძღვიბია, რევოლუციას ისე მოერგო, როგორც ლურჯა ცხენს პირუტყვის ტკიპა...

ლოდი უფრო დამძიმდა თითქოს, წელში მოზნიქა გერა, ტკივილი მოეძალა, გაძლება გაუჭირდა... თავიდან ამოიგდო ნესტორზე და ძღვიბიზე ფიქრი, ცაცანას მისწვდა...

ცაცანა ჩუმად წუნუნებდა ხოლმე. ქმრის არჩევანი არ მოსწონდა. წითელ სამკითხველოში დადიოდა. იქ თხელყდიან, ჩაყვითლებულ ბროშურებს უკითხავდნენ. შინ დაბრუნდებოდა და ცდილობდა იმ დღეს შეძენილი მწირი ცოდნა გერას ტვინშიც ჩაეჭვდა. გერა ჩუმად უსმენდა, არც ეპაექრებოდა, არც თანხმდებოდა. პატარა მართა დაბაჯბაჯვებდა უკვე, საცვალი მუხლამდე მოსთრევდა. „ოსური\*, მიხედე ბავშვს!“ — იტყოდა გერა მტკიცედ და ცაცანა გაჩუმდებოდა, გაიბუსებოდა. სწყინდა, ნესტორი და ძღვიბი წითელ ალმებს რომ დააფრიალებდნენ, გერა კი, თავისი ახირებულობით, ლოდებს დაათრევდა...

ვინრო, ხვინჭკიანი ბილიკი მირბოდა ჩხერიის გასწვრივ. გერას ხან კენჭები უსხლტებოდა ფეხებქვეშ, ხან მაგუიას თხელ ლანჩაში ატანდა და ტერფს მტკივნეულად უსერავდა.

მერე ბილიკმა ნაპირიდან ნავენახარზე გადაირბინა და ქალაქიდან მომავალ შარაზე გავიდა. ამ ადგილიდან კაკლებიც ჩანდა და ხიდიც, მაგრამ მძიმე ტვირთქვეშ მოხრილ გერას თავის აწვევა არ შეეძლო. ოფლის წვეთები ცხვირის წვერზე უგროვდებოდა და, რაკი ხელები დაკავებული ჰქონდა, მოწმენდასაც ვერ ახერხებდა.

ხმები წამოეწია, თითქოს უთვალავი ადამიანი მოაბიჯებდა ფეხაჩქარებით, მტვრიან შარაზე ლანჩებს ბათქუნი გაჰქონდა. ხმები თანდათან ძლიერდებოდა, უცბად ბრაგაბრუგში გადაიზარდა და გერა მიხვდა, ხიდზე გადმოდიოდნენ.

შებრუნდა და მძიმედ დაუყვა მაცხოვრისგორის შარას, პირველ საფეხურს შორი არ უკლდა.

„ვინ მოდის? — ფიქრობდა თავისთვის. — უცხო ჯარებით გაივსო ქვეყანა!.. მოდიან და მოდიან!.. თავიანთ ქვეყანაში ვერ დაეტიენ?“

სიყმანვილიდან მემამბოხის ჭია გაუჩნდა, ბოროტების ძღვევაზე და სიკეთის აღზევებაზე ფიქრობდა, მაგრამ შავი ბრბოს ყოვლისდამთრგუნველ ძალმომრეობას შეესწრო და უკვე არ იცოდა, რისთვის იღვანა აქამომდე — ბოროტისთვის თუ სიკეთისთვის.

ერთადერთი, რაც არ ეეჭვებოდა, იყო თეზა: „კიბე სიკეთეა!“ ის მაღლა მიემართებოდა, თეთრი ტაძრისაკენ!

აგერ პირველი საფეხურიც!

მაგანს მინდორი მოეტკეპნა მთისძირას, მოესწორებინა. აქედან არბოდა თეთრი კიბე ფერდობზე, მოხრილი ისარივით იწვა მწვანე ვარაყში.

გერამ ფეხი შედგა საფეხურზე, აინია, რათა მეორე ფეხიც აეზიდა... ბეჭზე ჩამოდებული ლოდი უფრო დააწვა. სძლია სიმძიმეს და საფეხურზე მყარად დადგა. კვლავ მძაფრად გაჰკრა ტკივილმა. უკვე არ იცოდა რა სტკიოდა, ხერხემლის მალა დაუზიანდა ალბათ, ან თირკმელი, ან გული... ყოველივე ღვთის ნაბოძები იყო და მისთვისვე ემეტებოდა.

ფეხის ჩქარი ხმა ახლოვდებოდა. თითქოს ადამიანთა ნიაღვარი მოედინებოდა, რაღაც ნებას აყოლილი სწრაფად მოინეცდა, საცაა ფერდობს შეეხლებოდა და გერასაც გადაუვლიდა.

გერა უკვე რამდენიმე საფეხურზე ავიდა და ქვეშიდან რომ გამოიხედა, ოფლის ნისლში ძლივს გაარჩია რუხი ნიაღვარი, რომელსაც ორნი მოუძლოდნენ — ნესტორი და ძღვიბი.

სასიკეთოდ არ მოდიოდნენ, ცხადია! იქნებ მთლად გერას ეძებდნენ, მისი სულის წასართმევად მოიჩქაროდნენ. ძალა მოიკრიბა გერამ, ხორციელი ტკივილი დათრგუნა, სულს მიენდო და კიბეს ღონივრად, თავისუფლად შეუყვავა... დიახაც, კაცთა თვალს არ უნდა ეხილა გერას სისუსტე, კაცთა ყურს არ უნდა სმენოდა მისი ოხვრა და კვნესა... წინ, აღმართის თავზე გიმნაზიელის გამჭვირვალე ლანდი მიფარფატებდა და იხმობდა, ძალას ჰმატებდა...

უცბად მოენია ტალღა!

ერთი მხრიდან ნესტორმა შემოუარა, მეორე მხრიდან ძღვიბი. საფეხურებზე თითქმის წანვინენ, რათა ქვემოდან ამოეხედათ, მზერა გაესწორებინათ.

— შრომობ, გერა? — ჰკითხა ნესტორმა. მის ხმაში ამჯერად არც ღვარძლი იგრძნობოდა, არც სიფიცხე, უფრო სიბრაღეული, როგორც იბრალებენ უგუნურ ბავშვებს, ვისაც ჭეშმარიტებას ვერ შეასმენენ.

— აუჰ, რა ტვირთის თრაქვა შეძლებია! — დაიჯღანა ქოსა, უკბილო პირიდან ბოროტი ხითხითი გამოსცა.

გერა არ შეჩერებულა, გადააბიჯა ნესტორის თანაგრძნობას, ქოსა ძღვიბიას დაცინვას და მომდევნო საფეხურზე აინაცვლა.

ნესტორმა და ძღვიბიმ გადაასწრეს. მსუბუქად, ღონივრად მიიჩქაროდნენ. ზურგიდან კი ახალგაზრდები მოადგნენ, ზოგი მხიარული ყაყანით, ზოგი ჩუმად, ზოგი თანაგრძნობით, ზოგი ქილიკით, — გვერდს უქცევდნენ გერას, უსწრებდნენ და მენინავეებს მისდევდნენ.

რას ნიშნავდა ყოველივე ეს? რისთვის აჰყავდათ ნესტორსა და ძღვიბის მაცხოვრისგორაზე ქალაქის კომკავშირლები. ამ კითხვებზე გერას პასუხი არ გააჩნდა.

ის დაიღალა, საშინლად დაიღალა! მუხლები ბამბასავით უგრძნობელი გაუხდა, ზურგი ერთ მთლიან ტკივილად გადაექცა.

„ღმერთო, ღმერთო!“ — გუნებაში შესთხოვა გერამ. ბოლო კომკავშირელის ფეხის ხმაც მიწყდა და პასუხად სინყნარე ჩამოიღვარა, რომელშიც მსუბუქად ფოფინებდა რაღაც უხმო და გამჭვირვალე, ალბათ გიმნაზიელის წმინდა სული.

კიბე კი არ ილეოდა, საფეხურთა რიცხვი აერია... ნუთუ ამდენი მოასწრო გერამ, რომ დათვლა უჭირს?.. თუმცა ბევრიც ცოტაა, რადგან უფლის თეთრი ტაძარი ძალიან მაღლა დგას და იქამდე კიბის აყვანას ერთი სიცოცხლე არც ეყოფა!

მეასე საფეხურს მოულოდნელად წაადგა. ჯერაც შორი ეგონა, კიბე კი უცებ გათავდა. ასმეერთეს ფუძე უკვე მზად იყო. გერა შეტორტმანდა, გაუჭირდა ტვირთის ჩამოღება. ბოლოთი ფერდს მიაყრდნო, შეამაგრა, ზედ მიეკრა, გაუსაძლისი ტკივილის გაყურებას დაელოდა... დულაბისათვის ძალა არ ეყო, ისლა მოახერხა, ლოდი ფუძეში ჩაანვინა, წელში უნდა გამართულიყო და სწორედ მაშინ იფეთქა.

მაცხოვრისგორის თავზე, იქ, სადაც თეთრი ტაძარი იდგა, ცად აღიმართა მირიადი ნამსხვრევი, უზარმაზარ ნაცრისფერ ყვავილად გაიშალა, გარემოს გადაეფოფრა, ფერდობზე აბრაგუნდა უთვალავი ქვა და ღორღი, ზევით ატივტივდა თეთრი ღრუბელი, მაღლა, მაღლა ავიდა და იქ დაეკიდა, რათა თანდათან გამქრალიყო, მსუბუქ ზღვაურს მთებისკენ წაეღო...

— უფალო, ნუთუ ვერ ხედავ?! — ჩაიხროტინა გერამ და ასმეერთე საფეხურზე დაემხო...



კარზე მოკლედ, მორიდებით დააკაკუნეს. ბერიმ ყური მიუგდო. ალბათ მოეჩვენა. იქნებ ნიავმა ტოტი შეარხია და კედელს მოხვდა, ან იქნებ მეზობლებთან დააკაკუნეს...

საკუთარი სახლი ბერის არ ჰქონდა. იმ საშინელ ოცდაოთხში, სახლი რომ გადაუწვეს, ძღვიბი თოლორაიამ აქ, ამ „ბარაკში“ გამოუყო ოთახი. ოდესღაც სალდათების ყაზარმა, წითლების შემოსვლის დროს იავარქმნილი, ახალმა ხელისუფლებამ შეაკეთა და გრძელი დერეფნის ორივე მხარეს ჩამწკრივებული ოთახები თავის უსახლკარო და უქონელ მომხრეებს ჩამოურიგა, თან იმის იმედიც დაუტოვა, დროებითი თავშესაფარია, თორემ ხელისუფლება ხვალზეგ სრასასახლეებს აგიშენებთო. თავდაპირველად ბერიც ამ იმედით ცხოვრობდა. უმთავრესი, რა თქმა უნდა, მსოფლიო რევოლუცია და პროლეტარიატის დიქტატურა იყო, შემდგომ ამას ახალი ცხოვრების აშენება მოჰყვებოდა. სიტყვა „აშენება“ წარმოსახვაში სწორედ რომ ლამაზი სახლების აგებად აღიქმებოდა. ამიტომაც არ უზრუნია, რომ თავის დროზე მოეწყო საკუთარი ყოფა, დაცოლშვილებულიყო. სპარტანულად ცხოვრობდა და საბოლოოდ ამას მიეჩვია კიდევ. ამასობაში სოლომონ მღვდლის ნასახლარს სხვები დაეპატრონენ და შერჩა ბერი ზაქარაია ამ „საერთო საცხოვრებელს“. ამით იგი უკმაყოფილო არ ყოფილა. მარტოკაცს მეტი არც სჭირდებოდა — ტახტი, საწერი მაგიდა, ტანისამოსისა და ჭურჭლის კარადები, ოთხი ტაბურეტი, კუთხის ბუხარში ნავთქურა... ეს იყო და ეს! მოულოდნელი და იშვიათი სტუმარი თუ ეწვეოდა, იმისთვის ტახტის ქვეშ გასაშლელ საწოლს ინახავდა. კედლებზე საკუთარი ხელით წიგნის თაროები მიაჭედა, თუმცა დასტადასტა წიგნები მაინც არსად ეტეოდა...

მაშინ, ოცდაოთხში შავმა კატამ გაირბინა ნესტორსა და ქოსას შორის. თითქმის სამი წელი ერთად მართავდნენ ქალაქს. ძღვიბი თოლორაიას პარტიის საჭე ეპყრა, ნესტორს —

საბჭოსი. გუშინდელი ძმაკაცები თავდადებით აშენებდნენ ბოლშევიკურ ციხესიმაგრეს, ოღონდ ორი ვეშაპი ვერ დაეგია ერთ პატარა მერეთში. ერთი უნდა ყოფილიყო სრული გამგებელი, მეორეს კი თავი უნდა წაეხარა. ამაყი იყო ნესტორ თოდუა და ამან დალუპა, გულღრძო და შურიანი იყო ძღვიბი თოლორაია და ამან გაამარჯვებინა. სისხლს თუ არ გამოუშვებ, წნევას ისე ვერ დასწევო, იტყოდა ძღვიბი... ოსტატი იყო სისხლის გამოშვებისა, ასეთი იყო მაღალი ნებაც და ქოსა ძღვიბია სიხარულით გადაეშვა მორევში.

— ამბოხების სუნი ტრიალებს, დროზე უნდა შევიპყრათ მოთავენი! — მჯიღი მაგიდას დაჰკრა ნესტორმა.

— ბეცი ხარ შენ! — დაუსისინა ძღვიბიმ. — ამბოხება უნდა მოხდეს! საბაბი გვინდა ჩვენ! დავესევით ერთბაშად, არ დავტოვებთ თავადსა და ჟინოსქუას, მღვდელსა და ბერს, მენშევიკსა და ფედერალისტს... ერთი ხელის მოსმით გადავხნავთ და გადავფარცხავთ! სარეველას რომ მოვსპობთ, მაშინ დავიწყებთ ახლის შენებას!

მიხვდა ნესტორ თოდუა, რა ჟინიც სჭირდა ქოსას, წინ აღუდგა. არც თვითონ შინებია აქამდე სისხლისა, მაგრამ წინასწარ განჭვრიტა მოსალოდნელი კალო და თავზარი დაეცა. ამიტომაც შეეცადა, ლოგიკის ბარიერი აღემართა ძღვიბის წინ, მაგრამ სიტყვა არ იყო ის იარაღი, სისხლის მდინარეებს რომ შეაჩერებდა.

— მოლაღატე ყოფილხარ, შენც! — ასე ბრძანა ძღვიბიმ. — სიტყვის ბადეში გინდა გამხვიო, ამით მტრის გადარჩენას ცდილობ!.. მოლაღატისათვის ტყვია მაქვს, აი, ამ მაუზერში, იცოდე!

ეს მხოლოდ სიტყვა იყო, მუქარით ნაცდენილი, მაგრამ ნესტორი მიხვდა საშიშროებას, განერიდა, სიფრთხილედ იქცა. ირგვლივ მიმოიხედა, საყრდენს ეძებდა და ბერის მიენდო, ზაქარაიას.

— ცუდი დღეები გველის ბერი, — უთხრა, — წერილი უნდა მივწერო მთავრობას, შენ უნდა გაგატანო, აქაური ამბები უნდა გავაგებინოთ დროზე, თორემ ზღვა სისხლი დაიქცევა

და საბჭოთა ხელისუფლება შერცხვება!.. გვიღალატა, მგონია, ძღვიბი თოლორაიამ, მტრის ნისქვილზე ასხამს წყალს!

ოლონდაც, ძღვიბი თოლორაია უკვე არ იყო ის ქოსა, სტოლიპინის ვაგონში ჩორნას რომ ფეხისგულებს უფხანდა. რაც ჩანდა, ათი იმდენი იყო. სანამ ნესტორი თავის უსტარს შეთხზავდა და ბერის თბილისქალაქს გაატანდა, ძღვიბის წერილებმა უკვე მოსკოვს უნია.

ბერი ზაქარაიამაც ვერ შეძლო დროულად თბილისს გამგზავრება. ახალგაზრდა კაცის სულში ქარიშხალი ტრიალებდა, ვერა და ვერ გაერჩია მტყუანმართალი. იქნებ ძღვიბი თოლორაია იყო რევოლუციის საქმის მოღალატე, მაგრამ იქნებ მოღალატე თვით ნესტორ თოდუა იყო. რა იმალებოდა ამ ორი კაცის ქიშპობაში? განა ორივე გვერდივერდ არ შემოუძღვა წითელ არმიას სამი წლის წინ? ორივენი ერთი და იმავე სიტყვებით მეტყველებდნენ, ორივენი ერთი პარტიის წევრობით ამაცობდნენ, ერთიც და მეორეც დიდ ლენინზე ლოცულობდა, ცხარე ცრემლით მისტიროდნენ მის უდროო გარდაცვალებას, ერთიც და მეორეც ადიდებდა დიდ ბელად ტროცკის... მისმა მანქანამ მერეთი რომ გაიარა, ძღვიბი თოლორაია თეთრ ცხენზე იჯდა, ნესტორ თოდუა — შავზე. აქედან და იქიდან აედევნენ სამხედრო კომისრის მანქანას და ლევ ტროცკი განაცვიფრეს ერთმა ვაჟკაცობით, მეორემ — სიტყვაპასუხით. მოედანზე, ხალხის წინაშე გამოსულმა ტროცკიმ მაშინ ბრძანა: „ბოდიშს ვიხდი, რომ ვერ გესაუბრებით იმ კეთილშობილენაზე, რომლის ბგერათა ჟღერადობა ჩემს სმენას ატკბობს!“ მერე ილაპარაკა რუმინელ მემამულეებზე, იმპერიალისტ ლოიდჯორჯზე და დასძინა: „ჩვენ უძლეველნი ვართ, რაკი ბოლშევიკთა დროშის ქვეშ იბრძვიან ისეთი ვაჟკაცები, როგორებიცაა მერეთელი დზგვიბი ტოლორაია და ნესტორ ტოდუა!“ ახლა კი ყველაფერი ყირაზეა, ნესტორი ძღვიბის მოღალატედ ნათლავს, ძღვიბი — ნესტორს... თავგზააბნეულ ბერის კი უსტარი ჯიბეში უდევს და ვერ გადაუწყვეტია, ვის ემსახუროს, ვისი დროშის ქვეს დადგეს.

შინსახკომის ეზოში წითელი დროშა ფრიალებს, ზედ ოქროს ნამგალი და ურო ახატია, ოქროს ასოებით აწერია „რკპ(ბ)“.

გალავნის გასწვრივ ჩამწკრივებულან პარტიული ამხანაგები, კომკავშირლები და, რა თქმა უნდა, შინსახკომელები. ძღვიბი თოლორაია აივანზე გადმომდგარა და ქადაგებს:

— კონტრრევოლუციის ჰიდრამ წამოყო თავი საქართველოში! ამხანაგებო, იმპერიალისტების ლაქიებს რკინის ჩექმებით უნდა გავუჭეჭყოთ თავები, მენშევიკ ღორებს ყელეები გამოვლადროთ, მემამულეებსა და ბურჟუებს, თავადებსა და აზნაურებს ცხელი უთოთი გადავუაროთ... დიდი ბელადი ლენინი მოკვდა, მაგრამ მტერს ეს ნუ გაახარებს. ის მუდამ ჩვენთანაა! მისი ერთგული მონაფეები ტროცკი და სტალინი გვითვლიან პროლეტარულ სალამს და მოგვინოდებენ, რომ მედგრად ვიდგეთ, სისხლში ჩავახშოთ საბჭოთა ხელისუფლების მტრები, რომლებიც ცდილობენ მშრომელ ხალხს წაგლიჯონ რევოლუციის ძვირფასი მონაპოვრები...

ენა უჭრიდა ძღვიბის, კი არ ლაპარაკობდა, ბეჭედს არტყამდა.

— ვაშა, ვაშა!.. — აღრიალდნენ ეზოში თავმოყრილები.

— გავუჭეჭყოთ თავები! — აკნავლდა ბერიც, სიტყვათა ქსელში გახვეულს მოეჩვენა, რომ მიაგნო სიმართლეს, პასუხი გასცა ძნელად გადასაწყვეტ კითხვაზე, ვინაა მტერი და ვინ მოყვარე.

„ბრიყვი ვიყავი და რეგვენი!“ — სევდით ფიქრობდა შემდგომ სიჭარმაგეში შესული ბერი. „მოტყუებული და დაბნეული!“ — თავის გასამართლებლად ამატებდა, მაგრამ თავის მართლება შევებას ვერ გვრიდა.

— ყოჩაღ! — ძღვიბიმ ლოყაზე მოუთათუნა. — შენი იმედი ყოველთვის მქონდა! ახლავე მივუხტეთ მაგ გველის წინილას, ბურჟუების ლაქიასა და კონტრას!..

ცხენს შეაფრინდა ძღვიბი, ჩიტის წონისა თუ იქნებოდა. მოხალისენი, ბარე ათიოდე, ფეხდაფეხ მიჰყვენენ სირბილით. თოდუებს მიუვარდნენ შინ.

ეფრო გამოეგება, კუშტად, უშიშრად შეხედა. ბერი თითქოს გამოფხიზლდა, თვალი აარიდა. შემდგომ ხშირად ფიქრობდა, დამიმახსოვრა თუ არა ეფრომ, გაიგო თუ არა, რა როლი ვითამაშე მისი ქმრის ბედშიო.

ძღვობი ცხენიდან ჩამოხტა. კრთომა ვერ დაეფარა და განგებ ფაფხურობდა. ქალის წინ აიტუზა, ქვემოდან ასცქეროდა, თან ხელში რევოლვერს ათამაშებდა.

პირველმა ეფრომ ამოიღო ხმა, უტეხად უთხრა:

— ბავშვი არ დამიშინო, ძღვობი თოლორაიავ!

აკვანში ეძინა ტატაჩის, გაზრდილიყო, მთელ აკვანს ავსებდა, მაგრამ შეჩვეულს ალბათ ვერ ელევოდა.

— გველის წინილი აკვანშივე უნდა ჩაჭეჭყო! — წაისისინა ქოსამ და რევოლვერი შემართა.

იქვე, გვერდით მდგომმა ჩეკისტმა, — ბერიმ ვერ დაინახა ვინც იყო, — ხელი აუკრა.

მეხვიით გავარდა, ტყვიამ ნაფოტი აატეხა აკვნის თავს.

დააჭყიტა ბავშვმა თვალები, ელდისაგან გაისუსა. ეფრო გადაეფოფრა აკვანს.

ჩეკისტს მძულვარედ შეხედა ძღვობიმ (იქნებ თამაშობდა კიდეც, უნდოდა აეცდინა და ააცდინა!), რევოლვერი მკერდზე მიაბჯინა, იმან კი ენის ბორძიკით უთხრა:

— ბავშვმა რა დააშავა? იქნება იმისაგან მეორე ლენინი გაიზარდოს...

შეტრიალდა ძღვობი, კვლავ ცხენს მოახტა, შინსახკომში შებრუნდა.

წუთებს ითვლიდა, იმდენი საქმე ჰქონდა, ვერა და ვერ ჩაეტეოდა ამ ბნელსა და უსაშველოდ გაჭიანურებულ ღამეში.

როგორ თავსდება ყველა ეს მოგონება გვერდიგვერდ? იქნებ ბერის მეხსიერებაში აირდაირია ყველაფერი, მიზეზუდეგობრივი კავშირები გადაადგილდა, ან მთლად განყდა... თოდუების კარზე მივარდნა და აკვნისათვის ნასროლი ტყვია, სისხლიანი ორგია, ყველაზე ფანტასტიკური წარმოსახვითაც რომ ვერ წარმოიდგენდა, ნესტორ თოდუაზე გამართული ნადირობა და დეპეშა ცენტრიდან, გვეყოფა, ნუ გადავაჭარბებთო.

ასე დაამახსოვრდა ბერის: სულაც არ თენდებოდა იმ ჟამს. ღამეს ღამე გადაეხა, ბნელს — ბნელი, რაკი ამოდენა ბოროტების ცქერა მზესაც არ ძალუძდა.

მერეთის დახლართული ორღობეებიდან, ახლო და შორეული სოფლებიდან მოჰყავდათ და მოჰყავდათ ხელებგაკრული

ქალი და კაცი, ბერი და ახალგაზრდა, გლეხი და მუშა, მცოდნე და უფიცი... არავინ იცოდა, რა ხდებოდა, რისთვის ერეკებოდნენ შინსახკომის ფართო ეზოსაკენ. ვინაც იცოდა და საშუალებაც ჰქონდა, ნაცნობს და სახსარს დაეძებდა ახლობლის გადასარჩენად, თუ გადაარჩენდა, სხვას, უსახსროს და უპატრონოს ჩაამატებდნენ.

— ამხანაგებო, ჩემი დაჭერა არ შეიძლება, ჩემი ძმა კრემლის დაცვაში მუშაობს! — ირწმუნებოდა ერთი ახალგაზრდა.

— ნუ გეშინიათ, ძმებო და დებო, ეს ხომ ჩვენი მუშურ-გლეხური მთავრობაა! დაგვკითხავენ და ვინც უდანაშაულონი ვართ, გამოგვიშვებენ! — იმედს არ კარგავდა მეორე.

— რალაცა ხდება, მგონია! — თავგზა აბნეოდა მესამეს.

ძღვობი თოლორაია საქმიანად აფრიალებდა ქალაქებს, სიებს აკონინებდა, საანგარიშოზე აჩხაკუნებდა, შემოსავალ-გასავალს ითვლიდა. შემოსავლად სიკვდილს თუ მოითვლიდა, გასავლად — პატიებას, მაგრამ ძუნწის გულმოდგინებით ცდილობდა ხელიდან არ გაეშვა, ვისაც კი მოიხელთებდა.

— ეს რა ხალხია? — იკითხა.

ოცდაათიოდე კაცი იდგა განზე, სვანური ქუდები ჩაფხუტებად ეხურათ, ბარწერაქვი ძირს დაენყოთ.

— სვანები არიან, მიწისმთხრელები!

— კიდეც კაი! — დაიღმიჭა ძღვობი. — ბოტანიკურთან, ხომ იცი, დიიდი არხი უნდა გავთხაროთ!

— ანაზღაურებას ითხოვენ, უფროსო!

— ავუნაზღაურებთ, აბა რას ვუზამთ, ჩვენ ხომ ღარიბთა და მიწისმთხრელთა ხელისუფლება ვართ!

მიწისმთხრელებმა წამოკრიფეს წერაქვი და ბარწერა, მომცრო ტოპრაკები, და კმაყოფილი თავის ქნევით სამუშაოდ გაემართნენ.

ეზოში ბლომად მოგროვდა ხალხი. შეშინებულნი, გასუსულნი ელოდნენ განაჩენს.

ერთი დედაკაცი იჯდა მიწაზე, წინ და უკან ქანაობდა და ხმამაღლა მოთქვამდა:

— ვავა, ბაბა, ამდლა დოპილუნა, ბაბა\*!.. ვავა, ბაბა!..

მოვარდა გუშაგი, წიხლი ჩააზილა, გააჩუმა.

დედაკაცს არავინ გამოესარჩლა, იმან კი ცოტა ხანში კვლავ ქანაობა და მოთქმა განაგრძო:

— ვავა, ბაბა, ამდლა დოპილუნა, ბაბა!..

კვლავ და კვლავ მოჰყავდათ ხელფეხშეკრულნი, ნანახლარნი, ნაცემნი, იმედიანნი და იმედდაკარგულნი.

სდუმდნენ, ნაცნობნი თუ გადაუჩურჩულებდნენ ერთმანეთს შიშინად:

— რატომ?.. რისთვის?..

არავინ არაფერი იცოდა.

საათი საათს მისდევდა, დრო კი მოულოდნელად დადგა.

— დავინყოთ! — ბრძანა ძღვიბიმ.

ორრიგად ჩამწკრივდნენ შინსახკომელები, დერეფანი გაჭიმეს შინსახკომიდან ბოტანიკურამდე.

იქ, ბალისკიდეზე ყოჩაღ მიწისმთხრელებს ღრმა ხარო გაეთხარათ უკვე, მიწისა და ნესტის სუნი ტრიალებდა ჰაერში.

ამ ცოცხალ დერეფანში ყვირილით, მუქარით, კონდახებით შერეკეს ტყვედქმნილნი.

— ჩემი ძმა ბოლშევიკია, კრემლში მუშაობს! — ტირილით ირწმუნებოდა ის ახალგაზრდა და ბერის ეს აკანკალებული, წკვიტინა ხმა მკვეთრად ჩაებეჭდა მეხსიერებაში.

ირიჟრაჟა თითქოს, თუმცა ბნელი მაინც ვერ განიდევნა.

— ჩაამწკრივეთ!.. გადაითვალეთ!.. — აღმად აღმა დარბოდა ძღვიბი, განკარგულებებს იძლეოდა.

სიჩუმე ჩამოვარდა, ისეთი საზარელი, აუტანელი, თითქოს დედამიწის ზურგზე ბგერა საერთოდ გაქრაო და ამ მდუმარებაში მჭახედ გაისმა:

— ყოველი მესამე!

ქოსას ხმაში დაუოკებელი სიძულვილი ისმოდა და ბერის უცებ საშინელი სიცხადით წარმოუდგა, რაც წუთის შემდეგ გათამაშდებოდა. არ უნდოდა დაეჯერებინა, ეგონა, სიზმარში ვარ და მალე გამეღვიძებაო.

— ერთი, ორი... გამოდი!.. ერთი, ორი... გამოდი!..

ხელებშეკრულნი გამოჰყავდათ მწკრივიდან, ხაროსპირს წამოაჩოქებდნენ, დაახლიდნენ პისტოლეტს კეფაზე და ხელსა ჰკრავენ.

შემზარავი იყო ზვარაკთა უხმო, უპროტესტო სიკვდილი.

სისხლი მათრობელია, ძღვიბი თოლორიათა თვრებოდა სისხლით.

— ყოველი მესამე! — კალიასავით დახტოდა, რევოლვერს იქნევდა, თვალელები გადმოვარდნასა ჰქონდა.

— ერთი, ორი... გამოდი!.. ერთი, ორი... გამოდი!..

ისევ ჭახაჭუხი, ისევ სიკვდილი, უთქმელი, უსიტყვო, მორჩილი...

და უცებ:

— ხალხნო, კაცნი არა ვართ, საქონელივით უნდა დავეკვლევივინოთ?!

ტანმაღალი ვაჟკაცი იყო, ვეფხვივით გადმოეშვა, ხელები შეკრული ჰქონდა, მაგრამ თავური აძგერა ძღვიბის და გადააყირავა.

— ჩახოცეთ, ჩახოცეთ ყველანი! — იკივლა ძღვიბიმ და ძირს გაგორებულმა იმ ვაჟკაცს ტყვია შეაგება.

შინსახკომელებმა, ზოგმა რევოლვერით, ზოგმა შაშხანით ატეხეს ბათქაბუთქი, სხვებმა ხიშტები მომართეს, დაერივნენ ტყვედქმნილთ... ისმოდა მხოლოდ სროლა, წივილკივილი, ზრიალი, გოდება...

სულ რაღაც წუთი გავიდა, ბერის კი ეგონა, საუკუნეო... იდგა ერთ ადგილას, უაზროდ იყურებოდა აქეთიქით, მერე მუხლები მოეკეცა, ძირს ჩაჯდა და შარვალში სისველე იგრძნო.

სიკვდილის კალო მოსავლით აივსო, ღამით გათხრილი ხარო მოპირთავდა, სიმთვრალე კი ჯერაც არ განელებულიყო.

— ამათ რა ვუყოთ, — იკითხა ვილაცამ ნერვულად, — გავუშვათ?

მიწისმთხრელი სვანები იყვნენ. აქამდე არც იცოდნენ, რას თხრიდნენ. აუნერელი სანახაობით დათრგუნულებს გაცლაც ვერ მოეაზრებინათ.

ქოსამ კუშტად მოიხედა, თითქოს გამოფხიზლდა. ალბათ წამოქმედარის მასშტაბები გაისიგრძეგანა. მიხვდა, გადაამლაშა.



— გავუშვათ, ესენი ხომ უბრალო მიწისმთხრელები არიან! — თქვა ხმის კანკალით იმან, ვინც კითხულობდა, ამათ რა ვუყოთო.

— ესენიც კონტრებია, — წაისისინა ქოსამ, — წავლენ, ენას გადმოაგდებენ, ხალხს აგვიმხედრებენ! მოსცხეთ ერთი!

— დაენწყვეთ!.. სწორდით!.. დაუმიზნეთ!.. ცეცხლი!..

ორი წუთის შედღუხი დასჭირდა სიგიჟის ამ ზეიმის დაგვირგვინებას.

— კვალი უნდა ნაიშალოს! — ხმა ჩურჩულამდე დაუვარდა ქოსას. — ხვალ ხალხი რომ გამოივლის, ნაკვალევიც არ უნდა ჩანდეს... შესანიშნავი ადგილია სტადიონის ასაშენებლად...

იმ დღეს გადაწვა ნესტორ თოდუამ ბერი ზაქარაიას სახელი. ხის ფშუტურა კედლებზე იყარა ჯავრი. ასანთივით წაეკიდა, აბრიალდა, ხელის შეთბობაც ვერავინ მოასწრო. კიდეც გაუხარდა ბერის, ამით მაინც დამსაჯა განგებამ, მისხალით მაინც გამოვისყიდე დანაშაულიო, გაიფიქრა. კიდეც ერთხელ ვერ მოზომა, ვერ გაარჩია მტყუანმართალი.

ძღვიბიმ კი ვერ მოისვენა, ნესტორის კვალი აიღო ცხელ გულზე. იქ, მაცხოვრისგორის კიბესთან მიუსწრო. სირბილით შეუყვანა ნესტორი კიბეს, შორს ვერ აასწრო, ტყვია მიენია...

დეპეშას ველარ დაელოდა თბილისიდან. ფილიპე მახარაძე ინერებოდა, ნუ გადავამლაშებთ, კმარა, რაც სისხლი დაიღვარა, შეწყვიტეთო...

ვითომც გათენდა კიდეც! ჩამოლამებული, გაცრეცილი, უფერული დღე დადგა, ისეთი, როგორც მხოლოდ შავთეთრ ფირზე შეიძლება აღიბეჭდოს. მერეთელები, ვინც გადარჩა, თითოთითოდ გამოდიოდნენ სახლებიდან, შემკრთალნი, გაფაციცებულნი მიემართებოდნენ ბულვარისაკენ, სადაც სასულე ორკესტრი აგუგუნებდა „ინტერნაციონალს“, წითელი ნაჭრით შემოსილ ტრიბუნაზე იდგა დაუღლეი ძღვიბი თოლორაია და ხმაჩახრინული ამბობდა:

— ამხანაგებო! კონტრრევოლუციური ამბოხი ძირშივე ჩახშობილია! აქ, წმინდა ადგილას განისვენებს რევოლუციის არწივი გერა კვარაცხელია, ვინაც ჩვენი პარტიის სამსახურში

დალია სული!.. დღეს აქ მიწას უნდა მივაბაროთ რევოლუციის მეორე არწივი — ნესტორ თოდუა, რომელიც მენშევიკთა პირსისხლიანმა აგენტებმა სიცოცხლეს გამოასალმეს... ორი წლის წინ აქ ჩვენ ვემშვიდობოდით ჩვენს თანამებრძოლს გერას, ახლა კი მიწა ვთქვა: მშვიდობით, ჩემო განუყრელო თანამებრძოლო ნესტორ!

ბერი ზაქარაია ზმანებებიდან ძლივს გამოვიდა. ქალაქის დასტა განზე გასწია და მიაყურადა. არავინ აკაკუნებდა. მოუსვენრობამ შეიპყრო, მოგონებებმა მარტოობის სევდა გაუმძაფრა. შიში წამოეპარა. თითქოს ქოსა ძღვიბიას შეეძლო საფლავიდან წამოდგომა. გამოეცხადებოდა ბერის, დაიმანჭებოდა, თვალს ჩაუპაჭუნებდა და ქირქილით ეტყოდა: „შიშისაგან ჩაიფსი, ბიჭო, ბერი?“

გერა კვარაცხელიამ შიშს სძლია, როცა გიმნაზიელს თვალეები დაუხუჭა, და კიდეც, როცა მაცხოვრისგორის ფერდობს შეუყვანა; ნესტორ თოდუამაც სძლია შიშს, როცა ქოსას გადაუდგა და ამან სიკვდილი მოუსწრაფა... ბერი ზაქარაიას ჟამიც ხომ უნდა დამდგარიყო, ხომ უნდა მოსულიყო დრო, როცა ის თავის პალიმფსესტს გაშორდებოდა, სამალავიდან გამოვიდოდა და ჭეშმარიტებას ღიად, თამამად გააცხადებდა... ამისათვის ერთი რამ იყო საჭირო: თავისი მე აქმაღლებინა, არაფრად ჩაეგდო საზოგადო აზრი, ქვეყნის მოჩვენებითი ინტერესები, უარეყო ფარული ხელშეკრულება, რომელზეც ყველას ხელი ჰქონდა მოწერილი და ვერავინ ბედავდა დაკანონებულ დოგმებთან დაპირისპირებას. ალბათ ასეც მოხდებოდა ყოველივე, თუ ის გახდებოდა თავისუფალი, დადგებოდა სიკვდილზე მაღლა, სიცოცხლეს იმდენად შეიყვარებდა, მოკლე ჟამს არსებობისა სიცრუეზე ვერ დახარჯავდა...

როდის, როდის დადგებოდა ჟამი იგი?

\* \* \*

ის დღე გაახსენდა ბერის, მართას რომ კომკავშირში იღებდნენ. თითქოს რა უნდა ყოფილიყო სათუო, მართა ხომ გერა კვარაცხელიას შვილი იყო, ძველი რევოლუციონერისა, დედამისს კი — ცაცანას მარქსის „კაპიტალი“ ჰქონდა თურმე წაკითხული (ქალაქში ხომ სხვა ორიც ვერ დაიძებნებოდა ასეთი!). ტატაჩი მაინც ღელავდა, თუმცა ცდილობდა გარეგნულად ეს არ გაემჟღავნებინა, უფრო მეტიც, მართას ამშვიდებდა:

— ნუ გეშინია, ძღაბი! შეგეკითხებიან, რატომ შედიხარ კომკავშირშიო, შენც აიღე და უპასუხე, იმიტომ, რომ ახალი, დიდებული მუშურგლებური სახელმწიფო უნდა ავაშენოთქო... დიდი სტალინის დროის ქვეშ უნდა დავდგეთქო...

მართა თავს უქნევდა, ლამაზი შუბლი ეჭმუხნებოდა, ბაგე ბავშვივით უთრთოდა და მოჯადოებულ ტატაჩის ლამლა-მოზით ეს ბაგე ესიზმრებოდა.

ბიკენტი ჩუმად უსმენდა ტატაჩის. ლამაზ თვალებს უხსენებელივით მიაცივებდა ხან ერთს, ხან მეორეს. ერთ კლასში ისხდნენ სამივენი — ტატაჩი, ბიკენტი და მართა. ერთმანეთს ისე შეეზარდნენ, თავდაპირველად ბიჭებს მართა მათი ნათესავი ეგონათ, მისი გულისათვის არაერთხელ სხვა ბიჭები უტყეპიათ. მერე და მერე გაირკვა, ვინ ვინ იყო. სამი საამაყო რევოლუციონერის შვილობა გამორჩეულსა ხდიდა მათს ყოფას. თანდათან ბიჭების გულში მეტოქეობამ დაივანა. ფარული ბრძოლა იქ, იმ ბნელეთში მიმდინარეობდა, სულის წიაღში, ზედაპირზე კი მცირე გაელვებულა ამოაღწევდა. ხმა უნებლიეთ გაუტყდებოდა ტატაჩის, ენა აუბორძიკდებოდა. სიფითრე გადაეკრობოდა ბიკენტის, უცბად გაიცრიცებოდა, დაუშნოვდებოდა. მართას კი სინითლე აულვივებდა ლოყებს, ნაძალადევ სიცილში მალავდა გაუმხელელს.

თავისთავად გამოვიდა ასე, ძალდაუტანებლად, მართა ტატაჩის უფრო მიენდო. ქალივით ნაზი იყო ტატაჩი, უფრო ღია და გულუბრყვილო. ეამაყებოდა, ნესტორის შვილი ვარო.

ოცდაოთხში მემამბოხე მენშევიკებმა მოკლესო რომ უთხრეს, ოდნავი ეჭვიც არ შეპარვია. მამა ყოველთვის ცხენზე ამხედრებული წარმოედგინა, ნითელი დროშის ფონზე. დრომას ნიავი აფრიალებდა, ტკაცუნი გაჰქონდა. ნესტორის შვილიც ჭემმარიტი კომკავშირელი და ბოლშევიკი უნდა გამხდარიყო, თუ საჭიროება მოიტანდა, თავიც უნდა დაედო დიადი საქმისათვის... ბიკენტი უფრო გულჩახვეული გაიზარდა. არასოდეს დასცდებოდა, მამაჩემი ძღვიბი თოლორათა დიდი კაციაო. რა კაციც იყო, სალად ხედავდა. ტატაჩის გულუბრყვილო ტიტინი აღიზიანებდა, მისი სინაზე ზიზლსა გვრიდა. ოლონდაც, წინასწარვე, აკვანშივე დაანათლეს კვარაცხელიასა და თოდუას ნაშიერებთან მეგობრობა. ძღვიბი აძალეებდა, რადგან მამების ლეგენდა შვილების ლეგენდად უნდა გაგრძელებულიყო.

კინალამ ჩაშალა ბიკენტიმ კომკავშირული კრება. გულში ალბათ ბოღმა ჩაივანა, ეჭვიანობამ ღვიძლი აუნვა და მართას დასჯა გადაწყვიტა.

— დიდი რევოლუციონერი კი არა, მორწმუნე იყო მართას მამა, პირჯვარს ინერდა!

მართა განითლდა, ენა ჩაუვარდა. მამა პატარას დაელუპა და არაფერი იცოდა მისი რწმენისა.

— სიცრუეა! — წამოვარდა ტატაჩი. — ქალაქში ყველამ იცის, ვინც იყო გერა კვარაცხელია!

— არაფერსაც არ ვცრუობ! — ცივად, აულელვებლად შეეპასუხა ბიკენტი. — ან რატომ უნდა ვიცრუო? ის კიბე, მაცხოვრისგორაზე რომ ადის, გერას გაკეთებულია, ეკლესიამდე უნდოდა აეყვანა, მაგრამ არ დასცალდა!

აირია კრება. ახალგაზრდები ადგილებიდან წამოცვივდნენ. ბევრს არ სჯეროდა ბიკენტის ნათქვამი, სხვები კი, ჯერაც გამოუცდელნი, იოლად ამსხვრევდნენ გუშინდელ კერპებს. გასაოცარი ამაში არაფერი იყო, აგერ, ა, გუშინ ტროცკის მოსცხეს... ბელადი, ბელადიო და თურმე მოლალატე და ტროცკისტი აღმოჩნდა!

მართას თვალზე ცრემლი მოადგა. ან რა უნდა ეთქვა, აქამდე საამაყო მამას მინაში უმარხავდნენ. ღვთის რწმენა ხომ თითქმის ქვეყნის ღალატს უდრიდა.

ბერი უფროსობდა იმ კრებას. ასაკით დიდად უსწრებდა მართას თანაკლასელებს, სკოლის კომკავშირლებს კურირებდა იმხანობით. თვითონაც თვალს ვერა სწყვეტდა გოგონას და მისი ცრემლი აფორიაქებდა. თუმცა რა ექნა, პოლიტიკური სიფხიზლე ხომ უნდა გამოეჩინა. ბიკენტი რიგითი მოსწავლე და კომკავშირელი კი არა, ძღვიბი თოლორაიას შვილი იყო.

— ამხანაგებო, ნუ აღელდებით! მოდით, შევეკითხოთ თვითონ ამხანაგ თოლორაიას, ე. ი. ბიკენტის მამას!

შევეკითხნენ კიდეც! დეპუტაცია აახლეს მრისხანე შინსახკომელს, თვით ბიკენტი და ბერი, მართა და ტატაჩი. გოგონას საშინელი განაჩენის მოლოდინში გული უკანკალებდა.

ძღვიბი თოლორაია ლოგინად იწვა იმ დღეებში. ბოლო დროს ავადმყოფობდა ხოლმე. ექიმებს მისთვის წამალი ვერ აღმოეჩინათ. პატარა კაცუნა მთლად დაღუულიყო. ეშმაკი პირისახე დამჩაჩული ჩირვივით აჩნდა ბალიშს. ქავილი ანუხებდა ძღვიბის, ტანკისერზე მუნუკს აყრიდა. იმდენს იფხანდა, სისხლს დაიდენდა ხოლმე და სიმწრის ზმუილს იწყებდა... მცირე ხნით გადაუვლიდა, გამოვკეთდიო, იფიქრებდა, დაიბანდა, ხალხში გამოჩნდებოდა, მტერსა და მოყვარეს გაიკითხავდა, კვლავ ის ქოსა ძღვიბია იყო, შიშის ზარს რომ სცემდა ქალაქს, მაგრამ სენი, სასჯელად მოვლენილი, ისევ მოუბრუნდებოდა და ლოგინად დააგდებდა.

ახედა ქოსამ ახალგაზრდებს, სათითაოდ შეათვალიერა, იყურა მცირედ, თითქოს რაღაცას გონებაში წონისო და ბოლოს ბრძანა:

— გერა კვარაცხელია უმნიკვლო რევოლუციონერი და ჩემი დიდი მეგობარი იყო. ნესტორ თოდუაც უმნიკვლო რევოლუციონერი და ჩემი დიდი მეგობარი იყო. ისინი დაეცნენ საბჭოთა ხელისუფლებისათვის დიად ბრძოლაში! მათ სწამდათ მხოლოდ და მხოლოდ პროლეტარიატის დიქტატურა და ინტერნაციონალიზმი... რაც შეეხება კიბეს, გერა იმ კიბეს იმიტომ აშენებდა, რომ ტაძრის ადგილას ჩვენი დიდი ბელადების ლენინისა და სტალინის ძეგლები აგვეგო. მაშინ ვერ შევძელით, ანი, ჩვენი ძღვევამოსილი გამარჯვების შემდეგ ავა-

გებთ კიდეც!.. ჩვენ სამნი შემოვუძეხოთ საბჭოთა ხელისუფლებას — მე, გერა და ნესტორი!

ძღვიბი თოლორაიასთან მერეთში არავინ დაობდა.

— ხომ გეუბნებოდი, ძღვიბი! — ტატაჩიმ ხელი ჩამოართვა მართას, თან განითლდა...

ბერი ზაქარაიაც განითლდა, ამოიხვნეშა...

\* \* \*

ადრე დაქვრივებულებს გაუჭირდათ. ცაცანამ ბიბლიოთეკაში იშოვა ადგილი. ხელფასი მცირე ჰქონდა, მაგრამ ღამღამობით კერავდა ხოლმე და ორი სულისათვის საკმარისი გამოუდიოდა. ეფრომ სხვა რამ ხელობა არ იცოდა, გარდა თოხისა და ბარისა. მის პატარა ეზოში გოჭი და ქათამინდაური არ ილეოდა, თითო ძროხა ყოველთვის ჰყავდა, კარგად მოვლილი ბოსტანი და ბაღი თვალს ახარებდა. ფულიც იყო, ცხადია, საჭირო, შოვნა კი გაძნელდა... მაშინ მოისაზრა ტატაჩიმ, კაცი ვარ უკვე და თავს უნდა მივხედოო.

თექვსმეტისა ხდებოდა...

ბევრი არ უფიქრია, ადგა და ძღვიბი თოლორაიას ეახლა.

მომცრო კაცი იყო ძღვიბი, დაღუული, მაგრამ ხელქვეითებად მუდამ დევები ჰყავდა, ღონივრები და შიშისმომგვრელები. იქნებ ამიტომაც იყო, — მის მძიმე გამოხედვაში, ხელის ნელ მოძრაობაში, დამარცვლით საუბარში თავდაჯერება და ძალა იგრძნობოდა. თუმცა ძღვიბიმ ისეთი ცხოვრებით იცხოვრა, სხვისი დევობა არც სჭირდებოდა, ძალაც დიდი მოიპოვა, მისი ძლიერი სული ალბათ ვერც ეტეოდა ამ პატარა, დაჯღვარკნილ სხეულში.

ტატაჩი შიშნარევი ცნობისმოყვარეობით მისჩერებოდა, პირი ოდნავ ღიად დარჩენოდა და ძღვიბის გაელიმა.

— კაი ქენი, ჩემთან რომ მოხვედი, — გამოზომილად, სვენებსვენებით ამბობდა, — მამაშენი ჩემი უპირველესი ძმაც კაცი იყო. მენშევიკებმა რომ მოკლეს, ბალანასავით ვტიროდი. დიახ, დიდი კაცი იყო ნესტორ თოდუა, პარტიის ერთგული

შვილი... მამას უნდა მიბაძო ყველაფერში! ჯერ პატარა ბიჭი ხარ, უნდა ისწავლო, კაცი გამოხვიდე... სამსახურში შიკრიკად მიგიღებ, კაი ორმოცი მანეთი ხელფასი გექნება, დრო თავზე-საყრელი. დაიდევ ნიგნი მუხლებზე და იმეცადინე. არ უნდა ჩამორჩე ტოლსწორებს. ცუდლუტობა არ გამაგონო, სირცხვილია მამაშენის შვილისათვის...

ამგვარად ილაპარაკა კიდეც ცოტა ხანს და გამოუშვა.

ჩააცვეს ტატაჩის გიმნასტურა, ფეხებზე ქირზის ჩექმები, თავზე კოზიროკიანი ქუდი და გაამწესეს შიკრიკად. იჯდა უფროსის მისაღებში. წამდაუნუმ აგზავნიდნენ აქედან იქით, მალლა, დაბლა, მარჯვნივ და მარცხნივ... დაჰქონდა ბარათები, პატარა, ნაცრისფერ კონვერტებში ჩადებული, თან ჟურნალიც, ხელის მოსაწერად. გააფრთხილეს, სახელმწიფო საიდუმლო დაიცავიო, არსად არაფერი გათქვაო, თუმცა რომც სდომებოდა, რას გათქვამდა, რაკი მიდიმოღის გარდა არც არაფერი ესმოდა.

სალამობით შინ ვერ ჩერდებოდა, გავარდებოდა კვარაცხელივით.

— ცაცანა დეიდა, მართას იბარებენ კომუჯრედში!

მართა უკვე მზად იყო, გამოცქრილდებოდა სახლიდან და ტატაჩის გული მუშტივით შეეკუმშებოდა. მართას პირისახეზე სინათლე ეფინა, თვალები უცინოდა, ტუჩები... „უჰ, — გუნებაში ამოიხრებდა ტატაჩი, — ტუჩებს ნულარ იტყვი...“

ცაცანა ვერ ამჩნევდა ახალგაზრდების მღელვარებას, გაზეთს აუფრიალებდა თვალწინ, დღევანდელ „კომუნისტში“ „პრავდის“ მონინავე რომაა გადმობეჭდილი, ის თუ ნაიკითხეო. ეს ჩალასავით უგემური მონინავეები თავის ასატკიებლად თუ იყო მოგონილი, ცაცანას კი მისი ნაკითხვა აუცილებლად მიაჩნდა და ტატაჩისაც აიძულებდა.

— ჰო, დედა, ნაიკითხავდა, აბა რას იზამდა! გვეჩქარება, ხომ ხედავ! — მართა ჩაერთვებოდა მოუთმენლად, წრიალებდა, ფეხებს აბაკუნებდა, ტანზე კაბა უთრთოდა.

გვერდიგვერდ დაუყვებოდნენ ორლობეს, რა თქმა უნდა, საქმიანი საუბრით... გვერდიგვერდ, მაგრამ შორიშორ, რაკი

ვერც ერთი ვერ ბედავდა გულისნადების გამხელას. რა დროს სიყვარულიაო, გულსგარეთ ფიქრობდნენ, ჯერ მტერს უნდა გავუმკლავდეთო, სიყვარულის დროც დადგებაო... ახალ, ბედნიერ საზოგადოებაში, აი, იმ გორაკს მიღმა, ხელის განვდენაზე რომ შენდებოდა. ამიტომაც უფრთხოდნენ იდაყვების უნებლიე შეხებასაც, დენის უეცარ დარტყმასავით რომ დაუვლიდათ ძარღვებში და ტატაჩის ენაწყლიან საუბარს შეანწყვეტინებდა.

ტატაჩი კი ენას არ აჩერებდა. მართა ჯერაც სკოლაში დადიოდა, ტატაჩი უკვე „მსახურობდა“, „მტერს ებრძოდა“. გოგონას წარმოსახვაში იგი წერილების უბრალო დამტარებელი კი არა, მზვერავი იყო, რომელსაც წამდაუნუმ მტრის ზურგში აგზავნიდნენ და ამით მის სიცოცხლეს გამუდმებით საფრთხე ემუქრებოდა.

იმ დროს ბევრს იჭერდნენ, ეგონათ რომ ბევრსო, რადგან არავინ იცოდა, ხვალე რას მოიტანდა.

— არა, ამ ბუხარინს მაინც რა უნდა? — იცინოდა ტატაჩი.

— კუმ ფეხი გამოყოო...

ბუხარინის გვარს გაზეთში თუ შეხვდებოდნენ. წესიერად არ იცოდნენ, ვინ იყო და მართლაც რა უნდოდა. მისი გვარი „ბუხარის“ ასოციაციას იწვევდა და, ალბათ, სასაცილო იყო „ბუხარის“ პრეტენზია.

— ზინოვიევს ხომ არ ეყო და არ ეყო პატივი... არა, რის გამო ხდებიან ადამიანები მოლალატეები?

მართა თავს უქნევდა, ჩუმად უსმენდა. აზრი ვერ გამოეტანა, მაგრამ უკვირდა კია, საიდან იცოდა ტატაჩიმ ამდენი, მერეთიდან გაუსვლელად სად შეხვდა იმ ბუხარინსა და ზინოვიევს, რანაირად გაიცნო ასე კარგად.

ასე საუბარსაუბრით გავიდოდნენ ჩხერიის პირას. ისხდნენ მოფარებულ ადგილს, ეგონათ, მოფარებულსო და ჩურჩუტულპოლიტიკური მჭევრმეტყველებით ერთმანეთს თავბრუს ახვევდნენ.

ერთხელაც იყო და, აქ წააწყდნენ გოგობიჭს ბიკენტი და ბერი. მართლაც კომუჯრედის სხდომიდან მოსეირნობდნენ.



ესენიც პოლიტიკაზე საუბრობდნენ, იმ ბნელ ხლართებზე, რომელშიც გარკვევა ძნელია, მაგრამ იოლია დანის ერთი დარტყმით კვანძის გახსნა.

მართა ქვაზე იჯდა, ხელები მუხლებზე დაეწყო და სახეზე ჩამავალი მზის ჟანგისფერი სხივი ეფინა. ტატაჩი მოშორებით იდგა, გულზეხელდაკრეფილი რაღაც ამალღებულს ყვებოდა. ამ სურათმა უცბად გამოავლინა ახალგაზრდების უბინობაც და ფარული ვნებაც, რასაც ერთმანეთსა და მთელ ქვეყანასაც უმაღლავდნენ.

ბერის საშინლად დასწყდა გული, გაფითრდა, მაგრამ ბედს შერიგებულმა, სცადა თავი არ გაეცა.

ბიკენტის კი ლოყები აუფორაჯდა, თვალი გველივით დაუნვრილდა და ტატაჩის ამრეზით ახედა.

— გოგოს ტვინს ნუ უმღვრევ, ამხანაგია ჩვენი!

— მე ვუმღვრევ? — დაიბნა ტატაჩი, უთქმელის გათქმისა შეეშინდა.

— ჰო, შენ! გვინახავს შენნაირი ჩიტები!

ჩხუბს ალბათ მეტი არაფერი სჭირდებოდა, მაგრამ მართა წამოხტა, ბრაზით, მღელვარედ, თხოვნით ხან ერთს მივარდებოდა, ხან მეორეს, ხან მესამეს:

— ბიკენტი!.. ტატაჩი!.. ბერი!.. ბიჭებო!

სამივე დაშოშმინდა, არც ერთს არ სურდა ხვაშიადის გამჟღავნება. ამიტომაც დათმეს, არ ჩაეძიენ ერთიმეორეს. ტატაჩი მიხვდა, ფხიზლად უნდა ყოფილიყო, თორემ ხელსა და ხელს შუა გაუფრინდებოდა მისი წილი ბედნიერება. თუმცა არ იცოდა, რა უნდა ელონა, დროც არა ჰქონდა მოსაფიქრებლად. სწორედ იმ დღეებში ჩაუტარა ძღვიბი თოლორაიამ კაცობის გაკვეთილი.

კაბინეტში გამოიძახა, წინ დაისვა და ჰკითხა:

— რამდენისა ხარ, თუ იცი?

— თექვსმეტის! — მორცხვად შეეპასუხა ტატაჩი, ცოტათი წაიმატა ასაკი.

— თექვსმეტი ცოტა არაა, თექვსმეტისანი თავს ვდებდით სამოქალაქო ომში! ხომ იცი, რა მოხდა ჩვენთან?

დიახ, როგორ არ იცოდა! დაჭერებს მოუხშირეს. სოფლებიდანაც მოჰყავდათ „ხალხის მტრები“ ბლომად, თვით მერეთში კი შინსახკომის მწვანე „ვილისი“ სადაც გაივლიდა, მოქალაქენი სახლებში იკეტებოდნენ, შემთხვევით ხელს არ გაგვაყოლონო. უკვირდა ტატაჩის, ასე უცებ ამდენი მტერი საიდან გაჩნდაო. ადამიანი ბოროტია! პირში გიციინის, გესიყვარულეობა, უკან კი გალესილ დანას მალავს, მზადაა ყელი გამოგჭრას... აქამდე გარეშე მტერი უფრო იყო, ახლა ციხე შიგნიდან გატყდა თურმე. მტრის აგენტურას შინსახკომის ფრთებქვეშ კვერცხი დაუდვია, წინილები გამოუჩიქია და კარგა მოზრდილი ვარიები დაუზრდია. ძღვიბი თოლორაიას ვინ რას გამოაპარებდა? ჩაუსაფრდა, მახე დაუგო და გაიმარჯვა. ერთ დღეს მოხვეტეს გუშინდელი შინსახკომელები და იმ გზას გაუყენეს, საითკენაც მანამდე სხვებს აგზავნიდნენ.

— ხალხი შემოგვაკლდა, — ცალყბად გაიღიმა ძღვიბიმ, — საქმეს კი ვერ გავაჩერებთ. რა თქმა უნდა, მტრის დანდობა არ იქნება, მაგრამ უკანონობასაც ვერ დავუშვებთ, ყოველი დაპატიმრებულის საქმე უნდა გამოვიძიოთ, ჭეშმარიტება დავადგინოთ... მხოლოდ ამის შემდეგ უნდა დავსაჯოთ მტერი, მოყვარეს კი რას ვერჩით... აიღე ახლა ეს საქალაღდე, დაჯექი მესამე კაბინეტში და ეცადე სიმართლე გაარკვიო. დღეის იქით გამომძიებელი ხარ!.. ეს შენი პირველი საქმეა, იგი ეხება მეტად საშიშ გარენარს, ჯამუშსა და მოღალატეს. ასეთები უნდა გასრისო მატლივით!

ტატაჩის კინალამ ხელიდან გაუვარდა საქალაღდე, თუმცა წონა სულაც არ ჰქონდა, შიგ ალბათ რამდენიმე ფურცელი იდო. თავი მაინც არ გასცა, სხარტად, ყოჩაღად წამოდგა, ქუსლებზე შეტრიალდა და გუშინდელი შიკრიკი გაემართა მესამე კაბინეტისაკენ, რათა ასაკოვანი ბიძიებისა და დეიდების ბედილბალი გადაეწყვიტა...

„რა გულუბრყვილონი ვიყავით, — ფიქრობდა შემდგომ ბერი ზაქარაია, — სიკეთე გვინდოდა გვეთესა და ამ სიკეთის დროშით დაუნდობლად ვიბრძოდით. ახლაც მიკვირს, ჩვენ თუ სიკეთე და ბედნიერება მოგვაქვს, ამდენი კაცი რატომ აღუდ-

გება მას წინ, საიდან ჩნდება ამდენი მტერი?.. მე ხომ ვიცნობდი ტატაჩის!.. კარგი კაცი იყო ტატაჩი თოდუა და ვერ გამოვესარჩლე!.. რატომ?.. შურის გამო?.. უცოდინარობის?.. უფრო შიშის!“

ბერი ზაქარაიას თავში ლაგდებოდა შიშის ისტორია, არათუ საკუთარი შიშისა, არამედ ქვეყნიერების შიშისა. იქნებ ადამიანის არსებობა შიშის გარეშე საერთოდ შეუძლებელია. ოღონდ არის ხანი, როცა შიში უხილავი და ყოველსმომცველია. სიყმაწვილის ჟამს, სადღაც, მთებს გადაღმა, ომი მძვინვარებდა, სიკვდილი სამკელს იმკიდა, მაგრამ ყოველივე ეს გასაგები იყო — იმპერია იმპერიას ებრძოდა და გიგანტთა ეს ჭიდილი უსისხლოდ ვერ დამთავრდებოდა... რევოლუციამ სისხლიანი ქარიშხალი მოიტანა. ესეც გასაგები იყო, ახალი ხელისუფლება ანადგურებდა ძველს... საქართველო წითლებმა რომ დაიპყრეს, არც ეს იყო გაუგებარი, რადგან არც ერთი დაპყრობა უსისხლოდ არ მომხდარა. დაპყრობილს, ალბათ ეშინოდა, მაგრამ დამპყრობელიც ვერ გრძნობდა თავს უსაფრთხოდ... ოცდაოთხის სისხლიან სასაკლაოზე პირველად გახდა გაუგებარი ვის კლავდნენ და რისთვის... შემდგომ ყოველივე ორ ფერში შეიღება — თეთრად და შავად, თუმცა არავინ უწყოდა, რა იყო თეთრი და რა იყო შავი... ამ გაურკვეველობამ შიში გააძლიერა, ცხოვრების ყველა კუნჭული მოიცვა, ამოსუნთქვის საშუალება მოსპო... შიში აღმოჩნდა ერთადერთი მამოძრავებელი ძალა. შიშის რელსებზე შემდგარი მატარებელი უფრო და უფრო უჩქარებდა სვლას, ბორბლებს გრიალი გაჰქონდა და ყურთასმენა წაეღო. ფიქრის არც დრო იყო, არც საშუალება. მაშინ ყველამ იწამა, რომ გზა, რომლისაკენ შიში მიერეკებოდა, ჭეშმარიტია... მსხვერპლი აუცილებელია. და თუმცა ყველა ცდილობდა თვითონ არ მოხვედრილიყო მოლოხის ქვეშ, მაინც და მაინც თუ გამოსავალი აღარა რჩებოდა, ზვარაკის მოთმინებით ეწირებოდა დიად საქმეს, რისი ნამდვილი ფასი არავინ უწყოდა...

შიში თან სდევდა ბერი ზაქარაიას, უსაგნო და გაუთვითცნობიერებელი. ამიტომაც იწამა, რაკი ეს იყო გადარჩენის ერთადერთი საშუალება. თუმცა გულის გულში უპასუხო კითხვე-

ბი უგროვდებოდა... ერთიც მაშინ დაებადა, როცა თექვსმეტი წლის ტატაჩიმ ბუდიდან რევოლვერი ამოიღო და ხელში შეათამაშა... ჩაიცინა ტატაჩიმ, მის ამ ჩაიცინებაში უფლებამოსილება იგრძნობოდა, მაგრამ ბერის იგი არ აწყენინებდა და ამიტომ მხოლოდ ჩაიცინა...

17

იროდიონ თავდოზის ძე რიგვავა, დაბადებული 1875 წელს, ქ. მერეთში, თეატრალური რეჟისორი, მერეთის დრამატული თეატრის თანამშრომელი, შეეკრა რა გერმანიისა და იაპონიის დაზვერვებს, უღალატა სოციალისტურ სამშობლოს და მტერს გადასცა ცნობები, რამაც ძირი გამოუთხარა ქვეყნის უშიშროებას. კაიზერის გერმანიის დაზვერვას იროდინ რიგვავა მიეყიდა ჯერ კიდევ რევოლუციამდე, როცა ახალგაზრდობისას ჩავიდა ბერლინში იურისპრუდენციის შესასწავლად. რაც შეეხება იაპონიის დაზვერვას, იროდიონ რიგვავამ მასთან კონტაქტი დაამყარა თავისი გერმანელი რეზიდენტის ბრძანებით. კონტაქტი შედგა მერეთში ე.წ. ჩინელი კომუნისტის ლიუ ცზიშის მეოხებით... იროდიონ რიგვავას დანაშაულს შეეფარდება საქ. სსრ სისხლის სამართლის კოდექსის მუხლი...

\* \* \*

ტატაჩი თოდუამ ყოველივე ეს ამოიკითხა თხელ საქალღდეში. ვინც ტექსტი შეადგინა, კალიგრაფიით ვერ დაიკვებნიდა. ტატაჩი ასოასო კითხულობდა და ვერაფრით დაუკავშირა ჩინელი კომუნისტი იაპონურ და გერმანულ დაზვერვას... შეეცადა წარმოედგინა სად იყო იაპონია, ჩინეთი, გერმანია — ერთმანეთთან ვერანაირად ვერ მოათავსა და საკუთარი თავის წინაშე შერცხვენილი, საქმიანი იერით მიუჯდა მაგიდას. წინ ოქმის დასაწერი ქალღედი და საწერკალამი დაიდო. გული უფართქალებდა, მაგრამ გარეგნულად არაფერს იმჩნევდა. უბრალო საქმე ხომ არ იყო, იაპონიისა და გერმა-

ნიის დაზვერვის აგენტი უნდა დაეკითხა. გააფრთხილა კიდევ ძღვიბიმ, ფხიზლად იყავი, არ გაგაცუროსო.

იროდიონ რიგვავა წარმოსადეგი, ლამაზი მამაკაცი აღმოჩნდა. წვერი სუფთად გაეპარსა, მოკლედ შეკრეჭილი, ჭალარა თმა უკან გადაეწარცხნა. კიტელი ეცვა, საყელოში თეთრი, ქათქათა ნაჭერი ჩაეყოლებინა. სუფთა ხელებზე ფრჩხილები დაჭრილი ჰქონდა და, რამაც ტატაჩი გააკვირვა, გაპრიალებულიც. თავი ღირსეულად ეჭირა. ეტყობა, ასეთ ახალგაზრდა გამომძიებელს არ ელოდა. ალბათ იფიქრა, თვალი მატყუებს, თორემ, რაც ჩანს, იმაზე მეტისა იქნებაო.

ტატაჩიმ ჩაახველა, ხმა ჩაინმინდა. დელავდა და სკამზე ვერ ისვენებდა. საკუთარ თავზე გაბრაზდა და ფიცხად თქვა:

— დაბრძანდი, მოქალაქე, და ყველაფერი პირნათლად მომიყევი!

— დიახ, ბატონო მოქალაქე, მაგრამ რომ არ ვიცი, რა გაინტერესებთ? — აუღელვებლად უპასუხა იროდიონმა.

— ბატონობა დიდი ხანია გადავარდა, მე ბატონი არა ვარ!

— ტატაჩი ისე გაიფხორა, თითქოს შეურაცხყოფა მიაყენესო.

— დიახ, ბატონო... — დაიბნა იროდიონი, — ეს მე ისე...

— ჰო! — მოლბა ტატაჩი. — რაკი არ იცი რა მაინტერესებს, კითხვებს დაგისვამ... როგორ და სად გაიცანი მოქალაქე ლიუ ცზიში?

— აჰ, იმ ჩინელს ერქვა ლიუ ცზიში? — გაიკვირვა იროდიონმა. — არც კი ვიცოდი!

— როგორ არ იცოდი, როცა აქ, მერეთში შეხვდი?

— კი, ბატონო... აჰ, უკაცრავად! მე, ბატონო მოქალაქე, კაი რუსული ვიცი. ამიტომ ბატონმა თოლორაიამ დამიბარა, უცხოელი სტუმარი ჩამოდის, ჩინელი კომუნისტიო. ჩვენი რაიონი უნდა ვაჩვენოთ, თავი მოვანონოთო. მე ხომ ჩინურისა არაფერი გამეგებამეთქი. ჩინური აქ არავინ იცის, მაგრამ იმ ჩინელს ალბათ ორი ღერი რუსული ეცოდინება და იქნებ შენ მაინც გაუგო რამეო...

ტატაჩიმ ქალღიმილი მოიჩოჩა და ბავშვური კალიგრაფიით დაიწყო იროდიონ რიგვავას მონაცხის ჩაწერა. ჩქარა ვერ

წერდა, მონდომებისაგან ენა გამოეყო და ტუჩებს ისველებდა. იროდიონს ჩაელიმა. ტატაჩიმ ღიმილის მიზეზი ვერ ამოიკითხა, უმნეობა იგრძნო და უხეშად უთხრა:

— შენ განაგრძე! მე გისმენ!

— ისეთი არაფერი მომხდარა! დავხვდით იმ ჩინელს. ვაგონიდან რომ ჩამოვიდა, ორივე ხელი ასწია და მოგვესალმა: „ნიხო!“ თურმე „გამარჯობათო“, — უთქვამს. ჩავსვით მანქანაში და შემოვატარეთ მერეთი. მე, რაც შემეძლო, ვუხსნიდი. ის აქეთიქით იყურებოდა, ყველაფერზე ერთნაირად პასუხობდა — „ხო, ხო!“ კარგია, კარგო... ბოლოს დაილაღა, მუცელზე ხელი დაიტყაპუნა და „ჩიფან, ჩიფანო...“ — აჩრემა. მივხვდი, ჭამა უნდოდა. გავუშალეთ ჩვენებური სუფრა. თამადად ბატონი ძღვიბი დაჯდა. იმ ჩინელს არაფერი ესმოდა, მაგრამ ყველაფერს ერთნაირად მიირთმევდა და კმაყოფილი სულ „ხო, ხო“ს იძახდა... ცოტა რომ დალია, მუშტი ასწია და შეჰყვირა: „ჩან კაიში ბოხო! სტალინ ხო! სტალინ ვანსაი!...“ — ესე იგი ჩან კაიში ცუდია, სტალინი კარგია და ათასი წელი იცოცხლოსო...

— აკი ჩინური არ ვიციო? — ეჭვით დაეკითხა ტატაჩი.

— „ხო“ და „ბოხო“ რომ მიხვდე, ბატონო მოქალაქე, დიდი ტვინი არ არის საჭირო! — კვლავ გაელიმა იროდიონს. — სხვანაირ ჩინურს კი, რომც მომენდომებინა, ვინ მასწავლიდა?

— იმან ხომ იცოდა რუსული?

— კი, ორი სიტყვა იცოდა — „ტავალისც!“ და „დავაი, დავაი!“

„მატყუებს! — გაიფიქრა ტატაჩიმ. — აკი უფროსმაც გამაფრთხილა!“

ფიქრით კი გაიფიქრა, მაგრამ თავისდაუნებურად მიენდო იროდიონის მშვიდ, აუღელვებელ ხმას.

— გერმანიისა და იაპონიის დაზვერვებზე რაღას იტყვი?

— იცით, ბატონო მოქალაქე, — იროდიონმა მხრები აჩრეჩა, — ჩემს სიცოცხლეში გერმანიაში და საერთოდ საზღვარგარეთ არ ვყოფილვარ. იაპონიაზე ლაპარაკი კი უბრალოდ სასაცილოა!

— როგორ, აკი ბერლინში იურისპრუდენცია შეისწავლაო?

— ნეტავი ეგრე ყოფილიყო! ხომ გეუბნებით, ბერლინში არ ვყოფილვარმეთქი. თუ დამიჯერებთ, არც იურისპრუდენცია შემისწავლია ოდესმე. უმაღლესი განათლება, სამწუხაროდ, საერთოდ არ გამაჩნია. სანკტპეტერბურგში კი ვყოფილვარ, მინდოდა უნივერსიტეტში მესწავლა, მაგრამ პურის ფული აღარა მქონდა. მოხეტიალე არტისტებს შევეკედლე. სახუმარო სკეტჩებს ვდგამდით და ეზოეზო დავდიოდით. ჩვენმა თეატრმა სახელი მოიხვეჭა და საგასტროლოდ ნავედით კიევსა და ოდესაში... მერე ომმა მოგვისწრო... რევოლუციის შემდეგ შინ ჩამოვედი, თბილისში ვიმუშავე. ერთი წელია მერეთში მომავლინეს. ალბათ გინახავთ ჩემი სპექტაკლები...

ტატაჩი განითლდა. არც მერეთისა და არც რომელიმე სხვა თეატრში არასოდეს ყოფილა, ვერ მოიცალა. რცხვენოდა ამის გამხელისა. სიმორცხვემ გააფიცხა, შუბლი ჯიუტად წინ წასწია და თქვა:

— ვერ ვიცლი თეატრისათვის, სულ ვომობთ და ვომობთ! იროდიონ რიგვავამ გაკვირვება არ შეიმჩნია, ხელი მოხდენილად ასწია, მზერა ჭერისაკენ აღაპყრო და წაუმღერა:

— აჰ, ახალგაზრდავ, იცით, თეატრი ეს არის...

აზრი არ დაუბოლოებია, მაგრამ ისედაც ნათელი იყო, რომ თეატრი რაღაც ღვთაებრივი და დიადია.

— უკაცრავად, ბატონო მოქალაქევ, რამდენი წლისა ბრძანდებით?

— რაში გჭირდება? — უხეშად შეეპასუხა ტატაჩი.

— იცით, თქვენ აუცილებლად უნდა ნახოთ „რომეო და ჯულიეტა“. რომეო თითქმის თქვენი ტოლია. არ შეიძლება ამ სპექტაკლმა არ შეგძრათ! თქვენ, ალბათ, შექსპირი წაკითხული გაქვთ?

ტატაჩის არც შექსპირისათვის ეცალა.

— სამწუხაროა, სამწუხარო! — ამოიოხრა იროდიონმა. — ჩვენ ვერ ვიცლით ჭეშმარიტი ღირებულებებისათვის, ცხოვრება კი, იცით, მიდის. ამაღლებული ხელოვნება ადამიანს აკეთილშობილებს. როცა რომეო და ჯულიეტას ტრაგიკული სიყვარულის ამბავს გაიგებს, მკვლეელიც კი დანას გადააგდებს და გული შერიგებისაკენ გაეხსნება!

— ჰმ, შერიგებისაკენ... — ბაგე მოებრიცა ტატაჩის. — გააჩნია, ვის უნდა შეურიგდე! სამშობლოს მტერსა და მოლალატეს მე ვერ შევურიგდები! შენ თუ დაზვერვის აგენტი ხარ...

იროდიონ რიგვავა უცბად ჩაქრა, სახეზე მოწყენა დაეფინა.

— ახალგაზრდავ, არავისი აგენტი მე არა ვარ და საერთოდ არ მესმის აქ რატომ მომიყვანეს!

გულის სიღრმეში ტატაჩის სჯეროდა ამ კაცისა. „მართლაც რაღაც შეცდომაა, — გაიფიქრა, — ალბათ შეაცდინეს ამხანაგი ძღვიბი, თორემ ქალაქში ასე გამორჩეულ კაცს ვინ დაიჭერდა!“

— აბა, დაიფიცე! — ბავშვურად, გულუბრყვილოდ სთხოვა ტატაჩიმ.

— სინდისს ვფიცავარ! — სერიოზულად თქვა იროდიონმა.

— ასევე დავწერე ყველაფერი! — ქალაღი გაუნოდა ტატაჩიმ. — წაიკითხე და ხელი აქ მომიწერე!

იროდიონ რიგვავამ ხელი მოუწერა და იმედით შეხედა:

— გამათავისუფლებენ?

— უფროსს მოვახსენებ და ვნახოთ!

— ბატონო მოქალაქევ, ნუ მიწყენთ და გირჩევთ სპექტაკლს დაესწროთ!

ნახევარი საათის შემდეგ ტატაჩი უფროსის კაბინეტში იყო.

— მაშ, შენ დაასკენი, რომ რიგვავა უდანაშაულოა?

— დიახ! — ენა აუბოროძიკდა ტატაჩის.

— რაღა დაგვრჩენია, ბოდიში უნდა მოვუხადოთ შენუხებისათვის და გავუშვათ!

— დიახ!

— ასეც ვიზამ, ამხანაგო ტატაჩი, მაგას, მაგრამ ნებას თუ მომცემ, ამაღამ მეც დავკითხავ და თუ ყველაფერი შენებურად დადასტურდა, ცხადია, გავუშვებთ! — ძღვიბის უცებ სახე გაეყინა, თვალები დაუწვრილდა და წაისისინა: — ჩვენ ხომ მსოფლიოში ყველაზე სამართლიან ქვეყანაში ვცხოვრობთ, არა, ამხანაგო ტატაჩი?! უდანაშაულოს თავიდან თმის ღერსაც ვერავინ ჩამოაგდებს, ხომ ასეა, ამხანაგო ტატაჩი?!

— დიახ! — შემკრთალმა ბიჭმა უკანუკან დაიხია და, კარი რომ მიხურა, შვებით ამოისუნთქა. თვითონაც ვერ გარკვე-



უღიყო, ასე რატომ თრგუნავდა ამხანაგ თოლორაიასთან საუბარი.

მზე უკვე გადახრილიყო და სიცხიანი დღე, ალბათ, საამური სიგრილით შეიცვლებოდა. ტატაჩი სააფიშე ტუმბოსთან გაჩერდა. სხვადასხვა უინტერესო აფიშებს შორის თეატრალურიც მონახა. „უილიამ შექსპირი. რომეო და ჯულიეტა. დამდგმელი რეჟისორი იროდიონ რიგვავა...“ ქურდულად მიმოიხედა, თითქოს საძრახის საქმეს სჩადიოდა. აქამდე არასოდეს გაჩერებულა აფიშასთან, არ დაინტერესებულა, რადგან თეატრი სულ სხვა განზომილებაში არსებობდა.

გზა განაგრძო, ყოყმანობდა. არ იცოდა, როგორ ხდება „თეატრში წასვლა“. „მივალ სალაროსთან, ბილეთს ვიკითხავ, მოლარე კი მეტყვის — შენ რა, ახალგაზრდავ, აქაური არა ხარ? ბილეთი რამდენი ხანია, დაიტაცეს, მათ შინ დაგელოდებოდნენ, როდის ინებებდი მობრძანებას!..“ ხვალ კი იროდიონ რიგვავას ეტყვის, ვიყავი, მოქალაქე, თეატრში, მაგრამ ბილეთები დაუტაცნიათ და არავინ შემიშვა. ჩემი სახელი რატომ არ ახსენეთ? — შენ უხდება იროდიონი, თუმცა ნაძალადევად, რადგან უხარია, რომ მის სპექტაკლზე ტევა არ არის... ამ ფიქრებით მიადგა ტატაჩი სალაროს. კაციშვილი ახლომახლო არ ჩანდა. სარკმლიდან მოლარემ გამოიხედა ამრეზით, თითქოს ეუბნებოდა, მოგცლია ერთი, რას მოეთრეოდო.

— სამი ბილეთი!

ბილეთები ჯიბეს წვავდა. ეგონა, რომ ყველა ხვდებოდა, თეატრში მიდისო. უყურეთ, ბავშვივით აცეტებულა, რა კაცის საქმეა თეატრში სიარულიო. ან სამი ბილეთი რალად გინდა? — ეშმაკუნა ჩასჩურჩულებდა დაცინვით... „რა ვიცი, — ყოყმანით პასუხობდა ტატაჩი, — აგერ ბიკენტი დავპატიჟებ, იქნებ მართაც წამოვიდეს...“ მართა რომ ნახა, ბიკენტი გადაავინყდა, სითამამე მოაკლდა... პატარა საქმე ხომ არ არის? სულ სხვა კომუჯრედის კრებაზე წასვლა, სულ სხვაა — თეატრში.

— ცაცანა დეიდა, მართას გამოუშვებ?

— სად მიდიხართ, შვილო?

— კომკავშირის კრებაზე!

— ამდენი კრება გაგონილა? ყოველდღე კრება გაქვთ?

— აბა რა ვიცი! — დაიბნა ტატაჩი, მაგრამ ამასობაში მართაც გამოცქერიალდა.

— დედა, თუ საქმეს არგებს, დილიდან სალამომდე კრებას ჩავატარებთ!

— ჰო, შვილო, მაგრამ ჩემს დროს კრების გარდა, სხვა საქმეებსაც ვაკეთებდით!

— ის დრო სხვა იყო, დედიკო! — მართამ ცაცანას აკოცა. — ახლა სხვა დროა! — ჭიშკართან კი კოპები სასაცილოდ შეკრა და ვითომც გაბრაზებულმა ტატაჩის უთხრა: — ახალი რამე მოიგონე, ყოველ მოსვლაზე კრებას იძახი!

— თეატრი რომ მეტქვა, გამოგიშვებდა?

— უი, თეატრში მივდივართ? — ტაში შემოჰკრა მართამ.

— სამი ბილეთი რად გინდოდა?

— ერთი ბიკენტისთვისაა, მაგრამ ანი ვერ მოვასწრებთ!

ფეხი აუჩქარეს, ოღონდ დაშორიშორებით მიდიოდნენ. ბევრი კი არ სჭირდებოდა მერეთელთა წინაშე გამოჭენებას. დარბაზშიც ისე დასხდნენ, შუაში ცარიელი სკამი ჩაიტოვეს. ტატაჩიმ ზედ ქუდი და ბილეთი დადო, აქაოდა დაკავებულად...

გასუსულნი სხედან...

გულები აჩქარებით უცემთ...

მუსიკა...

ხავერდის ფარდა მალლა იწვეს და გამოჩნდება ვერონას ხედი...

არ არის ამბავი უფრო სევდიანი, ვიდრე ამბავი რომეოსი და ჯულიეტასი...

— შენა გგავს, მართა!

— ის კი შენ!

რომეო ეპარება ჯულიეტას... თითების პირველი შეხება, უნებლიე კრთომა, ნეტარი ჟრჟოლა, ურთიერთლტოლვა გაუსაძლისი...

მართას ხელი ქუდს ეხება... ტატაჩიმაც ქუდს შეახო თითი. უნებლიეთ გოგოს ხელს შეხვდა... წამიერი ლაციცი... თავზარ-

დამცემი და ამავე დროს უნეტარესი ჟრჟოლვა უვლით თავით ტერფამდე...

რომეომ ჯულიეტას ხელი დაიჭირა... ეს ბედნიერების მწვერვალია...

ტატაჩიმ მართას ხელი დაიჭირა... რა მოხდა?.. აქამდეც ხომ ჩამოურთმევია ხელი კომკავშირულად. სიამოვნებდა, მაგრამ ეს ხომ ჩვეულებრივი სალამი იყო, მეტი არაფერი... ახლა კი თითქოს პირველად შეეხო და ხელიდან ხელში გადაედინება თბილი ტალღები...

მაგრამ ბედნიერება ხომ მარადიული არ არის!.. ტიბალდი, მოუთმენელი და გაბოროტებული... ორთაბრძოლა და სისხლი... ასე ვის განირავს ტატაჩი?.. ასე ვის უერთგულებს მართა?

განშორება... ცრემლი... სიკვდილი...

გამტკნარებული ზის ტატაჩი. კბილი კბილს მიეყინა. სცენას ისე მისჩერებია, თითქოს თვითონ კვდება.

ატირდა მართა, ჩუმად, სირცხვილიანად ასლუკუნდა...

ფარდა ეშვება, ტაძის ღონე აღარაა...

გარეთ, ქუჩაში, ბინდი ჩამოშვებულია. მართამ ხელი გასწია, მაგრამ ტატაჩის მისი ხელი უჭირავს, აღარ უშვებს.

ასე მიდიან, მხრებით ერთმანეთს ეხებიან.

— იროდიონ რიგვავა დაიჭირეს! — თქვა უცებ ტატაჩიმ. — შეცდომით... წარმოგიდგენია, საშინელ სისულელეებს აბრალებდნენ. მე კი სიმართლე გავარკვიე და ხვალ დილით გამოუშვებენ.

მართამ პატივისცემით შეხედა. ცხადია, ტატაჩი უკვე ვაჟ-კაცია, შეუძლია სიმართლისათვის იბრძოლოს.

აგერ ბიკენტიც! დგას შუა ტროტუარზე, გულზე ხელები დაუკრეფია, პირქუშად იყურება, თუმცა ქუჩის ნათურა თავზევით ბჟუტავს და იქნებ იმიტომაც ჩანს პირქუში.

— სად იყავით? — ხმაში წყენა ეტყობა.

— თეატრში! — წამლერებით, კეკლუცად ამბობს მართა.

— თეატრში! — აჯავრებს ბიკენტი.

— ჰო, შენთვისაც გვქონდა ბილეთი! — ტატაჩის არ მოსწონს მართას კეკლუცობა.

— ჩემთვისაც ჰქონდათ ბილეთი!.. დიდი მადლობა! — გაგულსებით ამბობს ბიკენტი.

სამნი მიდიან, აქეთიქიდან ამოსდგომიან ქალიშვილს და მართა სიცილსიცილ ხან მარჯვნივ იხრება, ხან მარცხნივ.

— ბრაზიანი ბიჭები! — დააგდებს და ჭიშკარში შევარდება. ყმანვილები ცოტა ხანს დგანან, არ იციან როგორ მოიქცნენ.

— ერთხელაც იქნება და შემომელახები! — მოულოდნელი მძულვარებით ამბობს ბიკენტი.

ტატაჩი იფხორება, გული საგულეში ვერ ეტევა.

— მოდი და სცადე, თუ ბიჭი ხარ! — დაქადნებით პასუხობს.

ბიკენტი სწრაფად შეტრიალდა და გაშორდა. ორისამი თვით უფროსი იყო ტატაჩიზე, საულვაშეზე ღინღლი ამოსვლოდა და თავი კაცი ეგონა...

შინ წამოვიდა ტატაჩი, თავში დომხალი ჰქონდა.

— დედა! — ეფროს უთხრა ძილის წინ. — მე და მართა თეატრში ვიყავით! იქ ყველაზე კეთილი კაცი მღვდელი იყო!

— ეგ გიკვირს, შვილო? — ეფრომ პირჯვარი გადაინერა. — მღვდელი ღვთის მსახურია, ღმერთი კი მაღალია!

— ღმერთი კი არა ის არ გინდა! — უხეშად შეეპასუხა ტატაჩი და საბანი თავზე გადაიფარა.

მართამაც უთხრა ცაცანას:

— კრება არ ჩატარდა, დედა! თეატრში წავედით! რომეო და ჯულიეტა... ძალიან ლამაზები იყვნენ!.. ვიტირე... იცი, იქ ყველაზე კეთილი მღვდელი იყო!

— შექსპირი, დაგენაცვლე, კლასობრივად ჩამორჩენილია! — აუხსნა ცაცანამ. — მღვდელი ადამიანს გონებას უბნევს და ატყუებს!

— არ ვიცი, დედა! — ყოყმანით თქვა მართამ და ჩუმად პირჯვარი გადაინერა...

დილით ტატარნი ეფრომ გააღვიძა:

— რა იყო, შვილო, რას ყვიროდი? მეგონა, ვილაცა გკლავდა!

ტატარნი უაზროდ ახამხამებდა თვალებს, გონს კარგა ხანს ვერ მოეგო... მართლაცდა რა იყო, ისეთი რა დაესიზმრა... შიშისაგან ცივმა ოფლმა დაასხა. გახსენებით კი ისლა გაიხსენა, რომ იროდიონი და ძღვიბი გამოეცხადა. ვითომ ძღვიბის იროდიონი დაეკლა, ხორცის ნაჭრებს შამფურზე აგებდა და ნაკვერცხლებზე აფიცებდა... რამ დაასიზმრა ასეთი ამაზრზენი სიზმარი. ძილისნინ ხომ მართაზე ფიქრობდა, რომეოსა და ჯულიეტას სევდიანი ამბავი ახსენდებოდა. თვალს რომ ხუჭავდა, ინატრა, მართა დამესიზმრებოდა, ძილში მაინც ველაციცოო... მას კი იროდიონის გვამი და პატარა მხეცუნად გადაქცეული ძღვიბი დაესიზმრა...

— ჯგირიში სქან სიზმარი, კარგად აგხდენოდა! — მშვიდად მოუსმინა ეფრომ. — ახალგაზრდის სიზმარი სისხლის დულილია, ნურაფრის შეგეშინდება!

მაინც ვერ დამშვიდდა ტატარნი. წყალი პირზე შეისხა, უგემურად მოციცქენა ღომი და ყველი. მძიმე, დაღლილი ნაბიჯებით გაემართა შინსახკომისაკენ. დღეც ისეთი იყო, ფერთაგან დაცლილი. გუშინდელი სიცხის შემდეგ ცა მკრთალი, უსახური ღრუბლებით დაიფარა და ჰაერი შეაგუბა. ნიავიც არ იძროდა, სუნთქვა გაჭირდა.

კიბის თავზე ძღვიბი თოლორია დახვდა. დოინჯი შემოეყარა და ასე გადმოჰყურებდა ზევიდან. ტატარნი მხრებში გასწორდა, ნაბიჯს სიმტკიცე შესძინა. უფროსს არ უნდა შეენიშნა მისი მღელვარება.

— შედი, ახლა, ამხანაგო ტატარნი, კაბინეტში და ხელახლა დაკითხე იროდიონ რიგავა! — მოფერებით, კრუტუნით ალაპარაკდა ძღვიბი. — ეს შენთვის გაკვეთილი იქნება! სიტყვაზე ნურასოდეს ენდობი მტერს. ისინი თავის გადასარჩენად რასაც გინდა იმას მოიგონებენ. ხომ გეუბნებოდი, იროდიონ რიგ-

ავა გამოცდილი და გაქნილი მტერიამეთქი, იგი სამშობლოს მკერდზე მიხუტებული გველია. ამიტომ მკერდს უნდა მოვწყვიტოთ და თავი ქვაზე ვახალებინოთ!.. მტერი აი, ასე უნდა მოვჭმუჭნოთ! — ძღვიბი პატარა მუშტი ხელისგულზე დაისრისა, ვითომც შიგ გამომწყვდეულ მტერს ჭმუჭნიდა.

ტატარნი შიშით შეავლო თვალი, თითქოს ამონებდა, აცხია თუ არა ძღვიბის იროდიონის სისხლიო, თქმით კი ვერაფერი თქვა, თავი უხმოდ დაუქნია.

— ისწავლე, შვილო, თქვენ ახალგაზრდებმა უნდა განაგრძოთ ჩვენი საქმე! — დასძინა ძღვიბი და გამხდარი, ჩხინკა თითები მხარზე მოუთათუნა.

ტატარნი მხარი შეარხია, თითქოს ძღვიბის თითები მიენება და იმის ჩამოშორება უნდაო.

— მიდი, მიდი! — გაუმეორა ძღვიბი.

„მოვწონვარ! — გაიფიქრა ტატარნი, თუმცა ამ აღმოჩენას დიდად არ გაუხარებია. — ალბათ ნესტორის შვილი რომ ვარ, იმიტომ მეფერება!“

კაბინეტის კარი რომ შეაღო, უსიამოვნო სუნი ეცა. მის მაგიდას ბადრაგის ჯარისკაცი უჯდა, გაზეთში გახვეულ „მახორკას“ ექაჩებოდა. ტატარის შემოსვლისთანავე წამოდგა, თუმცა არც ისე სწრაფად, როგორც სხვა გამომძიებლებთან გააკეთებდა. „პატარა ბიჭი ვგონივარ!“ — გაიფიქრა ტატარნი, მაგრამ გაჯავრების დრო არც ჰქონდა, რადგან ამ დროს დაინახა იროდიონ რიგავა.

მონუსხულივით გაჩერდა. ეს კაცი ჰგავდა კიდეც იროდიონს და არც ჰგავდა. მომჩვარული ეგდო სკამზე, კედელს მიყრდნობოდა. ეს კედელი რომ არა, ალბათ ძირს ჩამოსრიალდებოდა. თავპირი ისე დალილავებოდა, ცოცხალი ადგილი არ აჩნდა. სისხლით დალაქავებული და დაგლეჯილი პერანგიდან ჭალარა ბანჯგვლები მოუჩანდა. ხელები ულონოდ ჩამოეყარა, ფეხები ფართოდ გაეფარჩხა. შარვლის ტოტს სისველე ჩამოჰყვებოდა. სკამის ქვეშ გუბე იდგა.

ტატარნი იგრძნო, რომ გული ერეოდა. ანგარიშმიუცემლად იტაცა ყელზე ხელი, სისუსტის გამჟღავნება არ ივარგებ-

და. თავს მოერია, ჯარისკაცს ანიშნა, გადიო. სკამზე დაჯდა, ხელები თავზე შემოიჭდო და კვლავ იროდიონს გახედა.

ეგონა, ცოცხლებში უკვე არ ჩაითვლება, ალბათ არც სუნ-თქავსო, მაგრამ კაცის მზერას შეეფეთა და აირია.

ზიზღისმომგვრელი ხორცის გროვაში, რადაც იროდიონ რიგვავა გადაქცეულიყო, ერთადერთი სუფთა და მართალი ეს თვალეები შერჩენოდა და ტატაჩის თავგზა აებნა. რცხვენოდა ამ მართალი მზერისა და თან ბრაზდებოდა საკუთარ თავზე, რაკი ასეთი გამოუსწორებელი გულჩვილი აღმოჩნდა, მებრძოლის სიმტკიცე და მტრის სიძულვილი აკლდა.

თვალი აარიდა ტატაჩიმ იროდიონს, დაკითხვის ოქმს დახედა, ძღვიბის წვრილი და გაბნეული კალიგრაფიით დაწერილს.

მე, იროდიონ რიგვავა, — ეწერა ამ ოქმში, — დიახაც, მივეყიდე კაიზერის გერმანიის დაზვერვას. ეს მოხდა ბერლინში ჩემი ყოფნის დროს, როცა იქ იურისპრუდენციის შესასწავლად გავემგზავრე. ომის შემდეგ შევეკარი ფაშისტური გერმანიის დაზვერვასაც, სულ ბოლოს კი იაპონიისა და მანჯოუგოს დაზვერვას, ლიუ ცზიშის, იმავე პუ სუნლინის მეშვეობით... მტერს გადავცემდი ნაირნაირ ინფორმაციას მერეთის სამეურნეო და სამხედრო მდგომარეობაზე, გადავეცი ორი ფოტოსურათი რკინიგზის სადგურზე ჩამომდგარი ჯავშნოსანი მატარებლისა, აგრეთვე საგაზაფხულო თესვისა და ჩაის კრეფის მონაცემები...

— აკი ბერლინში არ ვყოფილვარო? — საყვედურით თქვა ტატაჩიმ.

იროდიონის მზერაში სასონარკვეთა და შიში გამოკრთა. დახეთქილ ტუჩებს ძლივს აცმაცუნებდა, ეწადა რალაცის თქმა, მაგრამ პირიდან სიტყვა არ ამოსდიოდა.

— რა, რა? — ტატაჩი სწრაფად მიუახლოვდა, ალბათ საჭიროზე უფრო სწრაფად, რადგან იროდიონი შეირხა, კედელს მიეკრა, შეიჭმუნა.

„შეშინდა! — შერცხვა ტატაჩის. — ჩემი შეეშინდა, ეგონა, მეც დავარტყამდი!“

შეკითხვა გაუმეორა:

— აკი ბერლინში არ ვყოფილვარო?

იროდიონმა უარის ნიშნად თავი ოდნავ გააქნია.

— მაშ, ხელი რატომ მოუწერე, ვიყავიო? — შეკითხვა გულუბრყვილო იყო, პასუხს არც მოითხოვდა და იროდიონმა თვალი გაუსწორა. ეს იყო დატანჯული კაცის მზერა, რომელშიც მხოლოდ ერთი რამ ამოიკითხებოდა: ოლონდ თავი დამანებეთ და სიცოცხლეც ნაიღეთო!

ბაგე შეარხია იროდიონმა, ტატაჩი ძლივს მიუხვდა.

— რამდენი წლისა ხარ?

განითლდა ტატაჩი, უნდოდა ეპასუხნა, რა შენი საქმეაო, მაგრამ გაუჩუმდა, იროდიონმა კი ნიავევით წაიჩურჩულა:

— იცი, პუ სუნლინი ვინ არის?

ტატაჩიმ თავი გააქნია.

— მწერალია, მეჩვიდმეტე საუკუნეში ცხოვრობდა, ზღაპრებს წერდა... — ძლივს ამოთქვა და თვალი დახუჭა, გაისუსა, თითქოს მიიძინა.

ტატაჩი მაგიდისაკენ შებრუნდა, ნაწერი ერთხელაც გადაიკითხა და თითქოს უბიძგესო, ქალაღდის ფრიალით უფროსის კაბინეტს მიაშურა.

ძღვიბიმ უკმაყოფილოდ შეხედა, თვალეებით თითქოს ხვრეტდა.

— რაო, დარწმუნდი?

— იროდიონ რიგვავა უდანაშაულოა! — ეს კი თქვა ტატაჩიმ, მაგრამ გული შიშით შეეკუმშა.

ძღვიბი სკამის ზურგს მიაწვია, უკან გადაინია, აქანავდა... ქანაობდა, სკამს აჭრაჭუნებდა და ყმანვილს მზერას არ აშორებდა. მერე შეპარვით, ალერსით ჰკითხა:

— რამდენი წლისა ხარ, ბიძია, შენ?

ტატაჩიმ ნერწყვი გადაყლაპა, კითხვაზე პასუხის გაცემა საჭირო არ იყო, რადგან უფროსმა მისი ასაკი კარგად იცოდა.

ქანაობა შეწყვიტა ძღვიბიმ. ერთხანს დუმდა, დაკვირვებით ათვალიერებდა ბიჭს.

— ესე იგი არ ენდობი ჩემს გამოცდილებას? რა გითხრა იმ თახსირმა იროდიონმა ისეთი, მისი გჯერა და ჩემი არა?!



— აი, მაგალითად, პუ სუნლინი მწერალია, თანაც მეჩვიდმეტე საუკუნისა! — ამოღერლა ტატაჩი.

ძღვების პირისახე მოექცა, დაეჯღანა, წვრილი თვალები კიდევ უფრო დაუნვრილდა და უხსენებელივით ასისინდა:

— მე მაპამპულავებდა, ხომ?! მასხრად მიგდებდა?.. მარტო ამიტომაა ღირსი, თავი რომ ჩექმით გაუჭყეჭყო!.. შენ, ბიძია, ფრთხილად იყავი! იმიტომ გამოგარჩიე სხვებში, მამაშენის შვილად გიცანი!.. მამაშენიც ყოყმანობდა, ბოლომდე არ ეყო სიმტკიცე! შენც ვერა ხარ წელმაგარი, ან ზედმეტად მიმნდობი ხარ, ან ცალი ყური მტრისკენა გაქვს! იმ ძალღიშვილმა ეს რომ გითხრა, შენც უნდა აგელო და თავში სკამი ჩაგეფშვნია, მაშინ იქნებოდი მართალი... წადი ახლა, დღეს თავისუფალი ხარ! ეს გაკვეთილი იქნება შენთვის, იროდიონ რიგვავას კი მე თვითონ მოვუვლი, ნეხვი ნეხვშივე უნდა ჩაზილო... ასეა ეს!

ძლივს შებრუნდა ტატაჩი, ნაბიჯი ძლივს გადადგა და კარიც ძლივს გააღო. კეფაზე კვლავ ქოსას გველურ მზერას გრძნობდა და ამ მზერისაგან აძაგძაგებდა.

— თეატრში მეც გახლდი, ამხანაგო ტატაჩი! — გასძახა ძღვბიძი. — ნიჭიერი კაცია იროდიონ რიგვავა, მაგრამ დამიჯერე, ნიჭიერი არამზადა და სოციალიზმის მტერია! ეს ამოვიკითხე მე იმ წარმოდგენაში!

შინისაკენ ნაცემივით მიდიოდა ტატაჩი. ტვინი უხურდა, მტყუანმართალი ვერ გაერჩია. შინ რომ მივიდა, ლუკმა არ გაუტეხია, ტახტზე მიეგდო და პირი კედლისაკენ იბრუნა.

— ცუდად ხომ არა ხარ? — ჰკითხა ეფრომ.

— თავი მტკივა!

მართლაც სტკიოდა, თითქოს საღტე შემოუჭირესო, თითქოს ტვინში ლურსმანს აჭედებენო.

ეფრომ ხელი შუბლზე დაადო.

— მგონი, სიცხეცა გაქვს! — ყოყმანითა თქვა. — თავს ვერ უვლი და იმიტომაც გაცივდი.

ტატაჩიმ მოუყრუა, თავის არეულ ფიქრებთან ეწადა დარჩენა.

ეფრომ კეფერას ფოთოლი მოარბენინა, შუბლზე დაადო, მანდილით შეუხვია.

ფოთლის სიგრილემ ტკივილი დაუამა, შვება მოჰგვარა. თვალები დახუჭა და გონების თვალსაწიერზე იროდიონ რიგვავას მზერას შეეფეთა. სევდა, ტკივილი, მორჩილება იკითხებოდა იროდიონის მზერაში, — შიშიც, მუდარაც... სწორედ მას, პატარა ბიჭს ემუდარებოდა ამოდენა კაცი, შველასა სთხოვდა.

უცებ გონება გაუნათდა ტატაჩის. ეს იყო მახე! ეს იყო გამოცდა, ძღვბიძი რომ მოუწყო თავის ახალგაზრდა მონაფეს. ახლა მონმდებოდა მისი პარტიულკომკავშირული სიმტკიცე, ერთგულება, მტრისადმი დაუნდობლობა... ამ გზით ცდილობდა ძღვბი თოლორია ჩამოექნა თავისი ალიკვალი, საქმის გამგრძელებელი... თუ ბოლომდე გაჰყვება ტატაჩი მასწავლებელს, თუ უერთგულებს, ძღვბის ძლიერი მფარველობა გაუკვლევს გზას... და თუ სისუსტეს გამოიჩენს, თავიდან მოიშორებენ, განზე მიაგდებენ და იქნებ საქმე ერთგულთა წრიდან გაძევებით არ დამთავრდეს...

იგრძნო საშიშროება ტატაჩიმ, დასცხა, აკვნესდა.

— ცუდადა ხარ? — კვლავ დაეკითხა ეფრო, შუბლი მოუსინჯა.

— ჰო, შეუძლოდა ვარ! — მართლაც შეუძლოდ იყო, გული შესჭირვებოდა.

მთელი ღამე ვერ დაიძინა, შამფურივით ტრიალებდა...

მეზობელ ოთახში ეფრო ინვა, ხანდახან ხმადაბლა დაუძახებდა:

— ტატაჩი, შვილო, არა გძინავს? ცუდად ხომ არა ხარ, დედა?

ტატაჩი გაიტრუნებოდა, თავს მოიმძინარებდა.

მეორე და მესამე დღეს სამსახურში არ წასულა. პატარა ბარათი გაატანა დედას, გავცივდი, სიცხე მაქვს და თუ ნებას დამრთავთ, შინ დავრჩებიო. ძღვბიძი თურმე დიდი პატივით მიიღო ეფრო. ფეხზე წამოუდგა, მოიკითხა, ახალგაზრდობის წლები მოაგონა, ის დრო, როცა ტაშფანდურისათვის და ცეკვათამაშისათვის იცლიდნენ და ხმის ჩახლეჩამდე კამათობდნენ შორეულ მომავალზე.

— ა, ხომ მოვიდა ეს მომავალიც! — კმაყოფილებით თქვა ძღვიბიმ.

ეფრომ პირი მოკუმა, არაფერი უპასუხა. ეს მომავალი ძღვიბისათვის იქნებ კარგიც იყო, ეფროს კი ძველებურად სული კბილით ეჭირა.

— დაისვენოს ბიჭმა ერთიორი დღე! — ღიმილით თქვა ძღვიბიმ, ხელები მოიფშვნიტა. — ცოტა მოშუშდეს! შენ ნუ შიშობ, ეფრო, ისე გავხედნი, კაცად ვაქცევ!

ამ ამბავს უყვებოდა ეფრო შვილს, თან ძღვიბის ბაძავდა, მასავით ხელებს იფშვნიტდა და ქირქილებდა. ეფროს ამ ანგლობაში ხუმრობაზე მეტი ნაიკითხა ტატაჩიმ. დედას არ უყვარდა ქოსა ძღვიბია, უფრო მეტიც, დედას სძულდა თავისი ქმრის რევოლუციური მეგობარი. ეს აღმოჩენა იყო, მაგრამ შეკითხვა ვერ გაუბედა, მიზეზის ძიება არ დაუნყია. სულის სიღრმეში თვითონაც არ უყვარდა თავისი კეთილისმყოფელი...

მომდევნო ნაშუადღევს ჭიშკართან „ვილისი“ გაჩერდა და ძღვიბი თოლორაია გადმოვიდა. აუჩქარებლად გამოემართა კიბისაკენ. ხანდახან ჩერდებოდა, ხელის ზურგს იფხანდა, ანდა მხრებს იმნაირად შეარხევდა, ზურგი ექავება და მშველელი არავინა ჰყავსო. ტატაჩი ჩაცმული იწვა ფანჯარასთან და მანქანის ხმაზე წამოიწია, კარგად ხედავდა აქეთ მომავალ ძღვიბის.

ეფრო ჩაეგება კიბეზე, მობრძანდი, მობრძანდიო, თან ხელებს ზურგსუკან მაღავდა, არ უნდოდა გაეწოდებინა... კარგადაც მიუხვდა ტატაჩი დედას ნაფიქრალს.

— გამოვუარე, ეფრო, შენს ბარტყს! ვიფიქრე, მოვიკითხავ, დავხედავ... ვიცი მე, რა ავადმყოფობაც მაგას სჭირს. დამაცადე, ნუთმი მოვარჩინო!

ტატაჩი წამოვარდა, ტანსაცმელი შეისწორა და ძღვიბის ჯარისკაცურად გაჭიმული დახვდა.

— ასეც ვიცოდი! — თქვა ძღვიბიმ კმაყოფილებით. — დაჯექი, დაჯექი!

თვითონაც სკამი გამოაჩოჩა და ხელი დაუქნია, შენც დაჯექიო.

ტატაჩი ტახტის კიდეზე ჩამოჯდა, ხელები მორიდებულად დაინყო შეტყუებულ მუხლებზე.

ეფრო ოთახიდან გავიდა, სამზარეულოში თეფშებს აჩხაკუნებდა, ალბათ სტუმრისათვის ახაზირებდა რამეს.

— მამაშენი ვაჟკაცი იყო, სიმტკიცე და გამბედაობა არ აკლდა. — ძღვიბი მოფერებით ლაპარაკობდა. — ერთი ნაკლი ჰქონდა მხოლოდ, თავის ნამოქმედარს სინდისის სასწორზე შეაგდებდა... რა არის სინდისი? საერთოდ რა არის ზნეობა, მორალი?... ყოველ ჩვენთაგანში დარჩა ძველის გადმონაშთი. ათასი წელი მღვდელი ჩაგვჩინებდა, ქრისტეს მცნებით იცხოვრეთ, ქრისტეს მცნებანი არ დაივინყოთო. იმდენი გვიჩინეს, ჩვენი არსების ნაწილად გადაგვიქციეს და ყველანი, მორწმუნეებიც და ღვთისმგმობი ათეისტები მაგ განაწესით ვცხოვრობთ. მოდი, განვსაჯოთ: ჩვენ თუ ათეისტები ვართ, ღმერთი უარყავით, მაშინ ქრისტეს მცნებანი ჩვენთვის ბორკილია და მეტი არაფერი... მტერს აპატიეო! მე რომ ვაპატიო, ის დამასწრებს და ხიშტზე ამაგებს!.. აქ ომია, ამხანაგო ტატაჩი, ვინ ვის მოერევა, — ასე დგას საკითხი... ჩვენ უნდა გავიმარჯვოთ, მერე კი რამდენიც გინდა, იმდენ კეთილ კანონებს შევთხზავთ და გავატარებთ!.. იქნებ ის ცოდვით სავსე იროდიონი არც იყოს მთლად დამნაშავე, მაგრამ ის სხვანაირია, სხვა ჭკუაზეა, რომც არ უნდოდეს, უნებლიეთ გარყვნის მომავალი თაობების სულს. ამიტომ უნდა გავწმინდოთ საზოგადოება იროდიონებისაგან, ჩვენებურ თარგზე უნდა გამოვჭრათ იგი, ყველა, ვინც ხელს გვიშლის, გზიდან უნდა ჩამოვიშოროთ... შენ მამაშენის შვილი ხარ! მამაშენი მორალზე რომ დაფიქრდა, მაშინ დაიღუპა... ჯერ არ არის დრო, ასეთ საკითხებზე ფიქრისა. მტერი რომ განადგურდება და ნამდვილ, ჩვენებურ სოციალიზმს ავაშენებთ, მერე არავისი შიში არ გვექნება და აი, იმ მომავალ საზოგადოებაში იროდიონსაც ექნება სიცოცხლის უფლება... ასეა ეს, ამხანაგო ტატაჩი! ეჭვები გულიდან გადაიგდე და მტკიცედ დადექი ჭეშმარიტი მეზობლების მხარეზე! საზოგადოება ჯერ კიდევ ავადაა ძველი სნეულებებით. ქირურგის დანით ჩამოვიცილებთ ბურჟუაზი-

ულ გადმონაშთებს, ამ ოპერაციას კი, ცხადია, უსისხლოდ ვერ მოვახერხებთ... იცოდე, ბიძია, ჩვენი მომავალი მთელი კაცობრიობის მომავალია! დაიმახსოვრე, ვინც ჩვენთან არ არის, ის მტერია. ამ ჭოჭმანში მოხედვასაც ვერ მოასწრებ, მტრის ბანაკში აღმოჩნდები... ფრთხილად იყავი!.. დღეს შინ დარჩი, ხვალ კი, დილიდანვე გამოცხადდი სამსახურში!

ესა თქვა, ყმანვილს პირის გაღებაც არ აცალა, წამოდგა და კარისაკენ გაემართა.

ეფრო სამზარეულოდან გამოვარდა, სტუმარს გამოედევნა.

— ძღვიბი ბატონო, ახლავე გავამზადებ რაღაცას. ჭიქა ღვინოზე ხელს ნუ აგვიკრავ, ოჯახი დაგვილოცე!

— სხვა დროს, სხვა დროს, ეფრო! — ხელი გააქნია ძღვიბი და მხრების უხერხული მოძრაობით, თითქოს ეფხანება და თავს ძლივს იკავებსო, გაცუნცულდა...

19

— დედა, მე ეს არ მაინტერესებს! — უთხრა მართამ ცაცანას.

ის დრო იყო, როცა კომკავშირლებში გამორჩეულს ჭკუა უნდა ეხმარა, განცხადება დაენერა, ღირსად ჩამთვალეთ და მიმიღეთ ლენინურსტალინურ პარტიაშიო. დიდი ხანია, ცაცანა ოცნებობდა ამ დღეზე. წინასწარ ტკბებოდა იმის წარმოდგენით, თუ როგორ ჩაიდებდა გულის ჯიბეში წითელ წიგნაკს მისი ერთადერთი ასული... ეს იქნებოდა პირველი საფეხური მაღალი კიბისა, მაგრამ მართამ სულ სხვა კიბე ირჩია, სქელტანიან, წითელ წიგნს ზიზლით დახედა და მონყენით წარმოთქვა:

— დედა, მე ეს არ მაინტერესებს!

— რატომ, შვილო?

— არ მაინტერესებს და იმიტომ!.. არ მაინტერესებს კომკავშირული კრებები, შაბათობები, პროლეტარული დღესასწაულები, არც პროლეტარები მაინტერესებს, არც ჩაის კრეფის მოწინავეები, ქალაქის კომბინატის დამკვეთური მშენებლობა, რაიკომი — პარტიისაც და კომკავშირისაც, არ მაინტერესებს პროფკავშირები, მარქსის, ლენინის, სტალინის წიგ-

ნები... მაისობაზე ბავშვობიდან შაქარყინულის მამალოები მაინტერესებდა მხოლოდ!

ცაცანა გაშრა, შვილს ისე უყურებდა, როგორც იატაკიდან მოულოდნელად ამოსულ ურჩხულს. ხმა ძლივს ამოიღო:

— გაჩუმდი, შვილო, ალბათ მე მამასხარავებ... სხვამ არავინ გაგიგოს!

— სწორედ ამიტომაც არ მაინტერესებს, რომ ვერ ავდგები და ვერ ვიყვირებ! დაგიძახებენ კომკავშირის კრებაზე, ადგება მამაძაღლი ბიკენტი თოლორაია, დაგინყებს ჭკუის სწავლებას, თან ისე გიყურებს თევზის თვალებით, თითქოს კაბას გხდიდეს... ფუჰ!.. მე კი არა, არც არავის აინტერესებს, დედა, ყველანი იტყუილებიან, თვალთმაქცობენ, თან ისე თავგამოდებით, თითქოს გადასწრებაზე არიანო...

ცაცანა გონს მოეგო, კიდევ კარგი, მეტი არავინ ისმენდა ამ ლაპარაკს.

— მეც ვტყუივარ, შვილო, მეც ვთვალთვაქცობ? — ხელები გულზე მიიღო.

— არ ვიცი, არ ვიცი! — შეშფოთდა მართამ. — შენნაირების გულწრფელობაზე აშენდა, ალბათ, სიცრუის ეს შენობა!

— რას ლაპარაკობ, გოგო, შენ?! — გაგულისდა უცებ ცაცანა. — ვინ ჩაგაგონა ასეთი რამ? იცი, მაგნაირ ლაპარაკს რა შეიძლება მოჰყვეს? ორივეს ციხეში გვიკრავენ თავს!.. ვინმემ რომ გაგიგოს, ყურით წაგიყვანენ ძღვიბი თოლორაიასთან, მუხლებზე დაგაჩოქებენ და სულ პატიებას გახვეწინებენ!

— მაგრამ რატომ, დედა? ეჰ, უმჯობესია სადმე მთაში გადავიკარგო! ქვებს მაინც ვეტყვი, რასაც ვფიქრობ, ისინი არ დამსჯიან!

— ქვებიც ჩვენს მხარესაა! — თქვა ცაცანამ მტკიცედ. — იმიტომ, რომ ჩვენი არჩევანი სწორია! შენ რომ მეტს კითხულობდე, უფრო ღრმად რომ სწვდებოდე დიდი ბელადების ნააზრევს, ასეთი რამ თავში არ მოგივიდოდა! როგორ გგონია, მარქსმა და ლენინმა შენზე მეტი არ იცოდნენ? ანდა ქვეყნის ბედილბალზე სტალინზე მეტს ფიქრობ?.. კი, გენაცვალე, მეც ვხედავ, ჩვენს ცხოვრებაში ყველაფერი რიგზე როდია,

მაგრამ რა ვუყოთ! ბრძოლისა და გაჭირვების გარეშე ველარ მივალწევთ კაცობრიობის ბედნიერ მომავალს!.. შენ ბიკენტი აგითვალისწუნებია და ამიტომ მთელ ქვეყანას ნუ შეიძულე!.. აგერ, ტატაჩისთან ხომ მეგობრობ? იგიც ხომ მეომარია, სოციალიზმის საქმეს იცავს!

— ამდენი მე არ ვიცი, დედა! იქნებ ვცდები, მაგრამ ღმერთი ყველაფერს ხედავს!

— ღმერთი არ გამაგონო! — იკივლა ცაცანამ. — ვიცი, ვიცი, ვინც აგიბნია გონება! შენ იმ უნიგნური დედაკაცის — ეფროს ენაზე ლაპარაკობ, მისი ენა კი მტრის ენაა! ჩვენიანია და ყურადღებას იმიტომ არ ვაქცევ სულელი დედაკაცის ბუფტურს, თორემ სხვა ვინმემ რომ გაიგონოს, კაი დღე არ დაადგება, იცოდე!

— არ ვიცი, არ ვიცი, დედა! — რაღაცნაირად ჩაქრა მართა, გაუჩუმდა, ლაპარაკის გაგრძელება არ ისურვა.

— ღმერთი ყველაფერსა ხედავს და განსჯის! — მართლაც ასე უთხრა ეფროს.

სწამდა კი იმ დროს მართას ღმერთი? მის წარმოსახულ სამყაროში ღმერთის ადგილი აღარ იყო. მართა უღმერთოთა სამყაროს გაურბოდა, მაგრამ რაკი არაფერი იცოდა ღვთიური სამყაროს არსებობისა, ჭეშმარიტი გზა ველარ ეპოვა. ეფროს ნათქვამი მისთვის სიტყვა იყო მხოლოდ და თვითონაც თუ გაიმეორა, მეთაბოხედ დაიბადა და იმიტომ.

— ჩვენც გვირეგია ამხანაგები, რომლებიც დღისით ჩვენს გვერდით არიან, ღამით კი ჩუმჩუმად პირჯვარს იწერენ! — ბიკენტი ამას რომ ამბობდა, თვალელები მართლაც თევზივით ცივი ჰქონდა.

მართას მოეჩვენა, რომ ბიკენტი მას მისჩერებოდა და ჭირვეულად შეეპასუხა:

— კანონით ეს არ იკრძალება!

— კანონით კი! — ფრთხილად, მოზომილად დააგდო ბიკენტი და მეტი ამ თემაზე არაფერი უთქვამს.

ერთადერთი ადამიანი, ვისთანაც მართას შეეძლო გულის გადახსნა, ტატაჩი იყო. ადრე ტატაჩი ენამზეობდა, ვერ გააჩუმებდი, პირიდან სიტყვას სტაცებდა, თავდაჯერებით უხსნიდა

და ასწავლიდა. ახლა რატომღაც დადუმდა. თვალელები შიში გაუკრთებოდა ხოლმე, აუხსნელი დარდი ჩაუგუბდებოდა, თითქოს ეუბნებოდა, — მესმის, ყველაფერი მესმის, ჩემო მართა! ნეტავი შენ, ბედნიერი ხარ, რომ ცოტა იცი! ჩემოდენა რომ იცოდე, სიცოცხლე შეგძულდებოდა!.. მართას აეჭვებდა ეს მდუმარება. ცდილობდა სასაუბროდ გამოეწვია, გული გადაეშლევინებინა, მის სადარდებელს ჩასწვდენოდა... მაგრამ ტატაჩი, ადრე ასეთი მხიარული, გულღია, გახსნილი, ახლა ცხრაკლიტულში ჩაკეტილიყო.

გაზაფხულზე, აპრილის თვეში ისინი დაქორწინდნენ — მართა და ტატაჩი.

სუფრას ცოტანი უხსდნენ, ათითორმეტი კაცი. ძღვიბი თოლორათა ვერ მობრძანდა, ავადმყოფობამ შემოუტია. ბიკენტიმ ცალყბად, გესლნარეგად მიულოცა ნეფედედოფალს, მერე კარგა ხნით დადუმდა. პირზე მიტკალისფერი ედო, ქათმის ფრთას წინკნიდა და ღვინოს ჩუმად მიეძალა.

ტატაჩი მიუხვდა გულისნადებს, თვითონაც გაფითრდა, მაგრამ თქმით რა ეთქმოდა და ნაძალადეგად უღიმოდა.

მხიარულება აკლდათ, ვერა და ვერ აენყო. მართასაც გული დაუმიძიდა, ავმა წინათგრძნობამ შეანუხა. ბაბუების გადმონალოცი მეგობრობა შვილიშვილებს ხუნდებდა გადაქცეოდა.

— წუთიერია ცხოვრება! — თქვა უცებ ბიკენტიმ, თავი არ აუნეგია, ღვინიან ჭიქაში იყურებოდა. — აგერ ქორწილის სუფრას ვუზივართ, კიბეზე კი უკვე ამოდის შავი კაცი, კარზე უნდა დააკაკუნოს!

ვერავინ გაიგო ქარაგმა, არ დასცალდათ ამოხსნა. კარზე მართლაც დააკაკუნეს და შავკურტაკიანმა კაცმა ნეფეს გადასცა, თუ დგახარ, აღარ დაჯდე, თუ ზიხარ, ადექი და სამსახურს მოაშურეო...

რა ექნა ტატაჩის? სტუმრებს მოუბოდიშა, პატარძალს ლოყაზე აკოცა, მალე მოვბრუნდებიო და შავკურტაკიანს გაჰყვა. ეს „მალე“ ერთი კვირა გაგრძელდა. მართა ოთახში გამოიკეტა, გაბუსული იჯდა და საპატარძლო კაბას არ იხდიდა. ხანდახან ცაცანა შემოიხედავდა შეშინებული თვალელებით,



შვილისათვის ვერ მოენახა დასამშვიდებელი მალამო. ეფრო შინსახკომში წავიდა, იქნებ ამბავი რამე მოვატანოო. ნაცნობს გადაეყარა და იმან ჩაუჩურჩულა, უმჯობესია შინ იჯდე და ცხვირი გარეთ არ გამოყო, ყველანი ძალიან დაკავებულნი ვართ და პასუხს მაინც ვერავინ გაგცემსო.

ბოლოს ტატარი გამოჩნდა. პირზე მიწისფერი ედო. თავი არ აუწევია, ისე თქვა:

— წყალი გამიცხელით, დაბანა მინდა!

გახარებული მართა გამოეგება, მაგრამ ტატარიმ უცხოდ შეხედა.

— ნუ მომეკარები, მართა, ჭუჭყიანი ვარ!

ქალი ელდანაცემი შეჩერდა, ფეხები შეებორკა.

დიდ გეჯაში ჩაჯდა ტატარი. დიდხანს იხეხავდა და ცხელ წყალს ისხამდა, თითქოს კანის გადაძრობას ცდილობდა. ისევ და ისევ ისაპნებოდა სარეცხი საპნით, ჭუჭყი კი ვერ მოეშორებინა.

პირსახოცში გაეხვია, ჩამოჯდა, თუთუნი გააბოლა, ერთ წერტილს მიაჩერდა.

ეფრომ ახალი საცვლები მოუტანა. ტატარი გამოერკვია, ჩაიცვა და, თუმცა ჯერაც დღენათელი იდგა, ლოგინს მიაშურა.

დარბები დახურეს და ოთახში მქრქალი ბინდი დადგა.

ეფრო და ცაცანა სამზადში უჩუმრად დაბორიალობდნენ, ვახშამს უმზადებდნენ ტატარის.

მართა კი იქვე იყო, ამ ოთახში, კუთხის სკამზე იჯდა და ელოდა, როდის მოიხმობდა ჯერაც ვერშემდგარი მეუღლე.

ლოდინი გაჭიანურდა და ქალს მოთმინება დაეკარგა.

— ტატარი!

— ჰო! — შიშნულად გამოეპასუხა ტატარი, თითქოს არც მოელოდა ადამიანის ხმას, თითქოს აქედან შორს იყო გადახვენილი. — ჰო, მართა... — გაიმეორა და კედლისაკენ ჩაიწია, ადგილი გაათავისუფლა.

მართა კიდევ ჩამოჯდა.

— რა მოხდა, ტატარი?

— რა უნდა მომხდარიყო? — ხმას ვერ იმორჩილებდა ვაჟი.

— მაპატიე, მართა, შუა ქორწილში დაგტოვე, სამსახური ხომ

იცო...

მართამ კაბა გადაიძრო. პერანგისამარა შეუძვრა საბანში, შიშველ მკერდზე მორიდებით აკოცა და ეჭვიანად თქვა:

— ძალიან შეცვლილი მეჩვენები, ტატარი!

ვაჟმა რალაცის თქმა მოინდომა, მართა კი დაიხარა, ტურჩებით ბაგეზე შეეხო. ტატარის ბაგეები გაჰყინვოდა და ქალის ნელ კოცნას არ უპასუხა.

— მართა, — ხმა უკანკალებდა ტატარის, — მართა... მაპატიე, მართა...

და უცებ ისე მოიხარა, თითქოს მუცელზე მუშტი ატაკესო, მოიხარა და აძაგდა. მქრქალ სინათლეში მართამ ძლივს გაარჩია ვაჟის დამანჭული სახე.

— არ შემოძლია, არ შემოძლია!.. — გაიმეორა რამდენიმეჯერ და გულამოსკვნით, ბავშვივით ატირდა.

მართას ენა ჩაუვარდა. მკერდზე ხელს უსვამდა, ეფერებოდა. თქმით კი, არ იცოდა, რა ეთქვა.

— ბნელი ღამე... სახელდახელოდ გათხრილი სამარე... სამარის პირას დაჩოქილი ადამიანები... კეფაში ტყვია... ერთი, ორი... ათი... ვერ დაითვლი, რამდენჯერ უნდა გამეორდეს... არ იცი, ვის ესვრი!.. არ იცი, რისთვის!.. არ შემოძლია, არ შემოძლია...

თავზარი დაეცა მართას, ვერ დაიჯერა ნათქვამი.

— ჩუ, შენ რალაც გეზმანა... შენ დაგესიზმრა... არაფერი არ იყო, არაფერი... დაივიწყე, დაივიწყე... მოდი ჩემთან, მოდი...

ვაჟი გაყურდა, სლუკუნის ჩაიხშო და ჩურჩულით შეეპასუხა:

— არ შემოძლია, მართა, მაპატიე, კაცად არ ვვარგივარ...

თავი უნდა მოვიკლა, ტყვია უნდა დავიხალო...

ჭერს მიაშტერდა და თავზე ხელები შემოიჭდო...

მოსაწყენად ცრიდა. ცა ჩამობნელებულიყო. ნესტივთ გაჯე-  
რებული მერეთი კაეშანს შეეპყრო. მოქალაქენი ქუჩებში ლან-  
დებივით მიმოდიოდნენ. ყველა ცდილობდა საკუთარ სახლ-  
ში, კერას მიყუჟულიყო. გულს სასონარკვეთა ეუფლებოდა,  
რაკი გაუხარელი და ცივი ზამთარი მოდიოდა.

ტატაჩიმ სამსახურში შეშა და ნავთი იშოვა. ჩამოლამებუ-  
ლი დადიოდა. მართა შეშინებული შეხედავდა ხოლმე, ვერ გა-  
ეგო, რა ხდებოდა ტატაჩის სულში, რამ ჩაუქრო ახალგაზ-  
რდული სიხარული და სიგიჟმაჟე, რაც ასე მოსწონდა ადრე. იმ  
მძიმე, აუტანელი ღამის შემდეგ ტატაჩის არც უხსენებია  
სამსახური. მართას ვერ გაეგო, სინამდვილე წამოსცდა მაშინ  
ტატაჩის, თუ ავადმყოფი გონების ზმანებალა იყო ყოველივე.  
ალბათ უცნობი სენით დაავადდა ტატაჩი, გადაიღალა და მოჩ-  
ვენებები ჩაუსახლდა ტვინში. კვირაობით იკარგებოდა სამ-  
სახურში. დაბრუნდებოდა და ძილად მიეგდებოდა. მოსაფერ-  
ებლად განვდილი ხელი მართას ჰაერში უჩერდებოდა. უყუ-  
რებდა ლოგინში ზურგშექცეულ ქმარს და რწმუნდებოდა,  
ალარ ვუყვარვარო. რცხვენოდა ამის გამჟღავნებისა, ჩუმჩუ-  
მა ტიროდა.

სხვაზე უწინ ეფრომ იგრძნო გასაჭირი, ოღონდ მიზეზი ვერ  
ამოიკითხა.

— ტატაჩი, შვილო, რა ამბავია შენს თავს, რა გაგიჭირდა?  
— ჩაეკითხა.

ტატაჩიმ სივრცეს მიაშტერა თვალი და ხმადაბლა, თითქოს  
საკუთარი ყურის გასაგონადო, ისე ჩაილაპარაკა:

— სიცოცხლე ალარ მინდა, დედა, სიკვდილი მომნატრებია!

— დიდუ, შვილო! — ამოიკვნესა ეფრომ, ვერ გაბედა ბო-  
ლომდე ჩაძიებოდა დარდის მიზეზს.

ტატაჩის თითქოს დაავიწყდა წელანდელი ნათქვამი, დე-  
დის წამოძახილზე გაკვირვებით შეეხმიანა:

— რა იყო, დედა, რას ვიშვიშებ?

„უშვილობა თუ აწუხებს!“ — ქალურად გაიაზრა ეფრომ.  
ცაცანას დაუწყო კუთხეკუთხე ჩურჩული. ცაცანაც აფორი-  
აქდა, შეწუხდა, მაგრამ ისეთი დრო იყო, სტალინურ კონს-  
ტიტუციას იზუთხავდა და სიძექალიშვილის სანუხარს ველარ  
ჩაუღრმავდა. „კარგი ცხოვრება თუ აწუხებთ? — ფიქრობდა  
ცაცანა. — როდის ვცხოვრობდით უკეთ? შეშა გვაქვს, ნავთი  
გვაქვს, საპონი გვაქვს... თითქმის შევაბიჯეთ სოციალიზმში!“  
ეფროს სხვა გზა არ დარჩენოდა, რძალთან უნდა გამოენახა  
საერთო ენა. მართას ყურისათვის აწუწუნდა, ეს რანაირი თაობა  
გვერგო, ისე გაზარმაცდნენ, ბავშვის ყოლაც ეზარებათო...

მართა მიუხვდა გადაკრულს, განითლდა. დედამთილს ვე-  
რაფერი აკადრა, თუმცა სათქმელი და საჩივლელი თვითონ  
ჰქონდა. ესლა მოახერხა, გაუცინა, ხუმრობაში ჩაუგდო ნათქ-  
ვამი. ამით სიტყვასაც გზა გაუხსნა და გათამამებულმა ეფრომ  
მოხსნა გუდას თავი, ხომ იციო, კაცები საქმეებით ისე არიან  
დაკავებული, ახალგაზრდა და ლამაზი ცოლები ავიწყდებათო.  
ცოლების ღირსნი ასეთი კაცები არც არიან, მაგრამ, რა ვუყ-  
ოთ, ეგ ყოფილა ქალის ხვედრიო. გაჭირდა ცხოვრება და ქალი  
რომ ვერ დაორსულდება, გასაკვირი არააო. ეგერ მეზობლის  
ძროხა ბერნი აღმოჩნდა, ვერაფერი უშველეს, კინალამ სახ-  
ორცედ დაკლეს. მერე პატრონმა მაცხოვრისგორაზე აიყვანა,  
ეკლესიის ნანგრევებს ირგვლივ სამჯერ ლოცვით შემოატარა,  
და იმ წელს ხბო მოიგოო...

მართას გაეცინა, ეგ როგორ გამოგივიდა, დედამთილო,  
ძროხას მადარებო... ეფრომ ხელები გაასავსავა, ამისი თქმა  
არ მინდოდა, კაცს უნდა სწამდეს და აუხდებო, რწმენა დიდი  
საქმეაო. ქმართან წოლა ერთია, მაგრამ მარტო ეს არ კმარაო...  
მთლად აებნა თავგზა ეფროს და ამ აბნეულობამ მართა გაამ-  
ხიარულა, დიდხანს აკისკისა.

სიცოცხლისათვის ალბათ არ იყო დაბადებული, მხიარულე-  
ბის საბაბს ცხოვრება იშვიათად იძლეოდა. ჭმუნვა შეუბრუნ-  
და და ის, რაც აქამდე სასაცილოდ მიაჩნდა, სხვანაირად და-  
ინახა. ნუთუ ღმერთი ვერ ხედავს ტატაჩის ტანჯვას და მარ-  
თას გულშეჭირვებას. თუ ის ყოვლისშემძლე და ყოვლისმომ-

ცველია, მაშინ არც ეს უნდა გამოეპაროს. ღმერთი არ არის, — ფიქრობდა მართა, — მაგრამ თუ არის, ის ყოველივეს ხედავს... ამ უცნაური, აბდაუბდა ფიქრებისაგან მართას გააჟრჟოლა, ჭერს მიაჩერდა... იქ, ჭერსა და ცის მიღმა ყოვლისმხილველი თვალი ამჩნევს ყოველი მტილის ჭმუნვას, ამ მზერას ვერსად დაემალეები... ამ ფიქრმა შეაშინა, ღმერთო შემინდე, ღმერთო შემინდეო, რამდენჯერმე ჩაიჩურჩულა და ამ მიმართვამ ცოტათი დაამშვიდა.

ერთხელ აკვიატებული ფიქრი მაინც ვერ მოიცილა. ვინ იცის, იქნებ მართლაც რაღაც ძალა აქვს მაცხოვრისგორას, იქნებ მართლაც გაუჩნდეს შვილი, მაშინ ტატარისაც სხვანაირი გული ექნებოდა, ოჯახგარე ნაკლებ ინანნალებდა. იცოდა ქალმა, სამსახურის საქმეებზე დანანნალებდა ტატარი, გასართობად და დროის სატარებლად ვერ მოიცლიდა, დაღლილობა უგრძობდა გულს, ოღონდაც, ეჭვის სენი გონებას არ ემორჩილებოდა, ეს სანამლავი თავისთავად აწყალეებს სისხლს...

ოცდაჩვიდმეტის ადრიან გაზაფხულზე, როცა წვიმებმა გადაიარეს, მწვანე ბალახი აბიბინდა და გარემო თვალის სასერიო შეიქმნა, ტატარი შინ გვიან დაბრუნდა. ტალახით მოსვრილი ჩექმები ძლივს გაიძრო. ჯერ ფეხები დაიბანა, მერე ხელპირი. ვახშამზე უარი თქვა და ლოგინს მიაშურა.

მართა სანოლის კიდეზე ჩამოუჯდა. შუქი არ აუნთია და ერთმანეთს ლანდად ხედავდნენ.

— რა იყო მართა? — ჰკითხა ტატარმა.

— არაფერი.

ტატარი ამ პასუხმა დააკმაყოფილა. ალბათ გაუხარდა კიდეც, გრძელ ლაპარაკსა და ახსნაგანმარტებებს გაურბოდა, ქალის წუნუნს ვერ იტანდა.

მართა დაელოდა, იქნებ კიდეც რამე შემეკითხოსო, მაგრამ მსუბუქი ფშვინვა მოესმა. ტატარის დაეძინა.

სარკმელს ბნელი ღამე მოაწვა, ჩახჩახა ვარსკვლავები ცნობისმოყვარედ იჭყიტებოდნენ.

ფრთხილად გაიხადა, ლოგინში შეუცურდა ქმარს.

ტატარმა ფშვინვა შეწყვიტა, გაყურდა, შემდეგ სავსებით ფხიზლად ჰკითხა:

— რა იყო, მართა?

ქალი სიბნელემ გაათამამა, მხარზე ცხვირი მიუხახუნა, ჩასჩურჩულა.

— შვილი მინდა.

ტატარმა ამოიოხრა, თითქოს მძიმე რამ ვალი დააკისრესო. შემობრუნდა, ხელი პერანგქვეშ შეუყო, მოეფერა.

— სულ არ გიყვარვარ, ისეთი გულცივი გახდი! — ჩაიწუნა მართამ.

ტატარმა პასუხი არ გასცა, არც ქალს აცალა ლაპარაკი, ტურებში ნაზად აკოცა.

მართამ სულსწრაფად უპასუხა, ცახცახით ჩაეკრა, მაგრამ იყო კაცის ალერსში რაღაც ნაძალადევი, უსურველი. ქალს უკმაყოფილება დაეუფლა, უნდოდა შეეწყვიტა ეს უნიათო ალერსი, ოღონდ თავში კვლავ ის აზრი უტრიალებდა — „შვილი...“ ამიტომაც დაუთმო სხეული, თუმცა სული უკვე აქედან შორს მიფრინავდა.

ტატარმა იგრძნო ეს გაუცხოება, ცოტა ხანს იყურა და თავის მართლებას მოჰყვა:

— მართა, უნდა გამიგო!.. მე ორი ადამიანი მიყვარს ამ ქვეყნად — დედაჩემი და ჩემი ცოლი! დედაშენსაც პატივსაც ვცემ!.. დანარჩენი ყველა შემძულეებია — ძღვიბი თოლორაია, ბიკენტი, ჩემი თანამშრომლები... ყველაზე მეტად ჩემი თავი!

— ჩუმად, ტატარი, მაგას ნუ ამბობ, დავილუპებით! — შეძრწუნდა მართა, პირზე ხელი დააფარა. კაცმა ხელისგულზე აკოცა და თვალეებზე ჩამოიფარა.

მიხვდა ქალი, რაღაც საშინელი საიდუმლო ტანჯავდა კაცს, რაღაც უსაშველოდ მძიმე ტვირთს მიათრევდა იგი. იქნებ პირველი ღამის ბოდევა სულაც არ იყო ნაყოფი ზმანებისა. წარმოიდგინა მართამ იმ სიტყვების შინაარსი, მაგრამ იმდენად დაუჯერებელი სურათი წარმოესახა, უმალ უკუაგდო... ალბათ ძღვიბი თოლორაიას მძიმე ხასიათია მიზეზთ მიზეზიო, ესლა დაასკვნა... ეს თოდუები ხომ მუდამ სიმართლის ძიებას გადაჰყვებიან ხოლმეო.

— ტატაჩი, — თქვა უცებ მართამ, — თავი დაანებე მაგ სამსახურს, ჰა! აგერ ფიზკულტურის მასწავლებლად მოენწყვე სკოლაში!

კაცმა ამოიოხრა, არაფერი უპასუხა. ქალის ჭკუა მოკლეა. ტატაჩის ისეთი სამსახური ჰქონდა, იქ ვინც მოენყობოდა, თავს ვერასოდეს დაანებებდა, თუ არ უნდოდა ეს თავი წაეგო. მართა მიხვდა, რომ პასუხს ვერ მიიღებდა.

— დაიძინე! — უჩურჩულა და მხარზე აკოცა.

მხოლოდ დილაუთენია ჩაეძინა. როცა თვალი გაახილა, მზე ფანჯარაში იყურებოდა. ტატაჩი უკვე წასულიყო.

„იქნებ წუხელ ბავშვი ამყვა, ჰა!“ — გაიფიქრა.

ლოგინიდან ფრთხილად წამოდგა, ვაითუ სუსტი წელი მაქვს და მომწყდესო.

თავში ჩურჩულთული ზრახვა გაუჩნდა. ალბათ ბავშვური სიანცე უფრო იყო ეს გადაწყვეტილება, რაკი მის რწმენას რწმენა არც ეთქმოდა.

ლამაზად ჩაიცვა. თმები დაივარცხნა. სარკესთან ტრიალებდა და საკუთარი თავი დიახაც მოსწონდა. ჯერაც ცქრი-ალა გოგოს ჰგავდა, გათხოვება არც დასტყობოდა.

ქალებს არ გაუმხილა სად მიდიოდა. სკოლისდროინდელი ამხანაგი ახსენა, მკერავია და იმას მოვინახულებო.

საქმიანი იერით გადაჭრა ბულვარი. სასახლის ეკლესიასთან ნაბიჯი შეანელა. მოეჩვენა, თითქოს მის ყოველ ნაბიჯს ცის მაღალი გუმბათიდან დასცქეროდა ყოვლისმხილველი მზერა. უნდოდა პირფვარი გადაენერა, მაგრამ დღისითმზისით მთელი ქალაქის თვალწინ ველარ გაბედა.

ჩხერიის ხიდეზე თავდახრილი გადავიდა. არ უნდოდა კაკლებთან შეყრილ უსაქმურ მამაკაცებს თვალში მოხვედროდა, თუმცა იეჭვიანა, თითქოს იმ მამაკაცთა კრებულს ვილაც გამოეყო და კვალზე აედევნა.

მოიხედა. მთელი ორლოზე ხიდიდან ვიდრე მთისძირამდე უკაცრიელი იყო.

კიბეს გულისფანცქალით შეუდგა. სულიერი ვინმე არც აქ ჭაჭანებდა. საეჭვო იყო აქ ამოსვლის თვით სურვილიც. აკრძა-

ლვით არავის აუკრძალავს. თავისთავად გამოვიდა ასე, ტაბუ დაედო მაცხოვრისგორას და მავანს არ გააკვირვებდა შეკითხვა, აქეთ რამ წამოგიყვანა, რა გინდოდაო...

ნახევარგზაზე მოეჩვენა, კვალდაკვალ თითქოს ვილაც მოჰყვებოდა. შეჩერდა, სუნთქვა დაიოკა. ჩქამი არ ისმოდა. ალბათ ნიავემა გაიფაჩუნაო და გზა განაგრძო.

შიშმა თანდათან გაუარა, დალლამაც. რაც მაღლა მიინევდა, გზა თითქოს ეიოლებოდა, უფრო მსუბუქდებოდა.

მერე და მერე ველარც იხსენებდა, როგორ აირბინა ასერთი საფეხური, როგორ მოლია ვინრო, დაკლაკნილი ბილიკი, როგორ შედგა ფეხი მაცხოვრისგორის შუბლზე.

ნახევრად მორღვეულ ზღუდეს მიღმა ეკლესიის ნანგრევები ველურ ბალახს წაელო. ქვის თლილი, ჩუქურთმიანი ლოდები ჭინჭარსა და კატაბალახში ეყარა. ნანგრევებსა და ზღუდეს შორის მწვანე მდელო ხასხასებდა და მართა მუხლებზე დაეშვა. ლოცვის სიტყვები მან არ იცოდა და თვითონვე შეთხზა: „ღმერთო, მომივლინე ძე ნანატრი, ჭეშმარიტების დამდგენი, სიმართლის მაძიებელი და ვარქვა მას სახელად მართალი!“ თვითონაც არ ეგონა, მისი ნატვრა ასეთ ფორმას თუ მიიღებდა, მაგრამ იმასაც მიხვდა, უფალი თუ არის ცათა შინა, ის ყოვლისშემძლეა და რანაირი სიტყვებითაც არ უნდა მივმართოთ, მან წინასწარ იცის ჩვენი ყოველი ზრახვა და ჩანაფიქრი.

მზერა ალაპყრო მართამ, ცის გუმბათს შეხედა. ციდან სილურჯე იღვრებოდა და იმ სილურჯეში მირიადი ლანდი კრთოდა, ამა ქვეყნის ანარეკლი ანდა იქნებ იმქვეყნის არსებობის დასტური... თავყვანი სცა მართამ იმას, რისი არსებობისა არა უწყოდა, დაიხარა, ხელებით მიწას დაეყრდნო და შუბლით გრილ ბალახს შეეხო... მუხლზე ჩოქვით დაიძრა იგი ეკლესიის ნანგრევებს ირგვლივ... ხანდახან შეჩერდებოდა, ცას ახედავდა, ხმადაბლა გაიმეორებდა აჩემებულ სიტყვებს:

— ღმერთო, მომივლინე ძე ნანატრი, ჭეშმარიტების დამდგენი, სიმართლის მაძიებელი და ვარქვა მას სახელად მართალი!

მერე ისევ გაივლიდა ჩოქვით იმდენივეს და კვლავ იმეორებდა... ასე შემოიარა ერთი წრე, მეორე... თავდაპირველად



მუხლები ეტკინა, დაებეგვა... თანდათან შეიპყრო გაუცნობიერებელმა აღფრთოვანებამ, თითქოს ციდან ჩამოიღვარა ღვთიური რამ მაღლი... ტკივილები გაუქრა და სულში ზეიმი ჩაუგუბდა... ჩოქვით მიდიოდა მართა, იმეორებდა ლოცვის სიტყვებს, თაყვანსა სცემდა ლურჯი ცის თავანს და გრძნობდა, რომ მისი ეს სიტყვები უსაგნოდ არ იკარგებოდა, ეთერის შორეულ სივრცეებს სწვდებოდა და უსაზღვროდ დიდ სიკეთეს მისთვის მოეპყრა სასმენელი თვისი...

— ღმერთო მომივლინე ძე ნანატრი, ჭეშმარიტების დამდგენი, სიმართლის მაძიებელი და ვარქვა მას სახელად მართალი!

მესამედ შემოუარა მართამ ეკლესიის ნანგრევებს. ერთხელაც ახედა ზეცას, თაყვანით დაემხო პირმინაზე და მიუგდო ყური... მისი სულის ზეიმში შეიჭრა უცხო რამ ბგერა, მსუბუქი ნაბიჯის ხმა, ბალახის გაფაჩუნება. უცბად მოიქუფრა, მუხლები ასტკივდა, იგრძნო საკუთარი სხეულის სიმძიმე და თავის აწევა გაუჭირდა. როცა მზერა აადევნა, შავი ჩექმები და ყავისფერი გალიფე დაინახა.

ელდანაცემმა წამოიწია, მაგრამ კაცის ღონიერი ხელები მხრებზე დაეყრდნო. ბიკენტი თოლორაია თვითონაც მუხლებზე დაეშვა, სახეში ჩახედა, თვალი გაუსწორა.

ქერა თმა შუბლზე გადმოცვენოდა ბიკენტის, ნიავი უწევდა. ლურჯი თვალები იმ ცას მიუგავდა, თავზევით რომ გადმომხობოდათ. ლამაზი ტუჩპირი და ჯანსაღი, თეთრი კბილები ჰქონდა.

— ვიცოდი, მართა, რომ შენში ორი სულია!

— თავი დამანებე, ბიკენტი, იცი შენ, ვინცა ვარ და ვისი ცოლიცა ვარ! — მკვახედ შეეპასუხა ქალი, მაგრამ მის ხმაში ჩვეული სიმტკიცე აღარ ისმოდა და ბიკენტიმ ეს იგრძნო.

— დრო ისეთია, მართა, ორგულობა არავის ეპატიება, მაგრამ შენ ერთადერთი ქალი ხარ, ვინც მიყვარდა და მიყვარს!

— ადრე სად იყავი, ბიკენტი, — ვითომ ხუმრობაში გადაუგდო მართამ, — ადრე უნდა გეთქვა ეს!

— ისედაც ხომ ხვდებოდი, მართა, სიტყვები რა საჭირო იყო! შენ სხვა ირჩიე და ჩემი ბედნიერებაც მაშინ გათავდა!

— გამიშვი, ბიკენტი! — კვლავ შეეხვეწა მართა. — გამიშვი! დაძმებვით შევეზარდეთ ერთმანეთს, კარგად იცი, ვისი შთამომავალნიცა ვართ!

— ტატაჩის და არ ყოფილხარ, ჩემი და საიდან იქნები? ტატაჩი რომ მარჩიე, იმ დღეს შეცდი, მართა!

— გამიშვი, ბიკენტი! — კვლავ შეეხვეწა მართა, მაგრამ უმალ მიხვდა, კაცი იოლად არ გაუშვებდა. უღონოდ გაიბრძოლა და ამ გაბრძოლებამ ბიკენტი უფრო წაახალისა.

— მართა, მართა... — თვალები დაენისლა, პირზე ნადილი აესახა, ქალი მოიზიდა.

მართამ მკერდზე მუშტები მიაბჯინა, ცდილობდა მკლავებიდან თავი დაეღწია, მაგრამ ძალა აღარ ეყო და ტირილი მორთო.

მისმა ცრემლებმა უფრო გაახელა ბიკენტი, უკანასკნელი რიდი მოეხსნა, კისერზე აკოცა და იქვე, მწვანე მდელოზე წაანვინა.

— გამიშვი, გამიშვი ბიკენტი! — სუსტად იბრძოდა მართა. ოღონდაც, ეს ბრძოლა მონოდებას უფრო ჰგავდა. მიხვდა ქალი, საკუთარმა ხორცმა დაღუპა, საკუთარმა ნადილმა, უნებლიე ლტოლვამ გამოაცალა ძალა... ან რანაირად უნდა ებრძოლა მართას?... აქამდე თურმე კაცი არც უნახავს, აქამდე რაც იყო, მხოლოდ მიბაძვა ყოფილა, უცეცხლო და უძალო... უსაზღვრო ტკბობისაგან თითქმის გონდაკარგული, ეკლესიის მწვანე ეზოში, ლორთქო ბალახზე იწვა და რამე ღონე წინააღმდეგობისა აღარ შერჩენოდა.

მერე, როცა ქარიშხალმა გადაიარა, ცეცხლი გაუნელდა და გონს მოეგო, პირველი, რაც მოაგონდა, სიკვდილის სურვილი იყო.

— თავს მოვიკლავ, ბიკენტი! — ჩაიჩურჩულა.

კაცი მიხვდა, ეს არ იყო თამაში, შეშფოთდა, შეშინდა და ერთადერთი გამოსავალი მონახა:

— ორივემ მოვიკლათ თავი, თუ გინდა!

მართამ ხელები გაასავსავა, მძიმედ წამოდგა, ბარბაცით მიაშურა ბილიკს, ადევნებულ ბიკენტის კი ხელით ანიშნა, დამტოვეო.

დაღმართზე რამდენჯერმე დაუცდა ფეხი. ასმეერთე საფეხურამდე ძლივს ჩააღწია, ჩამოჯდა და კარგა ხანს იტირა. უფრო სირცხვილისაგან, რადგან რცხვენოდა საკუთარი სისუსტისა, იმ უსაზღვრო ტკობისა, რაც განიცადა... რანაირად უნდა მისულიყო შინ, რანაირად შეეხედა თვალეში ტატარისათვის, დედამთილისათვის, დედისათვის... „თავს მოვიკლავ!“ — ამ ფიქრს ჩასჭიდებოდა, ამითლა იმშვიდებდა სინდისს.

თავი ვერ მოიკლა მართამ, ახალგაზრდა იყო, სიცოცხლე უყვარდა და იმიტომ ვერ მოიკლა... მუცლით ნანატრ შვილს დაატარებდა და იმიტომაც ვერ მოიკლა... საკუთარი თავის კი არა, შვილს გადასარჩენად განუდგა სიმართლეს და სიცრუე ირჩია. დრო იყო ისეთი, სიმართლით შორს ვერ წახვიდოდი, სიმართლე კლავდა ადამიანს, სიცრუე გამხდარიყო არსებობის ფორმა...

ძღვიბი თოლორაია კვდებო, ამ ცნობამ თავზარი დასცა მერეთს. მავანი ახლობლებში თუ გაბედავდა თქმას, ხანდახან ავადმყოფობსო. ამაზე ლაპარაკი გულწრფელი დანანებითაც საშიში იყო, ვინმეს ხომ შეიძლებოდა ამ გულწრფელობაში ფარული სიხარული ამოეკითხა.

თვითონაც არ ახსოვდა ძღვიბის, სად შეეყარა უკურნებელი სენი. მოულოდნელად, თითქოს უმიზეზოდ, მთელ ტანს დაფოთლავდა წითელი ლაქებით, მოაყრიდა წვრილ მუნუკს და აუტყდებოდა გაუსაძლისი ქავილი. ითმენდა ძღვიბი, ითმენდა, მაგრამ ბოლოს და ბოლოს მოთმინების ძაფი გაუწყდებოდა და იწყებდა გიჟივით ფხანას. რაც უფრო იფხანდა, მით უფრო მწარედ ექავებოდა, სისხლამდე ჩადიოდა და მოჰყვებოდა იატაკზე კოტრიასა და ბლავილს... მერე ოდნავ დაუამდებოდა, იმედის ნაპერწკალი მოეცემოდა, იფიქრებდა, გადავრჩიო და ყველაფერი თავიდან ეწყებოდა.

ვერ გაეგო ძღვიბის, ვინ დასაჯა ასე. ღმერთი მაგას არა სწამდა და ეშმაკი, საკუთარ ბედილბალს აგინებდა საშინელი

სიტყვებით. თვითონ ხომ მწარდებოდა, უფრო ავი და დაუნდობელი ხდებოდა. სიტყვა რომ სიტყვაა, შემთხვევით, გულუბრყვილოდ დაგდებულს არავის აპატიებდა, რაკილა მტერი მრავალთავიან ჰიდრად წარმოედგინა, ერთ თავს რომ წარჰკვეთდი, ათი ამოვიდა.

ვერას გახდნენ მერეთელი ექიმები. უცნაური სენის შინაარსი ვერავინ ამოიკითხა. თან იმასაც ფრთხილობდნენ, შემთხვევით არ შემოგვაკვდეს ეს უბედურ დღეზე გაჩენილი, ამას ვერაფერს ვუშველით, ჩვენ კი თავებს დაგვაყრევინებენო. მაღალმა ხელისუფლებამ გულთან მიიტანა „ძველი ბოლშევიკისა“ და „ერთგული რევოლუციონერის“ გაჭირვება და ცნობილი სპეციალისტი გამოუგზავნა. იმან თავი საეჭვოდ აქნია და იგივე მიქსტურები და მალამოები გამოუწერა, რასაც აქაური ექიმები ახმარდნენ.

გვიან მიხვდა ძღვიბი თოლორაია. ადრევე უნდა ეზრუნა საკუთარ თავზე, ძირშივე უნდა ემკურნალა წყეული სენისათვის, მაგრამ მთელი ცხოვრება თოკზე მოსიარულესავით განვლო, არ თავდებოდა ხმლის ქნევა და ჩახაჩუხი, ბოლო წლებში კი სამეულის სხდომები, ტყუპისცალივით მსგავსი საქმიების გარჩევა. მტერს ყნოსვით შეიცნობდა. უბრალოს არ დასჯიდა, ოღონდ მის თვალში ბრალეულობის ნუსხა უსასრულოდ დიდი იყო, სტერილურად უდანაშაულოს კი იშვიათად შეხვედრია. განაჩენი მუდამ მკაცრი და უკიდურესი გამოჰქონდა (სამეულიდან მხოლოდ მის ხმას ჰქონდა ფასი!), აღსრულებასაც არ აყოვნებდა. დღისით მსჯავრდადებული, ღამით უკვე გაჰყავდათ, თავის მართლების საშუალება არავის რჩებოდა...

მიეჩვია სიკვდილს! ქათმის დაკვლა უჭირდა, თორემ ადამიანს კეფაზე ტყვიას ისე იოლად დაახლიდა, ხელი არ აუკანკალდებოდა... რა არის ადამიანი საერთოდ? — ფილოსოფოსობდა ხანდახან, — ადამიანი გვამია, რომელსაც დროებით აჩუქეს სიცოცხლე. იმის წართმევაზე იოლი არაფერია, ამ დროს იგი სანყის ვითარებას უბრუნდება, ესე იგი კვლავ გვამად გადაიქცევა. ამიტომ სიცოცხლე იმას უნდა გაუხანგრძლივო, ვინც ღირსია. ღირსი კი ის არის, ვინც კაცობრიობას

დიად მომავალს უშენებს. ვინც საკაცობრიო წინსვლას ფეხებში ებორკება, ის უნდა მოისპოს, ამით გზა ჭეშმარიტებისა განინმინდება...

კაცობრიობა ყველაფერია, ადამიანი — არაფერი, ასეთი იყო მარტივი არითმეტიკა.

ერთხელ, ღამის სიბნელეში, სამარის პირას წაჩოქებულ, შიშველ გვამებს რომ ჩაუარა, ერთმა თეთრწვეროსანმა, ალბათ წუთის წინ ანაფორა რომ გახადეს, მსხვერპლისათვის დაუფერებელი სითამამით ამოხედა და უთხრა:

— ღვთის რისხვა რომ მოგვევლინება, მაშინლა მიხვდები, გზაი შენი ცრუ არს!

— გიშველოს, აბა, შენმა ღმერთმა! — უპასუხა ძღვიბი და კეფაზე დაახალა.

წელანდელი „მამაო“ გადავარდა შავ ხაროში, სადაც სხვა გვამები უკვე ეყარა გარდიგარდმო.

ძღვიბის მაინც შერჩა წყენა, რადგან ძალაუნებურად პატივი უნდა ეცა მტრის სივაჟაკისათვის. მსხვერპლთა დიდი უმრავლესობა ხომ შიშისაგან კარგავდა ადამიანურ თვისებებს, იწყებდა ტირილსა და ვაებას, ან ცახცახს ვერ იოკებდა, ან ბოლომდე სჯეროდა გადარჩენისა, ცდილობდა ჯალათის გული პირფერობით მოეღბო... ამათ სიცოცხლეშივე ასდიოდათ გულისამრევი სუნი სიკვდილისა. ეს სუნი ავიწყებდა ძღვიბის, თითქოს ჭუჭყი და ბინი ლპობისა მასაც ეცხებოდა. შინ დაბრუნებული დიდხანს იბანდა, ოღონდაც თავს დაბანილად მაინც ვერ გრძნობდა.

„სიკვდილის სენი შემეყარა!“ — გაიფიქრა ერთხელ.

სწორედ რომ სიკვდილის სენი შეყროდა, სულს არც ართმევდა და არც აცოცხლებდა, ყოველი წამი არსებობისა მისთვის ჯოჯოხეთად გადაიქცა. ამაზრზენი იყო ის ტკივილნარევი ფხანა, სიგიჟემდე რომ მიჰყავდა. საშველი როცა აღარ ჰქონდა, ჩაიკეტებოდა ოთახში, იწყებდა ჩუმ მოთქმატირილს, თანდათან თავდავიწყება ეუფლებოდა, ხმას უმატებდა და ბოლოს ღრიალს მორთავდა. ამ დროს კარს მიღმა ბიკენტი გაყურდებოდა, უსმენდა მამის გოდებას და მეთასევეერ ეკითხებოდა

თავის თავს: „მამაჩემი წმინდა კაცია, ნაღდი კომუნისტია, სიცოცხლე რევოლუციასა და სოციალიზმს შესწირა, მაშ, რატომ იტანჯება ასე, სადაა სამართალი?..“

დიახაც, სამართალი არსად იყო!

იღვა 1937 წლის სიცხიანი აგვისტო. ძღვიბი თოლორაიამ ჩასთვლიმა. ძიღმა წუთით წაიღო საშინელი ქავილი, დაუამა. ფანჯარაში ნელი ნიავი ფაჩუნობდა და ვარსკვლავიანი ცა იყურებოდა. უცბად ორად გაირღვა ზეცა, გაიხსნა შავი კარები და იქიდან მირიადი ვარსკვლავი დაიძრა, წვიმად წამოვიდა, ძირს ჩამოეფინა... მოქროდნენ ვარსკვლავები და ზანზალაკებრ წკრიალს გამოსცემდნენ. მიხვდა ძღვიბი, ვარსკვლავები კი არა, ადამიანთა სულელები მოქრიან... ისინი ძღვიბიმ გაათავისუფლა გვამების ტყვეობიდან და ახლა მსუბუქად დაფარფატებენ ეთერში... შეშურდა თავისუფლად მოფარფატე სულელებისა, რომლებიც უკან, ცის გახსნილ კარში შეფრინდნენ, ძღვიბი კი შეატოვეს თავის ხრწნად გვამს, რომლისაგან თავს ვერასოდეს დაიხსნიდა. გააფრჟოლა ძღვიბის, გამოეღვიძა, სხეულს მიუგდო გულისყური... დაიძრა ათასი ჭიანჭველა, მიესია და დაუნყო წინკნა. კბილს კბილი დააჭირა ქოსა ძღვიბიამ. ცდილობდა არ ეყვირა. სურდა ათასი ფრჩხილი ჰქონოდა, რათა ნაკუნნაკუნ დაეგლიჯა ეს უგვანი ჭურჭელი შავი სულისა...

„წუთუ არასოდეს მოვკვდები?“ — ამაზე უარესი ხვედრი არ არსებობდა.

იხმო ძღვიბიმ ბიკენტი, თავისი ვაჟიშვილი, უბრძანა, ტატარჩი მომგვარეო.

უმალ მოვარდა ტატარჩი თოდუა. წელგამართული შემოვიდა, თუმცა ძღვიბიმ შეამჩნია, პირისახე მინისფერი გახდომოდა, უპეები ჩაჟამებოდა და თვალეებში სიცოცხლე ჩაქრობოდა.

— დაჯექი! — უბრძანა.

ტატარჩიმ სკამი გამოაჩოჩა, ასევე წელგამართული დაჯდა. კარგახანია, შიშიანი თრთოლვა აღარ უვლიდა ძარღვეებში. ეზიზღებოდა ეს საზარელი კაცი, სძულდა და ამას აღარც მალავდა. ძღვიბი მიუხვდა ადრევე, ოღონდ წყენის არც დრო დარჩა, არც ღონე. ახლა ეს სიძულვილი გახდა მისი გადამრჩენი.

— იარაღი თუ გაქვს?

ტატაჩიმ რევოლვერის ბუდეზე დაიხედა გაკვირვებით. რა თქმა უნდა, იარაღი თან ჰქონდა.

— ძალიანაც კარგი! — კვნესა ჩაიხშო ძღვიბიმ, წამით თვალი დახუჭა. — ჩემი დღეები დათვლილია, ტატაჩი! — ხმა აუკანკალდა, სიმტკიცემ უღალატა.

ტატაჩიმ ხელები გაასავსავა, ალბათ უნდოდა ყალბი თან-აგრძნობა გამოეხატა, მაგრამ ძღვიბიმ ანიშნა, საჭირო არ არის, ისედაც ყველაფერი ვიცის.

— ამას არაფერი ეშველება, ჩემი დღეები დათვლილია! — გაიმეორა, თან ხმას კაჟი შესძინა, თვალები დაუნვრილდა, თითქოს აპირებდა აყვირებას, ლანძღვის კორიანტელს, როგორც ადრე ჩვეოდა, მაგრამ ხმადაბლა, თითქმის ჩურჩულით განაგრძო, თან ტუჩის კუთხეში ავი ღიმილი გამოესახა: — საფლავში არ მინდა საიდუმლო წავიღო! აქამდე არავისთვის გამიმხელია, გულს ვერავის გადავუშლიდი... მარტო შენ გამიგიტყდები, დასკვნები კი, რანაირიც გინდოდეს, იმნაირი გამოიტანე!

ტატაჩის მოუთმენლობა დაეტყო. ეს ჩია კაცი თავისი სიმძიმით ჩაგრავდა, მიწასთან ასწორებდა. ვერასოდეს ხვდებოდა, რა ბადეს ქსოვდა ხოლმე ძღვიბი თოლორაია, ვირთხის თვალებით ისეთ რამეებს ამჩნევდა, რასაც ახალგაზრდა გამომძიებელი ვერასოდეს ჩასწვდებოდა. ბნელი იყო მისი წარსული, მისი ცხოვრება, მისი სული... ვერა და ვერ შეეღწია ტატაჩის ამ სიბნელეში, ვერა და ვერ გაეგო რა იმალებოდა მის კუთხეკუნჭულში. ახლა კი, სიკვდილის პირზე, ქოსა ძღვიბია თვითონ აპირებდა კარის გახსნას.

— შენი სიმამრი, გერა კვარაცხელია, კაი კაცი იყო, — თქვა ძღვიბიმ, — ოღონდა, ცხოვრებული ცოტათი შერევილი ბრძანდებოდა. მისი ხასიათი მავნებელი გახდა რევოლუციის საქმისათვის და მე და მამაშენმა, ნესტორმა დავლუპეთ ის საცოდავი...

ტატაჩი გაშრა. სკამიდან ისე წამოდგა, მერე ვერც იხსენებდა, საერთოდ იჯდა თუ არა. თავზარდაცემული უყურებდა ამ დაჯლანულ მაიმუნს, უნდოდა რაღაც ეთქვა და ვერას ამბობდა.

— არ გჯერა ხომ? — იქედნურად ჩაიხითხითა. — მაშინ იმასაც არ დაგიმაღავ, რომ ნესტორიც მე მოვკალი, აი, იმ კიბეზე გავაგორე, გერამ რომ ააშენა!.. ნესტორიც არ ვარგოდა რევოლუციის დიადი საქმისათვის და იმიტომ მივაჭედე ტყვია!

ტატაჩიმ უცბად რევოლვერის ბუდეზე იკრა ხელი, თითით ღილაკს აწვალედა, ეს ოხერი არ იხსნებოდა.

ძღვიბი არ განძრეულა, ჩუმად ხითხითებდა და მისი ხელის მოძრაობას უყურებდა.

— ტყუი, ტყუი! — გათეთრებული ტუჩებით წარმოთქვა ტატაჩიმ, რევოლვერი დააძრო, მაგრამ ხელი უკანკალედა და თითი სასხლეტს ვერაფრით მოახვედრა.

ძღვიბი ინტერესით უთვალთვალედა რევოლვერს, თითქოს ამხნევებდა კიდეც ტატაჩის, ოღონდ ამას რევოლვერი ხელიდან გაუვარდა და ისტერიულად შეჰკვივლა:

— ვირთხა, ვირთხა!

შეტრიალდა და კარი გაიჯახუნა.

ძღვიბის პირზე ღიმილი შეადნა, სიცილი ჩაუქრა, სახე გაეყინა. კვლავ აფუთფუთდა ათასი ჭიანჭველა და მის უმაქნის სხეულს დაუნყო წიწკნა.

ატირდა ძღვიბი, მუშტები თავში წაიშინა და საშინელი სიტყვებით დაუნყო გინება ტატაჩის, გერას, ნესტორს, თავის თავს, მთელ ქვეყანას, მალლა ღმერთს და ჯოჯოხეთში ეშმაკს...

შემოვარდა ბიკენტი.

— რა იყო, ბაბაია, ხომ არ განყენინა?

— მომკალი, შვილო, გაფიცებ დედის სულს, აიღე რევოლვერი და მესროლე!.. მომკალი, გაფიცებ დედის სულს!..

— რას ამბობ, ბაბაია, ასე როგორ გაგამწარა ტატაჩიმ?

— ტატაჩი მთხლეა, ტყვია ვერ დამახალა!.. შენ ხომ ვაჟკაცი ხარ, უტეხი და უშიშარი! ჩემი შველა მხოლოდ სიკვდილს შეუძლია, მომკალი, გაფიცებ დედის სულს!

— გაგიჟდი, ბაბაია?!



— ამაზე იოლი რა არის? ჩახმახს თითს ვერ გამოკრავ?.. გაბრაზდი და გაგიოლდება!.. იცი, ვინ მოკლა დედაშენი?.. იცი? ბიკენტიმ ენა გადაყლაპა, თვალები დაუმრგვალდა.

— ვინა და მე! დიახ, მე მოვკალი, აი, ამ ხელებით მოვგუდე, მივასიკვდილე!.. — კიოდა ძღვიბი, ხმას იგლეჯდა, სული ეხუთებოდა, კრუნჩხვები უვლიდა, რაც უფრო ცოფდებოდა, მით უფრო უმძაფრდებოდა ტკივილნარევი, გულისწამლები ქავილი.

გაძლება შეუძლებელი გახდა!

ბიკენტის სულში საშინელი რამ ხდებოდა — გაოცება, თავზარდაცემა, შიში, ზიზღი — ყველაფერი ერთმანეთში აერია. არ უნდოდა დაეჯერებინა ბაბაიას სიტყვები, მაგრამ უმალ ირწმუნა, იგი სიმართლეს ეუბნებოდა.

უსაზღვროდ შეურაცხყოფილმა ანგარიშმიუცემლად აიტაცა რევოლვერი, სწრაფად დაუმიზნა და ჩახმახს თითი გამოკრა. თითქოს მისმა მფარველმა ანგელოზმა აუკრა ხელი, ვილაცამ არ ინება მამისმკვლელად ექცია, ორი ნაბიჯიდან დამიზნებული ტყვია ძღვიბის აცდა და ფანჯრის რაფას ეძგერა.

— ოო! — მწუხარებით აღმოხდა ძღვიბის, უკან გადავარდა და მოულოდნელად საოცარი სიმსუბუქე იგრძნო, მოსწყდა საკუთარ სხეულს და სივრცეში გაიჭრა. დიდხანს ვარდებოდა უსასრულოდ თეთრ გვირაბში, ნამი საუკუნედ გადაექცა, მაგრამ საუკუნეც მიიღია და მაღალ კარებთან აღმოჩნდა.

შეყოყმანდა ძღვიბი, უჩვეულო რიდი დაეუფლა.

დააკაკუნა.

უზარმაზარი კარები მსუბუქად გაიღო. ზღურბლზე მჭიდროდ იდგნენ ქალები და კაცები.

დააკვირდა ძღვიბი, იცნო.

ნესტორ თოდუას დონჯი შემოეყარა, გერა კვარაცხელია ამოსდგომოდა გვერდით... ამათ უკან უამრავ სახეებში ძღვიბიმ გაარჩია ჩორნა, მთასავით აყუდებულს ფერმკრთალი ჩათა ეკვროდა მხარზე... ზოგი სხვაც ემცნაურა, ბევრი ვედარ იცნო... ყველანი შეუბრალებელი თვალებით შემოსცქეროდნენ.

გერა კვარაცხელიამ თითი მიუშვირა, ჰკითხა:

„აქ რამ მოგიყვანა?“

„შვილმა ტყვია დამახალა, ბიკენტიმ, ცოცხალი აღარა ვარ!“

— სიხარულით ამცნო ძღვიბიმ.

„ის ტყვია აგცდა, ბიკენტი გადაურჩა საუკუნო ცოდვას! დაბრუნდი უკან, ცოცხლებში!“

მუხლებზე დაეცა ძღვიბი, ხელები ვედრებით აღაპყრო.

„შემიშვით, გერა, აღარ შემიძლია უკან დაბრუნება, გავთავდი კაცი!“

„ეს კარი შენთვის დახშულია, ძღვიბი თოლორაიავ, გაბრუნდი უკან!“ — მკაცრად თქვა გერამ.

შეხედა ძღვიბიმ ნესტორს, ჩორნას, ჩათას, ნაცნობთ და უცნობთ, მათს გამოხედვაში თანაგრძნობა ვერ ამოიკითხა.

უკან გაბრუნდა, სწრაფად მოლია თეთრი გვირაბი და შინ აღმოჩნდა.

ძღვიბის პატარა გვამი ყვავილების ზვინში ჩაფლულიყო. წითელ კუბოს ალისფერი დროშა ეფინა, ოქროს ვარსკვლავით, ნამგალით და უროთი დამშვენებული. კუბოს ირგვლივ და მთელ ეზოგარემოში გვირგვინების ტევა არ იყო. სასულე ორკესტრი უკრავდა „ინტერნაციონალს“. მთელი ქალაქი დაძრულიყო ძღვიბი თოლორაიასთან გამოსამშვიდობებლად. ქალაქის თავნი ყინჩად იდგნენ საპატიო ყარაულში. პარტიულებსა და კომკავშირლებს შავარშიანი წითელი სამკლაურები ეკეთათ, პიონერებს წითელი ყელსახვევები. სკოლებიდან ოქტომბრელებიც მოიყვანეს და პატარები შეშინებულნი აცეცებდნენ თვალებს.

მოვიდნენ ცაცანა და ეფროც. ცაცანა მჯილს მკერდზე იცემდა და მოთქვამდა. ეფროს ბაგე მკაცრად მოეკუმა, გვამს გაუცხოებული მზერა ესროლა, თითქოს არ სჯეროდა, ძღვიბი რომ მოკვდა. ნამტირალევ ბიკენტის მოუბოდიშა, ტატაჩი ცუდადაა და იმიტომ ვერ მოვიდაო. მართა არ უხსენებია. ბიკენტიმ თავი დაუქნია, გულში კი ეჭვიანი შხამი ჩაელვარა, კარგად ხვდებოდა, რა ტკივილიც ტატაჩის შეეყარა.

მოულოდნელად ეზოში ჩოჩქოლი ატყდა. ხალხი ორად გაიყო და ცოცხალ დერეფანში მელიოტი, პირმრგვალი კაცი გამოჩნდა. ოქროს პენსნე ეკეთა. ფეხდაფეხ დაცვის ბრგე

ვაჟკაცები მოჰყვებოდნენ. კაცმა აჩქარებული, ენერგიული ნაბიჯებით გადმოკვეთა ეზო და კუბოსთან გაჩერდა.

მიცვალეზულმა მკვდარი თვალებით ამოხედა, პირზე ამაზრზენი ღიმილი გამოესახა და უთხრა:

„ლავრენტი, მე ჯერ აქა ვარ, ვერა და ვერ მოვკვდი!“

ლავრენტი პავლეს ძემ სამძიმრის დეპეშა ამოიღო, მთლად პირველი კაცის გამოგზავნილი უპირველესი ქალაქიდან. დეპეშაში მოკლედ ენერა, ვნუხვარ ცნობილი რევოლუციონერისა და ძველი ბოლშევიკის უდროოდ დაღუპვის გამოო... ბიკენტის თვალთაგან ცრემლი დასდინდა. არ მოელოდა ასეთ დაფასებას. ლავრენტი პავლეს ძემ მხარზე ხელი მოუთათუნა.

— დიდი კაცი იყო ამხანაგი ძღვიბი თოლორაია! — ნელა, დამარცვლით ბრძანა. — მისი საქმე არ დაიღუპება! მან დატოვა შვილი, რომლის ერთგულებაში პარტიას ეჭვი არ ეპარება! ამხანაგი ბიკენტი გააგრძელებს მამის სახელოვან საქმეებს!

ესა თქვა და შეტრიალდა, კვლავ ფეხაჩქარებით გადაკვეთა ეზო. ბიკენტი ცოტაზე აედევნა, მადლიერების ლულული თუ შეეძლო. მხრებანურული შეჩერდა, მიმოიხედა, აწი რა ვქნაო. არც სხვებმა იცოდნენ როგორ მოქცეულიყვნენ. ამასობაში ლავრენტი პავლეს ძე და მისი თანმხლები პირები მანქანებში ჩასხდნენ და გაქრნენ. დამსწრე საზოგადოებამ შვებით ამოისუნთქა.

„დროა!“ — გაიფიქრა ძღვიბიმ, რომელიც კუბოს სასთუმალთან, ყვავილებში იჯდა და საკუთარ გვამში დაბრუნება ვერაფრით გადაეწყვიტა.

— დროა! — გაისმა აქაიქ ჩურჩული.

ახლობლებმა დაავლეს კუბოს ხელი და ციმციმ წაასვენეს. ძღვიბიც მიჰყვა და ზევიდან დაჰყურებდა მიღეთის ხალხს, მის საპატივცემლოდ კუბოს რომ მიჰყვებოდა.

მზემ დასავლეთისაკენ გადაინია, ჩრდილები დაგრძელდა.

ამოთხრილ სამარესთან შექუჩდნენ. მოკლე, ნაჩქარევი მიტინგი ჩააბულბულეს... პარტიის რაიკომის სახელითო... კომკავშირელთა სახელითო... პიონერთა სახელითო... პროფკავშირების სახელითო... დიდი ლენინის მონაფეო... დიდი სტალი-

ნის მონაფეო... ლავრენტი პავლეს ძეს მონაფეო... სიკვდილამდე სულ მონაფედ დარჩენილიყო ძღვიბი თოლორაია.

— არიქა, ვირთხა! — შეჰყვირა უცებ ვილაცამ.

ხალხი შეჩოჩქოლდა, ქალებმა შიშინად შეჰკივლეს, კაცებს ფერი ეცვალათ.

შორიახლო საფლავის ვირთხა მიათრევედა გრძელ კუდს, ცდილობდა გასწრებას.

— გამეცალეთ, დამაცადეთ! — რევოლვერი იშიშვლა ბიკენტიმ, ტყვია ნერტილში მოარტყა და ვირთხა გააგორა.

მიტინგი სწრაფად ჩაიფარცხა. კუბოს სახურავი დააჭედეს და სამარეში ჩაუშვეს, მერე მიწაც მიაყარეს და გვირგვინები ზედ დააზვინეს.

შეჭირვებული ძღვიბი ზევიდან დაჰყურებდა საკუთარ საფლავს. აღარ იცოდა სად წაელო თავისი უკვდავი სული. ძირს დაგდებული საფლავის ვირთხა რომ იხილა, ბევრი არ უყოყმანია. შიგ სწრაფად მოთავსდა. ქავილით დატანჯულმა ნატყვიარის ტკივილი არაფრად ჩააგდო.

ვირთხამ ფეხები გაასავსავა, ნვრილი, ბოროტი თვალეები დაკუსა და ახლო ბარდეებში გახვანხვალდა...

— ისე, მამაჩემს კი ეკუთვნოდა შენგან ერთი წვეთი ცრემლი! — უბოროტოდ, წყნარად უთხრა ბიკენტიმ ტატარის.

ბიკენტი ძღვიბი თოლორაიას სკამზე იჯდა, ძღვიბის კაბინეტში, ტატარჩი ფეხზე იდგა. ჯიბეს უწვავდა ოთხად დაკეცილი განცხადების ფურცელი, ვინაიდან ახალ ხელმძღვანელთან უბრადა ვარ, გთხოვთ სამსახურიდან დამითხოვოთო... ეს განცხადება, ცხადია, სიგიჟე იყო. თავისი ნებით აქედან არავინ მიდიოდა. აქედან გზა ზღაპარით სამად იყოფოდა: ერთი პენსიისაკენ მიემართებოდა, მეორე — ციმბირისაკენ, მესამე — სიკვდილისაკენ, და ამ დროს სიტყვა „ციმბირი“ მოიცავდა

მთელ საბჭოეთს, რაკი ზუსტად არავინ იცოდა, უგზოუკვლოდ დაკარგულნი რომელ უფსკრულში ცვიოდნენ.

ბიკენტიმ არ იცოდა, თუ რა ედო ტატარის ჯიბეში, იგი კარგ გუნებაზე იყო და ისე იქცეოდა, თითქოს არაფერი ჰქონდა გასაყოფი, არაფერი ჰქონდა სადავო, პირიქით, ორი დიდი რევოლუციონერის შთამომავალთა ძმობას ბზარი არსად აჩნდა.

— დაჯექი, რა უცხოსავით დგახარ! — გაკვირვებითა თქვა და ტატარიმ გადაიფიქრა ჯიბიდან განცხადების ამოღება. იქნებ მართლაც გულწრფელი კაცია ბიკენტი, ახლა ხომ დიდ თანამდებობაზეა, დაივიწყა ძველი მტრობა და მეგობრობის ხელს უწვდის...

ხავსს ეჭიდებოდა ტატარის, თავს იტყუებდა. უღმობელი ხელი უკვე აღიმართა მის თავზე. კარგა ხანია დარწმუნდა, საფრთხეს ვერ აიცილენდა.

იჭერდნენ იმ წელს... ადრეც იჭერდნენ! რაც ტატარის თავი ახსოვს, ყოველთვის იჭერდნენ... თავდაპირველად მხოლოდ მტრებსო, დარწმუნებული იყო. მერე და მერე თავგზა აებნა, რაკი მტერი უსასრულოდ მრავლდებოდა. დაჭერების ტალღას ტალღა მოჰყვებოდა. ყოველი ახალი მოქნევა ცელისა, მეტ თავებს აგორებდა და თანდათან გაუგებარი გახდა, ვინაა მტერი და ვინ მოყვარე... დიახ, მისი რიგიც დამდგარიყო! ამაში დარწმუნდა ტატარის თოდუა, ცელის პირი სადღაც მის კისერთან ელავდა უკვე. საკმარისია მთიბავმა ნაბიჯი გადმოდგას, ტატარისაც მისწვდება იგი, მისი თავიც გაგორდება ძირს...

წინათგრძნობა გულს უღრღნიდა, სიცოცხლეს უმწარებდა... იქნებ მართლაც დააშავა რამე? იქნებ სადღაც არ მოიქცა სწორად?... ბევრჯერ აწონდნონა, ფიქრში მრავალგზის გაიარა საკუთარი ცხოვრების გზა... ღვთისა და ადამიანთა წინაშე იმაზე მეტი დანაშაული რა იქნებოდა, რომ ძღვიბის მიჰყვა, თოლორაიას, მის განკარგულებებს ასრულებდა... პირველსავე შემთხვევაში ვერ დაიცვა იგივე იროდიონ რიგვავა, ვერც ვერავინ სხვა, რომელთა სახელია „მრავალნი“. არათუ ვერ დაიცვა, თვითონაც იძულებული გახდა ჯალათობა ეკისრა... იძულებული გახდა?... გამოსავალი არ ჰქონდა?... სიკვდილის გამოსავალი ხომ ჰქონდა!

— შეუძლოდ ვიყავი იმ დღეს. — თავი იმართლა. — შენ ხომ იცი, როგორ მიყვარდა ძღვიბი ბიძია!

ამ გულსგარეშე ნათქვამმა სიცრუემ თავი უფრო შეაზიზღა. არასოდეს ყვარებია ძღვიბი თოლორაია, მით უფრო ბიკენტი... ტყვიას არ დაიშურებდა მისთვის, ოღონდ თავზევით ძალა არ იყო... ან ბიკენტის რატომ უნდა ყვარებოდა ტატარის, რატომ უნდა დაენდო?... ძმაკაცის როლს თამაშობს. კატასავით კრუტუნებს, ტატარის თავი ჰგონია. ფერებაფერებაში სურს მონინააღმდეგეს სული ამოჰხადოს... ფრთხილად უნდა იყოს ტატარის, შეცდომის უფლება მას არა აქვს, თორემ თავს წააგებს... იქნებ სჯობია, თავი მოიკატუნოს, არ გაამჟღავნოს, რომ ყველაფერს ხვდება... არაფრის საბაბი არ უნდა მისცეს. თუმცა რად უნდა საბაბი? წუთში შეუძლიათ დაუმტკიცონ, რომ ძღვიბი თოლორაიას სატირალში იმიტომ არ მივიდა, ჩვენი სახელოვანი „ენკვედე“ აღარ მოსწონსო... მეტი არაფერი სჭირდება „სტოლიპინის ვაგონის“ ბილეთს... იქნებ დაასწროს მონინააღმდეგეს, სასწრაფოდ გაიჩინოს მფარველი, იმას შესჩივლოს... მაგრამ ვინღა ისეთი დიდი კაცი, „ძღვიბიევიჩის“ ზევიდან თითს რომ დაუქნევს?... ლავრენტი პავლეს ძე?... ამხანაგი ლავრენტი?... ამის გაგონებაზე თრთოლვამ დაუარა ტატარის. ლავრენტისთან მისვლა ლომის ხახაში თავის შეყოფასა ჰგავს. სანამ ლავრენტი საქართველოში იყო, კიდევ ჰო... მოსკოვი შორსაა და იქაური კარები დახშულია...

შინ რომ ბრუნდებოდა, ამაზე ფიქრობდა ტატარის. იხსენებდა ერთ უჩვეულო ამბავს, თავად რომ გადახდა და ამაზე კრინტის დაძვრასაც ერიდებოდა.

წყალტუბოში ისვენებდა მთლად დიდი ბელადი. მეორე სართულის აივანზე ლავრენტი პავლეს ძე იმყოფებოდა, ქვევით, ეზოში ახალგაზრდა ჩეკისტი, ამ მომენტისათვის სამოქალაქო ტანსაცმელში გამოწყობილი. სხვა ჩეკისტებიც იყვნენ შორიშორ მიმალულნი, ცხვირის გამოყოფასაც ვერ ბედავდნენ, რადგან დიდმა ბელადმა დაცვა არ ინება.

დილის ათ საათზე ეზოში შავი მანქანა შემოვიდა ნელი თუხთუხით. ახალგაზრდა ჩეკისტი სმენაზე დადგა.

მანქანის კარი გაიღო და რესპუბლიკის პირველმა კაცმა გამოიხედა, ახალგაზრდა მოიხმო და უთხრა:

— გეთაყვა, აირბინე და იოსებ ბესარიონის ძეს მოახსენე, რომ თბილისიდან ჩამოვიდა ამხანაგი \*\*\*.

ჩეკისტი შეტრიალდა, კიბეზე თავქუდმოგლეჯით ავარდა და აივნიდან მოყურადე ლავრენტის მიეახლა.

— ლავრენტი პავლეს ძევ! თბილისიდან ჩამოვიდა ამხანაგი \*\*\*, ითხოვს სტალინთან მიღებას!

— მოიცადოს! — მოჭრით დააგდო ლავრენტიმ.

ჩეკისტი შეტრიალდა, კიბეზე დაეშვა და დანაბარები სტუმარს გადასცა. ამხანაგი \*\*\* უკმაყოფილოდ შეიჭმუნა, მაგრამ არაფერი უთქვამს, საზურგეს მიეყრდნო და თვალი მილულა. ეტყობა, მგზავრობას დაეღალა.

დრო ზოზინით მიდიოდა. თბილოდა. ბაღში ჩიტი ქახჭახებდა. ძლივძლივობით ერთი საათი გადაგორდა.

ამხანაგმა \*\*\*მა თვალი გაახილა. ჩეკისტი კვლავ მოიხმო და უთხრა:

— გეთაყვა, ერთხელაც ნუ დაიზარებ, ადი და შეახსენე ამხანაგ სტალინს, რომ თბილისიდან ჩამოვედი და მიღებას ვითხოვ!

კვლავ ადგილს მოსწყდა ახალგაზრდა ჩეკისტი, კიბეზე სულმოუთქმელად აირბინა.

— ლავრენტი პავლეს ძევ! ამხანაგი \*\*\* მიღებას თხოულობს!

— მოიცადოს! — მეორედაც მოჭრა ლავრენტიმ.

ახალგაზრდა ჩეკისტი ეზოში ჩავიდა და დანაბარები გადასცა.

ამხანაგმა \*\*\*მა ამოიხვნეშა, არაფერი უთქვამს, საქალდე ამოიღო, გახსნა და ქალაქებს ჩაუღრმავდა.

მძლოლს საჭეზე ხელები ჩამოეყრდნო, წინ იყურებოდა და თოჯინასავით გაყუჩულიყო.

კიდევ ერთი საათი გადაგორდა. მზემ აინია, დააცხუნა.

ამხანაგმა \*\*\*მა შეხედა ახალგაზრდა ჩეკისტს. ის უთქმელად მიუხვდა და კიბეზე მესამედ ავარდა.

ლავრენტიმ უკმაყოფილოდ მოიხედა და მესამედაც იგივე უპასუხა:

— მოიცადოს!

ისევ გაგრძელდა მოსაწყენი წუთები. ამხანაგმა \*\*\*მა ქალაქებს გული ვერ დაუდო, დაკეცა. ისე ამოიოხრა, თან გული ამოატანაო და დასიცხულ ეზოგარემოს გახედა.

სამ საათზე ახალგაზრდა ჩეკისტი კვლავ ავიდა კიბეზე. ლავრენტიმ უკმეხად შეაგება:

— მოიცადოს!

ოთხ საათზე ჩეკისტს ასვლა ეზარებოდა, წელს ძლივს მიათრევდა.

— მოიცადოს!

ამხანაგმა \*\*\*მა თავი გამოყო, აივანს ახედა. აქედან იგი ლავრენტის ვერ ხედავდა. დაღლა და ჭოჭმანი დაეტყო. კვლავ თითით მოიხმო ახალგაზრდა ჩეკისტი და შენუხებულმა უთხრა:

— ეტყობა ამხანაგ სტალინს არ სურს დღეს მიმიღოს! გეთაყვა, მოახსენე, რომ ვიყავი და წავედი!

მძლოლს თავი დაუქნია და ისიც გამოცოცხლდა, მანქანა აამუშავა.

ახალგაზრდა ჩეკისტი კისრისტეხით ავარდა აივანზე.

— ლავრენტი პავლეს ძევ, ამხანაგი \*\*\* მიემგზავრება!

— წაეთრიოს! — მოჭრა ლავრენტიმ, აივნიდან გადაიხარა, მიმავალ მანქანას თვალი მიაღვენა. პენსნეზე მზის მენამული სხივები აირეკლა.

ლავრენტი შებრუნდა და კარი დაუკაკუნებლად შეაღო.

ჩეკისტმა ფეხი მოინაცვლა, წასვლა დააპირა, მაგრამ შეეყოვნა და მაშინ მოესმა ლავრენტის ხმა:

— ამხანაგო სტალინ, ამხანაგი \*\*\* გეახლათ თბილისიდან!

— შემოვიდეს!

— წავიდა კიდევ!

— რატომ? — გაკვირვებით იკითხა იოსებ ბესარიონის ძემ.

— ერთიორი წუთით მოითმინემეთქი და იწყინა, ადგა და გაემგზავრა!

— მერე და წავიდეს! — უკმაყოფილოდ შეეპასუხა დიდი ბელადი.



ახალგაზრდა ჩეკისტი კიბეზე დაეშვა და ეზოს ჩრდილს შეეფარა.

ამხანაგი \*\*\* ახლა არც პირველი კაცია და არც სხვა რამ რანგისა. მის ადგილას სულ მალე ლავრენტი გამწესდა... ამ პატარა ამბავში დიდი შინაარსი ამოიკითხა ტატაჩიმ. დიახ, უნდა იყო ეშმაკი, ცბიერი, ცრუ, ლალატიანი, გახსოვდეს მხოლოდ საკუთარი თავი, ეცადე, ფეხი არ დაგიცდეს, თორემ ხელს არავინ გამოგიწოდებს.

— რა იყო, მართა, შეცვლილი მეჩვენები!

მართა იცრიცება, თეთრი ფერი გადაჰკრავს, პირისახე სისხლისაგან ეწრიტება. აკვანზე იხრება, ქმარს თვალს არიდებს.

— ვილლები!

ჩვილმა მართალიმ დრო შეიბრუნა, დღისით სძინავს, ღამ-ღამობით ჩხავის, უფროსებს ძილს უფრთხობს. მართა დასტუტუნებს, ხანდახან ნაუმღერებს: „ნანაა!.. ნანაია!..“ ოლონდ რალაცნაირად უხალისოდ. კარგა ხანია გულიდან სიმღერა არ ამოსდის.

— რამ დაგღალა, ქალო?

— შიშმა!

— შენ მაინც რისი გეშინია! — ნაძალადევი უდარდელობით ეუბნება ტატაჩი. — შენ ვინ დაგიჭერს? ქმარი ენკევედეშნიკი გყავს, ვისაც მოინდომებს, თვითონ დაიჭერს!

მართა არაფერს ამბობს. ტატაჩიც ყუჩდება. უსაგნო, ღრმად ჩამალული შიში გულს ჩაჰფრენია, თავს არ ანებებს. იცოდეს მაინც, საიდან ელის დარტყმა! ანდა იმდენი ღონე ჰქონდეს, შიშის მახინჯ ხატს თვალი გაუსწოროს... თუმცაღა ამ ურჩხულს ხატი არა აქვს, ვერ შეხედავ, ხელს ვერ შეახებ, იგი არსებობის ნაწილია, ცხოვრების სტილია...

„ეჰ, სხვა დროს მაინც დავბადებულებიყავი!“ — ფიქრობს ტატაჩი.

— ეჰ, სხვა დროს მაინც გავჩენილიყავით! — ოხრავს მართა.

ეს უკვე საშიშია, ამისი გაფიქრებაც არ შეიძლება. ქვეყანაზე სოციალიზმი იმარჯვებს, სხვა დრო რანაირად იქნება ამაზე უკეთესი, ამაზე ბედნიერი. ასეთი რამ მხოლოდ „მტრულ ელემენტს“ მოუა თავში...

— არ თქვა მაგი, მართა! — მტკიცედ ჩურჩულებს ტატაჩი. — არ გაიკარო მაგეთი აზრი, ნურავის ეტყვი მსგავს რამეს! სანუნუნო რა გვაქვს, მალე ალბათ ხელფასსაც მომიმატებენ!

— მოგიმატებს მაგი შენ ხელფასს! — ბოლმით, მძულვარედ თქვა მართამ.

გაუკვირდა ტატაჩის, ბიკენტი ამას მაინც რამ შეაძულო. აღარ წყენია ეს აღმოჩენა, მაინც ცალყბად გამოექომაგა თავის მტერმეგობარს:

— რა დაგიშავა იმ კაცმა? მაინცდამაინც მე ხომ არ გამიშვებდნენ უფროსად. მაგის მამას ლავრენტი იცნობდა პირადად, სატირალში ჩამოვიდა!.. კაი თვალთ მიყურებს მეც და რა მენაღვლება მეტი!

მართა გაისუსა, აღარ ინება სახიფათო საუბრის გაგრძელება. ბიჭის აკვანი დაარწია, ნაძალადევად, უხალისოდ ნაუმღერა — „ნანაა!..“

„რა ხდება? — უძილობა ტანჯავდა ტატაჩის. — რა ხდება მერეთში?.. საქართველოში?.. მთელ ქვეყანაში?..“

იქნებ მხოლოდ მერეთშია ეს უსასრულო რბევა? იქნებ მხოლოდ აქ პარპაშებენ ჯერ ძღვიბი თოლორია და მერე მისი ძე... უკვე აღარავინ დარჩა ისეთი, ცოტათი ჭკუა რომ მოეკითხება... ნუთუ ტატაჩიც ვერ აიცდენს მძიმე ხვედრს? ნუთუ მის ნაკვალევსაც დაადგა მაძებარი და, აჰა, საცაა მიენწევა...

სამსახურში მიდის ტატაჩი. ბიკენტი ღიმილით ხვდება. თვალს მონკურავს და ჩუმად კრუტუნებს... თითქოს ეფერება, ელაციცება... მის ბრჭყალებს ქედზე გრძნობს ტატაჩი. ვერ ბედავს ხმის ამოღებას, ვერ ბედავს წინააღმდეგობას... არცა აქვს ამისი საფუძველი, რადგან ვერ იგებს, საიდან არტყამენ ალყას, ვერ ხვდება, რა დანაშაულს უძებნიან... იქნებ ყოველივე ეს ტყუილი ეჭვებია, არავინ ინუხებს თავს ტატაჩიზე ფიქრით! არავის აზრად არ მოსვლია მისი დევნა!.. შეუძლია მშვიდად იმუშაოს... იმდენი დამსახურება კი აქვს, რომ აპატიონ!.. რაო?.. აპატიონო?.. რა აქვს საპატიებელი, რა დაუშავებია სახელმწიფოსათვის?..

ევროპაში უკვე ომია. გაზეთებიდან გამდნარი ტყვია მოედინება...

მართალი ორი წლისაა, დაბაჯბაჯებს... აკვანს მაინც არ ტოვებს, ძილის დროს ითხოვს, თავიდან ბოლომდე ავსებს, „ბაბა, ბაბა...“ — ლულუნებს, კიჭები უჩანს.

ტატაჩი ნერვულად შეხედავს მართას, დარწმუნებით ეტყვის:

— ამაღამ მოვლენ, მართა!

23

მსუბუქად დააკაკუნეს. ბერიმ თავი ასწია, კარს მიაჩერდა. შიშისაგან გული აუჩქარდა, სისხლი კეფაზე მოაწვია, საფეთქლებზე ფეთქავს და სმენას უხშობს... ალბათ მოეჩვენა!

ფანჯარაში ნკვარამი ღამე იყურება, ვარსკვლავები გამქრალა... ღამეს თვალები აქვს, კარსა და კედლებს — ყურები და თავის ბინაში განმარტოებული ბერი ზაქარაია ვერსად დაიმალება...

ამ უკიდევანო ქვეყანაში ვერსად ვერავინ დაიმალება. სულიერსა და უსულოს თვალი და ყური ასხია. გაფაჩუნებაც არ გამოეპარება იმას, ვინაც ვალდებულია ყველაფერი იცოდეს. მამ როგორღა გაქრა ტატაჩი თოდუა, როგორ აორთქლდა იმ ბნელ ღამეში... ათი წელი მკვდრებში ეგულეობდათ. მერე ჩიტმა ამბავი მოიტანა, ბერის ყურში ჩაუწვეთა, ოღონდ სხვებს ნუ გაუმხელ და ცოცხალია ის კაციო... სიბნელეს შეერწყო, უკუნში იარა და აქამდე ისე მოაღწია, მზის სინათლე აღარ უხილავსო... სხვა დასამალი ადგილი არსად ეგულეობდა და ჯოჯოხეთში თავისი ფეხით ჩასულაო...

იჯდა ბერი, მისჩერებოდა ბნელ ფანჯარას და წარმოსახვაში აცოცხლებდა ჯოჯოხეთში გადამალული კაცის ხატს.

უკუნში დიდხანს გარბოდა ტატაჩი თოდუა, ცდილობდა ჩქარა გამოერებოდა მშობლიურ კერას და ქალაქს, გუშინ მშობლიურს, დღეს ბოროტ დედინაცვლად გადაქცეულს. გაქცევით თუ გადაირჩენდა სიცოცხლეს, ერთადერთ ფასეულობას, რაც ადამიანს კიდევ შერჩენია, როცა მას თავისუფლებას ართმევენ, თუნდაც ამ მოჩვენებით თავისუფლებას...

ფეხი ლიანდაგს რომ წამოჰკრა, მაშინ იაზრა, რომ რკინიგზაზე გაელწია. მიჰყვა უსწორმასწოროდ დაწყობილ შპალებს. უსახელო ბაქანზე სუსტი ნათურები ბჟუტავდა. სატვირთო მატარებელი იდგა, შემხვედრის მოლოდინში ორთქლმავალი ფშვინავდა. მიეპარა, ვაგონების გასწვრივ ლანდად იარა, კიბეს წაანყდა და ღია ბაქნის იატაკზე განვა, გაყურდა. ჩამოიგრიალა შემხვედრმა. დაუსტვინეს და დაიძრა, არახუნდა ვაგონების რიგი, რელსებზე აკაკუნდა რკინის ბორბლები და მატარებელი რიტმული დაგადუგითა და ტაბათით წავიდა.

უსასოობას შეეპყრო ტატაჩი. არ იცოდა, საით მიჰყავდა ბედისწერას, არ იცოდა, რა მოემოქმედა. მეობას ვერსად გაამჟღავნებდა. უსაბუთო კაცი ხომ ადამიანთა სიიდან ამოგდებულა, პურის ნატეხს არავინ გამოგინვდის, წყალს არ მოგანოდებს. პირველივე შემხვედრი, სიკეთის ქმნას მონადინებული, უმალ მთავრობას ჩაგაბარებს, რაკი „მთავრობა სამართლიანია“, „ავსა და კარგს გაარჩევს“, „უდანაშაულოს არ დასჯის“...

დაღლილობამ უწია. ვაგონის რწევამი ჩაეძინა. ეშმაკი დაესიზმრა, მთელი ტანი ბანჯგვლით ჰქონდა დაფარული. თხის ფეხებზე იდგა, ხუჭუჭა თმებში ორი პატარა რქა მოუჩანდა. გრძელი კუდი მკლავზე გადაეგდო. იმ კუდის წვერით ტატაჩის ცხვირში უღიტინებდა და აღტაცებით ქირქილებდა.

ელდანაცემს გამოელვიდა. ლაპარაკი შემოესმა. მატარებელი გაჩერებულიყო. მოისმოდა უცნაური ხმაური, დაგადუგი, გადაძახილი, სტვენა, რახუნი, ფშვინვა... ორთქლსა და კვამლში ძლივს აღწევდა მენამული პროფექტორის ნათება. შორიასლო კაცები ყაყანებდნენ არაქართულად. მზაკვარი ერთი გამოეყო იმ კაცებს, კიბესთან მოვიდა და თითით მოიხმო:

„ძირს ჩამოდი!“

გაქცევას აზრი არ ჰქონდა. ტატაჩიმ წელი ძლივს აზიდა, ძირს ჩამოვიდა.

მზაკვარს ბინდში ორი თვალი ფოსფორებრ უკიაფებდა.

„საბუთი!“

ტატაჩიმ ხელი ჯიბეში ჩაიყო, ცხადია, საბუთები არა ჰქონდა.

„ვინა ხარ?“

„კუზმა მქვია! — სახელდახელოდ იცრუა. — ცოლმა შინიდან გამომავდო, ლოთი და მანანალა ხარო!“

„ამას დავადგენთ!“ — მკაცრად თქვა მზაკვარმა და დანარჩენებს მიუბრუნდა. — წაიყვანეთ!“

შუაში ჩაიყენეს და ტალახიან გზას დაადგნენ. კაცებს გრძელკალთებიანი ლაბადები ეცვათ, ტყავის კოზიროკიანი ქუდეები ეხურათ. ქუდეებზე წითელი ვარსკვლავები ბრჭყვიალებდა.

„აღბათ ამ ქუდექვეშ პანია რქები იმალება, — ფიქრობდა ტატაჩი, — ლაბადის ქვეშ კი გრძელი კუდეები...“

ბინდიან ნისლში შავად გაჭიმულიყო ეკლიანი მავთულხლართები, აქაიქ სათვალთვალო კომპები გამოცურდებოდა, რომლებზეც სისხლისფერი ელვარებით გამოანათებდა პროუქტორები.

გაიღო ეკლიანი ჭიშკარი და მზაკვრებმა ტატაჩი ეზოში შეაგდეს.

„ესეც ახალი!“ — გაისმა ჩახლეჩილი ხმა.

მზაკვარმა მწარედ უბიძგა ტატაჩის და უხეშად უბრძანა:

„წინ იარე! არსად გადაუხვიო! დაუმორჩილებლობა სიკვდილს ნიშნავს!“

ტატაჩი წინ წავიდა. ორსავე მხრივ ჩამწკრივებულიყვნენ მზაკვრები, ხელში გრძელი ჯოხები ეჭირათ. პირველმა ზურგზე რომ დაჰკრა, ტატაჩიმ სიმწრით შეჰყვირა და ძირს დაეცა. უმალ მიცვივდნენ სხვებიც და ჯოხები დააყარეს. მიხვდა ტატაჩი, ყვირილის დრო არ იყო, უნდა გაესწრო. ძალა მოიკრიბა, წამოიწია და მთვრალივით ბარბაცით გასწია, თან ხელებს თავზე იფარებდა, ცდილობდა დარტყმა აეცილებინა. დაოსტატებული მზაკვრები ზუსტად არჩევდნენ ყველაზე მტკივან ადგილებს და დაუნდობლად ურტყამდნენ.

ასე განვლო გრძელი მანძილი. რამდენჯერმე ფეხი წამოჰკრა იმათ, ვინც ვერ გაუძლო და დროზე ადრე დაეცა, ვისაც ღონე არ ეყო და ლეშად იქცა.

ბუნდოვანებაში დაინახა ძელური ბილიკი, ვრცელ ჭაობს რომ კვეთდა. სხვა გზა არსაიდან ჩანდა და იმას მიაშურა. ფეხქვეშ იზნიქებოდა დამპალი ძელური, ტყდებოდა. ირგვლივ ბნელში ლაპლაპებდა უძირო ოთონთო, რომელშიც გველური-

ანკალნი და ნიანგნი ფუთფუთებდნენ, ელოდნენ მსხვერპლთ, ვისაც ძალა არ ეყოფოდა განევლო ჯოჯოხეთის ეს ხიდიც.

ძრწოდა ტატაჩი. ჯოხით გვემა გადავიწყებოდა შიშით ატაცებულს. ხაშმისაგან გული მისდიოდა, თავბრუ ეხვეოდა, მაგრამ მცირე სისუსტეც კმაროდა, რათა ბილიკიდან გადავარდნილიყო და საშინელი სიკვდილი მიეღო. ხედავდა კიდეც სისუსტის მსხვერპლთ, თეთრი ჩონჩხები ქათქათებდა ბნელში, მავანთა ლანდები წინ მიიკვლევდნენ გზას. კვალზე სხვა მისებრ ტანჯულნიც მოიწევდნენ და უამრავი ფეხისაგან ირწეოდა ჭაობზე გადებული ფუტურო ძელური.

„გადავრჩი!“ — გაიფიქრა ტატაჩიმ და მტკიცე ყინულოვან ნაპირზე შედგა ფეხი. წინ თეთრად ქათქათებდა თოვლიანი ტრამალი. ქარაშოტმა დაუბერა, ცივი ხვევით შემოესალტა, აძაგაძაგდა. წინ, წინ, როგორმე უნდა განევლო ტანჯვის ეს ბილიკიც, როგორმე უნდა მიეღწია იმ ჰორიზონტამდე, სადაც ციმციმებდა გადარჩენის ელვარე ცეცხლი.

რამდენი ღონე აქვს თურმე ადამიანს! რამდენი გაძლება შეუძლია! მირბოდა ტატაჩი ვრცელ ტრამალზე, ქარაშოტის ცივ შხუილს თან მოჰქონდა მზაკვართა და მგელთა შემადრწუნებელი ყმუილი... აღბათ მალე წამოენევიან ნადირნი კვალზე, ტანჯვისაგან გასაცოდავებულ მის გვამს კბილებით დაგლეჯენ და ეს იქნება ყოველივეს დასასრული... მირბოდა და გზად აწყდებოდა დაცემულთ, იმათ, ვინც ვერ შეძლო, ვერ გადალახა... აქაიქ ეყარნენ ჩონჩხადქცეულნი, ყორანთა და მგელთა ნასუფრალნი, ან ისინი, ვინც ხელი აიღო სიცოცხლისათვის ბრძოლაზე და ყინულეთში დატოვა თავისი უმაქნისი გვამი...

დროის ანგარიში დაეკარგა. თვითონაც ვერ გაეგო, რამდენ ხანს გრძელდებოდა ეს მტანჯველი სრბოლა მომავლის ნათელ ჰორიზონტამდე?.. შორიდან მოჩანდა მენამული ცეცხლის ელვარება და ტატაჩი მიისწრაფოდა მისკენ, რაკი იქ მისვლა ნიშნავდა გადარჩენას, ახალი არსებობის დასაწყისს; ვალდებულიც იყო გაეძლო მტანჯველი გზისათვის, მიეღწია და მაშინ ეზიარებოდა ბედნიერებას, რაიც აქამდე უსხლტებოდა...

აგერ გამოჩნდა ყინულოვანი ტრამალის კიდე. ბილიკი დაბლა ეშვებოდა და იმ მხრიდან მოისმა წყლის უწყვეტი ხმაური. ფართო მდინარე მოგუგუნებდა, მღვრიე ტალღები მოჰქონდა, ყინულის ნატეხებსა და თოშს მოატივტივებდა. ალბათ ვერც გაუძლებდა ამდენ განსაცდელს, აქვე ჩაჯდებოდა და სიკვდილს დაელოდებოდა, მაგრამ სულ ახლოს მოისმა მგლის ხროვის შემზარავი ყმუილი და ტატაჩიმ გადაწყვიტა ბედი წყალში ეძია. ფერდობი ჩაირბინა და თოშიან წყალში გადაეშვა, მხარული გაუსვა.

უკანასკნელ ღონემდე ებრძოდა ტატაჩი მღვრიე მდინარეს. დინებამ წაატივტივა, ფსკერისაკენ ჩაითრია, მაგრამ წყალში სიკვდილი არ ენერა და ტალღამ რომ მეორე ნაპირზე მიაგდო, იქ მზაკვარმა ვინმემ ხელი გამოუწოდა.

„მოალწიე, კუზმავ?!“ — დაცინვით შეეხმინა.

პასუხი ვერ მოასწრო ტატაჩიმ. საიდანღაც გამოცვივდნენ გრძელაბადიანი მზაკვრები, სტაცეს ხელი და ციმციმ წაარბენინეს...

ყოველ ნაბიჯზე ენთო ცეცხლი, გურგურებდა კოცონი. უზარმაზარი შავი ქვაბები იდგა სამფეხებზე. შიგ ბუყბუყებდა ადუღებული კუპრი. მზაკვრები მიმორბოდნენ მხიარულად, შემა დაჰქონდათ, ბეჯითად უკეთებდნენ ცეცხლს, რათა არ განელებულიყო, დახტოდნენ და ყირაზე გადადიოდნენ.

ერთგან მზაკვართა სასულე ორკესტრი იდგა და მონდომებით „ინტერნაციონალს“ აგრიანებდა.

„აი, ეს ქვაბი თავისუფალია!“ — ბრძანა ერთმა მზაკვარმა და ტატაჩის შიგ გადაუძახეს.

ერთიანად დაითუთქა ტატაჩი. თავი ამოყო მდულარე კუპრიდან და არაადამიანურად იკივლა — „ააა!..“ ოღონდ მისი კივილი ყურად არავინ ილო, იგი ჩაიხშო ცეცხლის გუგუნსა და სასულე ორკესტრის გრიალში...

იქ, იმ კუპრის ქვაბში დარჩა ტატაჩი თოდუა, დროებით კუზმად წოდებული. მრავალი დღე და ღამე, კვირა და თვე იხარშებოდა, სიკვდილით კი მაინც არ კვდებოდა. მისი არსებობა გადაქცეულიყო ერთ უწყვეტ ტანჯვად, რისი ღირსიც ნამდვილადაა უსაბუთო ადამიანი, რომელსაც არ გააჩნია ალ-

იბი იმისა, რომ ის არ არის ტროცკისტი, ბუხარინელი, რიკოველი და ა.შ. მოკლედ, რომ ის არ არის „ხალხის მტერი“...

ბედნიერება წამიერია, ტანჯვა საუკუნო... დროის საზომი დაკარგული იყო ტატაჩისათვის, მისი ტანჯვის წამები წლებს უდრიდა, მაგრამ ერთ დღეს რაღაც შეიცვალა... ამ ჯოჯოხეთს სხვა ჯოჯოხეთის არმია შემოესია და სამყარო გადაიქცა არმაგედონად... საყოველთაო სისხლისღვრა და სიკვდილი გამეფდა...

მოვიდა ტატაჩისთან ნითელვარსკვლავიანი მზაკვარი, კუპრიდან ამოიყვანა და წყალობად თოფი უბოძა.

„შენს თავისუფლებას, ამხანაგო კუზმა, სვასტიკიანი მზაკვარი ემუქრება. თუ მონობა არ გვინდა, მტერი უნდა დავამარცხოთ!“

ტატაჩის მონობა არ უნდოდა. აიღო თოფი და ბრძოლაში გადაეშვა, რათა ჩვეული მზაკვარი დაეცვა უცხო მზაკვრისაგან. ოთხი წელი იბრძოლა თავგანწირვით, სხვისი სისხლი ბევრი ღვარა, საკუთარიც არაერთგზის. ყველა კუზმად იცნობდა და უმადლესი მზაკვრის მადლობა და მედლებიც კუზმამ მიიღო... ტატაჩის მეობა აუჯანყდა ამ უსამართლობას, ამდენი თავგანწირვის წილ ხომ ჰქონდა უფლება შეწყალებისა... მაგრამ მზაკვართა სახელმწიფოში შეწყალება დანაშაულს უდრიდა და ტატაჩი თოდუას გზა ჩხერიის მზიანი სანახებისაკენ კიდევე დიდხანს გაგრძელდა...

ბერი ზაქარაიას გააჟრჟოლა. ამ უცნაურმა ზმანებებმა ძილი საბოლოოდ დაუფრთხო, შიში გაუმძაფრა. კედლების იმედიც არ დარჩა. მოეჩვენა, რომ ბნელი ფანჯრიდან უთვალთვალდნენ, მოეჩვენა, რომ კარს მიღმა მოყურადე დგას, ყური კარისათვის მიუდვია და ბერის მფრთხალ, მაგრამ მემამბოხურ ფიქრებს უსმენს...

ქუჩაში თითქოს ვიღაცამ გაიარა... ვის უნდა გაეგლო ნეტავ ასე გვიან?

ფეხზე წამოდგა, ფანჯარას გამოხედა. ნერვები აენუნა ალბათ, ჯობდა, დროზე დანოლილიყო, ჩასძინებოდა... მეზობლებს გადავუკაკუნებო, ისიც იფიქრა, მაგრამ საკუთარი სიმხდალისა შერცხვა...



დერეფნის ბოლოს რაღაცამ გაიჩხაკუნა... სახლი გასუსულა, არსაიდან ჩქამი არ მოდის... კვლავ მომეჩვენაო, გაიფიქრა და ამ დროს ფეხის ხმა მოესმა... ფეხსაცმლის ლანჩები ფრთხილად ეხება იატაკს... მოდიან... რამდენი კაცია, ორი, სამი, ხუთი?.. რომელ კართან გაჩერდებიან? დერეფანი გრძელია და კარები ორ რიგადაა ჩამწკრივებული... ვის წასაყვანად მოვიდნენ? ამაღამ ხელს ვის დაადებენ?.. ფეხის ხმა უფრო და უფრო ახლოვდება... აი, გამოსცდნენ ბოლო კარსაც... ყველაფერი ნათელია, ბერის მოაკითხეს!

ბერი ზაქარაია წელში გაიმართა, შიშინი თრთოლვა ჩაიხშო და სივაჟკაცეს მოუხმო... ასე სჯობია!.. რაც მოსახდენია, დაე, დროულად მოხდეს, ბევრად უფრო მძიმე ასატანია უსასრულო ლოდინი...

კარზე დააკაკუნეს.

ბერიმ ურდული გადასწია, კარს ხელი ჰკრა და მტკიცედ თქვა: — აქა ვარ!

ზღურბლს მიღმა გრძელლაზადიანი სამი მზაკვარი იდგა...

24

— ხვალ სტალინის სურათი უნდა ვატაროთ! — თქვა მართალიმ და ლუკმა მიაყოლა.

ჩქარობს. დედაბრები სასაფლაოზე წასასვლელად გაემზადნენ და მას ელოდებიან.

— ნუ ხტუნაობ, ლუკმა არ გადაგცდეს! — ცაცანას პირისახე თეთრად უქათქათებს.

— ყველი გამოიზოგე, — ეფროს პატარა, კუშტი სახე უთბება, — ხომ იცი, დიდ ღომს ცოტა ყველი უნდა მიატანო!

ყველი ძვირად ფასობს. ისედაც ცოტას ჭამენ. განსაკუთრებით ეფროს ციცქნის ფინჩებს და დაილია კიდეც. არც სიმინდია იაფი. დუქანში პური ბევრი არ მოაქვთ და ისეთი ზედახორა დგება, ახლოს ვერ გაეკარები.

— გავათავე, წავიდეთ!

შაბათობით მიდიან ხოლმე მართასთან, სასაფლაოზე.

ფეხით მიჰყვებიან შარას, ნელა, აუჩქარებლად. მართალის ჩაიყენებენ შუაში და მხრებზე ეყრდნობიან. ეფროს იოლად, მსუბუქად მიფარფატებს, ცაცანა კი ისე ადგამს ნაბიჯს, თითქოს ადგილს სინჯავსო. მთელი გზა ამინდზე და მართაზე პუტუნებენ. თუ კარგი ამინდია, რა კარგი ამინდია, მართას სული გათბებაო, თუ ავი — მართასთვის სულ ერთია, ის მაინც ვერაფერს იგრძნობსო... რა კარგი იყო მართა და რა კარგი იყო ტატაჩიო...

ოლონდაც, ტატაჩიც გაქრა და მართაც...

ზღაპარივით დაამახსოვრდა მართალის...

ბიკენტის ხმა ჩაესმა, თოლორაიასი:

— ჩივილს აპირებ, მართა?

როდის უთხრა მართას ბიკენტიმ ეს სიტყვები? ან ვითომც ბიკენტის ხმა იყო?.. კაცის ხატი წარიშალა მესხიერებაში, დარჩა მხოლოდ მუქარის ხმა:

— ჩივილს აპირებ, მართა?

იქნებ ეს ხმაც სიზმარი იყო, რადგან ამ სიტყვებს გამოღვიძება მოჰყვა.

დიახ, ეძინა პატარა მართალის. სიზმრების ფერადი ელვარება უკვალოდ დაიფანტა... ღამეა, ბნელა... სახლში სინყნარეა. ოთახში დედიკო დადის. სიბნელეში ბიჭი შავ ლანდს ხედავს. ხვდება, რომ დედაა, რადგან ლანდს თან სითბო და დედობრივი სურნელი დააქვს.

— ნუ გეშინია, მე ვარ, — ჩურჩულებს მართა, — გაიღვიძე, უნდა წაგიყვანო!

მართალი საწოლზე დგება. ძილიდან გამოსვლა უჭირს, მუხლები ეკეცება. მკლავებს კისერზე შემოხვევს მართას, ცხვირით ყურისძირში მიებჯინება და კვლავ ძილისაკენ გაუტევეს.

— გაიღვიძე, უნდა ჩაგაცვა! — ხმადაბლა ეუბნება მართა.

— სად მივდივართ? — ენას ძლივს აბრუნებს ბიჭი.

— ნუ გეშინია, წავალთ და მალე დავბრუნდებით.

— ჰო, წავალთ! — უაზროდ იმეორებს მართალი, დედის ხელებს ემორჩილება.

ჩასაცემელი ბევრი არაფერია, შარვალი, ბლუზა და ტილოს ფეხსაცმელები.

ღამე იცრიცება. ნაცრისფერ ცაზე ვარსკვლავები ქრება. მერეთს სძინავს, აქაიქ თუ გაიეღვებს ობოლი ნათურა.

ყივის მამალი.

ეზოს კუთხეში ბნელი რამ იგვერგვება.

მართამ შვილი აიყვანა, ჩახუტებული მიჰყავს.

მამალი ყივის... ტრიფოლიატს ძალლი მოაწყდა... ბიჭმა თვალი ჭყიტა, გათენებულა...

— გეშინია?

— არა!

— მაშინ ფეხით იარე!

ბიჭს უკვე არ ეშინია, თუმცა ცოტათი კი... გათენებულა, მაგრამ ორღობე ჯერაც დუმს, ოდასახლებიც და ეზოკარებიც... ჭაჭანება არსადაა... მერეთი თითქოს დაცარიელებულა, მერეთელები სადღაც გადახვენილან... მართა და მართალი მიიჩქარიან, ოღონდ გაუგებარია საითკენ...

მანქანის მსუბუქი თუხთუხი ისმის... მორიდებით, ხმადაბლა თუხთუხებს, თითქოს ეშინია, მიმკვდარუნებული ქალაქი არ გავაღვიძოო...

მართამ მოიხედა. ტალახადის ქუჩა ცარიელია. დედის ამ შიშნეულმა მოძრაობამ მართალის გულშიც შიში ჩატოვა.

ქალაქის მდუმარებას მანქანის თუხთუხი არღვევს და ის მანქანა სადღაც მეზობელ ქუჩებში მოიპარება, იქნებ მთლად დედაშვილის კვალზე დგას.

ქუჩიდან გადაუხვიეს. მართამ ფეხს აუჩქარა, ანგარიშმიუცემლად, უნებლიეთ. ბიჭი ვეღარ ასწრებს, დაიღალა, წუნუნს კი ვერ ბედავს.

ჯანლი თანდათან გაქრა, ნათელი გათანაბრდა. შორეულ ქედებზე მზის სხივები აბრჭყვიალდა, მაგრამ მზეს ბარისაკენ ჯერ ვერ გამოეხედა.

მანქანის ხმა უკვე არ ისმოდა. იქნებ არავითარი მანქანა არ არსებობდა, ან იქნებ ქუჩის კუთხეში მიჩუმდა, დაელოდა.

ბიჭის წარმოსახვაში დაიხატა უჩვეულო მანქანა, შუშის ორი თვალი რომ მოუშტერებია და მზერით ბურღავს...

მართა მოწყვეტით გაჩერდა, შვილი კვლავ აიტაცა და ჩაიხუტა. ბიჭმა იგრძნო დედის გულის ძალუმი ფეთქვა.

ქუჩის კუთხიდან მართლაც ცხვირი გამოყო მწვანე „ვილისმა“, შუშის ჩაბნელებული თვალები მოაპყრო დედაშვილს.

გადმოიხედა ბიკენტი თოლორაიამ, შეათვალიერა, შემპარავი, მუქარანარევი ხმით ჰკითხა:

— საჩივლელად მიდიხარ, მართა?

ქალმა არაფერი უპასუხა, ბავშვი უფრო მაგრად ჩაიხუტა.

— იქამდე არავინ მიგიშვებს, ტყუილად! — კაცის ხმაში თანაგრძნობა გაკრთა.

მართამ კვლავ არაფერი უპასუხა.

მანქანა დაიძრა და თავის გზას დაადგა.

მოგვიანებით მართალი ცდილობდა გაეხსენებინა, მართლა შედგა ეს მოკლე შეხვედრა, თუ იმ წუთს დედის კისერზე ცხვირჩარგულს ეძინა და ყოველივე სიზმარში ჩაესმა.

მართა იდგა და იმისი ღონე არ ჰქონდა, ბიჭი ძირს დაესვა. მართალი თვითონ დაუსხლტა, ჩამოსრიალდა და კალთაზე მოჰქაჩა:

— დედიკო!

— ჰო, წუ გეშინია! — ჩასჩურჩულა მართამ, ხელი ჩაავლო და გზა განაგრძეს.

სასაფლაოზე გაიარეს. ღარიბ საფლავებს ორთქლი ასდიოდა. მდუმარება სუფევდა და ბიჭის გულს ისევ წინკნიდა შიში. რკინიგზის ლიანდაგი აბრჭყვიალდა.

ჩაის მინდორი გადაკვეთეს. ჩამუქებული რიგების ბოლოს ეკალბარდები კეღლად იდგა და ბილიკის თავზე, თითქოს მიწიდანო, კაცი ამოიზარდა. ჩეკისტის ტანისამოსი ეცვა, ხელი რევოლვერის ბუდეზე ედო.

— არ შეიძლება, მოქალაქე, უკან გაბრუნდით! — ისეთი კილოთი თქვა, შეკამათება გამოირიცხა.

შებრუნდნენ, ჩაის მინდორი კვლავ გადაჭრეს და სხვა ბილიკს დაადგნენ, ლიანდაგს რომ გვერდიგვერდ მიჰყვებოდა.

წინას ტყუპისცალი, ან იქნებ მთლად იგივე ჩეკისტი დახვდათ გზაზე, აათვალიერა, მკაცრად, შეუვალად თქვა:

— არ შეიძლება! უკან გაბრუნდით!

ისევ გაბრუნდნენ მართა და მართალი, ლიანდაგი გადაკვეთეს და ფლატეზე ამავე ბილიკს აჰყვნენ.

აქედან კარგად ჩანდა რკინიგზის სადგურის ყვითელი შენობა, პატარპატარა ბუდრუგანები... უცნაური მატარებელი განოლილი-იყო, მწვანე ფერის ძეხვსა ჰგავდა, მუხლუხა ქიას... ისმოდა ორთქლმავლის ქმენა და ჰაერში ორთქლის ბოლქვები ეკიდა.

სადგურზეც და მის ირგვლივ, თითქოს დაწყდნენო, სულერი არავინ ჭაჭანებდა.

შორიდან მოუარეს. ბიჭი დაილალა. სლუკუნსაც ვერ ბედავდა. არ იცოდა, სად მიდიოდა, რისთვის, საერთოდ რა ხდებოდა მის თავს.

სადგურის მისადგომთან კვლავ ჩეკისტი აისვეტა. ბიჭს ეგონა, ესეც იგივეაო, მაგრამ ალბათ სხვა იქნებოდა.

— არ შეიძლება, გაბრუნდით უკან!

შეკამათებას აზრი არ ჰქონდა. მერამდენეჯერ გაბრუნდნენ, წრეს შემოუარეს. ამ მხარეს მწირი ბუჩქნარისა და გვიმრის მეტი არაფერი ხარობდა. ამჯერად არავინ შეხვედრიათ. წამით მოუდუნდა ვიღაცას სიფხიზლე, ჩასთვლიმა, კარი ღია დარჩა და იმ კარში მართა და მართალი შევიდნენ. ასე ბიჭი ფიქრობდა, თორემ არავითარი კარი აქ არ იყო... იყო რკინიგზის უსახელო სადგური, მხოლოდ კილომეტრის ფირნიშით აღნიშნული. იყო ქვაფენილიანი ბაქანი, პირველ ლიანდაგზე იდგა მეტად უცნაური სამგზავრო მატარებელი... თავში და ბოლოში ორორი ღია სატვირთო ვაგონი მიებათ, შავად გაპრიალებული, სუფთა ორთქლმავლები, შუაში კი მუქიმწვანე ვაგონები...

ცარიელ ბაქანზე მარტოკაცი ბოლთასა სცემდა. დინჯად, აუჩქარებლად მიმოდიოდა. ცალი ხელი ფრენჩის ღილაკილოში შეეყო, მეორეში ჩიბუხი ეჭირა.

ამ დროს ამოინვერა მზე, მთის თავზე შემოჯდა და სივრცე მოულოდნელად მენამული გახდა. მენამულ სხივებში გაეხვია ბაქანზე მოსეირნე კაციც. ჩრდილი დაუგრძელდა, ძირს განვა, ბაქანს გადასცდა, დედაშვილს გადმოეფინა და სადღაც მათს ზურგს უკან განივრცო.

თითქოს ცივი სუნთქვა იგრძნო ბიჭმა.

მართას კი ბაგე აუკანკალდა, შვილს ხელი უშვა, წინ გაიშვირა და მღელვარებისაგან ჩახლეჩილი, არაბუნებრივი ხმით,

რომელშიც სიხარულზე მეტად შიში და სასოწარკვეთა მოისმოდა, შესძახა:

— დიდება დიდ ბელადს!

კაცმა ბოლთა შეწყვიტა, მოიხედა. აქედან ძნელი იყო მისი სახის გარჩევა. ჩიბუხიანი ხელი აიქნია, იქნებ მისალმების ნიშნად, ან იქნებ სიბრაზისა, რაკი მყუდროება დაურღვიეს.

შებრუნდა და ვაგონისაკენ გაემართა.

მართა ადგილს მონყდა, ასევე ხელებგანვდილი გაიქცა. მატარებელმა შეჰკვილა მრისხანედ, შიშისმომგვრელად. აქამდე ჩუმად მიმალული ჩეკისტები გამოცვივდნენ, გზას უჭრიდნენ მართას. ქალი კი ამათ ვერ ხედავდა, ხელებგანვდილი მიბოდა კაცისაკენ, რომელიც მენამული სხივების შარავანდედში უკვე კიბეზე ადიოდა და თავისი უსაზღვროდ განფენილი ჩრდილი თითქოს ვაგონში შეჰყავდა, თუმცა ნაჩრდილევის უცნაური სუსხი მაინც რჩებოდა.

ორთქლმავლებმა თავში და ბოლოში ბორბლები ადგილზე დაატრიალეს, გამაფრთხილებლად შეჰკვივლეს და ნელი დაგადუგით ადგილიდან დაიძრნენ.

ბიჭს ყველაფერი აერია. ვაგონების მსუბუქი ტაატი, ხელებგანვდილი მართა, კაცები, რომლებიც აგერაგერ მოიმწყვდნენ... მართამ მოიხედა, მდევარი დაინახა... რა იფიქრა მაშინ? რა გადაწყვიტა? რა მოხდა იმ წუთას მის გონებაში?.. იქნებ რეალურის ზღვარს გადასცდა, დაავინყდა ერთადერთი შვილი, ადგილიდან მოსხლეტა და გაფრენა მოინდომა... ან იქნებ მიხვდა საშიშროებას, გონს მოეგო და გაქცევას შეეცადა...

შეტრიალდა, განზე გახტა და უკვე აჩქარებით მიმავალ ვაგონს შეენარცხა.

თითქოს გაიყინა მართალის გონება. ვერაფრით მოიაზრა, რაც მოხდა... მენამული სხივები ოქროსფრით შეიცვალა, მზე აბარჩხალდა ცაზე.

მატარებელი წავიდა, გაქრა.

აქამდე ცარიელ ბაქანზე ახლა უამრავი კაცი მიმორბოდა. ვიღაცა თავზე წამოადგა, აღელვებით იკითხა:

— ვისია ეს ბავშვი?

— იმ ქალისაა!

— გაარკვეით!  
საიდანღაც მოიღებინა ბიკენტი თოლორაიამ. სახეზე ფერი არ ედო. დასტაცა ხელი მართალის, წამით ჩაიხუტა. გაიქცა, თავის მწვანე „ვილისში“ ჩასვა და მძლოლს უბრძანა:

— ბებებებს ჩააბარე!  
„ვილისში“ ჩამწყვედეულმა მართალიმ უცებ ზმუილი მორთო — „დედიკო მინდა!“ მძლოლმა კი არაფერი აუხსნა, მანქანა მერეთისაკენ გააქანა.

„რა უჭკუო ვიყავი, — სევდით გაიფიქრა მართალიმ, — ვერაფერს მივხვდი!“

ვერც ახლა ხვდებოდა ყოველივეს. მხრებზე ორი ბებიის ხელებსა გრძნობდა — ერთს რბილს, ფაფუკს, მეორეს — ჩხინკას, და დღესასწაულის წინა დღეს, შაბათს, ექვს ნოემბერს მიდიოდა სასაფლაოსაკენ, რათა მართას არ მოეწყინა.

ცაცანა და ეფრო ერთმანეთში პუტუნებდნენ, ისევ ტატაჩის და მართას იხსენებდნენ.

კუბოში ჩაჭედული მოასვენეს მართა. მოვიდა ბიკენტი, ხმამალა ტირილი აუკრძალა დედაბრებს, მოთქმა აუკრძალა, სასახლის გახსნაც... ბატონების წაყვანილივით დაკრძალეს მართა.

ლამაზად მოვლილ ბორცვაკთან ჩამოსხდებიან დედაბრები, თაფლის სანთლებს აანთებენ.

— იქნებ შიგ მართა არც იყო, ჰა?

— იქნებ ტატაჩიც დაგვიბრუნდეს, ვინ იცის!

ძილში დედა დაესიზმრა. ვითომ კვლავ პატარა იყო, გზაზე ერთად მიდიოდნენ და მართალი წამდაუნუმ ეკითხებოდა: „რა გინდა, დედა, იმ კაცთან? რა უნდა შესჩივლო?“ მართა დუმდა, წინ იყურებოდა, პირისახე ქალღმერთით თეთრი და უსისხლო ჰქონდა. გზაჯვარედინთან შეჩერდა, შეხედა მართალის და უთხრა: „ის კაცი მკურნალია! იმიტომ დაიბადა, ყველა ჩვენს ტკივილს უმკურნალოს! მე ახლა უკვე არაფერი მტკი-

ვა!“ უცებ გაქრა. ბიჭი იდგა, არ იცოდა, რომელ გზას დასდგომოდა, რომელი იყო მართას გზა...

მუსიკამ გამოაღვიძა. სასულე ორკესტრი უკრავდა. ცენტრში, ბულვარზე რეპროდუქტორებიდან საზეიმო მარშები ქუხდა. მართალი ჩუმად იწვა, გონს მოდიოდა. ბულვარი შორსაა, ხმა კი ისე აღწევს, თითქოს ყურისძირშიაო. მერეთში მდუმარებაა და ეთერი მხოლოდ რადიოს შეუფსია. მუსიკა მოულოდნელი ხრიალით მთავრდება და უცებ პატარა ბავშვი ენის მოჩლექით ლექსს კითხულობს:

*„როცა მტკვრის პირად შუქი დგას დილის, —  
დილის მზესავით გული წრფელია, —  
ჩვენ კვლავ სიმღერით ვაღვიძებთ თბილისს,  
და ჩვენს სიმღერას ჰქვია ბერია!..“*

ლექსს ისევ მუსიკა მოსდევს... „და ჩვენს სიმღერას ჰქვია ბერია!“ — ეჭვით გაიმეორა გუნებაში მართალიმ... მთელი თვე წერდა ცაცანა უსტარს. ლავრენტის პირადად ვიცნობ და გავუგზავნი, გამიგოს, ჩვენი ტატაჩი სად დაიკარგაო. ეფრომ ურჩია, გაჩერდი, შარს ნუ გადაეკიდებო... არ გაჩერდა ცაცანა, უსტარი სამკუთხად დაკეცა და მისამართიც დაანერა... იქ, სატახტო ქალაქში, ალბათ, უზარმაზარი საფოსტო ყუთი დგას, მსოფლიოს ყველა კუთხიდან მოსული საჩივრის წერილები შიგ იყრება და ქრება... გაქრა ცაცანას წერილიც.

მუსიკას კვლავ სიტყვები ცვლის. აზრის გამოტანა ჭირს, სიტყვებს ხრიალი ახრჩობს, მერე მამაკაცი გარკვევით, მჭახედ გაარღვევს სივრცეს — „დიდ ბელადსა და მასწავლებელს ძვირფას იოსებ ბესარიონის ძე სტალინს!“ „უდიდესი სიხარულით მოგახსენებთ, რომ...“ „მოგახსენებთ თქვენ, ამხანაგო სტალინ, რომ...“ „სიხარულით მოგახსენებთ, რომ...“ ბიჭი ხვდება, რომ ეს გაზეთების მიმოხილვაა.

კარს მიღმა ჩქარი ჩურჩული ისმის, დედაბრები კინკლაობენ. მართალი დგება, ფეხშიშველა მიტყაპუნებს კარისაკენ. ეფროს ხელში მოკლე, ლურჯი შარვალი და თეთრი პერანგი უჭირავს, ჩუმჩუმად, ლამლამობით რომ შეუკერავს; ცაცანას — ახლად-



აუთოებული წითელი ყელსახვევი, თავისი კაპიკიანი პენსიიდან გამოზოგილი ფულით რომ უყიდა თურმე შვილიშვილს.

მართალიმ პუტკუნა ლოყაზე აკოცა ცაცანა ბებიას, დამჭკნარ ლოყაზე — ეფრო ბებიას.

საუზმეზე, ჩაის რომ ტკბილ ბისკვიტს აყოლებდა, მოხუცები ნინ უსხდნენ, დანამული თვალებით შემოსციცინებდნენ.

— დღეს სტალინის დიდი სურათი უნდა წავილოთ, — თქვა მართალიმ, — მე, დურუმ და არიქამ!

— თქვენზე ღონივრები ვერ ნახეს? — უკმაყოფილოდ აბუზღუნდა ეფრო, — წელი მოგწყდებათ!

— კუკური მასწავლებელმა გამოგვარჩია!

— რადიოს გამოუცხადებია, სტალინის მეორე ტომი გამოვიდაო! — ცაცანას ხმაში მოკრძალებული აღტაცება გამოსჭვივის.

რა თქმა უნდა, პირველი ტომი ჩაბუღბულებული ჰქონდა.

ბულვარიდან კვლავაც მუსიკა მოისმის. სასულე ორკესტრი აგრიანებს თავის ტრადიციულ „ძუმპაპაძუმპაპას“. მერე ახალგაზრდული ხმა ლექსს ისვრის მჭახედ, ყელის სიმების დაწყვეტამდე:

*„ძვირფასო სტალინ, ფიცსა ვდებთ  
საბჭოთა ქვეყნის შვილები,  
ყველგან, მინდვრად თუ დაზგაზე  
ვიშრომებთ მხრებგაშლილები...“*

მართალი გამოკოპწიავებულია. ტილოს ფეხსაცმელი კი შეელახა, მაგრამ არა უშავს...

— წავედი! — მოუთმენლად ცმუკავს.

— მოიცა! — ეფროს სავარცხელი მოუმარჯვინია, ვარცხნის, თმას აწინკნის, ჯაგარა თმები სავარცხელს არ ემორჩილება.

— ჰა, წავედი, მაგვიანდება!

— მოიცა! — ცაცანა ჯიბიდან სასოებით აძრობს წითელ სამთუმნიანს, ხელისგულზე იდებს და მეორე ხელისგულით ვითომ აუთოებს. — ჰა, კინოში შედი, ან კამფეტი იყიდე!

ბიჭი გახარებული შეკუნტრუშდება და კიბეზე ბრაგაბრუგით ჩარბის.

დღე ნათელია. შემოდგომის მზეს მცხუნვარება აკლია. ცა ლურჯია. აქაიქ ღრუბლის თეთრი ქულა ჰკიდა. ხეთა ფოთლები ყვითლად და ვარდისფრად შეფერილა, ძირს ეფინება.

მირბის მართალი, სადღესასწაულოდ მიეჩქარება.

— დურუუ!

— აქა ვაარ!

ახლა ორნი მირბიან.

— არიქაა!

— მოვდივარ!

ახლა სამნი მირბიან.

ტალახადის ქუჩის გარდიგარდმო დიდი, წითელი ნაჭერი გადაჭიმულა, ზედ მეტრიანი ციფრები აწერია: „1917 — 1947“.

აივნებზე და ელექტრობოძებზე კი უსასრულოდ მეორდება: 30, 30, 30...

სკოლის ეზოში ერთი ყივილხივილია.

კუკური მასწავლებელს პირთან თუნუქის მეგაფონი მიუდვია და ჩაჰყვირის;

— დააენყვეთ!.. გაასწორდით!..

აივანზე გადმომდგარი მასწავლებლები გამოკოხტავებულან, საზეიმო ელფერი დაჰკრავთ. თამარა დირექტორი მოაჯირს გადმოჰყრდნობია, მოთმინებით ელოდება ბავშვების დაწყნარებას. გრიშა ყოლბაია ვერ ითმენს, ბოლთასა სცემს და თავის ხის ფეხს იატაკზე აბრაზუნებს. აქლემაპარმენი დირექტორს ამოსდგომია, ცხვირზე სათვალე წამოუცვია და ტუჩების ცმაცუნით კითხულობს ტექსტს, დემონსტრაციის დროს რომ უნდა უკარნახოს ბავშვებს.

კუკური მასწავლებელი აღელვებული დარბის წინ და უკან. უფროსკლასელები მკაცრ წესრიგს იცავენ. ბიჭები გრძელ შუბზე წამოცმულ აღმებს აფრიალებენ. ოცდაათი ალამია და მედროშეების თავზე თითქოს სისხლის ჩანჩქერი იღვრება... კომკავშირელთა კოლონას პიონერები მისდევენ, სულ ბოლოს პატარა ბიჭბუჭებია, — ოქტომბრელები მოუსვენრად წრია-

ლებენ, რიგს არღვევენ და ისედაც გამოსავათებულ კუკური მასწავლებელს აგიჟებენ. ისიც ანჩხლად ყვირის:

— მოოისვენე, შე შოობელძალო!

სამი მეგობარი, სამი ძმაკაცი მედროშეთა წინა დგას. სტალინის პორტრეტი მართლაც უზარმაზარია, ორი კაცის სიმალლისა იქნება. ხის ჩარჩოზე გადაკრულ ტილოზეა დახატული. კიტელი, გალიფე და ჩექმები აცვია. ხელში თავისი განუყრელი ჩიბუხი უჭირავს. გამჭრიახი თვალებით იყურება სივრცისკენ, მაგრამ ვინც სურათის უკან დადგება, მიხვდება, რომ დიდი ბელადის მზერა შებრუნებულია, იგი უკანაც გამჭრიახად იყურება.

დურუ და არიქა აქეთიქით ამოსდგომიან, ჩარჩოზე მოხერხებული სახელურებია მიჭედელი და იმით უჭირავთ. მართალი კი უკან დგას და სურათს გრძელი ჭოკით ანონასწორებს.

— პიირდაპირ იიაარ! — ყვირის კუკური მასწავლებელი.

— მაარჯვენა, მაარჯვენა!..

კოლონები ეზოს გასწვრივ მოძრაობენ. წინ ბელადის სურათი მიქანაობს. მერე სისხლისფერი ალმები მოფრიალებენ ტკაცატკუცით. ბიჭები ფეხის აწყობას ცდილობენ, სულ ბოლოს პატარები მოჩანჩალებენ არეულად.

ყველანი აივნის წინ ჩაივლიან, რათა ერთხელ კიდევ, უკვე მერამდენედ ყელი გაივარჯიშონ.

— ვაშა, ახალგაზრდებო!

— ვაშა, ვაშა, ვაშა!.. — სამგზის ყვირიან ბავშვები, სამგზის შესძახეს დურუმ და არიქამ, სამგზის შესძახა მართალი-მაც და უცებ შერცხვა, არც კი იცოდა რისი...

მოულოდნელად გაახსენდა მართალის, მართა რომ გარბოდა მატარებლისაკენ, გარბოდა და მიიძახოდა: „დიდება!..“

— მაარჯვენისაკენ იააარ!

სკოლის ქიშკარი ფართოდ გაიხსნა და კოლონა რუსთაველის ქუჩაში გავიდა...

— იქ მართლაც იყო ვილაცა! — თქვა ხმადაბლა მართალიმ. დურუმ და არიქამ ყური ცქვიტეს.

სასკოლო კოლონა შეჩერებულა. წინ, სანამ თვალი განვდება, და უკანაც, ქუჩა გადაიჭედა დემონსტრანტებით... ოქტომბრის მოედანზე ჯერ სხვები მოძრაობენ. ათ საათზე სამხედრო პარადი ჩატარდებოდა, ჯავშნოსანი მატარებლის ჯარისკაცები ჩაივლიდნენ მწყობრი ნაბიჯით... ლამაზი სანახაობა კი იქნებოდა, მაგრამ ვინ მიგიშვა, ყველა გზა და გასავლელი მილიციამ გადაკეტა... სამხედრო პარადის შემდეგ ადგილიდან დაიძროდნენ ცენტრის დანესებულებებისა და სკოლების კოლონები. ასე რომ, ტალახადის ქუჩის მცხოვრებლებსა და სკოლას კარგა ხანს მოუწევდა ყურყუტი.

მზემ უსიამოვნოდ დააცხუნა. ბიჭებმა სტალინის პორტრეტი ძირს დადგეს. მართალიმ ჭოკის ბოლო მინაში ჩაარჭო და ახლა ბელადის ჩრდილს შეჰფარებოდა.

— კი, იყო ვილაცა! — გაიმეორა მართალიმ.

— ჩვენ რატომ ვერ ვნახეთ? — ცხარედ აჩურჩულდა დურუ.

— გუმანით ვიგრძენი მეც! — არიქამ ფრთხილად მიმოიხედა. ყურს არავინ უგდებდა. ყველა თავისთვის ერთობოდა. მხოლოდ სტალინი შემოსცქეროდა გამჭრიახი თვალებით, აქაოდა ვერაფერს დამიმალავთო.

არიქამ შიშინად აარიდა მზერა. საითკენ არ გაინწევდა, ბელადიც თითქოს იქითკენ მიბრუნდებოდა... დურუც და მართალიც პირს განზე აბრუნებდნენ, ბელადს ვერ უსწორებდნენ თვალს.

ბულვარიდან სასულე ორკესტრმა დასცხო. რადიოში ვილაცა გრძელ ლოზუნგს ჩასძახოდა — სიტყვები გაუგებარი იყო, პასუხად კი უწყვეტი „ვაშა“ აიჭრებოდა, აშხუვლდებოდა, სახურავებს გადაუვლიდა და ექო მრავალგზის ბრუნდებოდა.

წინ, სადაც ქუჩა რკალივით უხვევდა, ხალხი აჩოჩქოლდა. დემონსტრანტებმა ლობეებსა და ხეებზე მიყუდებული დროშები და ტრანსპარანტები აკრიფეს და ხელახლა ეწყობოდნენ.

კუკური მასწავლებელი მოქაქანდა თავისი განუყრელი მეგაფონით.

— დააენწყვეთ, დააენწყვეთ!

არიქამ და დურუმ სახელურებს ჩასჭიდეს ხელი, მართალიმ ჭოკი ასწია და ბელადის უზარმაზარი პორტრეტი შექანდა, ტილოს თითქოს ტალღამ გადაურბინაო, შეთრთოლდა... მოეჩვენა მართალის, ძია სტალინმა უკმაყოფილოდ გადმოხედა და უღვაშებში ჩაიდუღუნა: „ნელა, ყმანვილო, ნუ გადმომამგდე!“

— ნელა, ყმანვილო, ნუ გადმომამგდე! — ჭაღარა ვეტირანმა გაიარა და ყმანვილებმა უნებლიეთ გზა გადაუღობეს, ლობისძირა თხრილისაკენ უბიძგეს.

— ნააბიჯით იაარ! — იყვირა კუკური მასწავლებელმა.

დაიდრნენ... ისე ჩანდა, თითქოს დევგმირი სტალინი თავისი ფეხით გამოსულა დემონსტრაციაზე და აუჩქარებლად მიაბიჯებსო.

აღმები აფარფატდა, ატყლაშუნდა, ჰაერში წითელი გადმოიღვარა.

„იქ, ჩხერიის სათავესთან ვილაცა იყო, — ფიქრი აეკიდა მართალის, — იქნებ მტერი, შპიონი, ტროცკისტი... მე კი არ გავაცხადე!“

გაისად ალბათ კომკავშირში მიიღებენ. გამოიძახებენ კომკავშირულ სამსჯავროზე და მკაცრად მოკითხავენ — „პიონერო მართალი თოდუა! შენ თუ კაი კაცი ხარ და საკუთარ სახელს არ არცხვენ, ხელი რად დააფარე მტერს, ბუჩქებში რომ მოიპარებოდა და ჩვენს დიად სამშობლოს საშინელ დივერსიას უმზადებდა?!“

აგერ, ბელადის გამჭრიახ თვალეშიც ასეთივე კითხვა ამოიცნობა...

კვლავ შეფერხდნენ. ბიჭებმა ტვირთი ძირს დადგეს და შეისვენეს.

ბერიას ქუჩიდან ქალთა სკოლის კოლონა მოიწვედა და იმას უთმობდნენ გზას. კოლონას სატვირთო „პალტარატონკა“ მოუძლოდა. ცხვირზე ლენინის პორტრეტი ედგა. გვერდებზე წითელი ტილო შემოევლოთ, რომელზეც თეთრი ასოებით ეწე-

რა: „ყვავილებით გადაშლილები, ჩვენ ვართ ილიჩის შვილიშვილები!“ ძარაზე ჩაის ბუჩქები ჩაერგოთ, შუაში კი წლის მონაგარის პირამიდა იდგა — სიმინდის ტაროები, გოგრები, ყურძნის მტევნები, ნაირნაირი ხილი. ეს ყველაფერი ერთიერთმანეთზე ეწყო, ხოლო სულ მაღლა, პირამიდის თავზე წითელფოჩება კაბიანი პატარა ფერია იდგა. ერთი ხელით თეჯირს ჩასჭიდებოდა, მეორე წინ გაენვდინა, თითქოს კოლონის თავზე გაფრენას ლამობსო...

— კეკეა, — იცნო არიქამ, — ჩვენი ლესტამბეს და!

— აუ, რა ხილია! — პირი გაანკლაპუნა დურუმ.

მანქანას წითელ მაისურებიანი, შავ ქვედატანებში ჩაცმული გოგონები მიჰყვებიან. უფროსკლასელ, ყანჩა გოგონებს ჭოკებზე წამოცმულ ხელისგულისდადება პორტრეტები მიაქვთ, ალბათ პარტიის ბელადებისა, დიდი სტალინის თანამოაზრეებისა... თუმცა შორიდან გარჩევა ჭირს და წკირზე წამოცმულ თავებსა გვანან...

მაღალი, ალაყული ლესტამბე მედროშეებში დგას და გოგონებს პირდაღებული მისჩერებია.

მზემ უფრო მოუჭირა, ჰაერში მტვრისა და ოფლის სუნი დადგა.

— და-აენწყვეთ! — ისევ მოვარდა კუკური მასწავლებელი. — ნა-აბიჯით იაარ!

— მერე კინოში წავიდე, — არიქამ ეტყობა კინოს ფული იშოვა, — „ფიცი“ გადის!

„იქ ვილაცა იყო, — ფიქრი კვლავ შეუბრუნდა მართალის, — ვილაცა იმალემა! იქნებ მტერია?.. აიღებს და ჩხერიას დანამლავს!“

იყო ასეთი ცნობა გაზეთში, მტრის აგენტებმა წყალი დანამლესო.

წარმოიდგინა ბიჭმა ანკარა, კამკამა წყალი, რომელშიც სიკვდილი იმალემა და უმალ წყურვილი მოეძალა, პირი გაუშრა...

ჭოკზე ჩამოყრდნობილი პორტრეტი დამძიმდა, ხელისგულები ეტკინა... უნდა ეთმინა. ის ხომ უბრალო ბიჭი არ იყო, ის დიდი წინაპრების წიაღში დაიბადა და მან სხვაზე მეტი ტვირთი უნდა ზიდოს.

დიახ, პატარა მართალიმ გამხდარი მხრებით უნდა ზიდოს ტვირთი, რაც მას ორმა დიდმა ბაბუამ დაუტოვა. ამ ქალაქში კიდევ ერთი კაცია, ვინაც ასეთ ტვირთს ეზიდება — ბიკენტი თოლორაია, ლესტამბეს მამა... რალაცა იზიდავდა ამ კაცში, იქნებ შიში ან კიდევ სხვა რამ. რალაცა ძაფები აკავშირებდა მასთან, ალბათ ეს ის ძაფებია, გერასა და ნესტორს რომ აკავშირებდათ ძღვიბი თოლორაიასთან... ამისი გარკვევა ბიჭს არ შეეძლო... შემკრთალი შეხედავდა სტალინის მომლოდინე მზერას — დიდმა ბელადმა ძირისძირამდე იცოდა ყველაფერი, ის ხომ ბრძენთა ბრძენია... რა დროს ფიქრია? ირგვლივ გაუთავებელი ჩოჩქოლია, ბიჭების ჭყანაობა, სიცილი, ქირქილი, ჭიჭყინი... კოლონა დაილალა!

წინიდან უკვე გამოკვეთილად მოისმის სასულე ორკესტრის ენერგიული მარში და დოლების ბრაგუნა... რადიო ახრიალდა, სიტყვების გარჩევა შეუძლებელი გახდა... ისევ და ისევ უწყვეტი „ვაშა“ აიჭრა ცისკენ, ხან ომახიანი, ხან გაუბედავი, მიკნავლებული...

ბაზართან ქუჩა გაფართოვდა. კოლონა კოლონას მიენია და ვაჟები და გოგონები გვერდიგვერდ აღმოჩნდნენ, კარგა ხნით გაიჭედნენ. თეთრბაფთიანი, მწყაზარი გოგონები ინაზებიან, მეტიჩრულად ნაბავენ თვალებს. ბიჭები ცმუკავენ, ენას უყოფენ, ჯღანაობენ.

იქვე, გვერდით ბაზარი ბაზრობს, ხალხი გაცხოველებით ვაჭრობს, მიდიმოდის... დემონსტრანტებს ყურადღებას არ აქცევენ. ურიას ბიჭები დარბიან და გაჰკვივიან: „ცივი წყალი! ჭის წყალი!“ რუსის ფაშფაშა დედაკაცებს „ვარენიკები“ დააქვთ, ბოშებს — მამალოები... ბიჭებს პირი აუნწყლიანდათ...

— მინდა და... — დურუმ, — მერე კინოსთვის არ მეყოფა!

— იყიდე, კინოსთვის მე მაქვს! — თქვა მართალიმ.

არიქამ კი —

— მამალოს აი, ის გოგო არ გირჩევნია?

— იჰ! — დურუმ თავში ჩაუტყაპუნა და გაიქცა.

— მოოემზადეთ! — ყვირის კუკური მასწავლებელი, თუმცა წინ, ოქტომბრის პროსპექტამდე გზა გადაჭედლია და ადგილიდან ვერავინ იძვრის.

ნაცნობი „პალტარატონკა“ შორიახლო დგას. მანქანის ცხვირთან მეფანდურე გოგონები ფანდურებს აჩხაკუნებენ. პირამიდის თავზე კეკემ მოიწყინა, შენუხებული აცეცებს თვალებს, მუხლისთავებს ერთმანეთზე ახახუნებს.

„რა უნდა, რას ნვალობს?“ — გაიფიქრა ბიჭმა და დურუც მოვარდა. გამყიდველთან ზედახორა იყო და მხოლოდ ერთი მამალო შემხვდაო.

— მომანუნინე, რა! — არიქა დაეჯღანა.

— მეც მომანუნინე!.. მეც!.. მეც!.. — აქეთიქიდან შეუძახეს.

დურუმ კუდი მართალის მოუტეხა, თავი არიქას, დანარჩენი პირში იტაცა და კოლონა დაიძრა.

კოლონის თავი ოქტომბრის პროსპექტზე მიმავალ ხალხს შეერთო. იქ, ბულვარში სივრცე მეტია და ამოდენა ბრბოს თითქოს ინოვსო.

მეფანდურე გოგონები დალაგდნენ, თითები მწყობრად ჩამოჰკრეს და ტალღას მიჰყვნენ.

„პალტარატონკაც“ დაიძრა, კეკეს სახე მოეფშხალა.

„რამ შეანუხა?“ — გაიფიქრა მართალიმ. ამასობაში დურუმ და არიქამ პორტრეტი აიტაცეს და მართალიმ ჭოკს სტაცა ხელი.

გოგონათა კოლონამ კვლავ გაასწრო ვაჟებს. ისინი უკვე ბულვარზე გავიდნენ, ვაჟები კი მხოლოდ ბაზრისწინა მოედანს გაშორდნენ. აქედან კეკე პატარა ჩიტუნასავით მოჩანს. მალე პორტრეტმა მთელი წინახედი დაუფარა, მართალის თვალები კვლავ ბელადის მზერას შეეფეთა, თითქოს საყვედურობდა დიდი ბელადი, თავში ეშმაკური ფიქრები ნუ გილუტუნებსო...

ამ ადგილას ქუჩას მოწინავეთა სტენდი გასდევდა. კრემლის კედელსა ჰგავდა, მთელი კვარტალი ეკავა. სამი კოშკი ჰქონდა ჩაყოლებული, თითოზე თითო უშველებელი პორტრეტი გაეკრათ — ლენინის, სტალინის და ბერიასი... კოშკებს შორის ამოყვანილ კედლებზე ერთგან ბელადის ერთგულ თანამებრძოლთა უფრო ზომიერი პორტრეტები ეკიდა, მეო-



რეგან — მოწინავე მუშების, მეჩაიეთა და ძველ რევოლუციონერთა სურათები... აგერ, ზედ ბერიას ფერხთან, სამი მამაცი რევოლუციონერი — გერა კვარაცხელია, ნესტორ თოდუა და ძღვიბი თოლორაია მოაფრიალებენ წითელ ალმებს...

ზულვარსაც მიაღწიეს. მამალოს ნატეხი პირში დადნა, წყურვილი გაუმძაფრა. „იქ ვილაცა იყო!“ — ჩხერიის ლუკლუკა სათავე გაახსენდა... დიახ, იქ ვილაცა იმალებოდა... რა უნდა იმ „ვილაცას“ ჩხერიის სათავეში?.. ვაითუ მტერია და სანამ-ლავს ყრიდა წყალში!.. ახლა ჩხერია მონამლულია... მოჩუხჩუხებს ანკარა, გამჭვირვალე წყალი, ფიქრობ, სუფთააო, სინამდვილეში კი სიკვდილი მოაქვს... სიცხეა, წყურვილისაგან პირი შრება, წყლის დაღვევა კი აკრძალულია...

— გაიშალენით, გაიშალენით!.. — ყვირის კუკური მასწავლებელი.

წინ ოქტომბრის სახელობის მოედანია. მეტი სივრცეა, მეტი სიხალვათე და ბავშვები ცდილობენ მწყობრი დაიცვან. გოგონათა და ვაჟთა კოლონები კვლავ გვერდიგვერდ მოძრაობენ. ვაჟებს სტალინის პორტრეტი და ალისფერი დროშები მიუძღვით, გოგონებს მეფანდურენი და ჭირნახულით დახუნძლული „პალტარატონკა“. პირამიდის თავზე კეკე გასაფრენ ჩიტს აღარა ჰგავს, შესაბრალისად, სანწყლად იყურება და ანგარიშმიუცემლად მუხლს მუხლზე უსვამს.

„რა ემართება, რას ცმუკავს?“ — უკვირს მართალის და უცებ მიხვდება.

საზეიმო წუთები დგება, კოლონები მოედანზე გადაიან.

მეფანდურეებმა სიმების უაზრო ჩხაკუნი შეწყვიტეს, ჰეიო, — ერთმანეთს ანიშნეს და სიმებს სწრაფად, ენერგიულად ჩამოჰკრეს. სოლისტმა სიტყვები ჩქარჩქარა მიაყარა:

*„ჩქიმი სქვამი საქორთუოს მაფშალიეფქ დიკათეს, სტალინიშ ოძირაფუშა მოსკოვიშა მიდართეს, ნა...“*

სოლისტს მთელი გუნდი აჰყვა ერთი ამოსუნთქვით:

*„ურაიდარაიდა, ურაიდარაიდა, ვორაიდა, რანინანა!..“*

მთელი ძალით აგრიალდა სასულე ორკესტრი. ძუმპაძუმპაძუმპას დოლების ბრაგუნი დაერთო და მომღერალთა მცდელობამ უქმად ჩაიარა.

ორი სასკოლო კოლონა — გოგონათა და ვაჟთა, გვერდიგვერდ შევიდა ფართო მოედანზე. გოგონებს წინ აუჩქარებლად მიუძღოდა ის „პალტარატონკა“ და მართალიმ გუნებაში ერთხელაც ჩაიკითხა:

— *„ყვაილებივით გადაშლილები, ჩვენ ვართ ილიჩის შვილიშვილები!“*

კეკემ, ეტყობა, ღონე მოიკრიფა. გასაფრენად გამზადებულივით ხელი წინ განვართა, თუმცა ამ დროს თვალები ცრემლიანი ჰქონდა... მართალიმ ჭოკი მაგრად ჩაბლუჯა, პორტრეტს არ უნდა ეყანყალა, დიდებულად უნდა ჩაეტარებინათ. დურუ და არიქა ხვენშოდნენ, მაგრამ სიამაყე ბიჭებს ძალას მატებდა.

აგერ ორკესტრის ბიძები, ჩასუქებული, გოდორა კაცები, ლოყებს სასაცილოდ ბერავენ. ამათ უკან თეთრად შეფეთქილი ტრიბუნაა. ზედ შავლაბადიანი და შლაპიანი კაცები დგანან, პირისახეზე ოპტიმისტური ღიმილი აზით, ყველას ერთად კი ქუფრი გადაჰკრავს, ე მანდ ჩვენმა ღიმილმა ზედმეტად არავინ გაათამამოსო. ამათ მიღმა, მომცრო კვარცხლბეკზე შესაფერისად მომცრო ლენინია, ვერცხლისფრად შეღებილი, ნაბიჯი გადმოუდგამს, მარჯვენას შორს, თოვლიანი მთების მიმართულებით იშვერს...

საიდანღაც აქლემაპარმენმა ამოყაყვა თავი, ჩახლეჩილი ხმით კარნახობს:

— *„საბჭოთა ქვეყნის სიმტკიცის ვინ არის გამომსახველი...“*

ყმანვილები მჭექარედ, — უფროსები ხმაშენწყობილად, უმცროსები ნალმაუკულმა, — იმეორებენ:

— *„საბჭოთა ქვეყნის სიმტკიცის ვინ არის გამომსახველი...“*

აქლემაპარმენი სათვალისაგან ბეცად იყურება და ცდილობს ხმას მეტი მგზნებარება შესძინოს:

— *„მზესავით გზას ვინ გვინათებს, ვისი ძვირფასი სახელი!“*

ბავშვები ამჯერად ხმას უკეთ უწყობენ:

— *„მზესავით გზას ვინ გვინათებს, ვისი ძვირფასი სახელი!“*

აქლემაპარმენი ღელავს:

— ერთხმად, ბავშვებო, აბა, ერთხმად!  
ვიღაცა წვიკინებს:  
— ერთხმად! — მიხვდება, რომ კარგად არ გამოუვიდა და ენას გადაყლაპავს.  
— „სტალინი, დიდი სტალინი, დიდ ბელადს ჩვენი მადლობა!“ — ყვირის აქლემა-პარმენი და ბავშვები მწყობრად იმიორებენ:  
— „სტალინი, დიდი სტალინი, დიდ ბელადს ჩვენი მადლობა!“  
აქლემაპარმენი ქალაქს ჭმუჭნის, ჯიბეში იტენის, აკანკალებული ხელით სათვალეს იხსნის, იმასაც ჯიბეში იჩრის და თითქმის ხრიალებს:  
— „მის სადიდებლად გუგუნებს საბჭოთა ახალგაზრდობა!“  
ყველანი — ერთად:  
— „მის სადიდებლად გუგუნებს საბჭოთა ახალგაზრდობა!“  
— დიდება დიდ სტალინს, ვაშა ამხანაგებო! — მჭექარედ ჩასძახა ვიღაცამ მიკროფონში და ხმა განივრცო მოედანზე, გადაუფრინა ყველას და ყველაფერს, მიეხეთქა ეთერს და მრავალგზისი ექო უკან დაბრუნდა.  
— ვაშაა! — თვალეები გადმოკარკლა კუკური მასწავლებელმა.  
— ვაშა, ვაშა, ვაშა! — სამგზის მოაღეს პირი ბავშვებმა. ყელის სიმები ეტკინა მართალის, გიჟებივით ზმუოდნენ დურუ და არიქა... წვრილი ხმით გაჰკიოდნენ გოგონები... „აააა!..“ — გადაუარა მთელ ქალაქს და მართალიმ გაიფიქრა: „ბელურებს შევაშინებთ!“ თუმცაღა სად იყვნენ ბელურები...  
გოგონათა და ვაჟთა კოლონები მომიჯნავე ქუჩამ შეინოვა. „პალტარატონკის“ თავზე კეკე ჩაცუცქულიყო და საცოდავად სლუკუნებდა.  
— შეხე, გაეპარა! — ჩაიხითხითა დურუმ.

„ამხანაგი სტალინი ერთხელ კიდევ დარწმუნდა, რომ ჩვენს ქვეყანას ეზრდება პარტიის ერთგული ახალგაზრდობა!“ — დინჯად, აუჩქარებლად ბრძანა იოსებ ბესარიონის ძემ და პორტრეტიდან გადმოვიდა. ხელში ყალიონი ეჭირა, თამბაქოს ტენიდა. მიიხედმოიხედა, ასანთს ვინ მომანოდებსო. გამვლელი შეჩერდა, ასანთს მოუკიდა, თან გაკვირვებისაგან თვალეები დაუმრგვალდა, ხან იოსებ ბესარიონის ძეს მიაშტერდა, ხან ჩარჩოს, რომლის ტილოზე კაცის მოხაზულობა იყო ამოგლექილი. რაკი ვერაფერს მიხვდა, სასონარკვეთით ამოიოხრა და თავის გზას უტია.

იოსებ ბესარიონის ძემ უღვაშებში ჩაიღიმა, თვალის უბეები ჩაეჭუჭკა, წვრილი ნაოჭებით დაექსელა. ბიჭებს — დურუს, არიქას და მართალის, სათითაოდ თავზე ხელი გადაუსვა. მართალიმ იგრძნო, რომ დიდ ბელადს მძიმე და ცივი ხელი ჰქონდა, გული შიშისაგან მოეწურა. დურუ და არიქაც ლენჩე-ბივით იდგნენ...

„ადრეც ვყოფილვარ მერეთში! — იოსებ ბესარიონის ძემ ყალიონით ჰაერი შემოხაზა, მაცხოვრისგორისაკენ გაიშვირა: — ის გორაკი მომენონა, შესანიშნავი ადგილია კვარცხლბეკისათვის!“

ბიჭები თითქოს დაავინყდაო, ფიქრიანი თვალეებით გახედა ხალხმრავალ მოედანს. იქ კვლავაც ომახიანი „ვაშა“ გრიალებდა და ორკესტრის ხმას ისე ახშობდა, რომ სმენას მხოლოდ დოლის ბრაგუნის სწვდებოდა — „ბუმბუმბუმბუმბუმ!“

იოსებ ბესარიონის ძე ნელი ნაბიჯით დაიძრა. ადამიანთა ტალღა ტალღას მიჰყვებოდა, მოედანი მთლიანად წაელეკა, მაგრამ დიდი ბელადის გზაზე ბრბო ორად იხლიჩებოდა, დერეფანი კეთდებოდა. ეს აუარებელი ხალხი უწყვეტად ბლაოდა — „სტალინი, სტალინი, სტალინი!..“ იოსებ ბესარიონის ძეს კი თითქოს ეს ხმები არც ესმოდა. ისე მიაბიჯებდა, ცარიელ სივრცეს მიაპოვბსო. მხრებით ამალღებულიყო ბრბოზე. მის გვერ-

დით ყველაზე მოსული ვაჟკაციც ჩია და ბეჩავი ჩანდა. ის კი გმირთაგმირი, ბუმბერაზთაბუმბერაზი დინჯად კვეთდა მოედანს, მის წინ გახსნილ დერეფანს მიჰყვებოდა, აღფთოვანებულ ბრბოს კი — ბავშვებს, დიდებს, ტრიბუნაზე წამოჭიმულ შავლაბადიანშლაპიან კაცებს სიზმრადაც არ დაესიზმრებოდათ, რომ იოსებ ბესარიონის ძე აქაა მერეთში, მოედანს ირიბად ჭრის და ეს საიდუმლოება მხოლოდ სამად სამმა ბიჭმა — დურუმ, არიქამ და მართალიმ იცის...

— კუკური მასწავლებელი მოგვკლავს! — ჩაიწუნუნა არიქამ.

— ჰო, სურათი გაგვიფუჭდა! — კეფა მოიფხანა დურუმ.

— დავედევნოთ! — თქვა მართალიმ.

დასტაცეს ჩარჩოს ხელი, ფეხს აუჩქარეს.

იოსებ ბესარიონის ძე მოედნის ბოლომდე ჩავიდა, ბულვარის ჩრდილს მიჰყვა, იქიდან მაცხოვრისგორის გზას დაადგა.

კაკლების ჩრდილში, სალუდესთან კაცები იდგნენ. არიქას მამაც იქ იყო, ხელში კათხა ლუდი ეჭირა და უბერავდა.

დიდმა ბელადმა ნაბიჯი შეანელა, იქნებ სიცხეში ლუდი მოუნდა, მაგრამ გადაიფიქრა.

— ამ ლოთებთან ხომ არ დადგება! — ჩაიხითხითა დურუმ.

იოსებ ბესარიონის ძე ხიდზე შეეკონდა, ჩხერიის წყალს ჩააცქერდა, ალბათ გრილი ნიავი ესამოვნა.

ბიჭებიც შეეკონდნენ. ვერ ბედავდნენ ხმის ამოღებას, ან როგორ უნდა ეთქვათ, ძია სტალინ, ჩარჩოში დაბრუნდი, თორემ კუკური მასწავლებელს ვერ გადავურჩებითო.

გზა ქვით მოკირნლულ, ვინრო ორღობით გრძელდებოდა. ალაგალაგ ამონგრეულ ოღროჩოღროებში გუბეები ჩამდგარიყო.

— ფეხს არ ადგამს! — ჩაიჩურჩულა მართალიმ.

იოსებ ბესარიონის ძე მართლაც ისე მიდიოდა, მინის პირს ფეხს არ აკარებდა. არც ნაბიჯის ხმა ისმოდა. გუბურას თუ გადაუვლიდა, წყალი არ ირხეოდა, ფეხსაცმელზე ტალახი არ ეცხებოდა.

კაცმა გამოიარა. ტანმაღალი ვინმე იყო, შორიდან თავადერებული მოდიოდა. ბელადს რომ შეხედა, ნირი ეცვალა, ლობეს ზურგით აეკრა.

იოსებ ბესარიონის ძემ ჩაუარა, თურმე ის კაცი იდაყვამდე ძლივსლა სწვდებოდა.

— მართლაც დიდია! — შიშნარევი აღფთოვანებით ჩურჩულებს არიქა. დურუმ და მართალი თავს უქნევენ.

ესენი კვლავ ცარიელ ჩარჩოს მიათრევენ. უფრო და უფრო უმძიმთ, ხშირ ხშირად ისვენებენ, არ ჩამოვრჩეთო და წინ წასულს სირბილით მიენევიან.

მაცხოვრისგორის ფერდობი გამოჩნდა, შემოდგომას მისთვის ოდინდელი სიხასხასე წაურთმევია.

კიბის საფეხურები ჯაჭვივით გაბმულა, ბოლო არ უჩანს.

იოსებ ბესარიონის ძემ მოიხედა, ბიჭებს ყალიონი შეთქმულივით დაუქნია და კიბეებს აუყვა. აუჩქარებლად და მსუბუქად მიიწევა, ბიჭები კი ქოშინით მიჰყვებოდნენ.

ძნელი იყო აღმასვლა. წინ მიმავალი დიდზე დიდი ბელადი საფეხურს ფეხს თითქოს არც აკარებდა. ბიჭებს კი ღონე დააკლდათ... ჩხერიისპირას განოლილი მერეთი დაბლა ეშვებოდა, შემოდგომის ყვითელ, ვარდისფერ და მწვანე ფერებად განფენილიყო... ბულვარიდან, მოედნიდან, ქუჩებიდან მხიარული მუსიკა ისმოდა. ალბათ დემონსტრაცია დამთავრდა და სასულე ორკესტრი სასეირნოდ გამოსულ მოქალაქეებს ართობს.

— უჰ, მეტი არ შემძლია! — საფეხურზე დაეშვა არიქა.

დურუსა და მართალისაც გაუჭირდათ, მაგრამ არიქა მთლად უღონო იყო, ისედაც ლიფსიტას ჰგავდა.

შეისვენეს.

იოსებ ბესარიონის ძეც შეჩერდა. საკმაოდ შორს იყო წასული, გორაკის თავამდე ცოტალა აკლდა და არ ჩქარობდა. ქალაქს გადაჰყურებდა. აქედან მერეთი უფრო ფართო ჩანდა. მისი შორეული გარეუბნები ჩაის პლანტაციებსა და სიმინდის ჩაყვითლებულ ყანებში გადადიოდა.

შორით შორ ჰორიზონტს ბურუსი ეხვია, ზღვის სილურჯეს ფარავდა.

— წავიდეთ! — თავს ძალა დაატანა არიქამ, მეგობრებისა შერცხვა.

— ნელა იარე, ჩარჩოს ჩვენ წამოვიღებთ! — დიდსულოვნად შესთავაზა დურუმ.

გზა განაგრძეს. ყოჩაღად მიმავალ ძმაკაცებს არიქაც ნელინელ მიჰყვა.

აგერ ასმეერთე საფეხურიც.

აქედან ვინრო ბილიკი იკლაკნებოდა და ბიჭები ბურჩებს ებლაუჭებოდნენ.

დიდი ბელადი აღმა მიიწვედა, მიწას ფეხს არც ადგამდა.

და აი, მაცხოვრისგორის თავიც გამოჩნდა. ოდესღაც აქ თეთრი ტაძარი იდგა. ახლა მხოლოდ ნანგრევები დარჩენილიყო, რუხი ლოდები, სუროთი ჩახლართული, კატაბალახითა და ჭინჭრით მოსილი... ზედ გადმოსახედზე ზღუდის ნარჩენი გადარჩენილიყო და იოსებ ბესარიონის ძე მასზე შეჩერდა. იდგა და გადაჰყურებდა შორეულ ჰორიზონტს. იქნებ იგი უფრო შორს იხედებოდა, ვიდრე ერთად აღებული ყველა ბიჭი, იმ ბურუსიან ცისკიდის მიღმა გაშლილ ზღვასაც ხედავდა და ზღვათა მიღმა განოლილ ქვეყნებსაც...

ბიჭებმაც ბილიკი ამოათავეს. ზღუდესთან მოკრძალებით გაჩერდნენ. დიდი ბელადი ისეთი ახოვანი ჩანდა, ისე მტკიცედ იდგა, სალდათურ შინელსა და ქირზის ჩექმაში, ყალიონით ხელში, საკუთარ ძლიერებასა და ყოვლისშემძლეობაში დარწმუნებული, რომ შემკრთალმა ბიჭებმა ჩარჩო ძირს დადეს და პირდაღებულნი მიაჩერდნენ.

მზე დაბლა გადაქანდა, მენამული დაედო. იოსებ ბესარიონის ძის ფეხებთან მენამული ჩრდილი განვა, დაგრძელდა, ბიჭებს გადმოეფინა. წამში აცივდა. ჩრდილი კი თანდათან განივრცო, ქალაქის თავზე გაიშალა და სამყაროს ფერადოვნება ერთიანმა რუხმა ფერმა შეცვალა.

იოსებ ბესარიონის ძემ გაყურულ ბიჭებს გადმოხედა და ერთხელაც თქვა:

„შესანიშნავი კვარცხლბეკია!“

ყალიონი გადმობერტყა, შეტრიალდა და ჩარჩოში აღმოჩნდა.

— რა თქვა? — ჩურჩულით იკითხა არიქამ.

— რალაც შესანიშნავიაო! — დურუმ მხრები აიჩეჩა.

— აქ ბელადის ძეგლი უნდა აღიმართოს! — განაცხადა მართალიმ.

— ერთი ამათ დამიხედე, სად ამოხეტებულან! — თითქოს მიწიდან ამოძვრაო, ბიკენტი თოლორაია ზღუდის ნანგრევზე შედგა, ჩექმაზე მათრახი გაიტკაცუნა.

ბიჭებს მოულოდნელობისაგან გული გადაუქანდათ.

— ვინ ამოიტანა ეს პორტრეტი? — მკაცრად იკითხა ბიკენტიმ. — რას აპირებდით?

— ჩვენ ხომ პიონერები ვართ, — თავი მოისაწყლა მართალიმ, — აქ კი კარგი ადგილია... აი, ეს კვარცხლბეკია სტალინის ძეგლისათვის...

ბიკენტიმ მიმოიხედა, ლოდს ფეხი დაჰკრა, სიმტკიცე შეუმონმა.

— უყურე შენ, — გაიკვირვა, — მართლაც გამოდგება კვარცხლბეკისათვის!

ზღუდიდან ჩამოხტა, მართალის მეგობრულად მოხვია მხარზე ხელი, იქვე ქვაზე ჩამოჯდა და მთლად შინაურულად ალაპარაკდა:

— კარგი ბიჭები ყოფილხართ! ეს პორტრეტი დიდი კია, მაგრამ ქალაქიდან არ გამოჩნდება, აქ უზარმაზარი ბრინჯაოს ძეგლი უნდა დაიდგას. ამიტომ პორტრეტი უკან, სკოლაში წაიღეთ, თანაც, — ხმაში უკმაყოფილებს გაურია, — ეს ხომ დიდი სტალინის პორტრეტია, აქეთიქით მისი ტარება არ შეიძლება! სად არის თქვენი მასწავლებელი, ან დირექტორი, მაგათ ჩვენ ყურებს ავუნევთ! — ნაძალადევად ჩაიცინა, ვითომც ვხუმრობო. — ახლა ეს მითხარით, იმ დღეს რომ შემხვდით, იქითა მხარეს, საეჭვო ვერაფერი ნახეთ?

და მაშინ მართალიმ, სულსწრაფად, ალბათ იმიტომ, მასწავლებელსა და დირექტორზე საშიში საუბარი ჩაეფარცხა, ბავშვური გულუბრყვილობით დააგდო:

— კი, ნეანდარტალელი ვნახეთ!

— ნეანდარტალელი? — გაოცდა ბიკენტი, სინითლემ გადაურბინა, ბიჭი დამცინისო, თუ იფიქრა.

— ჰო, ნეანდარტალელი... ჩხერიის სათავესთან...



— თქვენც ნახეთ? — ღურუსა და არიქას დაეკითხა ბიკენტი.

— ჰო! — თქვა ორივემ, თავი კი უარის ნიშნად გააქნიეს.

— ჰო თუ არა? — ჩააჯინდა ბიკენტი.

— შეგვეშინდა, მაგრამ არ გვინახავს! — ხმა ჩაუვარდა არიქას.

— თითქოს გვიყურებდა, ჩვენ კი არ გვინახავს! — დაემონმა ღურუ.

მართალიმ ენა მოიკვნითა. იგრძნო, რომ რაღაც ცუდი მოხდა, ოღონდ ვერ მიხვდა რა... „მე ხომ გავიხუმრე? — წყენით ფიქრობდა. — ნეანდარტალელი მუზეუმის კედელზეა!..“

დიდხანს ჩამოდიოდნენ ფერდობზე, დაღლილნი, უხალისოდ, თან მოათრევდნენ ვეებერთელა პორტრეტს. სურათზე განოლილი დიდი ბელადი ახლა ცისკენ იყურებოდა. „მეორე მხარეს რომ ჩანს, ის ალბათ — მინისკენ!“ — გაიფიქრა მართალიმ.

## 28

— მამაშენია, შვილო! — ეფრომ მხარზე ხელი მოუჭირა. ხელისგული ყინულივით ცივი ჰქონდა და ფრჩხილები კანში მტკივნეულად ჩაეჭდო.

ტატარი წუმპეში ეგდო, სისხლისაგან იცლებოდა... თითებით ტალახი მოფხოჭნა, კრუნჩხვამ დაუარა და გაყუჩდა, გაშეშდა... თავდაღმა იწვა, კისერი უხერხულად მოეღრიცა. გაუპარსავი, შიშით გათანგული, ტანჯული პირისახე თითქოს დაუნყნარდა. თვალეები ღია დარჩა და შიგ ცის ლურჯი ანარეკლი თანდათან ქრებოდა.

— ესეც ასე! — თქვა ვავა ზარქუამ და მაუზერი ბუდეში შეინახა.

ოთხი სხვა ჩეკისტი ღობის მიღმა იდგა...

გადაიგრიალა საშვიდნოემბრო ზეიმმა, ახლა მერეთს თვლემისმომგვრელი სინყნარე ეფინა... სადმე დედალი თუ აკრიახდებოდა, ანდა სიმინდით დატვირთული ურემი ჩაივლიდა ქრიალით.

ეზოში, მზეზე თბებოდნენ. ბიჭი ცდილობდა მოწყენილობა ძველი, დანჯღრეული პატეფონით გაექარვებინა. სახელურს აწვალებდა. ფირფიტა მრავალგზის იყო ნახმარი და გაფხაჭნილი, ხმა ეხრინნებოდა. მეფანდურე ქალები სიხარულით მღეროდნენ: „ჩქიმი სქვამი საქორთუოს, მაფშალიეფქ დიკათეს...“ ხალისს თანდათან უმატებდნენ — „ურაიდა რაიდა, ურაიდა რაიდა, ვორაიდა, ვარაიდა, ნა...“

ეზოს მწვანე მოლი ეფინა, თუმცა ფერი შემოდგომას შეერბილებინა... ერთგან კი ღორის ნაჩიჩქნზე წუმპე ჩამდგარიყო.

ცაცანას მუხლზე ბელადის პირველი ტომი ედო და უკვე მერამდენედ უღმავდებოდა.

ეფრო ჯორკოზე წელგამართული იჯდა. ახლადდავარცხნილ ჭალარას თავშალით იკავებდა და ხელები ასევე გაუშეშდა კეფასთან.

— მოიცა!

ეზოს ბოლოში ნეზვი იჩიჩქნებოდა, ხანდახან დინგს ასწევდა და ფირფიტის გახრიალებას გაოცებული ღრუტუნით შეეხმიანებოდა.

— მოიცა! — გაიმეორა ეფრომ.

ქუჩაში ჩოჩქოლი და მამაკაცების შეძახილი გაისმა.

ჰაერში ტყვიამ გაიზუზუნა.

ცაცანას წიგნი დაუვარდა, მუხლებზე ხელები დაიყრდნო და წამოიწია, მაგრამ ველარ წამოდგა.

ეფრო ადგილიდან არ დაძრულა.

ჭიშკარი შემოხეთქა კაცმა, ისე ჩქარობდა, ჩექმებიდან ამოხტომას ლამობსო.

გამიტკალებულს, თვალეები ფოსოებში ჩასცვენოდა, გაუპარსავი ნიკაპი უკანკალებდა.

ხელები გამოიწოდა, ძლივსლა თქვა:

— დედა, მიშველე!

ეფრო წამოიმართა, რაც იყო, იმაზე მაღალი გამოჩნდა. თმას შეეშვა და ხელები გაშალა, თითქოს ლტოლვილის გულში ჩაკვრას და გადარჩენას ლამობსო.

მდევართა შეძახილი და ფეხების ბრავაბრუგი სულ ახლოს გაისმა.

კაცი გაიქცა, ეკლიან ღობეს მიაწყდა. ადრე, ალბათ იოლად გადაეკლებოდა, ოღონდ ტრიფოლიატს არავინ კაფავდა, ზომაზე მეტად გაიზარდა, ეკლის კედლად გადაიქცა. ლტოლვილი გვიან მიხვდა შეცდომას, ის მშველელი წამიც შემოაღწა, უკანა ეზოსკენ შებრუნდა, უცაბედად ფეხი დაუსხლტა და ამოტრიალდა.

ვავა ზარქუას ნასროლი ტყვია მაშინ მისწვდა, როცა უკვე ეცემოდა.

წუმპეში ჩაემხო ტატაჩი და სიმწრით მიწა და ტალახი მოფხოჭნა.

— ესეც ასე! — თქვა ვავა ზარქუამ.

ბიკენტი თოლორაიამ მოირბინა ამ დროს. მრგვალი პირისახე გასთეთრებოდა, ხელი ოდნავ შესამჩნევად უცახცახებდა. ავად გადახედა ვავას, თქმით კი არაფერი უთქვამს.

პატეფონი ხმას იხლეჩდა. ნაფხაჭნზე ნემსი ველარ გადადიოდა და მეფანდურე ქალებს სიხარულით ამოეჩემებინათ: „ჩქიმი სქვამი... ჩქიმი სქვამი... ჩქიმი სქვამი...“

ცაცანამ ამოისლუკუნა, ეტყობა გული მისდიოდა, მერე ჭალარა თავი მუხლებზე ჩამოუვარდა და ყრუ ზმუილი გამოსცა.

ეფრო გახევებული იდგა. გამხდარი თითები შვილიშვილის მხრებისთვის ჩაეჭდო. თვალმოუცილებლად, კუშტად უყურებდა ბიკენტის.

— დეზერტირი იყო და მოლალატე! — ზიზლით თქვა ვავა ზარქუამ.

— დეზერტირი იყო და მოლალატე! — გაიმეორა ბიკენტიმ, პირი განზე მიაბრუნა. — ძლივს მოვიმწყვდიეთ!

— უხ, უხ, უხ!.. — შეეხმიანა ნეზვი ეზოს კუთხიდან, დინგი აიშვირა, ჰაერში სისხლის სუნს იჭერდა.

მართლის შესცივდა, ცახცახმა დაუარა. ხელისგული პატეფონის სახელურს მიენება და ველარ უშვებდა... „ნეანდარტალელი... ნეანდარტალელი...“ — ტვინში რეკდა და ვერ მიმხვდარიყო, რისთვის ამოეჩემებინა.

— საცოდავი ჩემი შვილი! — ხმადაბლა გამოსცრა ეფრომ.

— დეზერტირი იყო და მოლალატე, შენც კარგად იცი მაგი! — ბრაზით გაიმეორა ბიკენტიმ.

მართლის აზრი ზოზინით მოძრაობდა. ალბათ ყოველივე სიზმარში ხდებოდა, მაგრამ ტკივილიანი იყო ეს სიზმარი. აგერ კაცი გდია. მთელი ეზო მოლითაა დაფარული. ის კი მაინცდამაინც წუმპეში ჩავარდა... მამა იყო, მაგრამ მოლალატე და დეზერტირი, და მართლის გული ორად გაიხლიჩა, სიბრალული და სირცხვილი ერთმანეთს ვერ შეარიგა.

— საცოდავი ჩემი შვილი! — ჯიუტად გაიმეორა ეფრომ.

ცაცანამ ზმუილს უკლო, გაყურდა.

ბიკენტი არ შეპასუხებია ეფროს, ბიჭისაკენ გადმოალაჯა.

მართალი მოიკუნტა, თავი კისერში ჩაუძვრა, თითქოს დარტყმას ელისო. კაცმა ფირფიტა ააგლიჯა პატეფონს და მოისროლა.

გახედა ეფრომ თავის საცოდავ შვილს, მერე ბიკენტის და შურისგებით უთხრა:

— სტალინზეა ეგ სიმღერა, ბიკენტი!

ბიკენტიმ ზურგი შეაქცია, ჩეკისტებს გასძახა:

— რა ჭირისუფლებივით დამდგარხართ, მანქანა მოიყვანეთ!

— უხ, უხ, უხ! — ნეზვი დაიძრა ეზოს კუთხიდან, თავი მალა აეშვირა და ხროტინებდა, სისხლის სუნს გადაერია.

მიცუხცუხდა წუმპეში ჩაგდებულ კაცთან, დინგი სისხლის გუბეს ატაკა.

შეაძაგძაგა მართლის, უცბად რალაც ძალამ აიტაცა, ბებიის ხელს დაუძვრა და წინ გავარდა.

ნეზვმა სისხლიანი დინგი შემოაგება, კბილები საზარლად გაანკაპუნა. საიდანლაც ჯოხი დაადრო მართალიმ, დაუზოგავად ჩასცხო და ჩასცხო პირუტყვს, გაქცეულსა და აჭყვირებულს სდია.

მერე ყველაფერი დაავიწყდა... თვალთ დაუბნელდა, ყურებში ჯერ შხუილი ჩაესმა, მერე სმენა დაეხშო.

სინყნარე ჩამოეფინა მართალი თოდუას სულში...

ვითომ ეძინა და თვალი გაახილა ბიჭმა. ვითომ თავის ოთახში ნევს. ფართოდ გახსნილი კარიდან და ფანჯრებიდან სინათლე უხვად იღვრება, ოთახს პირთამდე ავსებს, იმდენია, საგნების გარჩევა ჭირს... ეგერ წითელყდიან, ოქროსვარაყიან ტომებზე ათინათობს... კარს იქით გრძელი აივანია, ფართოდ გა-

დაშლილ მერეთს გადაჰყურებს, რალაცნაირად გაკამკამებულნი, ნათელი სივრცე იშლება, ლურჯი ცით, თეთრი მთებითა და ჩხერიის მწვანე სანახებით შემოსაზღვრული.

მოულოდნელად ჩრდილი ეცემა, თითქოს უხილავი ღრუბელი გადაეკრაო ცას... აგერ ისიც! წარმოუდგენლად დიადი რალაც... თავით ცის გუმბათს სწვდება... კიტელი და გალიფე, გაპრიალებული სალდათური ჩექმები... ხელში ჩიბუხი უჭირავს და ფიქრიანად დასცქერის ფერხთით აფუსფუსებულ ქალაქს... შიში და აღტაცება ავსებს მართალის სულს... „ვაშას“ უტყვ ძახილში იხრჩობა, სურვილი თაყვანისცემისა პირთამდე ავსებს...

— მართალი, შვილო! — ეფრო ბებიას სუსტი ხმა სწვდება სმენას.

— მართალი, შვილო! — კვენესის ცაცანა ბებია.

თითქოს უკუღმა დატრიალდა დროის სათვალავი. მართალი აწვალებს პატეფონის სახელურს. ფირფიტა ტრიალებს და ჩახლეჩილ ხმებს გამოსცემს. მეფანდურე ქალები მონდომებით აბულბულებენ: „ჩქიმი სქვამი საქორთუოს, მაფშალი-ეფქ დიკათესი... ურაიდარაიდა, ურაიდარაიდა, ვორაიდა, ვარაიდანა...“

ეზო გადაირბინა დეზერტირმა და მოლალატემ. დიდი ხნის გაუპარსავ წვერში ჭაღარა მომრავლებია. შიშისაგან სახე გამიტკალებია. ტყელრეში გდებისაგან ტანისამოსი შელახვია. ღამის ყაჩაღსა ჰგავს და ბიჭმა ამ კაცში ნაცნობი და მშობლიური ვერაფერი ამოიცნო.

ფეხი დაუცდა ტატაჩის და, როცა ვარდებოდა, ვავა ზარქუას ტყვია მაშინ მიენია.

წუმპეში ჩავარდა და სისხლისაგან დაინრიტა... ეფრომ თმას ხელი უშვა, ჭაღარა, ბუნკა თმები აენენა. ბიჭის მხარს ფრჩხილებით ჩაჰფრენოდა, მზერა ბიკენტის მიაყინა... „სტალინზეა ეგ სიმლერა, ბიკენტი!“ — შურისგებით გამოსცრა ეფრომ. ეზოს ბოლოდან კი გაავებული ნეზვი წამოვიდა ხროტინით, სისხლის სუნს მიეტანა...

როდის მოხდა ეს? ნუთუ მართლა მოხდა?

— მამაშენია, შვილო! — ყრუდ, დაღლილად წარმოთქვა ეფრომ.

ბიკენტის შეხედა მართალიმ. კაცს ჩექმებზე ტალახი მოსცხებოდა. რუხი გალიფე და კიტელი ეცვა. ყველა ღილი ვინროდ შეეკრა. საულვაშეზე ჰანია, ვინრო ულვაში დაეტოვებინა. ცხვირზე პენსნე მოერგო და მრგვალი სახე სწავლულს მიუგავდა... როდის დაიყენა ულვაში ასე ბიკენტიმ, — გაუკვირდა მართალის, — ან სათვალე როდის მოირგო?

— ჰო, ნეანდარტალელი! — თქვა უნებლიეთ.

— რა? — წამოწითლდა ბიკენტი, ჯიქურ შეხედა დედაბრებს. — ერთი საათის დრო მომიცია, ეფრო! — ასე ბრძანა...

# წიგნი ემოკა

კვარცხლბეკი, 1953

*ბელადი დადგა რუხი მაზარით  
ჩუქურთმის სხივით მოხატულ ქვებზე.  
ციდან მზის შუქი უზარმაზარი  
გადმოშლილა და ეხვევა მხრებზე...*

რ. ბ-ძე



და ამონათა მეხსიერების სიღრმიდან დიადმა მამამ. იგი მოაბიჯებდა მერეთის ქუჩაში, მზე დაჰნათოდა და თვითონაც მზესავით მაღალს თავზე ოქროს შარავანდი მოსავდა... მარადის უნდა ევლო ხალხთა შორის მოუღლელად, რაკილა ზღაპრული სასმისი შეესვა და უკვდავებს ზიარებოდა... დაიხარა იოსებ ბესარიონის ძე, თავზე მძიმე, ცივი ხელი დაადო და უთხრა:

„მამათა დანაშაულზე შვილები პასუხს არ აგებენ!“

— მამა! — ხმადაბლა, შიშინად მოუხმო მართალიმ და თვალი გაახილა.

იოსებ სტალინმა გადმოხედა მკაცრად და ყმანვილს გული ჩაუვარდა. გონს ძლივს მოეგო, ძლივს გაიხსენა, რომ დიდი ბელადი ნაცრისფერი კედლიდან გადმოჰყურებდა და ნუხელ თვითონ, საკუთარი ხელით გააკრა ეს სურათი იმ ადგილას, სადაც ადრე, ბავშვობის დროს, ოთხი ბელადის ნაჭრილი თავები ახსოვდა. ღამე, ბინდში თვალეზილა მოუჩანდა ბელადს და მართალიმ კარგა ხანს ვერ დაიძინა. თრგუნავდა ეს მზერა, აფორიაქებდა, თითქოს ყმანვილის ყოველ ნაფიქრალს ზვერავსო, აზრის მდინარეებს უმონმებსო... „მხოლოდ ერთგულებსა აქვთ სიცოცხლის უფლება!“ — თქვა ერთხელ ვავა ზარქუამ... ეს იყო მაშინ, როცა ათი წლის მართალი სიკვდილის კარიბჭესთან იდგა და ნაბიჯილა რჩებოდა, როცა ბიკენტი თოლორაიამ სტაცა ხელი, უკან მოაბრუნა... „პატარაა, გზაში დაიღუპება!“ — შემრიგებლურად უთხრა მოადგილეს, ვავამ კი უხსებელივით წაისისინა — ეგ გველის წინილიო. ბიკენტიმ არ აცალა, სიტყვა ნაართვა, „პავლიკ მოროზოვის ამბავი ხომ იცი?“ ვავამ ენა გადაყლაპა, პირი მიაბრუნა... მართალის საფიქრალი შერჩა, უნდა მოეაზრებინა, რატომ ახსენა ბიკენტიმ პავლიკ მოროზოვი, კარგია ეს თუ ცუდი, მაგრამ ფიქრის ღონე აღარა ჰქონდა, მისი გონება უცხო რამ სენს შეეპყრო. იმ წუთიდან, როცა ვავა ზარქუამ ტყვია გაისროლა, მართალი

ავად გახდა, თვალში ბინდი ჩაუდგა, სმენა დაეხშო. სიზმრეთის ქვეყანაში იმოგზაურა კარგა ხანს, მერე თანდათან მობრუნდა, იმ სიზმრებში სინამდვილემაც შემოაღწია, თუმცა ყოველივეს აღქმა და გააზრება უჭირდა. ბუნდოვნად ახსოვდა ცაცანას უსასოო ყმუილი, ეფროს უტეხი ხმა — „ბიჭი დამირჩინე, ბიკენტი, და ღვთის წინაშე ყოველივეს გაპატიებ!“ აკივლდა ორთქლმავალი, ვაგონები ერთმანეთს მიეჯახა, ბორბლების აუჩქარებელი დაგადუგი მოისმა... წავიდა მატარებელი, წაიყვანა ეფრო და ცაცანა, საკაცზე გულაღმა წამოწოლილი მართალი კი თითქოს თავისთავად მიცურავდა სივრცეში და ზევიდან ვარსკვლავიანი ცა გადმომხობოდა. იმ მირიადი ვარსკვლავიდან ერთი იყო ეფრო, ერთიც ცაცანა. შორითშორს ციმციმებდნენ ის ვარსკვლავები და მართალი მიხვდა, ვერასოდეს გადალახავდა უსაზღვრო სამანებს, ვერასოდეს მიენეოდა გაუჩინარებულთ და მარტოობით გულშეჭირვებულს თვალზე ცრემლი მოადგა...

ხუთი წელი უცაბედი გაელვებაა ასაკოვანთათვის, მოზარდის ხუთი წელი კი მდორედ მიედინება.

ორმოცდარვის ახალი წელი საავადმყოფოს კედლებში გაატარა. შემდგომ ვერც იხსენებდა, რამდენი ხანი დაჰყო იქ. მეხსიერებას მხოლოდ თეთრი, უწყვეტი ლაქა შერჩა, ალბათ კედლების ფერი, ან თეთრი ხალათების, ანდა თეთრი შიშისა... იქნებ ცხადი იყო ის სიზმარი, ის ზარდამცემი სურათი, რაც ტვინში მკვეთრად ჩაებეჭდა და მერე ვერაფრით თავი ვერ დაირწმუნა, რომ მხოლოდ ურჩხული ეზმანა, ტვინის ხვეულებს ლორწო თათი შეახო და გონება მოუწამლა.

თეთრ პალატაში მარტო იწვა. ციოდა, უსიხარულო, თალხი შუქი იდგა. წამოჯდა. იატაკზე ჯღანი კალოშები ეყარა და ფეხი ზიზლით ჩაყო. სისუსტეს გრძნობდა, შიშინად აკანკალებდა.

დერეფანში ფრთხილად გაიხედა. არავინ ჩანდა. ორმხრივ ჩამწკრივებული კარები მჭიდროდ მიეგმანათ. ალბათ ავადმყოფებს ეძინათ, ან იქნებ სულაც არავინ ჭაჭანებდა.

დერეფნის ბოლოსაკენ გასწია, საპირფარეოსო ეძებდა, სიზმრიდან გამოყოლილი შიში თან სდევდა.

თეთრი რკინის კარი ოდნავ მოღიავებული დარჩენოდათ, იქიდან ჩხაკუნის და ჩუმი ლაპარაკი მოესმა.

ოდნავ მიანვა, კარი იოლად გაიღო და მართალი ზღურბლზე გაეჩხირა. საოპერაციო მაგიდაზე სანთლის გაჩხინკული ბიჭუნა იწვა, თვალები ჭერისათვის მიეყინა. ოდნავ გახსნილი პირიდან მწყობრი კბილები მოუჩანდა. ორი თეთრხალათიანი კაცი თავზე ადგა, თეთრი ნიღბები ეკეთათ. ერთს ხელში სისხლიანი სკალპელი ეჭირა.

აიხედა, უცხო შენიშნა და რალაც ჩაიხრიალა. მეორემაც მოიხედა, თვალები დაუმრგვალდა, შეჭმუხნულ შუბლზე ოფლის წინწკლები დააჩნდათ.

უცბად ვილაცამ ყურში ხელი ჩაავლო მართალის, შემოატრიალა, დერეფანი სირბილით ჩაატარა, პალატის კარი გააღო და უბიძგა. ბიჭი სანოლს გადააწყდა, ზედ დაეცა. ყური უბეზუოდა, მაგრამ ტირილი ვერ გაებედა.

ვავა ზარქუამ დაუბრიალა თვალები, დაუსისინა:

— აქ ეგდე, ნაბიჭვარო!

გვიან მოეგო გონს. მიხვდა, ის კაცი არ იყო ვავა ზარქუა, ის იყო ნაირსახეობა კაცთა, რომელთა თვალეშიც სიკვდილის სიხარული ანათებს. ყოველი ვავას მზერაში განაჩენი იკითხება და პატარა მართალიმ გადაწყვიტა გაქცეოდა საშიშროებას, ეპოვა ძლიერი მფარველი, ვავასნაირთაგან რომ დაიცავდა.

წევს მართალი რკინის ვინრო სანოლზე, თხელი საბანი შემოუხვევია, სიცივისა და შიშისაგან აკანკალებული კარს მისჩერებია, თითქოს ელის, რომ საცაა სკალპელით ხელში შემოვარდება თეთრხალათიანი ვავა ზარქუა, შემზარავი ღიმილით დახედავს, საბანს გადახდის და სკალპელს მუცელზე მოუზომავს. ამ საშინელი ფიქრებისაგან ბიჭს მუცელი უთახთახებს, ძრწოლა იპყრობს.

„ცოტასაც გავიზრდები და სტალინთან გავიქცევი!“ — თავს იმხნეებს მართალი. — „ბელადიც დინჯად, სამშობლოს შვილებს — მოხუცებს, ყრმებს და ახალწლოვანებს, ახვედრებს ღიმილს, ძალსა და იმედს და ახალ ცეცხლით აღაფრთოვანებს...“

ასე რბოდა ჟამი იგი. ერთხელაც მოვიდა კაცი მავანი, ნვერგაუპარსავი, დაბამბული ჯუბა და გალიფე ეცვა, ფეხზე რეზინის ჩექმები. თავზე სვანური ქუდი ჩამოეფხატა და დირექტორად ინოდებოდა. ჩასჭიდა ხელი მართალის, თოვლიანი ქალაქი გადაატარა და განაპირას, მაღალი, ყვითელი გალავნით შემორაგულ ეზოში შეიყვანა, სადაც ასეთივე ყვითელი, დაბალი და გრძელი შენობები იდგა და გაცრეცილი, უსახური ბავშვები ცხოვრობდნენ...

ამიერიდან აქ, უდედმამო ბავშვთა “პრიუტში” უნდა ეარსება სამადლოდ. უნდა დაეძინა ფართო, დაბალჭერიან ოთახში, სადაც რკინისზამბარებიანი სანოლები ოთხრიგად იყო ჩამსკრივებული და ნაცრისფერი, თხელი საბნების ქვეშ სამოცამდე თავგადახოტრილი ბავშვი მოკუნტულიყო... უნდა ესადილა სასადილოში, სადაც მუდამ ქონის გულისამრევი სუნი ტრიალებდა, თეფშებს ცივი წყლით რეცხავდნენ და წყალწყალა წვნიანში ორიოდ, შაურისტოლა კარტოფილი დაცურავდა... ერთად, ხელიხელჩაკიდებულებს უნდა ევლოთ სკოლაში, ცივ კლასებში მობუზულებს, შიმშილით კუჭდამწვრებს უნდა ეზუთხათ ლექსები საყვარელ სამშობლოსა და ბედნიერ ბავშვობაზე... რაც მთავარია, უნდა ყოფილიყვნენ ბეჯითი პიონერები, მერე — ბეჯითი კომკავშირლები და დღემუდამ უნდა ეფიქრათ დიად საქმეებზე, რაც მათს გარეშეც კეთდებოდა...

ქვეყანა თავისი გზით მიდიოდა, აქ კი ისლა ჩამოაღწედა, რასაც შავი რეპროდუქტორი ჩაიხრიალებდა, ანდა ყვითელი გაზეთი მოაფრიალებდა...

აგერ, ახლახან მომკვდარა ანდრო ჟდანოვი, კომუნისტების დიდი მშენებელი, საბჭოთა მწერლების დიდი მეგობარი, მუსიკალური კულტურის დიდი მოამაგე...

აგერ, ჩვენს ქალაქში კენჭს იყრის დიდი სტალინი... „ვისაც სურს, რომ ჩვენი დიადი სამშობლო განუხრელი აღმავლობის გზით მიდიოდეს, ის ხმას მისცემს კომუნისტებისა და უპარტიოების სტალინური ბლოკის კანდიდატებს!“

გორგილაძის ბრიგადამ თურმე ჩაის უხვი მოსავალი მოიყვანა...

პირველი მსუბუქი მანქანა გამოვიდა — „მოსკვიჩი“, 110 კმ სიჩქარით გარბის...

ვისაც გული ერჩის, ნიჩბებითა და ბარებით სამგორის ველს შეესია... „*წყალი სწყუროდა დასიცხულ ყამირს, ამიტომ იყო დღედაღამ მწყრალი, სტალინმა სთქვა — და სამგორის მიწამ უნდა დღეიდან დალიოს წყალი...*“

მტერს ამ დროს, ცხადია, არ სძინავს... „დოცენტი გ. ფხაკაძე თავის შრომებში „გურული ნიორის კარიოლოგია“, „ნაფტალინისა და ქაფურის მოქმედება სიმინდზე“, „ალუჩისა და ტყემლის ქრომოსომების კომპლექსი“ ავითარებს მეტაფიზიკურ თვალსაზრისს, გარკვევით დგება მენდელის-ტურმორგანისტულ პოზიციაზე...“

ჩაიარა ორმოცდამერვემ, უსიხარულოდ, სევდით, ტკივილით... მართალის გულში თანდათან მიწყნარდა შორეული ხმები. მოხდა კი ყოველივე, რაც მეხსიერებას შერჩა? იქნებ იმ დილით არც მობრუნებულა ტატაჩი სიკვდილთან შესაგებებლად? იქნებ ეფრო და ცაცანა თავისი ნებით სადღაც გაემგზავრნენ, ჩასხდნენ მატარებელში და წავიდნენ!.. მოხუცებს რას გაუგებ!.. თანდათან შეეგუა მართალი ამ უფერულ ყოფას, შიმშილის დაუოკებელ გრძნობას, სიცივეს, არსებობისათვის ბრძოლის მარტივ ილეთებს, როცა ყველა გეფიცება, ძმა და მეგობარი ვარო, სინამდვილეში ყველა მტერია... შენც მტერი ხარ, იმთავითვე მტრად დაიბადე!.. ტატაჩის შვილი ხარ და ესეც საკმარისია!.. დედაც საეჭვო სიკვდილით მოგიკვდა და შვილიშვილი ხარ საეჭვო დედაბრებისა!.. სხვა შენს ადგილას თავისი ფეხით ჩავიდოდა დილეგში!.. გველის წინილი ხარ და შენგან მხოლოდ უხსენებელი გაიზრდება!.. პიონერის ყელსახვევი რომ გიკეთია, ეს ფარისევლობაა... ვინ იცის, შენი გული საითკენ იხრება!.. ფარული მტერი მტერზე უფრო მტერია!

აჰ, ეს რა დაგიხატავს?.. ფანქრით თეთრ ქალაღზე!.. „ვერავი მტერი მოიგერია, იყოს დღეგრძელი ჩვენი ბერია!“ ახლავე დახიე, არავინ დაინახოს! ლავრენტი პავლეს ძეს პენსნე უკეთია, შენ კი სათვალე მიგიხატია!.. იცი შენ, ვინ არის ლავრენტი ბერია?.. „*აქ, რასაც ჩვენი სიკეთე ახლავს, არის*

ნაყოფი ბერიას აზრის, ყველაფერს მაღალს, საღსა და ახალს მისი გონების ბეჭედი აზის!..“ ხომ გაიგე, რაც გითხარი!

დიახ, ორმოცდამეცხრე წელი მიედინება... შენდება „ვოლგადონი“... შენდება სტალინის მონუმენტები... „პრიუტში“ მოიტანეს კინო „სტალინგრადის ბრძოლა“...

კინოდარბაზში ბავშვები შეჰყარეს. ეკრანის წინ დირექტორი დგას. სუფთად გაპარსულა. თეთრი კიტელი მოდაშია. ლურჯი შარვალიც. ფეხსაცმელზე კალოშები ამოუცვამს.

— ბავშვებო! — ხმადაბლა ამბობს, ოღონდ მკაცრად. — წლევანდელი წელი დიდი მოვლენებითაა აღსავსე. 16 დეკემბერს სამოცდაათი წელი უსრულდება მთელი ქვეყნიერების ხალხთა დიდ ბელადს ამხანაგ სტალინს. თქვენ კარგად გესმით ამ თარიღის მნიშვნელობა, ზოგიერთი თქვენთაგანი ხომ წელს კომკავშირელი გახდება!.. ჩვენი ქვეყნის ყველა კუთხიდან დიდ ბელადს უგზავნიან მოლოცვებსა და საჩუქრებს... ჩვენც უნდა მოვიფიქროთ რამე!

მართალიმ მოიფიქრა. ვატმანის ფართო ქალღღებზე დახატა პორტრეტი — „ბელადი ქალაქს ეწვია ჩვენსას, დინჯად გახედა მოედანს, ქუჩას...“

„ეს რომ არა, კომკავშირში არც მიმიღებდნენ! — ფიქრობდა შემდგომ მართალი. — დიახაც, ხალხის მტრის შვილს კომკავშირში ვინ მიიღებდა... სტალინმა მიშველა!“

მხოლოდ სტალინს შეეძლო მისი შველა, სტალინს უნდა ეთქვა ის ერთი ფრაზა — მამათა დანაშაულზე შვილები პასუხს არ აგებენო!

ნახატი მოსკოვს გააგზავნეს, სხვა უამრავ საჩუქარში პატარა ადგილი, ალბათ, იმანაც დაიკავა. პასუხად კი მოკლე უსტარი მოვიდა. მომცრო, თეთრ ქალღღებზე მაღლობის სიტყვა ეწერა. ბიჭმა თავდაპირველად არ დაიჯერა, მერე თვლები აუნწყლიანდა, შვების ცრემლებით ატირდა. მას აპატიეს! ამიერიდან მას შეეძლო ჩამოეხსნა მოლაღატის შვილის მძიმე ტვირთი... თითქოს კედლებს მეტი სითეთრე შეეძინა, ცას მეტი სილურჯე, თითქოს მასწავლებლები და ბავშვები უფრო კეთილნი გახდნენ, მორიდებულნი... „პრიუტის“ დირექტორი

სიხარულით აღარ იყო, ხელებს ისე იფშვინებდა, თითქოს მისთვის ეთქვათ მაღლობა. მართალი თოდუამ შეხედა სტალინის პორტრეტს, სკოლის დერეფნის ბოლოს რომ ეკიდა და პიონერული სალამით მიესალმა: „მაღლობა მაღლობისათვის დიდო სტალინ!“

უცნაური კარუსელი დატრიალდა მის ირგვლივ. ზურგსუკან ესმოდა ჩურჩული — „ეს ის ბავშვია? ბედნიერი!“ დირექტორი გაისარჯა, ერთი ხელი ტანისამოსი გაუხერხა. შემოსეს მართალი, დავარცხნეს, გააპენენიკეს, ლექსები აზუთხებინეს და სხვადასხვა კრებასა და თავყრილობაზე გამოჰყავდათ. ისიც ღონეს არ იშურებდა და მონდომებით გაჰყვიროდა: „შენ ჩვენო დიდო იმედო, სწორუპოვარო სარდალო, ჩვენო მამავ და ბელადო, სიტყვით და საქმით მართალო...“ ანდა „როგორ გადიდო, როგორ ეთქვა შენი სადარი ლექსები... რომ შოთა იყოს ცოცხალი, უთუოდ დავესესხები...“ ან „ამ ლექსს თვით ხალხი მკარნახობს, არა სჭირდება მგოსანი, მე მხოლოდ შევკარ, შევკონე რითმების კრიალოსანი...“ ან კიდევ: „თვითონ სტალინსაც ხმას ვაძლევთ, როცა ხმას ვაძლევთ ბერიას...“

ერთხელ თბილისშიც წაიყვანეს, ეს უკვე ორმოცდამეთერთმეტე წელს იყო. კლუბიდან კლუბში დაჰყავდათ. სცენაზე უდებდნენ ბავშვთა ანსამბლი წვრილი ხმით, გულის შემალონებლად მღეროდა: „მთელ ქვეყანას უყვარხარ, ჩვენ სად უნდა გეძიოთ! რა იქნება, ძვირფასო, ერთხელ გორსაც ეწვიოო!..“ მართალი კი ამათ შემდეგ გამოდიოდა რიხით: „დგას ბერიას მტკიცე ხელით ყვავილებში ჩახატული, დგას თბილისი როგორც ტახტი სიცოცხლის და გაზაფხულის!“ ანდა კიდევ უფრო მამაცურად: „სტალინის დროშა გავშალოთ, ორბის ფრთა ნაპერწკლოვანი...“

„ეს ბალანა შორს წავა!“ — ვითომც ასე ჩაიდუდუნა ამხანაგმა მგელაძემ, ან კიდევ ამხანაგმა ჩარკვიანმა, ან სულაც სხვა დიდმა კაცმა (ცხოვრების სცენაზე დიდი კაცები წამდაუნუმ შემოდიოდნენ და გადიოდნენ!), როცა მართალიმ ვაჟკაცურად დასჭიქა: „სტალინ — ჩვენო სიჭაბუკე, სტალინ — მამავ საყვარელო, შენ შეგხარის, შენ გიმღერის მაღლიერი



საქართველო!“ ან იქნებ ეს ლექსი — „სტალინ! სტალინ! ხალხთა მამავ, საყვარელზე საყვარელო — სულ სხვა ეშხით იმზირება დღევანდელი საქართველო!..“ თუმცა რა მნიშვნელობა აქვს, შეაქო ვინმემ მართალი თუ არა, მისი სახელი „პრიუტს“ გარეთაც გაჟღერდა და მომდევნო ორმოცდათორმეტში დარცხვენილი და ლოყებანი თლებული ყმანვილი კომკავშირის მდივნად გაამწესეს...

დრო იყო ჯაშუშებისა და დივერსანტების ძებნისა...

სოხუმში შენდებოდა ვაგზლის შენობა...

მონგოლეთს მოკვდა მარშალი ჩოიბალსანი...

ექვს დაზგაზე მუშაობდა ძაფის ამოხვევის ოსტატი ცი-ალა ლლონტი...

მანკიერი რომანი დაწერა შალვა დადიანმა...

გამსახურდიას „მებრძოლ ნაციონალიზმს აშკარად ფაშისტური ელფერი დაეტყო...“

კორეაში გენერალი რიჯუეი ტარაკნებსა და რწყილებს აომებდა...

„ძირს ომის გამჩალებლები!“ (ყველანი ფეხზე დგებიან. მქუხარე, ხანგრძლივი ტაში, რომელიც ოვაციად იქცევა. გაისმის შეძახილები: გაუმარჯოს ამხანაგ სტალინს! ამხანაგ სტალინს ვაშა!).

1953 წლის ზამთარში მართალი თოდუას გამოელვოდა საკუთარი სახლის ქერქვეშ, სტალინის მკაცრ თვლებს შეეფეთა და, თითქოს თავის დასაცავად, უნებლიეთ ლექსის ორი სტრიქონი ჩაიჩურჩულა: „სტალინ — ხალხთა გაზაფხულო, მშობლიური დიდო სტალინ!“

## 2

— ბიკენტის უნდა უმადლოდე, თოლორაიას, სახლი რომ დაგინარჩუნდა! — უთხრა მარომ მართალის.

მამიდა დარიკოს მარტოასული იყო მარო. ადრე გაათხოვეს თურმე და ადრევე დაქვრივდა, უშვილძიროდ დარჩა. მართალიმ არც იცოდა, ცოცხალი თუ იყო მამიდა დარიკო, ან

რატომ უნდა ეფიქრა ცოცხალიაო, როცა თვითონ მარო ათასი წლის დედაბერსა ჰგავდა, თუმცა ჩიტივით მსუბუქად კი ტრიალებდა. „პრიუტში“ ნახულობდა ნესტორის შვილიშვილს. კვირაში ერთხელ ტალახადის ქუჩასაც ააკითხავდა, სახლს გამოხვეტავდა, თვალს შეავლებდა, ხომ არაფერი დაიკარგაო, მეზობლებს დაუბარებდა, თქვენი ჭირიმე, ყური ათხოვეთ, ობოლს რამე არ დააკლდეს, ცოდოაო...

მართლაც ყოველივე ხელუხლებელი დახვდა მართალის, თუმცა სახლს მაინც დაეტყო დიდი ხნის უპატრონობა. ოთახებში სიცივემ დაისადგურა და სახელდახელოდ დანთებულმა ცეცხლმა იგი ვერ გაანელა. ჭერს ლაქები დააჩნდა. ყავარი დალბა და ნვიმის დროს წყალი ჩამოდიოდა.

სხვა გზა არ ჰქონდა ობოლს, თვითონვე უნდა მიეხედა ყოველივესთვის, მარტოდმარტოს უნდა აენყო ცხოვრება. უნდა შეშვებოდა ეფროსა და ცაცანაზე ფიქრს. ესენი რომ არა, სამყაროს რიგი მწყობრად ჰქონდა ჩამოწერილი. ყველაფრისთვის თავისი ადგილი მიეჩინა. ეს ქვეყანა პირამიდას ჰგავდა, რომლის წვერზე მზესავით ანათებდა დიდი ბელადი. პირამიდის რომელიღაც ნახნაგში, მის ქვედა საფეხურებზე ჩაიკარგა ცაცანა და ეფრო. ეს იყო ტრაგიკული შეცდომა, რაიც ყოველ დიად საქმეს ახლავს თან. ტატარის მკვლელობაც ტრაგიკულ შეცდომათა რიგს განეკუთვნება, თუმცა ტატარი ბრალიანია, ღალატის წილ სიკვდილი სამართლიანობა. ოლონდაც, ტვინში ვერა და ვერ დალაგდა აზრი, რომ სამართლიანი მსჯავრის აღმსრულებელი მაინცდამაინც ვავა ზარქუა უნდა ყოფილიყო, რომლის თვით გარეგნობაშიც ტყის ურჩხული იკითხებოდა.

ამოიოხრა მართალიმ, თავს ძალა დაატანა, თბილი ლოგინი დათმო. ცივ ტანისამოსს იცვამდა და აჟრჟოლებდა. კუთხესთან მივიდა, შპალერის ნახევი გადასწია. იქ „ყაზაყიში გაზეთი“ იმალებოდა. ტატარის სურათი უკვე აღარ ეკიდა კედელზე. იქნებ მარომ გადამალა, ანდა ბიკენტის ხალხმა წაიღო. ეს კი ვერ იპოვეს. მართალი მამას დააკვირდა. რა უნდოდა ტატარის? ვის უღალატა ან რას? რის გამო დაიმსახურა ვავა ზარქუას ტყვია?

ვაგამ წუხელ მოაკითხა. ეზოში არ შემოსულა, ღობეს მკლავებით გადმოეყრდნო და მოაცივდა.

მართალი აირია, არ იცოდა, რა ეთქვა. იდგა მდუმარედ და შეჰყურებდა თავის მტერსა და მოძულეს.

— ბიკენტი გიბარებს! — ისე გამოსცრა ვაგამ, თხელი ტუჩები არც შეურხევია.

უთოვლო, სველი ზამთარი იდგა. მართალიმ ბამბურა გადაიცვა, თავზე ყურებიანი ქუდი ჩამოიფხატა.

საათი არ ჰქონდა და არც ის იცოდა, რა დროს იბარებდნენ. მერეთს გაცრეცილი, თალხი ცა გადმომხოზობდა, ქალაქს უსიხარულო იერს აძლევდა.

ტალახადის ქუჩა სახელწოდებას ამართლებდა. მართალის არყოფნაში მას არაფერი დაჰკლებია და არც არაფერი შეჰმატებია. დრო თითქოს გაჩერდა. ზოგიერთმა მეზობელმა ვერ იცნო. პატარა, მოცუცქნულ ბიჭად ახსოვდათ, ახლა კი ვაჟკაცი ეთქმოდა, საულვაშეზე ღინღლი მოსდებოდა.

რა უნდოდა ბიკენტის, რისთვის იბარებდა? ან ასე უცებ საიდან შეიტყო ყმანვილის დაბრუნება? მაროს ნათქვამიდან ახსოვდა და თვითონაც გრძნობდა, ბიკენტი რომ არ ივინყებდა, თითქოს მფარველობდა კიდეც, მაგრამ, ალბათ, საშიში იყო ეს მფარველობა.

მანამდე არასოდეს ყოფილა ამ შენობაში. ჭუჭყიანი ქუჩის შემდეგ მოპრიალებული კიბე და პარკეტი ეუცხოვა. გრძლად დაფენილმა ფარდაგებმა და დერმატინიანმა კარებმა რიდი გაუძლიერეს. კარების წარწერებიც კრძალვას ბადებდა. თეთრ ფონზე მკვეთრად მოხაზული ასოებით მხოლოდ ინიციალები და გვარები იკითხებოდა. თანამდებობები არ აღენიშნათ, ამით ალბათ ამბობდნენ, ჩვენ ყველანი თანასწორნი ვართ, ერთ საქმეს ვემსახურებითო. აგერ კარიც — „ბ. ძ. თოლორაია“, თამამი, მსხვილი რუსულით და მორიდებული, წვრილი ქართულით.

მდივან ქალს არ გაჰკვირვებია, სკამზე მიუთითა, თვითონ კი ტელეფონი აიღო, რიჩაგი დაატრიალა და ჩასძახა:

— ამხანაგო ბიკენტი, ბიჭი მოვიდა!

პასუხი მოისმინა, მართალისათვის არაფერი უთქვამს, ყურმილი დადო და საქმე განაგრძო. საქალაქში ფურცლებს აკერებდა.

სინყნარე იდგა. ალბათ მთელ ქალაქში ეს იყო ყველაზე წყნარი და მშვიდი დანესებულება, მოსანყენიც კი. საოცარია, თავისი მოკლე ცხოვრების მანძილზე არაერთხელ მიმხვდარა, რომ ქალაქში ემინათ ბიკენტი თოლორაიასი, ემინათ ამ წყნარი სახლისა. რა უნდა იყოს აქ საშიში? ვისი უნდა გეშინოდეს? თავი ასწია და კედელზე ლავრენტი ბერიას თვალებს შეეფეთა... ვისი უნდა მეშინოდეს და ვაგა ზარქუასი, — დაასკვნა თავისთვის... რატომ ითმენს ბიკენტი მოადგილედ ვაგას? ის, ალბათ, შემოპარული მტერია და ცდილობს ციხე შიგნიდან გატეხოს...

ცდამ დიდხანს არ მოუწია. კარი გაიღო და ბიკენტიმ და ვაგამ კაბინეტიდან უცხო სტუმარი გამოაცილეს. უცხო ნავიდა, ორნი კი ყმანვილის წინ გაჩერდნენ.

ვაგას სახეზე კუნთი არ გატოკებულა. მართალი მიხვდა, ამ მელოტის შიგნით, ქოთანში, შხამი და ბალღამი იხარშებოდა.

ბიკენტის პირისახეზეც არ გატოკებულა კუნთი, ოღონდ მკაცრი ნაკვეთბის მიღმა ლმობიერება ამოიკითხებოდა და მართალიმ სული მოითქვა, გაუმხელელი შიში შორს გადამალა.

— ა, თოდუას ბიჭი გვენვია! — ხელი ჩამოართვა ბიკენტიმ, მართალის ბავშვური თითები დაიჭირა და არ გაუშვა. — გაზრდილხარ, დაკაცებულხარ! — გაუშინაურდასავით. — გცალია ახლა შენ?

მართალიმ თავი დაუქნია.

— თუ გცალია, მე და შენ ერთად ვისადილოთ!

გასაოცარი და მოულოდნელი იყო ასეთი ბიკენტი. თითქოს თავს უყადრებდა ყმანვილს, გადაეზიჯებინა თავისი ცივი სიამაყისათვის... და ეს ხდებოდა ამ უხსენებლის, ვაგა ზარქუას თვალწინ. ეჭვი ფორიაქობდა მართალის სულში, ვერ გაეგო, რა თამაში თამაშდებოდა და ბიკენტის ხელიდან თითები დაიძვრინა.

ვაგამ, აქაოდა სადილი მე არ მეხებაო, ზურგი შეაქცია ბიჭს, მდივანის მაგიდასთან დაიხარა და ჩურჩული გაუბა. მისი გამხდარი და მოლუნული ხერხემალი კობრისას ჰგავდა.

კიბეზე რომ ჩადიოდნენ, ბიკენტიმ მხარზე ხელი დაადო, თითქოს ეყრდნობოდა კიდეც, თუმცა ნაბიჯს ახალგაზრდულად ადგამდა და ხელის სიმძიმეშიც ღონე იგრძნობოდა.

მანქანაში ჩასხდნენ, უკან მართალი, ბიკენტი კი მძღოლის გვერდით მოთავსდა. უცებ შემობრუნდა და ჰკითხა:

— ძალიან გიჭირდა, იქ, საბავშვო სახლში?

ყმანვილმა მხრები აიჩჩია, თქმით არაფერი უთქვამს. ცხადია, უჭირდა! არა შიმშილის გამო, არა სიცივის გამო... აღარ ესმოდა ცაცანას პუტუნის, ეფროს ჩახლეჩილი, მკაცრი ხმა და იმიტომაც უჭირდა. გული რომც გადაეხსნა ამ კაცი-სათვის, ყველაფერი რომც ეამბნა, ვითომ გაუგებდა ბიკენტი თოლორაია მართალის გასაჭირს?

— მე არ დამვიწყებხარ, თვალს ვადევნებდი შენს წარმატებებს!

მართალიმ თავი დახარა, ფრჩხილების შემონმებას შეუდგა. სხვათა ლექსების ზუთხვას თუ ეძახიან წარმატებებს! ნეტავი რისთვის ელაქუცება? ბიკენტისი მის შვილს ლესტამბესაც ეშინოდა, სხვა ბიჭებს — მით უფრო. ახლა კი მართალის ტოლივით ესაუბრება, თავს უყადრებს... რა ხერს ელის მისგან?

— არაფერი წარმატებები მე არ მქონია, ლექსებს ვიზუთხავდი და ეგ იყო! — უკმეხად შეეპასუხა, მოუზომავად.

ბიკენტი გაუჩუმდა, ვითომც ვერ შეამჩნია მგლის ლეკვის ეს ღრენა.

— შენ, მგონი, ხატავ კიდეც!

მართალიმ თავი დაუქნია, ლაპარაკი არ ენადა.

თოლორაიების სახლი დიდი კი იყო, მაგრამ გარეგნობით არ ბრწყინავდა. ძღვიბი მოერიდა თანამოქალაქეთა შესაძლო ჭორებს, აქაოდა მეც ხელმოკლედ ვცხოვრობო და ნაცრისფერი, უშნო ყუთი წამოაყუდა, თუმცა ვინც შიგნით შევიდოდა, შთაბეჭდილება უმალ შეეცვლებოდა, რადგან იმ დროს ქალაქში იატაკზე პარკეტი მეტს არავის ეგო, ჭერზე არავის ეკიდა ჭაღები, კედლებზე იშვიათად თუ ვინმეს გაეკრა ჭრელი ნოხები...

ზინაიდა პეტროვნა თვითონაც შინსახკომის ვეტერანი გახლდათ. საიდან გამოჩნდა მერეთში ეს ცხვირპაჭუა, ცის-

ფერთვალა რუსის გოგო, არავინ უწყოდა. ბიკენტი ეჭვობდა, მეთვალყურედ ხომ არ მომიჩინესო. ტრადიციულად თითო რუსი უნდა ჰყოლოდათ ორგანოს იერარქიულ საფეხურებზე, მარადის მეთვალყურეს ერთი ზედმეტი თვალი არას აწყენდა. ეჭვით შეხედა ბიკენტიმ, მაგრამ დიდხანს ვერ გაუძლო ცისფერი თვალების ჟუჟუნს, აჰყვა ცდუნებას და დაუკრეფავში გაისეირნა. მერე შეუძლებელი აღმოჩნდა ხაფანგიდან თავის დაღწევა და არჩია შინ ჰყოლოდა მოყურადე და ამით აეცილებინა საფრთხე, რაიც ყოველ შინსახკომელს თანა სდევდა.

ამასობაში ზინაიდა პეტროვნამ ლესტამბე გააჩინა, მერე კეკე, ისწავლა ჩიქორთული მეგრულქართული, თუმცა „დონესენიებისათვის“ რუსულიც კმაროდა. ამავებისა მართალიმ არაფერი იცოდა. კედელზე ლამაზი, ცქრიალა გოგოს სურათი რომ დაინახა, იფიქრა, კეკე როგორ გაზრდილაო, მაგრამ სურათი ზინაიდა პეტროვნას ახალგაზრდობისა აღმოჩნდა. თვითონ ზინაიდა პეტროვნა ფაშფაშა, ბარაქიან დედაკაცად გადაქცეულიყო, როხროხებდა, ხმაურობდა, ისე შინაურულად და საფუძვლიანად მოკალათებულიყო ამ სახლში და არა მარტო ამ სახლში, არამედ მთელ მერეთში, თითქოს აქ დათესილი და ამოსული ხე ყოფილიყო, სულაც არ გრძნობდა თავს უცხო მიწაზე ჩამოხეტებულად, პირიქით, აქაურნი ეჩვენებოდა უცხო-ტომელებად და მისი ვალი იყო, ისინი თავის ყაიდაზე მოექცია.

— ვინ არის ეს ბიჩი? — იკითხა ზინაიდა პეტროვნამ.

სასტუმროში იყვნენ და მართალის უხერხულობა ბოჭავდა. კედლიდან სტალინი და ბერია გადმოჰყურებდნენ. ამათ პირდაპირ ქოსა ძღვიბისა ჯღანი სიფათი ჩანდა. მხატვარფოტოგრაფს უცდია შეეფერადებინა, ადამიანისათვის დაემსგავსებინა, მაგრამ ამაოდ გარჯილა.

— ძმაკაცის შვილია! — ცივად შეეპასუხა ცოლს ბიკენტი.

„ძმაკაცის შვილი!“ — ყურში დაგვიანებულ ექოდ ჩაესმა მართალის. მეტად ეუცნაურა ეს სიტყვები. „ძმაკაცი“ მტერი ვერ იქნება, „ძმაკაცს“ ტყვევით არ დასდევენ, სასიკვდილოდ არ იმეტებენ.

ბიკენტიმ მხარზე ხელი გადაჰხვია, სიღრმის კარისაკენ უბიძგა, წამო, ვისადილოთო, თან ცოლს ჰკითხა:

— ბავშვები სად არიან?

ლესტამბემ შემოიხედა ამ დროს, თვალები გაუფართოვდა.

— ველარ იცანი? — ჩაიხვიხვინა ბიკენტიმ და მართალის ეს სიცილიც ეუცხოვა, არ ეგონა, თუ ბიკენტი საერთოდ იცინოდა.

თავის დროზე ლესტამბე კლასში ყველაზე მაღალი იყო, მაგრამ ზრდა თითქოს შეენწყვიტა. ამასობაში, აგე, მართალი ნამოენია. ძველებურად კვლავ სინათლე გასდიოდა. „ერთი ლაყუნა ვინმეა!“ — შეაფასა მართალიმ. უკვე აღარ სურდა მისი გალახვა, თუმცა ბავშვობის წყენა შერჩენოდა. „მაინც რატომ ვეზიზღები? — არაერთხელ უფიქრია ამაზე. — რა იცის მან ჩემი მშობლების შესახებ? იქნებ აქ, ამ ოჯახში ითქვა რაიმე ისეთი, ლესტამბეს უმნიფარ სულში რომ ჩაენვეთა?“

ლესტამბე ზღურბლს მოშორდა, ზღაზვნით ნამოვიდა და ხელი უხალისოდ გამოუწოდა, თითქოს ეშინოდა, სტუმარმა რამე არ მიხიმანდროსო.

— აკოცეთ ერთმანეთს, ძველი მეგობრები არა ხართ?!

— ბიკენტი ერთობოდა ყმანვილების დაბნეულობით.

ლესტამბეს სიგამხდრისაგან ლოყები ჩასცვენოდა და მართალის კოცნა ჰაერში გამოუვიდა.

— კეკე სადღაა? კეკე! — გასძახა ბიკენტიმ.

გოგონა ზღურბლზე შეყოვნდა. მართალიმ ამ ყანჩაში ძლივს ამოიკითხა პატარა ფერია, „პალტარატონკის“ თავზე გაფრენას რომ ლამობდა. თეთრი, გამჭვირვალე პირისკანი ჰქონდა, დიდრონი თვალები... თითქმის მარტოლა თვალები იყო! ეს ის ასაკია, როცა გოგონები ტანს უცებ აიყრიან, ჯერაც დაუხვეწავნი, უშნოვდებიან, რათა ცოტა ხანში ყმანვილ ლაზიმანებად იქცნენ. ოღონდ ამისი ცოდნა მართალის არა ჰქონდა და მისი ფარული შეფასება ორჭოფული იყო...

გაშლილი წიგნი გულში ჩაეხუტებინა გოგონას, ეტყობა, წუთის წინ კითხულობდა.

— ესაა ჩვენი კეკე! — საზეიმო კილოთი აღნიშნა ბიკენტიმ. — შენ ალბათ ძალზე პატარა გახსოვს! მოდი, შვილო,

ხელი ჩამოართვი!.. ეს რას კითხულობ? — ენა მოუჩლიქა კაცმა. — უ. შექსპირი, „რომეო და ჯულიეტა“... ჰო, ჰო, „ან სამწუხარო სხვა ამბავი იქნება განა, რომეოსა და ჯულიეტას ამბავისთანა...“

კეკემ მამის შეთამაშებას ყური არ ათხოვა, სტუმარს ხელი უხმოდ გამოუწოდა.

„რატომ კეკე?“ — გაიფიქრა მართალიმ, მის ნაცნობებში არავის ერქვა ასე.

ყველანი სასადილოში გავიდნენ. ზინაიდა პეტროვნას სუფრა რუსულ ყაიდაზე გაენყო — ბორშჩი, მოხარშული კარტოფილი, კიტრის მწნილი, თხლად დაჭრილი ძეხვი და შავი პური... ცხელ წვნიანს მადისმომგვრელი სუნი ასდიოდა და მართალის კუჭი აენვა.

სიმორცხვე ბოლომდე ვერ დაეძლია. ბამბურა ძლივს გაიძრო, სკამის ზურგზე გადაკიდა. ტანზე ჯერაც „პრიუტიდან“ გამოყოლილი უსახური შარვალპერანგი ეცვა და არ იცოდა, რანაირად დამალულიყო. არადა, კეკემ წიგნი ბუხრის თავზე შემოდო და ცხირწინ დაუსკუპდა, ისე მოსჩერებოდა, უცხო რამ ფრინველს ათვალეიერებსო. ამიტომაც გაუჭირდა ყმანვილს კოვზის აღება, პირს ვერ ახვედრებდა.

— მაშ ხატავ, ხომ? — გაახსენდა მოულოდნელად ბიკენტის.

მართალიმ თავი დაუქნია.

— რა დახატე?

— სტალინი დავხატე, ბერიაც, მოლოტოვიც, ვიშინსკი ტრიბუნაზე...

— მაღადჩინა! — ჩამჩა ჰაერში გაუჩერდა ზინაიდა პეტროვნას.

— იქნებ ჩვენც დავხატო? — ბიკენტიმ ეშმაკურად მოჭუტა თვალები.

„კეკეს მამის თვალები გამოჰყვა! — გაიფიქრა მართალიმ. — ცხვირიც...“

— აგერ კეკეს დავხატავ! — დასცდა.

კეკეს სიცილიმა გაინკრიალა. ძალიან უხდებოდა. თვალები აუჭუჭუნდა, უსწორო კბილები გამოაჩინა.



„ამნაირ ცივ სახლებში რანაირად იზრდებიან ნაზი გონები, საკითხავი აი ეს არის!“

— მაგას რა უნდა? მაიმუნს დახატავ და კეკე იქნება!  
— ჩაურთო ლესტამბემ.

— მაიმუნის თავი გაბია! — არ შეარჩინა კეკემ.

— აბა, დაშოშმინდით! — წარბი შეჰყარა ბიკენტიმ.

ამ კინკლაობამ ჩვეულებრივი გახადა ეს ოჯახური გარემო, მართალის რიდი მოეხსნა...

არიქა ძაძუა გაახსენდა... დღესასწაულის წინა დღეს სკოლის აივანს რთავდნენ გირლიანდებითა და ყვავილებით. შუაში, სვეტზე სტალინის სურათი დაჰკიდეს. კუკური მასწავლებელმა უკან-უკან დაიხია, თავი განზე გადახარა:

— ა-აქეთ ლენინის სურათი რომ გვეკონდეს, — მარჯვენა სვეტზე მიუთითა, — იიქით ბეერიასი, — მარცხენაზე მიუთითა, — კააი იქნება ძაალიან!

— მაგაზე იოლი რაა, — წამოაყრანტალა არიქამ, — ჩვენი ლესტამბე დავეკიდოთ და სამივე ერთად იქნება!

ბავშვები ახითხითდნენ. ლესტამბე გალახულივით იდგა. წესით კუკური მასწავლებელსაც უნდა გასცინებოდა, მაგრამ იგი წამოჭარხლდა, ენის ბორძიკი დაავიწყდა და სავსებით გამართულად მოიხმო:

— მოდი, ბიძი, აქ!

არიქა ზღაზვნით მიუახლოვდა, თან ტოლებსაკენ აპარებდა მზერას, აქაოდა, რა ვთქვი ახლა ისეთი, ნუთუ გახუმრებაც არ შეიძლებაო?

კუკური მასწავლებელი შეკუნტრუმდა, ყურში ჩააფრინდა და აქაჩა.

არიქას სიმწრის ცრემლები წამოსცვივდა.

— ეეგ ვინ გასწავლა?

— არავინ, მასწ!

— იიცოდე, ასე თუ გააგრძელებ, კომკავშირში მიიგილებენ კი არა, პიიონერებიდანაც გაგაბინძურებენ!

ეს შემთხვევა გაახსენდა მართალის, უნდოდა მოეყოლა, კეკე ერთხელაც გაეცინებინა, მაგრამ ენას დროზე დააჭირა კბილები.

— ჩვენთან დარჩი! — ბიკენტიმ მხარზე ხელი მოუთათუნა. — სალაპარაკო მაქვს შენთან! ახლა კი სამსახურში მიმეჩქარება!

— მეც უნდა ცამოვიდე! — აჩქარდა ზინაიდა პეტროვნა.  
— კეკე, აკაურობა მიალაგე!

„კეკე? სტალინის დედას ერქვა ასე!“ — გაახსენდა მართალის...

მერეთში (და საერთოდ დასავლეთ საქართველოში), ვისაც ორსართულიანი სახლი უდგას, მეორე სართულის კიბე პირდაპირ ეზოდან აუდის. ზოგჯერ მეორე კიბეცა აქვთ, უკანა ეზოდან ასასვლელი. ფართო აივნები იციან და რამდენი ოთახიცაა, იმდენი კარი. ალბათ იმიტომაცა ასე, სტუმარი და მოყვარე, საიდანაც მოინადინებს, იქიდან შემოვიდეს, თავი შინაურულად იგრძნოს. არაფერი დაფარული ამ სახლებში არ არის. მეზობლები ისე შემოდიან და გადიან, კარებზე არც აკაკუნებენ... თოლორაიების ციხესიმაგრე სულ სხვა ყაიდაზე იყო აგებული. ამ ნაცრისფერ ყუთს რამდენიმე ვიწრო ფანჯარა ჰქონდა და წინიდან ერთადერთი, მჭიდროდ მიგმანული კარი. მეორე სართულის კიბე შიგნითვე ჩაეყოლებინათ. ასე ინება ძღვიბიმ, მტერმრავალმა და წინდახედულმა კაცმა.

— ჩემი ოთახი ზევითაა! — ლესტამბემ მართალი შიდა კიბით მეორე სართულზე აიყვანა. — მოდი, რაღაცა გაჩვენო!

ლესტამბეს ოთახი პატარა სენაკსა ჰგავდა. სანოლი, სანური მაგიდა და სკამილა ეტეოდა. ლოგინი ჯარისკაცურად, კობტად გაესწორებინა. მაგიდაზე წიგნები, რვეულები და სანერკალამი წესიერად ეწყო.

— სადმე ხომ არ წამოგცდება? — ლესტამბე შეთქმულივით აჩურჩულდა. — მამამ მითხრა, სანდოაო, თუმცა მე მეექვსეა!

მართალი განითლდა, მხრები შეაქანა.

— თუ არ მენდობი, ნურც ნურაფერს მიჩვენებ!

— სანდო ადამიანი იშვიათია, — ღრმააზროვნად განაცხადა ლესტამბემ, — ადამიანთა უმრავლესობა გულის სიღრმეში მოლალატა. მიეცემათ საბაზი და უცებ გიღალატებენ!

— შენ საიდან იცი?

— შევისწავლე! — წაიტრაბახა ლესტამბემ, ცდილობდა შთაბეჭდილება მოეხდინა. — შენ მე არიქა ძაძუა არ გეგონო, ანდა დურუ გეგია!

— არიქა ძაძუა? — გაკვირვებით ჩაეკითხა მართალი.

— ერთიც ნაგავია და მეორეც! — ქედმაღლურად მოჭრა ლესტამბემ. — თექვსმეტისანი არიან და თავი ბავშვები ჰგონიან... სხვა ბიჭებიც! სულ იმაზე გაფაციცებულან, ბურთი როდის გაიტანონ და ჭკუასუსტ გოგოებზე იხითხითონ!

— შენ რაზე ხარ გაფაციცებული?

— მე? — განელა ლესტამბემ, ვინრო თვალები მიაცივა. როგორ განსხვავდებოდა კეკესგან, ვინ დაიჯერებდა ამათ დაძმობას. „სულ სხვა სისხლისა და ჯილაგისაა!“ — გაიფიქრა მართალიმ. ლესტამბემ კი დაგემოვნებით გაიმეორა: — მე?.. ვემზადები!

— ემზადები?

— ჰო, ვემზადები... აი!

ხელი შეეყო ლეიბის ქვეშ და იქიდან ჭუჭყიან ჩვარში გახვეული ნივთი გამოაძვრინა. ჩვარი შემოხსნა, ვერცხლისფრად მოლაპლაპე რეგოლვერი იყო.

— „ვალტერია“? — მართალის აღტაცებისაგან სუნთქვა შეეკრა.

— ხომ მაგარია?

— მაგარია! მომაკიდებინებ?

— ჰა, ოღონდ ფრთხილად!

მართალიმ სათუთად მოჰკიდა ტარში ხელი, სიმძიმე ესიამოვნა. ფანჯრისაკენ გაიშვირა და ვითომც გაისროლა.

— ბუჰ!

— ფრთხილად, ტყვია პირში აქვს!

— მაინც სად იშოვე?

— არ გამცემ? — ერთხელაც დაეჭვდა ლესტამბემ, — დაიფიცე!

— ღმერთირჯული...

— ვავა ზარქუას მოვპარე!

— მოჰპარე? — პირი დაალო მართალიმ.

— ჰო! იშვიათად სვამს ხოლმე და ცოტაზე ითვრება. ჩვენთან დათვრა, ტვინი ეღრძო და აყალმაყალი ატეხა, აიჩემა, უნდა გავისროლოო... მერე წაიქცა, ძლივს ავაყენეთ, ეს კი დივანქვეშ შეუცურდა. მეორე დღეს მოვიდა, გამომიხმო და ყურში მკითხა, ხომ არ გინახავსო... თავი მოვიკალი, სად ვნახავდიმეთქი...

იყო ამ ამბავში რალაც უსიამოვნო, მაგრამ მართალიმ შურისძიებით ტკობა იგრძნო.

— რომ გაიგონ, რას უზამენ?

— კედელთან მიაყენებენ! — დაბეჯითებით თქვა ლესტამბემ და უცებ მძულვარედ დაამატა: — ახია მაგაზე, მამაჩემს უთხრის სამარეს...

— შენ რა იცი?

— მე არაფერი გამომეპარება! დააკვირდი, თუ შხამიან კობრას არა ჰგავს! ემზადება, ემზადება და უცებ ნახტომი, პირდაპირ ცხვირპირში... არ გამოუვიდა! ახლა დაჩუტული დადის, თავს იმკვდარუნებს!

— მაშ შენ ამისთვის ემზადები?

— რისთვის?

— ვავა ზარქუა უნდა დაამარცხო?

— საქმე ისე უნდა შევუტრიალო, თავისი თავი თვითონ დაამარცხოს! — ჩაიხითხითა ლესტამბემ.

„ესეც ვავა ზარქუაა, — ზიზლით გაიფიქრა მართალიმ, — კობრა შეხვდა კობრას!“

ეს „ვალტერი“ ბავშვისთვის სათამაშოა, დიდისთვის სასიკვდილო იარაღი. თექვსმეტი წლის ადამიანი ბავშვიც არის და დიდიც... ზურგი შეაქცია ლესტამბეს, ვინრო სარკმელში გაიხედა... ხეხილის შიშველი ტოტები ნესტით გაჯერებულა. მეზობელი სახლის აფიცრული კედელი და ყავარი გაშავებუ-

ლა... მოეჩვენა წამიერ, რომ ციხეშია გამომწყვდეული, აქედან არასოდეს გამოუშვებენ... ჩხაკუნი მოესმა და შემოტრიალდა.

ლესტამბეს „ვალტერი“ ჩვარში გაეხვია და კვლავ ლეიბის ქვეშ ჩურთავდა. მოიხედა, დიდრონი კბილები პირში ვერ ეტოვდა, ტუჩებს უსველებდა.

— ვიცი, იარაღზე ფიქრობ, — ლიზლურად გაიღიმა, — ყველა ბიჭი იარაღზე ოცნებობს. ჩემთვის კი ეს მხოლოდ რკინაა...

— რკინა?

— ჰო! გასროლა რომ მოვინდომო, ვილაცა დამასწრებს და სიცოცხლეს გამომასალმებს. ამიტომ მე სხვა იარაღით შევიარაღდი, იმის გასროლას კაცი ვერ გაიგებს, მე კი სარგებლის მეტი არაფერი შემხვდება!

„როგორ დაჭკვიანებულა, — უკვირს მართალის, — ბრძენკაცივით მსჯელობს, ოღონდ ენის წვერიდან გველის სიბრძნე გადმოსდის. რატომ ცდილობს ჩემი გულის მოგებას? ადრე ვეზიზღებოდი...“

— მაინც რა იარაღია ისეთი?

— ცოდნა! — თავდაჯერებით თქვა ლესტამბემ. — ადამიანთა უმეტესობა ნაგავია, ოღონდ კაცი იმისია, თავი ანგელოზად მოგაჩვენოს. საკუთარი მახინჯი სიფათის დანახვა სარკეშიც არავის გაუხარდება. ვთქვათ, შენ იცი, რომ ის კაცი ნაგავია, და ნაგავმა, რომელსაც თავი ანგელოზად მოაქვს, გაიგო, რომ შენ ის შეიცანი. რას იზამს ამ შემთხვევაში? ოღონდ არ გამამხილო და შენი მონამორჩილი შეიქმნება...

— იმ ნაგავმა რომ აიღოს და მუცელში დანა გაგიყაროს?

— რა თქმა უნდა, ესეც შესაძლებელია. ავილოთ, მაგალითად, იგივე ვავა ზარქუა. მე ვიცი, რომ იმან სიმთვრალეში „ვალტერი“ დაკარგა. იმან იცის, რომ მე ეს ვიცი. ესე იგი, მისთვის საშიშროებას წარმოვადგენ. მე წინასწარ უნდა ვიცოდე, იგი რას მოიმოქმედებს. ვფიქრობ, ჩემს მოკვლას არ ისურვებს, ახალგაზრდა ვარ და სულელი ვგონივარ. ამიტომ ხვალზევ კამფეტებს მომიტანს, ან იქნებ ფოტოაპარატი მაჩუქოს, ან ჯიბეში სახარჯი ფული ჩამიჩხრიალოს...

— დიდი მეზღაპრე ყოფილხარ, — ნაძალადევად გაიციინა მართალიმ, — ერთი კილო კამფეტით გინდა მომავალი აიშენო?

— ყოველი დიდი მცირესაგან შედგება! — ლესტამბე აშკარად ტკბებოდა თავისი ჭკუით. — გახსოვს, მე და შენ რომ ვიჩხუბეთ? ძველი ამბავია და ნუ მინყენ! მაშინ უკვე მქონდა მიზანი...

მართალის გული შეეკუმშა, ბაგე გაუთეთრდა.

— მაშინ მე უკვე ვიცოდი, რომ ხალხის მტრის შვილი იყავი, დედაც ანტისაბჭოთა ელემენტი გყავდა, მამაც...

მართალიმ ხმის ამოღება ვერ შეძლო, თითქოს კბილი კბილს მიენება.

— მერე გავიგე, მოლაღატე მამა თვითონ ჩაგიბარებია!

— მეე? — ძლივს ამოღერლა მართალიმ.

— ჰო, ამისი გახსენება იოლი არაა, მაგრამ რა ვუყოთ! მამათა დანაშაულზე შვილები პასუხს არ აგებენ! მამაჩემმა ამიხსნა, შენ მიგინიშნებია, სადაც უნდა ეძებნათ ტატაჩი თოდუა... კვალს დაადგნენ და მიიმწყვდიეს კიდეც...

მართალიმ სისუსტე იგრძნო, მუხლები მოუდუნდა, თვალში ბინდი ჩაუდგა, ყურებში ბამბა ჩაუფინესო, ლესტამბეს ხმა ძლივსღა ესმოდა.

— ასეთი გმირობა პავლიკ მოროზოვმა ჩაიდინა... რა მოგივიდა?

— არაფერი.

— ცუდად ხომ არა ხარ? აგერ წამონექი!

ხელი შეაშველა, საწოლზე წამოაწვინა.

— რა მოგივიდა?

— არაფერი! მცივა!

ლესტამბემ საიდანღაც პალტო გამოათრია, დაახურა, სკამი გამოსწია და დაჯდა. მეტს არ ლაპარაკობდა, ან იქნებ ლაპარაკობდა კიდეც, მაგრამ მართალის არაფერი ესმოდა. ბურანში ჩაეშვა, თითქოს ოთახში ნისლი დადგა. იმ ნისლში კეკეს თვალეები გამოიკვეთა. ჯერ თვალეები დაინახა ყმანვილმა, მერე მთლიანად პირისახე. დაიხარა კეკე, ბაგეებს ამოდ-

რავებდა და უსწორო კბილები მოუჩანდა. ალბათ რაღაცას უხსნიდა, თან უფრო და უფრო უახლოვდებოდა... კეკემ მისი თავი ჩაიხუტა, ასწია, პირთან ჭიქა მიუტანა. ყლუპი მოსვა მართალიმ, გული გაუგრილდა... გონს მოეგო.

ოთახში კეკე არ იყო, ლესტამბე დაჰყურებდა გაკვირვებით.

— შემცივდა რაღაც! — თავი იმართლა მართალიმ, პალტო გადაიძრო და წამოჯდა.

— ჰო, აქ ცივა, პალტო მოიხურე!

— არაა საჭირო! — მართალის შერცხვა თავისი სისუსტისა. — ჰო, მართლა, შენ ამბობ, ვიცოდით. მაშინ ხომ პატარა იყავი, თერთმეტისა ან თორმეტისა, საიდან გეცოდინებოდა? ლესტამბემ ჩაიქირქილა, ვინრო თვალეებში სიამაყის შუქმა გაკვესა, მაგიდის უჯრა გამოსწია.

— აი!

უჯრა გადატიხრული იყო მუყაოს ნაჭრებით. მოჩანდა ალფაბეტის ასოები ანიდან ჰაემდე. მჭიდროდ ელაგა კონვერტები, ზოგი თხელი, ზოგიც საკმაოდ სქელი.

— რა არის ეს?

ლესტამბემ ხელი ჩაყო. „ზ“ს რიგიდან ერთი კონვერტი ამოაძრო, ზედ ეწერა: „ზარქუა ვავა“.

— ჩემი გვარიცაა?

— ლესტამბემ თითების სწრაფი მოძრაობით ამოაძრო სხვა კონვერტი, ზედ ეწერა: „თოდუა მართალი“.

— ეს რა, თამაშია?

— ჰო, თამაშია! სხვები ბურთს დასდევენ, მე კი ამით ვერთობი! ათი წლისამ დავიწყე. დედამ მასწავლა, ოღონდ ის არ იცის, აქ რომ მისი სახელიცაა, მამიკოსიც...

— ვერაფერი გავიგე! — წამოიძახა მართალიმ. — რას ნიშნავს ეს კონვერტები, რა დევს შიგნით?

— შენ მაგას ვერც გაიგებ! რაც ამ კონვერტებშია, ამას ჰქვია „აგენტურული მონაცემები“. დიახ! ვილაცამ ქრთამი აიღო, ვილაცამ კაცი გაძარცვა, ვილაცა ანტისაბჭოთა ანეკდოტებს ყვება... ყველაფერი ამ კონვერტებში იყრის თავს. მთე-

ლი ქალაქი აქაა, აი, ასე მყავს გამოჭერილი. თუ მოვინდომე, ვინაც მომეპრიანება, იმას ჩავაყუდებ ციხეში!

ამბობდა ამას და ქირქილებდა. მართალი პირდაღებულ შუკურებდა და თავი ზღაპარში ეგონა. როდისროდის ხმა ამოიღო და ენის ბორძიკით შეეკითხა:

— მაშ შპიონი ხარ?

ლესტამბეს წყენა დაეტყო.

— შპიონი, იმპერიალისტებს ვინც მიეყიდა, ისაა, ჩემს საქმეს კი დაზვერვა ჰქვია!

— არ გეშინია?

— რისი?

— ასე რომ მენდე! ვთქვათ, გავედი აქედან და მთელ ქალაქს მოვდე ეს ამბავი!

ლესტამბეს თვალეებში ცეცხლი ჩაუქრა, ნირი მაინც არ შეცვლია. უჯრა მიხურა და საზიზლარი ღიმილით თქვა:

— ვინ დაგიჯერებს! — ენის წვერით ტუჩები მოილოკა და ხმადაბლა განაგრძო: — ერთ იგავს მოგიყვები: წარმოიდგინე, რომ ოჯახში სტუმრად ბრძანდებოდა შინსახკომის თანამშრომელი. კაცი დათვრა და ამ დროს „ვალტერი“ დაეკარგა, სადღაც დივანის ქვეშ შეუცურდა. ის რევოლვერი ორმა ყმანვილმა იპოვა. ეცნენ და ერთმანეთს ეჯაჯგურებთან, არა, ჩემია, არა, ჩემიაო... რევოლვერი „ბუჰ“ და გავარდა! ერთი ყმანვილი დაიღუპა, მეორე ზის და ცხარე ცრემლებით ტირის... ერთი სამარეში წევს, მეორე, რაკი უწლოვანია, მცირე სასჯელს იხდის ციხეში, სადაც დედის ნამდაუნუმ უგზავნის ამანათებს... გაიგე?

გაიგო მართალიმ, რა თქმა უნდა, გაიგო! „ნეხვის ჭია!“

— გაიფიქრა ამრეზით...



ნასვლა რომ დააპირა, სწორედ მაშინ მობრუნდნენ ბიკენტი და ზინაიდა პეტროვნა.

ყმანვილები ბუხართან თბებოდნენ. კეკეს წიგნი მუხლებზე ედო და თვისთვის ხმადაბლა ბუტბუტებდა: „ოი, რომეო, ო, რომეო, სად ხარ რომეო?..“ მამის დანახვისთანავე წიგნი დაკეცა და ბუხრის თავზე შემოდო.

— ხომ შეეწყვეთ ერთმანეთს? — იკითხა ბიკენტი.

ზინაიდა პეტროვნამ კუშტად შეხედა მართალის. სამსახურიდან უგუნებოდ დაბრუნდა და ჯუჯღუნით შევიდა სამზარეულოში. იქ ქვაბებს აუტეხა რახარუხი.

— ნუ გეშინია, როგორც ქუხს, ისე არა წვიმს! — თვალი ჩაუკრა კაცმა მართალის.

ყმანვილი ფეხზე წამოდგა, ბუხრის ამყოლს მიეყრდნო.

ბიკენტიმ გახდა დაიწყო. კეკემ ლაბადა ჩამოართვა და დასაკიდებლად წაიღო.

ლესტამბემ ჩექმებზე უტაცა ხელი, ეჯაჯგურა, ეჯაჯგურა, ძლივს წააძრო. ბიკენტიმ შვეებით ამოისუნთქა, ფეხები ფლოსტებს წაატანა.

— უჰ, მოვკვდი კაცი!

ბუხართან მივიდა, ცეცხლს მიეფიცხა.

— ისეთი უჟმური ამინდია, გარეთ გასვლა აღარ მოგიწოდება! ზინაიდა პეტროვნას გადაედო, მგონია! ე, ჩართო მძიმე არტილერია!

ზინაიდა პეტროვნას, ეტყობა, ქვაბი ძირს გაუგორდა და რუსული სიუხვით იწყევლებოდა.

— თუ ადამიანს ჯუჯღუნით უნდა გულის მოოხება, მისი ნებაა! — ბიკენტიმ სკამი მოსწია და დაჯდა. — დაჯექი, რას დამდგარხარ! — მართალის მიმართა, მერე ლესტამბეს მიუბრუნდა: — გადი, ბიჭო, შემოსასვლელში შეხვეული დევს და მომირბენინე!

ლესტამბე დაუზარებლად გავარდა და ნუთში მობრუნდა, თან შეხვეული მოიტანა.

— ეს მართალის საჩუქრად! — საზეიმოდ წარმოთქვა ბიკენტიმ და გაზეთი შემოაცალა. სახატავი ალბომი აღმოჩნდა. თან პატარა კოლოფიც ახლდა, შიგ გრაფიტის ნატეხები იდო.

მართალი განითლდა, მადლობის სიტყვები ძლივს ამოდერდა. ბუხრის კუთხესთან ჯორკოზე ჩამოჯდა. ზურგით კედელს მიეყრდნო. ალბომი გადაკეცა, ქალაღდის თეთრ პირს ხელისგული გადაუსვა. სასიამოვნო სიგრილე იგრძნო. გრაფიტის ნატეხი აიღო და მიიხედმოიხედა, დაფიქრდა, მერე კეკეს ხელი დაუქნია.

— მანდ დაჯექი, სინათლეზე! აქეთკენ მოიხედე!

კეკეს ლოყები აულევიდა. სკამზე ჩამოჯდა, ფართოდ გახელილი თვალები მოაპყრო.

მართალის მცირე ხნით დაავიწყდა ბიკენტისა და ლესტამბეს არსებობა. ცოტა ხანს უყურა გოგონას. „შე უშნო და გონჯო!“ — მოფერებით გაიფიქრა და პირველი ოვალი ჩამოუშვა... დიახ, ეს კეკეს ლოყაა... ორი, ზეანეული ფრთა გოგონას წარბებია... დიდხანს, დიდხანს ხატავდა მართალი კეკეს დიდრონ თვალებს, ცდილობდა სიცოცხლე მიეცა, შავი გრაფიტით მოხაზულს ცისფერიც არ დაჰკარგვოდა...

ბიკენტი უხმოდ იჯდა. მართალი ვერ ხედავდა, რომ კაცის პირისახეზე ხან სინათლე გადაივლიდა, ხან ჭმუნვის ჩრდილი... ლესტამბე ვერ ისვენებდა, ცმუკავდა, ტუჩებს ენის წვერით ისველებდა.

ბოლოს გაცოცხლდა ორი თვალი... უფრო იოლი აღმოჩნდა წვრილი თმების ჩამოყრა შუბლზე, თმის ჩანჩქერის ჩამოშვება ყურის ეჟვანზე და იქამდე, სადაც კეკეს გამხდარი მხრები იგულისხმებოდა... გრაფიტის ერთი მოსმით ჩაახატა სწორი ცხვირი, მამისაგან მემკვიდრეობით მიღებული... ადვილი იყო ნიკაპის მომრგვალება, მაგრამ კარგა ხანს ეწვალა, რათა სუსტი, მორცხვი ღიმილი დამჩნეოდა ბაგეთა კუთხეს და ცოტათი გახსნილი ტუჩების მიღმა უსწორო კბილები ოდნავდა დალანდულიყო...

შემობაჯბაჯდა ზინაიდა პეტროვნა, თვალი გაკვირვებით შეავლო ბუხრისპირას დადუმებულებს.

— რა მოგივიდათ, კელეხია?  
მართალის ხელი გაუჩერდა, ამოიოხრა, თითქოს გამო-  
ელვიძაო, ფურცელი ფრთხილად ააძრო და კეკეს გაუნოდა.  
— ჰა!  
ბიკენტიმ ჰაერშივე შემოაბრუნა, დახედა.  
— აუჰ, ვერც წარმოვიდგენდი, ჩვენი კეკე თუ ასეთი  
ლამაზია!  
დახედა ზინაიდა პეტროვნამაც.  
— მარტლაც გავს! მალადეც, ბიჩო!  
ბედნიერებისაგან სახეაჯისკროვნებული კეკე დაბზ-  
რიალდა და აკისკისდა.  
ლესტამბემ ნახატს ენა გამოუყო.  
— რაც გინდა შეალამაზე, მაიმუნი მაიმუნად დარჩება!  
— მაიმუნის თავი გაბია! — არ შეარჩინა კეკემ, ფურ-  
ცელი ჰაერში ააფრიალა და თიკანივით შეკუნტრუშდა.  
— კაი, ნუ გასულელდიტ, ახლა ვახშამი ვჩამოტ! —  
ზინაიდა პეტროვნას გუნება გამოუკეთდა. — ცამოდიტ, მო-  
მეხმარეტ!

ბიკენტი ცეცხლს მიაჩერდა, თავის საფიქრალს ჩაულ-  
რმავდა.  
ახალგაზრდები დასახმარებლად დაიძვრნენ. მართა-  
ლიმაც წამოიღო თეფშები, სუფრაზე გაჩნდა წინიბურას ფაფა  
და ახლადგაცხელებული კატლეტები, ნვრილად დაჭრილი  
კომბოსტოს მწნილი, ხილის ჩირის კომპოტი... „მთლად რუ-  
სულ ყაიდაზე ცხოვრობენ!“ — დაასკვნა მართალიმ. „პრიუტ-  
შიც“ რუსულ ყაიდაზე კვებავდნენ, მაგრამ ხანდახან მაროს  
ჩამოჰქონდა სოფლური ძღვენი.

ჩუმად ვახშმობდნენ და ამ სიჩუმემ თანდათან სიცივე  
ჩამოაფინა. იგრძნო მართალიმ, უცხონი ისხდნენ მაგიდის ირგ-  
ვლივ... ცოლი ეომებოდა ქმარს... შვილი ეომებოდა დედას და  
მამას... მამამ იცოდა, სად გადიოდა ფრონტის ხაზი, მაგრამ  
მონინაალმდეგეთა ძალას არაფრად აგდებდა... მარტო კეკე  
იყო ამ სახლში ზღაპრეთიდან ჩამოფრენილი ჭრელი ჩიტი,  
რომელსაც ამ დიდი ომისა არაფერი ეჩერჩეტებოდა... მისი

გონება დღეს მონტეკებისა და კაპულეტების ომით იყო და-  
კავებული...

მართალიმ უხერხულად ჩაახველა.  
— ძია ბიკენტი, შეიძლება შეგეკითხოთ?

ბიკენტის სახეზე მკაცრი სიმშვიდე ეფინა. ამ სიმშვი-  
დეში იგულისხმებოდა, სათქმელი გამოზომე, ზღვარს არ გა-  
დასცდეო. ზინაიდა პეტროვნამ ყური ცქვიტა. ლესტამბემ  
ჩანგალი დადო, თითი პირში ჩაიდო, რათა ხორცის ნარჩენი  
კბილიდან ამოეჩიჩქნა. მხოლოდ კეკე მიირთმევდა უდარდე-  
ლად თავის თაღიას.

— ვინ არის ვავა ზარქუა?

ზინაიდა პეტროვნას ლუკმა გადასცდა, ხველებით  
ჩაიცინა:

— ბიჩო, არ იცი, ვინ არის ვავა ზარკუა?

ბიკენტიმ ფიქრიანად შეხედა ყმანვილს. მის თვალეში  
იკითხებოდა, მიგიხვდი, ჩემო მართალი, შენ არც არაფერი  
დაგვინყებია და დავინყებასაც არ აპირებო, თქმით კი გაზე-  
თის მონინავესავით მოზომა:

— ვავა ზარქუა ერთგული სტალინელია!

მართალიმ მადა უცბად დაკარგა. კომპოტიანი ჭიქა  
გასწია და თხოვნის კილოთი თქვა:

— მე აწი წავალ, ჰა!

— ჩვენთან დარჩი! — ბიკენტიმ გაუღიმარი თვალეში  
გაუსწორა. — ტალახადის ქუჩამდე შორია, გზაში ტალახით  
ამოიგანგლები... დარჩი, ადგილი ბევრი გვაქვს!

— დარჩი, ბიჩო, ადგილი სავსე გვაკვს! — ჩაურთო ზი-  
ნაიდა პეტროვნამაც...

ბიკენტიმ გაზეთი „კომუნისტი“ გადაშალა. პირველ  
გვერდზე გენერალისიმუსის დიდი პორტრეტი ეხატა. იქვე  
ენერა სხვადასხვა მხარეებიდან მოსული ცნობები ნაირნაირ  
წარმატებებზე. ყველაზე დიდი მიღწევა, რა თქმა უნდა, ვოლ-

გადონის არხი იყო... „ლენინის არხით გავიდა გემი, დროშები ფრთებს შლის კიდიდან კიდი, ჩქეფს ვოლგადონი ტალღების ჩქეფით, გემი „სტალინი“ ამაყად მიდის...“

ზინაიდა პეტროვნამაც ბუშტუკა ცხვირზე სათვალე წამოიკვება და „პრავდა“ გახსნა. იმაშიც იგივე ამბები იყო დაბეჭდილი, ოღონდ უფრო ჩაგემოვნებით და საფუძვლიანად. განსაკუთრებით სიამოვნებდა წერილები ჯაშუშებსა და მკვლელებზე პროფესორეჩიმების ნიღბით.

ლესტამბე თავის სენაკში განმარტოვდა. იქნებ საიდუმლო ბარათებში შეჭქონდა, თუ რა დასცდა მამას, რა დაარეხვა დედამ და რა წამოაყრანტალა დამ...

კეკემ მკლავზე ხელი სტაცა მართალის.

— ნამო, ნახატი ჩემს ოთახში დავკიდოთ!

იგი დედასთან იძინებდა, მეორე სართულზე, ორადგილიან, ფართო სარეცელზე, რომელზეც, ალბათ, კეკეს დაბადებამდე თვით ბიკენტი იწვა, მაგრამ მერე ან აქედან გააგდეს, ან თვითონ გადაბარგდა პირველ სართულზე და იმ დღიდან ზევით არც ამოსულა... ეს ყველაფერი კეკემ კიბეზევე ჩაუკაკლა მართალის, გულუბრყვილო სიხარულით, რომ დედის გვერდით ასპარეზი თვითონ დარჩა.

საკმაოდ ფართო ოთახი ქალისას კი არა უფრო ჯარისკაცის სადგომსა ჰგავდა. მის მკაცრ სიცარიელეს სარეცლის ზურგზე გადაკიდებული კეკეს წრელი კაბები თუ ავსებდა.

თვალი ოთახის კუთხეზე გაუშტერდა. იქ, მომცრო საყურნალო მაგიდის თავზე მოოქროვილ ჩარჩოში ჩასმული სტალინის პორტრეტი ეკიდა. დიდ ბელადს ხელები უფლის ძესავით მიეტყუებინა და მალლა სივრცეში იყურებოდა. თავზევით შარავანდად მზის ოქროსფერი სხივები იშლებოდა. პორტრეტზე ორივე მხრიდან ხავერდის წითელი ფარდა გადმოეფინებოდა. მაგიდაზე მომცრო ლამპადა იდგა, სანთელი ბჟუტავდა.

— რა არის ეს? — გაოცდა მართალი.

— სტალინია, ვერა ხედავ?

— სტალინს ვხედავ, მაგრამ ეს ფარდები, შარავანდი, სანთელი...

— დედაჩემს ასე მოსწონს... დაუდგება და ცოცხალსავით ესაუბრება... მეც... — კეკე პორტრეტის წინ დადგა, შეტყუებული ხელები ასწია და ბავშვური, აკანკალებული ხმით შესთხოვა: — დიდო სტალინ! იყავ დღეგრძელი და უკვდავი! გეხვეწები, გადამირჩინე დედა და მამა! მიანიჭე მათ ჯანმრთელობა და დიდი ხნის სიცოცხლე! ჭკუა მოუმატე ჩემს ძმას ლესტამბეს! ხელი მომიმართე სწავლაში, შრომასა და ცხოვრებაში!

„ეს ყოველივე თამაშია!“ — გაიფიქრა მართალი.

კეკე წამოდგა, სერიოზული თვალებით შემოჰხედა და წყნარად თქვა:

— იმას ყველაფერი ესმის, ყოველი ადამიანის სანუხარი გულთან მიაქვს!

— ესეც დედამ გასწავლა?

— ჰო, ძილის წინ ასეთი სიტყვებით ეხვეწება!

„ნუ იმეორებ დედის სიტყვებს! — უნდოდა ეთქვა მართალის. — უმჯობესია ჯულიეტას სიტყვებით ილაპარაკო!“ — ხმამალლა კი არა უთქვამს რა.

კეკემ ოთხი ჭიკარტი იპოვა. ნახატი საწოლის თავზე გააკრეს. იმ ადგილზე კედელს სუსტი ბინდი ეფინებოდა და ნახატის კეკე უფრო მომხიბლავი და იდუმალი გამოჩნდა.

— წავიდეთ?

კეკემ კვლავ ბელადის პორტრეტს შეხედა... მართალიმ გამოაჯავრა, ხელები შეატყუა და ვითომ ლოცვა აღავლინა:

— დიდო სტალინ! იყავ დღეგრძელი და უკვდავი! მაპოვნინე ცაცანა და ეფრო ბებიები! მომეცი დიდხანს სიცოცხლე და ცოდნა, თუ როგორ ვიცხოვრო!

იოსებ ბესარიონის ძემ თავი ოდნავ მოაბრუნა და თვალი ჩაუპაჭუნა... ამ დროს უკან გადავარცხნილი თმები შეერხა და მართალის მოეჩვენა, რომ დიდ ბელადს პანია რქები გამოუჩნდა.

დამფრთხალმა ყმანვილმა კარისაკენ დაიხია. კეკეც გამოჰყვა, ოღონდ ამას უჩვეულო არაფერი უნახავს.

ბუხართან ზინაიდა პეტროვნა იცდიდა.

— სად დაგკავს ეს ბიჩი? — უკმაყოფილოდ უთხრა კეკეს. — დაცოლის დროა, ცადი ახლავე, მეც მოვალ!.. ბიჩო, შენ აკ დაცვები, ნუ გეშინება, მეზობლად ბიკენტის დზინავს!

ბიკენტის მართლაც ეძინა, მისი ოთახიდან მსუბუქი ხვრინვა მოისმოდა.

მართალი საწოლზე ჩამოვდა, ფანჯარაში მთვარემ შემოაჭყიტა.

გაუხდელად წამოწვა. ციოდა. სჯობდა ლოგინში ჩათბუნება, მაგრამ ვერ ბედავდა, რადგან ამ დიდ სახლში რალაც საფრთხე იმალებოდა.

ზემო სართულიდან ზინაიდა პეტროვნას მძიმე ფეხის ხმა მოისმა. მერე მისი ჩახლეჩილი რეჩიტატივი, ალბათ ლამპადის წინ იდგა და სტალინის პორტრეტს ესაუბრებოდა. მერე კვლავ გაისმა ფლოსტების ფრატუნის, საწოლის ზამბარები აჭრიალდა და სახლში სინყნარე ჩამოწვა.

რა უნდოდა, რატომ დარჩა მართალი ამ სახლში?.. ზინაიდა პეტროვნას იგი აშკარად არ მოსწონდა... არც მართალის დახატვია ეს დედაკაცი გულის ფიცარზე... აქეთ ლესტამბემ მოუსინჯა კბილები... ადამიანი ვერ გაიგებს, რა ზრახვა უდევს ბიკენტის გულში. თითქოს ეფერება კიდევ, მაგრამ რატომ უნდა მოეფეროს კაცი, რომელიც ტატაჩის კვალს დაადგა და ვაჟა ზარქუას ხელში რევოლვერი ჩაუდო...

ფიქრისაგან თავი ასტკივდა. ბურანში ჩაეშვა. ვერ ხვდებოდა, სიზმარი იყო თუ ცხადი. თითქოს რალაც ცივი და მძიმე დაწნვა მკერდზე, სუნთქვა შეუკრა... გამოელვოდა... სიცივისაგან გათოშილიყო და აკანკალებდა... სარკმელში ისევ ისე იყურებოდა მთვარე... ზემო სართულზე ვილაცა დინჯად დააბიჯებდა...

„ვინ უნდა იყოს?“ — სმენა დაძაბა მართალიმ.

მეზობელი ოთახიდან მსუბუქი ხვრინვა ისმოდა. თავის ოთახში ზინაიდა პეტროვნა ფშვინავდა. ლესტამბესა და კეკეს მჩატე ნაბიჯებს არა ჰგავდა ეს უცნაური ხმები.

ვილაცა პარკეტზე დააბიჯებდა მძიმე, დინჯი ნაბიჯებით.

„ნუთუ?“ — დაუფერებელი ფიქრი აეკვიატა.

ძილი საბოლოოდ დაუფრთხა. ალბათ ჰალუცინაცია აწუხებდა, ის ხმა მის ტვინში ხმიანობდა. უნდა ამდგარიყო და ბიკენტი გაეღვიძებინა.

სითამამე არ ეყო. ჩუმად წამოდგა, ბნელში ფანჯრის საკეტი მოძებნა.

ფანჯარა გააღო. გარედან ნესტით გაჯერებული სიგრილე შემოვიდა, დაჰბურძგლა.

ვილაცა უკვე კიბეზე ჩამოდიოდა... ლოდინის დრო აღარ დარჩა... მართალიმ იშვირა ფეხი და ფანჯრიდან ისკუპა.

ფრთხილად გაიქცა მესერისაკენ, შარაზე გაძვრა და შვეებით მაშინლა ამოისუნთქა.

მოსახვევთან კაცმა გააჩერა, პირისახეზე ფარანი მოანათა.

— ა, მართალი თოდუა, შენა ხარ?

ვაჟა ზარქუა იყო ის კაცი...

ლესტამბეს ჭოტივით თვალგახელილს ეძინა ხოლმე. მცირე ძილიც ყოფნიდა. არადა, გვიანობამდე უჯდა მაგიდას და კონვერტების თვალღერებით ერთობოდა. უკვე იმდენი დაუგროვდა, ასეთ სამუშაოს ალბათ სერიოზული დაწესებულება ვერ მოაბამდა თავს. აქ იყო აღნუსხული მერეთელთა დიდი და მცირე შეცოდებანი. კარგად იცოდა ლესტამბემ, თუ რა სიმდიდრეს ფლობდა. ჭკუით უნდა მოეხმარა, თორემ ეს უჯრა უდამცველო ხელყუმბარასა ჰგავდა, რომელსაც ხელს გაუშვებ და აგიფეთქებდა...

დაბადებითვე გონიერება დაჰყვა. აკვანში დიდხანს არ მოუცდია. ჩიტის წონა ჰქონდა, მაგრამ ათი თვისა თაგვივით დასუნსულეებდა. წლისა ენას ატლიკინებდა. ორისა ბგერა „რ“ს ვერ ამბობდა, თორემ ბიკენტის მრავალრიცხოვან სტუმრებს ისეთი რუსულქართული გინებით შეამკობდა ხოლმე, მსმენელნი სიცილით იხოცებოდნენ. სამი წლისამ „დონოსებს“ აულო გემო. დედის ნათქვამი სიტყვასიტყვით მიჰქონდა მამასთან, მამისა — დედასთან. ბავშვის ენით მოჩლექილი სიტყვები სასაცილოდ ჟღერდა, მაგრამ ხანდახან ისეთი რამეც გამოერეოდა, ბიკენტისა და ზინაიდა პეტროვნას სიცილი ჩხუბში გადაეზრ-



დებოდათ. ამას კი მოჰყვებოდა კარგა ხნით ცხვირის ჩამოშვება, მდურვა და ბოლოს ცივი შერიგება, რადგან მიზეზთმიზეზი ჩხუბისა უკვე აღარ ახსოვდათ. მერე გაჩნდა კეკე და ზინაიდა პეტროვნა ვერ იცლიდა მხოლოდ ბიჭისთვის, ყურს ვერ უგდებდა პატარა მამბეზლარას ტიტინს. ოღონდაც, ლესტამბე არ აპირებდა დედამამის თვალში პირველობის დათმობას, აკვანში ჩაკრულ კეკეს ხან ბნკენდა, ხან ცხვირში ლობიოს შეტენიდა, ხან საწოლგარადან რძეს თვალეებში ჩაასხამდა. კეკეს ჩხავილი ცასა სწვდებოდა და გაცოფებული ზინაიდა პეტროვნა ციცქნა მტარვალს სარტყელს მწარედ მოუნაცვლებდა.

ჯალათის სიტკბოება პირველად ათი წლისამ იგემა, როცა მეზობლის კატას ბარტყი აართვა. ალბათ ბუდიდან იყო გადმოვარდნილი, გასაფრენად ემზადებოდა და ბალახში ჩაიხლართა, შიშისაგან მთელი ტანით თრთოდა და წყვიპინებდა. კატას კამარა უნდა შეეკრა, როცა ლესტამბემ დაასწრო. ბარტყი მის ხელში გაინაბა, თითქოს უფრო დაპატარავდა. ბიჭმა კი მოუჭირა, მოუჭირა, პანანა, ბუმბულიანი, რბილი ბურთი მოჭმუჭმა. ბარტყმა ერთიც დაიჭყლოპინა და ნისკარტი ღიად დარჩა. ლესტამბეს ხელისგულში თანდათან გაქრა სითბო, სირბილე და სიმჩატე. გაეცინა, მსხვერპლი კატას მიუგდო. იმან ჰაერშივე დაიჭირა და ბუჩქებში შეძვრა, რათა ნადავლით დამტკბარიყო.

არაერთხელ გახსენებია ეს წამი ლესტამბეს, რალაცნაირად ტკბილად შეაფრჟოლებდა ხოლმე. მიზეზი ამ სიამოვნებისა თვითონაც ვერ ამოეხსნა. მოგვიანებით, თორმეტცამეტისამ საკენჭავი გააკეთა და ბელურებზე გაინადირა. დახოცილი ჩიტების დანახვა აღარ აღელვებდა, რაკი ეს არ იყო ნამდვილი მკვლელობა, ხელისგულით ვერ აღიქვამდა სხეულიდან სულის განშორების წამს. ხორცი ხორცად არ უყვარდა, მონადირული ჟინისაგან თავისუფალი იყო და ნანადირევს გულგრილად გადაუყრიდა შემოჩვეულ კატას. ის კი ამდენი პატივით განებივრებული, ზედმეტად დაუმეგობრდა. კრუტუნით ეგებებოდა, ფეხებში თავისი ფაფუკი ბენვით მოეხახუნებოდა... ამ სითამამემ და ქრთამის სიყვარულმა დაღუპა სწორედ!

გვერდით მეზობელს კიკული ძიგუას ჯიხური მოენყო ქოფაკისათვის. დღისით კარს მიუკეტავდნენ ხოლმე. ბედით უკმაყოფილო ძალღი ბნელში ყმუოდა და გულს აწყალებდა. ღამით გამოუშვებდნენ. უკანა ეზოდან ჭიშკრამდე გრძელ ჯაჭვს დააჩხრიალებდა და მისი ერთი დანახვაც საკმარისი იყო, ქურდს გული გახეთქოდა. ლესტამბემ კატას ხელი დასტაცა, გულში ჩაიხუტა. თან ეფერებოდა, თან ყელში მონოლილ სიცილს ვერ იკავებდა. გული უცნაური სიტკბოებით ევსებოდა, რადგან მის ხელში მომწყვდეული კატის ფაფუკი, ცოცხალი გორგალი წარმოსახვაში უკვე მკვდარი იყო. კატამ ჯერაც არაფერი იცოდა ამის თაობაზე და ალერსიანად კრუტუნებდა. ჯიხურს რომ მიუახლოვდნენ, ქოფაკს, ალბათ, სუნი ეცა და ანკმუტუნდა. ფისომ იგრძნო საშიშროება, ტანი ზამბარასავით გაუხდა, ბრჭყალებით პერანგში ჩააფრინდა. ლესტამბემ ძლივს მოიგლიჯა განწირული ცხოველი, ჯიხურის კარი გამოაღო, შიგ კატა მოისროლა და ისევ მიხურა... თავზარდამცემი ჩხავილი მოისმა, ამას ქოფაკის ღრენაღმუილი დაერთო. ჯიხურში სასტიკი ტრაგედია დატრიალდა და ლესტამბეს წარმოსახვაში ყოველივე ისე გათამაშდა, თითქოს თვალნათლივ ხედავდა... სიკვდილის ეს ხმები ალერსად ჩაესმოდა, იდგა და ხითხითებდა. ამ დროს მოუსწრო ძალღის პატრონმა კიკული ძიგუამ, ყურში ხელი ჩაავლო და ეზოდან გაათრია.

ამდენს ვერავინ გაუბედავდა ბიკენტის შვილს. ბიჭის სისასტიკემ გააცეცხლა კაცი, თავი ვერ მოითოკა. უმაღ მიხვდა, შორს შევტოპეო. მოინდომა მიფუჩჩეჩება, ბიჭის მოთაფლვა, მაგრამ ლესტამბემ არ იცოდა სიტყვა „პატიება“.

ერთხელ, როცა ყველანი სამსახურში გაიკრიფნენ, სკოლიდან სხვაზე ადრე დაბრუნებულმა ლესტამბემ ჯიხურს ნავთი გადაასხა და ასანთს გაკრა.

ცეცხლი უმაღ აბრიალდა. ქოფაკი შიგნით აფხაკურდა. შიშისაგან ჯერ აღავლავდა, მერე ყმუილი მორთო, წუთის შემდეგ კი ეს ყმუილი საშინელ კვილში გადაიზარდა, თითქოს ადამიანის ხმა შესძენოდა და ვაებით ზეცას შველას შესთხოვდა... ლესტამბე თავის ეზოში გადახტა, იქ ბუჩქებში ჩაიმალა,

იქიდან უყურებდა აგიზგიზებულ ცეცხლს და ხითხითებდა... ჯიხური შიგნიდან გასკდა, იქიდან აღმოდებული ბურთი გამოგორდა. შესაბრალოსი ნკმუტუნით იგორიალა და დაეცა... დანახშირდა... ირგვლივ მყრალი სუნი დადგა და შავი ფერფლი დაეფინა.

კიკული ძიგუამ თავზე ხელი შემოირტყა, ეს ამოდენა კაცი ბავშვივით ატირდა, სამსახურიდან დაბრუნებულ ბიკენტის დაუდარაჯდა და შესჩივლა. ბიკენტიმ ცივად მოუსმინა, ეჭვით გახედა ჯიხურის ნამუსრევს და შეეკითხა: „რითი დაამტკიცებ, რომ ჩემი ბიჭის ნამოქმედარია?“ კიკულიმ კატის ამბავი შეახსენა. ბიკენტიმ მხრები აიჩჩია: „ეს საბუთი არ არის!“ მეზობელს ზურგი შეაქცია. შინ შესვლისთანავე ქამარი შეიხსნა, ლესტამბე გრძელ სკამზე წამოაწვინა და ათჯერ ისე უმხუვლა, ბიჭის გამხდარი დუნდულებიდან სისხლმა გამოჟონა. ტკივილისაგან ლესტამბე ღრიალებდა. ზინაიდა პეტროვნა ქოთქოთებდა, მაგრამ ბიკენტიმ ეგზეკუცია წესისამებრ ჩაატარა. „როცა სიგლახეს სჩადიხარ, კვალი არ უნდა დატოვო!“ — ეს სიტყვა დაუგდო და გაშორდა.

კარგად დაიმახსოვრა ლესტამბემ მამის შეგონება. იმ დღეს სიცხემ აუნია და ერთი კვირა ლოგინი ხეხა. ზინაიდა პეტროვნა ნუთით არ მოშორებია, ცალი თვალით ფარდაზე მოლოლიაღე კეკეს გაჰყურებდა, თან ბიჭს ჭკუას არიგებდა.

მაშინ პირველად აამოქმედა ლესტამბემ თავისი მთავარი იარაღი. უჯრიდან ამოიღო კონვერტი, რომელზეც გამართული კალიგრაფიით ეწერა: „კიკული ძიგუა“... ეგზეკუციის შემდეგ სკოლაში პირველად რომ წავიდა, მეზობელი შეხვდა და დაცინვით ჰკითხა: „მოგხვდა, ნიე?“ ლესტამბემ წყნარად უპასუხა: „ჰო, მომხვდა!“ კოჭლობით მიდიოდა და კიკულის შეეცოდა, თავის გულში აპატია დანაშაული. მან არ იცოდა, ბიჭის გამწლეულ სხეულში რანაირი გული ფეთქავდა და მუშტისტოლა, უფერულ თავში რანაირი აზრები ლაგდებოდა.

ზუსტად წლის თავზე, როცა კატისა და ძაღლის ამბავი ყველას მიავიწყდა და კიკული ძიგუა ცხოვრების ოპტიმისტურ გეგმებს ინყობდა, „მზიურ მომავალს თვალს უსწორებდა“,

ჭიშკართან „ვილისი“ გაჩერდა. იქიდან ტყავისკურტაკიანი ბიძიები გადმოვიდნენ. ლესტამბე ამ ამბავს თავისი ფანჯრიდან უყურებდა და გული ბაგაბუგით უტემდა. მან დაინახა, თუ როგორ გამოიყვანეს კაცებმა კიკული ძიგუა, როგორ გასდია ტირილით ჭიშკრამდე ცოლმა, როგორ ღნაოდნენ მისი ბავშვები, ერთი ლესტამბეს თანატოლი ტუჩია, სამნი კი ამაზე უმრწემესნი, მუდამ მშვირები და ტიტლიკანანი... უყურებდა ამათ ლესტამბე და პირი ტკბილი ნერწყვით ევსებოდა, ხელებს იფშვნეტდა და ხითხითებდა.

იმ საღამოს კიკულის ცოლი ფეხებში ჩაუვარდა ბიკენტის, შესთხოვა, მიშველე რამეო. ბიკენტიმ წამოაყენა, მხარზე ხელი მოუთათუნა — „დამშვიდდი, ოსურპატონი! იქნებ შევძლო რამე!.. ეჰ, რამ გაასულელა მაინც ეს დროული კაცი, რა უნდოდა ანტისაბჭოთა ჯგუფში, ხომ იცოდა, თავზე ხელს არ გადაუსვამდნენ!“ გულისჯიბიდან ფული ამოიღო, ქალს ძალით ჩაუკუჭა ხელებში... ასეთ დანაშაულში მხილებულს ბიკენტი, აბა, რას უშველიდა. წერილი მივიდა, თურმე, ორგანოებში, „დონოსი“, სადაც შავით თეთრზე ეწერა კიკული ძიგუას გათახსირების ამბავი. მონაფური ბატიფეხურით შედგენილ ანონიმურ ბარათში პარტიისა და სამშობლოს უჩინარი კეთილისმყოფელი ძიგუასთან ერთად ქალაქის რამდენიმე თვალსაჩინო მოღვაწესაც ამხელდა და, ბუნებრივია, ისინიც ვერ გადაურჩნენ ორგანოების რისხვას.

ლესტამბემ მომდევნო დღეს შინ მოიყვანა დაღვრემილი ტუჩია. ზინაიდა პეტროვნა ბორშჩითა და კატლეტით გაუმასპინძლდა. თავს აქეთიქით აქნევდა და ოხრავდა: „ოხ, ოხ, რა კნას ახლა საცოდავმა კალმა და ბავშვებმა! ოხ, ოხ!“ ლესტამბეც თვალთმაქცურად ხვნემოდა და ხანდახან ტუჩის კუთხეში ლიზღური ღიმილი გაუკრთებოდა... სხვა ვინ გაბედავდა გაუბედურებული ძიგუების თანაგრძნობას, სხვა ვინ გაუღებდა ოჯახის კარებს, მაგრამ თოლორაიები უშიშარნი იყვნენ და ამას ქალაქი ხედავდა.

ალბათ ვერ იმართლა თავი კიკული ძიგუამ, რაკი უკვალოდ გაქრა. გასაცოდავებულ მეუღლეს კი უთხრეს, გასახლე-

ბულია მიწერმოწერის უფლების გარეშე. კეთილისმყოფელმა ბიკენტიმ მეზობლურად ურჩია, ისე იცხოვრე, თვალში არავის ეჩხირებოდეთ. როგორღა ეცხოვრათ? სად უნდა ეშოვათ პური არსობისა? იმ დროიდან ტუჩია ძიგუა სკოლაში არ წასულა. ჩხერიის პირას, ხიდთან იდგა ხოლმე, სატვირთო მანქანების მძღოლებს ელოდებოდა, ხუთ მანეთად ურეცხავდა „პალტარატონკებს“... ამით თავის პატარა დაძმებს ვერ გამოკვებავდა და ერთხელ გაბედა, ბაზარში მუშტარს ჯიბეში ორი თითი ჩაუცურა, ერთბაშად ხუთი თუმანი იშოვა... მერე არაერთხელ უნახავთ, ბოტანიკური ბაღის ბნელ კუნჭულში ყომარს რომ აგორებდა ბიჭებთან. ტუჩია ძიგუამ მოძებნა თავისი საარსებო წყარო, ლესტამბეს უჯრაში კი გაჩნდა მორიგი უმარკო კონვერტი, რომელსაც გარედან ეწერა — „ტუჩია ძიგუა“.

7

მართალის გააჟრჟოლა. ვავა ზარქუა იყო მისი ერთადერთი მოსისხლე მტერი დედამინის ზურგზე. ამავე დროს იგი იყო „ერთგული სტალინელი“. ეს ორი რამ ერთმანეთისათვის ვერ შეეთავსებინა. ასეთი გაორება აბნევედა, ლარვიტ აწყობილ წარმოდგენათა სისტემას უნგრევედა.

— ა, მართალი თოდუა, შენ ხარ? — ჰკითხა ვავამ და მისი ხმა იყო ჩვეულებრივზე ჩვეულებრივი. მის კილოში არც მტრობა ისმოდა, არც მძულვარება, თითქოს ამ გვიანი ღამით ქალაქის ცარიელ, ჭონჭყო ქუჩაში ახლობელს ეძებდა და შეხვდა კიდევ.

— დიას! — მოჭრით შეეხმინა მართალი, ნაბიჯი უკან გადაგა, მაგრამ ვავამ მკლავში ხელი ჩაავლო და ჩაინუნუნა:

— როგორ ცივა, ეს ოხერი! შენ ალბათ თოლორაიებთან იყავი!

— დიას! — ექოსავით შეეპასუხა მართალი.

— რა სიცარიელეა! — მოწყენით თქვა ვავამ. — მთელ ქალაქს სძინავს, ჩვენ კი ქუჩაში დავდივართ... მარტოდმარტონი!

მართალის გაუკვირდა. ვერ წარმოედგინა ვავას სევდა, რაიც კეთილშობილთა თვისებაა, ბოროტების ამ ჭურჭელს კი ხელის აუკანკალებლად შეეძლო კაცისათვის ყელი გამოეჭრა.

წარმოიდგინა კიდევ, თითქოს დანა ყელზე დაუსვესო... წარმოსახვა იმდენად ცოცხალი იყო, კინალამ შეჰყვირა.

— რა მოგივიდა, გცივა? — თანაგრძნობით ჰკითხა ვავამ. — რა ნაგიყვანს ახლა ტალახადის ქუჩამდე. მოდი, ცოტა ხანს ჩემთან გათბი!

ამას ყველაზე ნაკლებ მოელოდა მართალი, დაიბნა, უარი ვერ მოახერხა, არც იცოდა, თუ სად ცხოვრობდა ბნელეთის ეს ურჩხული.

— მე აქვე ვცხოვრობ! — თითქოს ნაფიქრალს მიუხვდაო, ისე თქვა ვავამ, თან მორცხვად დაუმატა: — იცი, ობლად გავიზარდე, ახლობელი არავინა მყავს და მარტო ვარ!

მის სიტყვებში ტკივილი გაჟღერდა და მართალის გული გაორდა. მის წინ ტატარის მკვლელი იდგა, მაგრამ იგი ობოლი და მარტოსული იყო და ღამით, ქუჩაში, მარტოობა ერეკებოდა. თვითონაც კენტად დარჩენილს ესმოდა მარტოობის გაუსაძლისი ტკივილისა და თანაგრძნობამ გული მოულობო.

სახლი კომუნალური აღმოჩნდა, ორსართულიანი და რვაბინიანი. მეორე სართულის ბინებს კიბეები ცალცალკე ჰქონდა და ვავამ ბნელში გასაღები ააჩხაკუნა, ნათურა გადამენვაო, მოიბოდიშა.

რუსული ყაიდის წინკარში ტაშტი გახრიგინდა. ხელსაბანში წყალი მოწინკარებდა. ვავა წინ გავარდა, სინათლე აანთო. წინკარს ოთახი მოსდევდა და მარტოკაცის მოუწყობელი ყოფის სურათმა მართალის აფიქრებინა, ვილაცა ჩემზე უარესად ცხოვრობსო.

კუსტარულ ელექტროლუმელს შემოუსხდნენ და მართალიმ პირდაპირ ახლალა შეხედა თავის საბრალო მტერს. გული ერთი მუჭა გაუხდა. შინაურული ვავა აუტანლად მახინჯი ერჩენა. მტრობა, შიში, ზიზღი და სიძულვილი ერთმანეთში აერია და თავგზა აებნა.

— ჩაი დავლიოთ! — მასპინძელმა ჩაიდან ღუმელზე შემოდგა და გახურებულ სპირალს სიცივით დანითლებული, კვანჯლარა თითები მიუშვირა.

მართალიმ მზერა აარიდა.

— ვიცი, რასაც ფიქრობ ჩემზე! — თქვა ვავამ უხალისოდ. — გძულვარ! ნეტავ, ვის ვეხატები გულზე! ისეთი ბედი მაქვს, ყველას თავის მტერი ვგონივარ!.. კი, მე ვესროლე მამაშენს. მაგრამ, როგორ ფიქრობ, რა სარგებლის გულისათვის? შენ გგონია, პირადი მტრობა მქონდა?.. მე სულაც არ ვიცნობდი ტატაჩის. არც ის ვიცი, რატომ ემალებოდა მთავრობას. მიბრძანეს და ვესროლე!

— როგორ! — ხმის კანკალით იკითხა მართალიმ.

— მე ხომ ადამიანი არა ვარ! — გესლი გამოიკვეთა ვავას ხმაში. — თქვენ ყველანი ყბედობთ მომავლის დიად საზოგადოებაზე, ოღონდ ეს საზოგადოება სხვამ უნდა მოგართვან ხონჩით. ასე არ გამოვა! ვილაცამ უნდა იტვირთოს შავი სამუშაო, ვილაცამ უნდა განმინდოს ყანა სარეველებისაგან!.. მე მაკისრია ეს საქმე! მე ადამიანი არა ვარ და ჩემი სული ამით არ დამძიმდება! მე ძალლი ვარ, ქოფაკი, პატრონი შემეძახებს და ვისზეც მიმითითებს, იმას ვეცემი ყანყრატოში!

გამტკნარებული უსმენდა მართალი. ნანობდა, შიშსა და ცნობისწადილს რომ დამორჩილდა, ბნელი ღამით სიკვდილის ამ აჩრდილს შინ ნაჰყვა.

ვავა ზარქუამ ცივად, შემაზრზენად გაიცინა.

— მეგობარი მე არა მყავს, ძალლისა და სისხლის სუნი მდის და ვინ მემეგობრება! ქალიც ამიტომ არ მომყვება! მე მარტოსულად სანადიროდ გამოსული ველური ძალლი ვარ... ერთადერთი პატრონი მყავს, დიდი სტალინი! — ვავას თვალეზი უცებ გაბრწყინდა, თითქოს თეთრი სანთლები დაინთო, შიგ ფანატიკური, გიჟური ცეცხლი აციაგდა. — დიახ, ის წმინდა და მაღალი კაცია, ერთადერთი ადამიანი, ვინც კაცობრიობაზე ზრუნვით აღამებს და ათენებს. ის ჭვრეტს ყოველივეს — წარსულს, აწმყოსა და მომავალს!.. კაცობრიობის ხომალდი მიჰყავს დიადი ხვალესაკენ, სადაც ყველაზე უკანასკნელი

ლი, ჩემნაირი ძალლიც კი, პირველი აღმოჩნდება! ოღონდაც, ბელადს აურაცხელი მტერი ჰყავს და ჩვენ უნდა მხარში ამოვუდგეთ!.. მე ნამდვილ სტალინელს ყნოსვითა ვგრძნობ, ისე ვარ დაგეშილი!

— ტატაჩი მტერი იყო? — მღელვარედ ჰკითხა მართალიმ.

— მტერი იყო! — თეთრი, თითქოსდა ლიბრგადაკრული თვალები მიაცივა ვავამ. — ტატაჩი არ შეიძლებოდა, მტერი არ ყოფილიყო! ის სხვანაირი იყო, სხვა გზას ეძებდა, გზა კი ერთია! შენ არა ხარ მტერი, მე ეს ვიცი! შენი გული ჯერჯერობით ჩემს რიტმზე ფეთქავს... მერე არ ვიცი, რა მოხდება!.. აი, დღეს შენ თოლორაიებთან იყავი, ფხიზელი თვალით თუ შეხედე ყოველივეს?.. ბიკენტი?.. ვგრძნობ, ხანდახან მოურბილებს, გენერალურ ხაზს ასცდება, ეს კი საშიშია...

— ზინაიდა პეტროვნა სტალინზე ლოცულობს!

— ვიცი, ზინაიდა პეტროვნა ნამდვილი სტალინელია, მაგრამ ცოტათი გიჟია! სტალინი ადამიანია, დიადი, უკვდავი, მაგრამ მაინც ადამიანი.

— კეკე?

— კეკე გულუბრყვილო ბავშვია, ჯერ არაფერი ერჩე-რჩეტება. ის ახლადამოსული ჩითილია და კაცმა არ იცის, მისგან რა მცენარე გაიზრდება, იქნება მავნე სარეველა აღმოჩნდება!

— ლესტამბელა დაგვრჩა! — მართალის ხმაში გაღიზიანება იგრძნობოდა.

— მოდი, რა გიჩვენო! — ვავა დაუზარებლად ნამოხტა. კუთხეში ხის უბრალო ტახტი იდგა და სახურავი ახადა. ძველ, დაფხრენილ საბანზე გვერდიგვერდ რამდენიმე რევოლვერი და შაშხანა ეწყო. — ლესტამბეს ჰგონია, არ ვიცი რომ ჩემი „ვალტერი“ აქვს. ყმანვილია და ერთობა!.. გაერთოს! ვიცი, ისიც ძალლად იზრდება, ოღონდ ძუკნად... ძუკნა უფრო ავია, მშიშარაა და იმიტომაა ავი! ლესტამბე ავიც იქნება და დედალიც! თავისი მოკლე ჭკუით ჰგონია, რომ ხაფანგში გამაბა. ეგონოს! ის „ვალტერი“ მე არც მანერია, შემეძლია დავამტკიცო, რომ საერთოდ არ მქონია... ანდა იქნებ მე განგებ მივუგდე! შემთხვევით



გაუვარდება და იქით მეყოლება გამოჭერილი, ისიც და თოლო-რაიების მთელი ოჯახიც... ჰი, ჰი... — ვითომც გაიხუმრა.

„საიდუმლოს თავისთვის არ იტოვებენ... ჯერ ლესტამბე, მერე ეს... — გაიფიქრა მართალიმ, — რატომ? ან ჭკუამოკლულ ვგონივართ, ანდა მართლაც პავლიკ მოროზოვი... ძაღლების ხროვა! — გულზე ბრაზი მოაწვია. — ამათ მე თავისი ჯილაგისად მივაჩნივართ, თავიანთ სიაში ჩამწერეს!“

მაგრამ რა იყო ეს სია?

ჭეშმარიტი სტალინელები ვართო, ამტკიცებენ. მერედა, მართალი თოდუაც ხომ ჭეშმარიტი სტალინელია, ოღონდ როგორ უნდა მოთავსდნენ ის და ვავა, ის და ლესტამბე ერთ სიაში?

კარგა ხანია ჩაი ადულდა, წყალი ორთქლად იქცა.

— ჩაი დავლიოთ? — ახლალა გაახსენდა ვავას.

მართალიმ თავი გააქნია.

— გვიანაა, უნდა წავიდე!

— მოიცა, რალაც უნდა გაჩვენო!

მართალი დაილალა, ყმანვილს უკვე არაფრის ნახვა არ ენადა, მაგრამ უარი ვერ შეჰბედა.

— აქეთ მოდი! — ვავამ ოთახის სიღრმეში მწვანე კარი შეაღო.

იქიდან სამარისებურმა სიცივემ შემოაბიჯა.

მართალი ჭოჭმანით მიჰყვა. საკმაოდ დიდ ოთახში აღმოჩნდა... ყოველი მხრიდან ერთბაშად ასმა სტალინმა შემოჰხედა.

— ხომ მაგარია? — იკითხა ვავამ.

მართლაც რომ! კედლებზე მიჯრით ეკიდა უამრავი სურათი და პლაკატი, ხელისდადება ადგილიც არ დარჩენილიყო. აქედან და იქიდან იცქირებოდნენ დიდი და პატარა სტალინები... ბავშვი სოსო, სემინარისტი სოსელო, კობა ციხესა და ციმბირში, გაუპარსავი და გაპარსული, იოსები ჯარისკაცურ შინელში და გენერალისიმუსის კიტელში... ფერმწერებსაც ბევრი უმუშავნიათ და გრაფიკოსებსაც, ხეზე ამომჭრელებსაც და მქსოველმქარგველებსაც... კედლების გასწვრივ, პირდაპირ იატაკზე ჩამომწკრივებული იყო სხვადასხვა ზომის ქანდაკებები და ბიუსტები, მტკაველის ოდენებიც და ნატურალური სიდიდისაც.

ფანჯარასთან, ხის კასრში კაქტუსიც კი იზრდებოდა, ფორმით რომ უღვაშიან სტალინს მოჰგავდა.

ვავას ფერი მოეცა, თითქოს საღებავთა სიჭრელე გადაედო. ბიუსტს მხარზე ხელი მოუსვა და ნაზად ჩაიკრუტუნა:

— ესაა ჩემი სიმდიდრე! ამაში მეხარჯება მთელი ხელფასი! ზოგი ძვირი მიჯდება, ზოგსაც უფასოდ ვშოულობ! აი, ეს, მაგალითად, ბრინჯაოა, მაჩუქეს! ესენი კი, — საკმაოდ ბევრზე გადაატარა ხელის მტევანი, — ხალხის მტრების ოჯახებიდან წამოვიღე. ბელადისათვის შეურაცხყოფაა, რომ მისი სურათი ინახებოდეს იმათთან, ვისაც ყველა კანონით შუბლში ტყვია ეკუთვნის!

„ვის ეკუთვნის შუბლში ტყვია? — რიკოშეტით გასხლტა მართალის თავში. — იცი, შენ, ვავა ზარქუა, ვის ეკუთვნის შუბლში ტყვია?“

მართალისაგან ეკუთვნოდა ვავა ზარქუას შუბლში ტყვია, მაგრამ მართალის არც ამისი სურვილი ჰქონდა, არც ღონე...

— ჯერ სადაა, — შეთქმულივით აჩურჩულდა ვავა, — ქალაქში, ღია ცისქვეშ გამოფენას მოვანყოფ, მერე მუზეუმსაც დავაარსებ...

ამდენი დუმილი არ შეიძლებოდა და მართალიმ გულსგარეთ თქვა:

— სტალინი ხომ მერეთში არასოდეს ყოფილა?

ვავამ ეჭვიანად შეხედა, ნათქვამი არ მოეწონა.

— სტალინის სამშობლოა მთელი დედამიწა, იგი ყველგან დაიბადა. ამიტომ სტალინის მუზეუმი უნდა იყოს ყოველ ქალაქსა და სოფელშიც. ალბათ ასეც მოხდება, ოღონდ მთავარია, სხვებმა არ დაგვასწრონ. მერეთში ისეთ მუზეუმს წამოვჭიმავთ, გორელები შურით გასკდებიან!

— წავედი აბა! — მტკიცედ თქვა მართალიმ და კარი-საკენ გაემართა.

ვავას მკლავები უღონოდ ჩამოუცვივდა, წამში პატარა, უსუსური და გონჯი გახდა. სტალინების უთვალავი მკაცრი მზერის ქვეშ თითქოს მთლად მიიღია, გაუფერულდა, გაქრა...

„იგი ძალღია, — ფიქრობდა ტალახადის ქუჩის ჭონჭყში მიმავალი მართალი, — იგი ძალღია და პატრონის შეძახილზე ყანყრატოში ეცემა თუნდაც უდანაშაულოს!“

სინათლე ყველგან ჩამქრალიყო და კუნაპეტში გაჩერებულ მართალის გონებაში უცნაური აზრი ამოუტივტივდა:

„მე რომ მიბრძანოს... დიდმა სტალინმა რომ მიბრძანოს, აიღე ეს „ვალტერი“ და ტყვია შუბლში მიაჭედე შენს მტერს ვავა ზარქუასო...“

გული უცნაურად აუჩქროლდა, საკუთარი ფიქრებისა შეეშინდა...

უკვე შინ მიეღწია. გაკვირვებულმა აიხედა, აივანზე ჭრაქი კრთოდა...

## 8

— რომელი ხარ? — მაროს ხმა იცნო, გაუხარდა.

— მე ვარ, მარო მამიდა, არ შეგეშინდეს!

— სად დაიკარგე, შვილო, გული გამინყააღდა, რა არ ვიფიქრე!

— საქმეზე ვიყავი! — ბანზე აუგდო მართალიმ.

მარო კიბის თავზე იდგა, ხელში ჭრაქი ეჭირა და მეორე ხელს შუბლზე იჩრდილებდა.

— დენიც გათიშულა!

— ეჰ, შვილო, მაგას უკვე მივეჩვიეთ, დღე და მოსწრება ჭრაქის შუქზე არა ვართ?.. ფეხს აუჩქარე, სტუმარი გელოდება!

— ვინ სტუმარია? — დიდად არ გახარებია ყმანვილს, დაღლილი იყო, ძილი ეწადა.

— ამიჩემა, ისე როგორ მოგკვდე, ჩემი ნესტორის შვილიშვილი და ტატარის შვილი ვერ ვნახო!

— მამიდა დარიკო? — სახტად დარჩა მართალი.

— ჰო, მამიდა დარიკო! — გამოაჯავრა მარომ. — რა იყო, რა შეიცხადე?

— რამდენი წლისა იქნება მაინც? — ჩურჩულით ჰკითხა.

— ას ოცდაათისა შესრულდა, მგონია, — ჩურჩულითვე უპასუხა მარომ, ვერ გაიგებდი, იხუმრა თუ სიმართლე თქვა.

— აუჰ! — მართალიმ ქალი წინ გაატარა.

ბუხარში ცეცხლი ენთო, ოთახს სითბოთი და მენამული შუქით ავსებდა.

დედაბერი ჯორკოზე იჯდა. ჩიტივით დაღუეს ზურგზე მოზრდილი კუზი აჯდა და თავის მალლა აწევა უჭირდა. ჩუმად ფშუტუნებდა.

— მარო მამიდა, როგორღა ჩამოაღწიეთ? — ხმადაბლა შეეკითხა მართალი.

— კოლექტივის მანქანას გამოვეყვით, შოფერმა კაბინაში ჩაისვა. დილით ისევ გამოგვივლის და წაგვიყვანს!

დედაბერი შეირხა, ძილბურანიდან გამოერკვა.

— მოხვედი, მარო? ბიჭი მოიყვანე? აბა, დამანახე, ენაცვალოს დარიკო მამიდა!

ძლივსღა ჩიფჩიფებდა, მაგრამ სიტყვას ბგერას არ აკლებდა.

მართალი ბუხართან მივიდა, დედაბრის წინ ჩაიშხლა.

ხორცისგან მთლად დაცლილიყო, წვრილი ნაოჭებით დაქსელილი კანი გადაჰკვროდა პირზე. წარბები ჩამოზრდოდა, ღრმად ჩაცვნილ თვალებზე ჩამოფარცხოდა. დაჭმულნილ ტუჩებს მიღმა ორისამი კბილი კიდევე შერჩენოდა.

ხელი წამოიღო, თავზე შეეხო მართალის, ლოყაზე ჩამოუცურა. თითები გამხმარ ტოტს მიუგავდა.

— ჯვარი გწერია, ნენა! ნესტორს გვანებიხარ, ცხონებულს! ჩემ წინ დაჯექი, ჯორკოზე, შემოგხედო! მარო, ჭრაქი მოიტანე, ბუხართან დადგი!.. თვალს დამაკლდა, ნენა, ყურსაც დამაკლდა, ჩემი ასაკისა ქვა არ გდია ჩხერიის პირას... დავავინწყდი, ალბათ, მიქელგაბრიელს, არა და არ გაითხარა ჩემთვის სამარე... ისე მოვიბლუნნე, კუბოში ვერ ჩამანვენენ...

— ნესტორ ბაბუა თუ გახსოვს, დარიკო მამიდა? — უფრო იმიტომ შეეკითხა, სიკვდილზე ლაპარაკი შეეწყვეტინებინა.

— აკვანს ვურწევდი, ნენა! ანგელოზი ბავშვი იყო, ციდან ვარსკვლავებს წყვეტდა. ასეთები სიცოცხლისათვის იბადებიან, ნენა, სიხარულისათვის იბადებიან, მაგრამ ცოდვიანი გვარი გვაქვს, ეშმაკი იბუდებს ჩვენს სულში, გვაცდუნებს... ღმერთო, შენ ააცილე ჩემი მართალი ცოდვის გზას!

დედაბერმა პირჯვარი უღონოდ გადასწერა მართალის, იყურა, მარომ კი დრო იხელთა, ყურში ჩასჩურჩულა ყმანვილს:

— მაგ ხნის ქალს ჭკუა არც მოეკითხება, შვილო, ჩვენს გვარს ცუდი არავისთვის შეუმთხვევია, ცოდვიანები რად ვიქნებით?

დარიკო მამიდა თვალდახუჭული ფშუტუნებდა. მართალიმ იფიქრა, ჩაეძინაო, მაგრამ დედაბერმა თვალეები მძიმედ გაახილა და შვილს ჩხირივით წვრილი თითით დაემუქრა:

— დარიკო ისე არ მოკვდება, ჭკუას მაროს დაესესხოს. სოფლიდან იმიტომ ჩამოვედი, ბიჭს ველაპარაკო. ვიცი, აქედან წავალ და მოვკვდები კიდეც! სატირალში ნუ ჩამოხვალ, ნენა, ან მე დასატირებელი არა ვარ!

— კი მაგრამ, ისეთი რა ცოდვა გვანევს, დარიკო მამიდა?

— ეს ქვეყანა, ნენა, ღვთის ბაღია. იმიტომ მოვდივართ, იგი კიდე უფრო დავამშვენოთ. ჩვენ მებაღეები ვართ, ნენა, ღვთით დადგენილი წესით უფვლით მის მიერ გაჩენილ ყვავილებსა და ხილს. ამით ვმოულობთ საზრდოს და ვახალისებთ წუთისოფელს. მაგრამ ეშმაკს არა სძინავს, ნენა, ეძებს გულზვიადებს, აცდუნებს და ისინიც უჯანყდებიან ღვთის დადგენილ წესსა და რიგს... ასეა, ნენა, ეს!

მართალი ჩუმად უსმენდა. მის სულში იბადებოდა პროტესტის გრძნობა. ცხადია, შეეძლო შეჰკამათებოდა, ეთქვა, ეს ყველაფერი ლეგენდაა, ზღაპარია. მსგავსი არაფერი უნერია მარქსსა და ენგელსს, ლენინსა და სტალინს, მაგრამ ღირდა კი კამათი ასოცდაათი წლის დარიკო მამიდასთან, რომელმაც ამდენი წელი ისე გალია, არ იცის, რომ არსებობს ტელეგრაფი, ამერიკაში კი, თურმე ტელევიზორიც, სადაც ათასობით კილომეტრზე ადამიანის ცოცხალი გამოსახულება გადაიცემა... ამდენი რამე არ იცის დარიკო მამიდამ, აკვნის ბავშვივითაა, მაგრამ მის დამჭკნარ ბაგეებს სცდება უბრალო, გულუბრყვილო სიტყვები, რომელთანაც შეკამათება შეუძლებელია... ეს სიტყვები წიგნებიდან კი არ მოდის, საიდანლაც, შორეული სიღრმეებიდან ამოიზრდებიან... ეს არ არის კონკრეტული ადამიანის აზრი, ეს არის აზრი თავისთავადი, ჟამიდან

ჟამში გადმოედინება, მარადის არსებობს და ყოველ ადამიანს ძალუძს გაითავისოს, მისი პირველალმომჩენი გახდეს...

— ჯერ კიდე მართალია გადასცდა ჭემმარიტ გზას, — კვლავ აჩიფრიფდა დედაბერი, — დაავინყდა, ღმერთმა რაც დაანათლა. ღვთის კაცად გაჩენილი წინ ვერ აღუდგა ცდუნებას, იარაღს მოკიდა ხელი...

— კი მაგრამ, დარიკო მამიდა, ის ხომ ბატონყმობას აუჯანყდა! — ვერ მოითმინა მართალიმ. — უტუ მიქავამ, კოჩი თოდუამ და მართალიამ გმირობა ჩაიდინეს!

— გმირობა? — დარიკო თითით დაემუქრა უხილავ ლანდებს. — კარგად მახსოვს ის დრო. ერთი კარდალი ლომისათვის კაცი შვილს ყიდდა თურქზე... გმირობა!.. კაცის კვლა არაა გმირობა!.. გაპარტახდა, დაიქცა ქვეყანა, დაიხოცნენ უდანაშაულონი, ქრისტეს კრავები. სიცოცხლე ისე გაჭირდა, მკვდრისა შეგშურდებოდა... მახსოვს, მახსოვს!.. — თავი ჩაქინდრა დედაბერმა, მისი ნათქვამის გაგება გაძნელდა. — ცხოვრებაა გმირობა... ოჯახს მოუარო, შვილები დააპურო, საქონელი არ დანყვიტო, ხე გაახარო, გაზაფხულზე დათესო და შემოდგომაზე მოიმკო, ესაა გმირობა!

— ყველამ ასე თუ იმსჯელა, რევოლუცია არ მოხდებოდა და ძველებურად მეფე გვეყოლებოდა!

— რითი იყო ცუდი? — იკითხა დედაბერმა. — ზღვა სისხლი დაიღვარა და რისთვის? მაგ შენს ლავრენტიას ერთ თხას არ მივაბარებდი, კარგად მახსოვს რა გაფუჭებული კაცი იყო!

— რას ამბობ, მამიდა? — შეშინდა მართალი.

— კი, კი! მაგ სოსოია წამხდარი შარავზის ყაჩაღი იყო სწორედ!

მართალი უცბად ვერ მიხვდა, ვინ იყო სოსოია წამხდარი, მაგრამ როცა ნათქვამის აზრს ჩასწვდა, გაუგონარი მკრეხელობის გამო სუნთქვა შეუგუბდა.

— კარგი რა, დედა, ნუ იცი აგეთები, ვინმემ რომ გაიგონოს, დაგვიჭერენ კიდეც! — შეუტია მარომ.

— დამიჭერენ? — დედაბერმა მოკლედ ჩაიხითხითა, ალბათ წარმოიდგინა უჩვეულო სურათი — ასოცდაათი წლის

დედაბერი ციხეში... მერე გაყურდა და მკაფიოდ წარმოთქვა: — ცაცანა დაიჭირეს და ეფრო, უცოდველი სულელები... — თავი ჩამოუვარდა და მსუბუქად აფშუტუნდა.

— ასე იცის ხოლმე, დაიღლება და იძინებს, — თქვა მარომ, — გვიანია უკვე, უნდა დავანვიინო!

— უჰ, შემეშინდა კიდეც! — გამოცყდა მართალი.

— შემოგვევლოს მამიდა, ამ ლაპარაკში ვახშამი დამავინყდა! — მარომ ბალიშიდან ხელსახოცში გახვეული სულუგუნჩანყობილი ღომი გამოაძვრინა.

— არ მშია, დილით შევაცხელოთ და ვისაუზმოთ! — მართალი კვლავ დედაბრის ნათქვამს უტრიალებდა და მთელი არსებით ცდილობდა უარეყო.

არც ერთ ნიგნში, გაზეთში, ჟურნალში არ წაუკითხავს აუგი რევოლუციისა, სტალინისა და ბერიას ასე შინაურულად გათათხვა ხომ წარმოუდგენელი რამ იყო. „მართლაც გამოჩერჩეგდა, იმდენი ხნისაა!“ — სიბრალულით შეხედა ჟამისაგან დაღეულ ქალს.

დაღლილი კი იყო, მაგრამ დიდხანს ვერ დაიძინა. ეს ერთი დღე შესაძლებელზე მეტს იტევდა. რამდენი რამ გახდა ნათელი, უფრო მეტმა კი გონება აუზნია. კითხვა უამრავი დაეებადა, პასუხები კი ვერ დაძებნა. რატომ ესწრაფვის ბიკენტი მის სიახლოვეს? ვითომ მშობლებთან ადრინდელ მეგობრობას უხდის ხარკს? რატომ მოისურვა ლესტამბემ მასთან დაზავება? რატომ ეძებდა ვავა ზარქუა მის თანაგრძნობას? რა აკავშირებთ ერთმანეთთან ამ განსხვავებულ ადამიანებს და მრავალ სხვასაც?.. მხოლოდ სტალინის თაყვანისცემა? რატომ ამოირიცხა საკუთარი თავი სტალინელთა სიიდან კეთილმა და უკვდავმა დარიკო მამიდამ?

დაღლამ თავისი გაიტანა, ლოგინის სითბომ უნანავა და მართალი ნათელ დარბაზში აღმოჩნდა. მარმარილოთი და ოქროვერცხლით იყო განყოფილი. კედლებიდან უამრავი სტალინი იყურებოდა, გუმბათქვეშ ანგელოზისფრთიანი სტალინები დაფრინავდნენ. დარბაზშიც უთვალავი სტალინი მიმოდიოდა. ზოგს ჯარისკაცის უბრალო შინელი ეცვა, ზოგს

თეთრი კიტელი, ზოგსაც გენერალისიმუსისა... დასეირნობდნენ ეს სტალინები და ერთმანეთთან მასლაათობდნენ... უცებ კეკემ გაირბინა, სტალინის ჩექმის სიდიდისა არცაა. თავგზა აუზნია ამდენმა ჩექმამ და წითელკანტებიანმა შარვალმა. „არ დააბიჯონ!“ — შიშით გაიფიქრა მართალიმ და სწორედ მაშინ გადმოდგა ნაბიჯი ჩექმებიანმა სტალინმა... შეჰყვირა მართალიმ და გამოეღვიძა.

ჯერაც ბნელოდა. მარო ამდგარიყო და ბუხარში ცეცხლს აღვივებდა.

— გაგაღვიძე, შემოგვევლე? — ჰკითხა.

მართალიმ პასუხად რაღაც ჩაიდუდუნა და კვლავ ჩაედინა, ჩაეშვა ჩვილის უსიზმრო ძილში, რომელსაც შვება და განახლება მოაქვს...

9

ბიკენტი თოლორაიამ საუზმის დროს მოუსწრო. ბუხარის პირას პატარა ტაბლას უსხდნენ. ნუხანდელი ღომი მიაფიცხეს ნაკვერჩხლებს და ყველთან შეექცეოდნენ. უფრო მართალი მიირთმევდა, რაკი მარომ უმადობა მოიმიზეზა, დარიკო მამიდა კი თურმე დღეგამოშვებით თუ მოსუსნიდა ციცქნა ყველსა და ღომს.

— ჩემი თალია, ნენა, მე უკვე მივირთვი, — ასე აუხსნა მართალის, თან მოფერებით მკლავზე ხელი ჩამოუსვა, — აწი ჩემი სიცოცხლე ისე ბუჭავს, როგორც მიღეული სანთელი... საჭმელი მე რად მინდა!

ბიკენტი მოურიდებლად შემოვიდა, მარტო ყმანვილს ელოდა და იმიტომ. ქალების დანახვამ წამით შეაცბუნა, მაგრამ უმალ ნაძალადევი ხალისით ალაპარაკდა:

— თურმე სტუმრები გყოლია, მე კი ვიფიქრე, ეს ბიჭი რამ გადარია, რატომ გამეპარამეთქი! — მაროს ხელი ჩამოართვა, მერე დარიკოსაკენ შებრუნდა.

დედაბერმა სტუმრის ხელს ზედაც არ დახედა.

— მარო, ვინ არის ეს კაცი?



მაროს ენა ჩაუვარდა, არ იცოდა, რა ეთქვა.

— როგორა ხარ, დარიკო, ველარ მიცანი? ბიკენტი ვარ, თოლორაია!

— ფუი, ეშმაკს! — პირჯვარი გადაინერა დედაბერმა.

— სულნანყმედილი ქოსას შვილი არა ხარ შენ?

— დედა! — შეუწყრა მარო.

მართალის ფერფურმა გადაუარა.

ბიკენტიმ წყენა არ დაიმჩნია, ნათქვამი ხუმრობაში ჩაუგდო.

— როგორი კუდიანიც იყავი ასი წლის წინ, ისეთივე დარჩენილხარ აქამდე!

დარიკო მამიდა ჯორკოზე შემობრუნდა, ჩაშრეტილი თვალებით ამოხედა.

— მეცოდები მე, ბიკენტი თოლორაია!

— რა მჭირს შენი შესაცოდებელი, ბებერო კუდიანო?

— სიბრაზე ვერ მოთოკა ბიკენტიმ.

— მამაშენის ნაგრამი ხარ შენ! თქვენი შიშით ძირს ჭიანჭველა ვერ დაიარება, მაღლა ჩიტს ვერ გადაუფრენია! უბედური დღის გაჩენილია კაცი, მხოლოდ შიშს რომ თესავს!

— რატომ? განა არ გაგიგონია, შიში შეიქმს სიყვარულსო?

— ღვთის შიში შეიქმს სიყვარულს და არა სატანისა!

— მაშ შენ არ გეშინია ჩემი?

— ან მე რისი უნდა მეშინოდეს? იმდენი მიცხოვრია ამ ცოდვით სავსე მინაზე, სიკვდილი ჩემთვის სიხარულია! — დედაბერმა თითი დაუქნია. — შენ კი, ბიკენტი, მორბენალის ვით ცხოვრობ, გაჩერებისა და დაფიქრების დრო აღარა გაქვს, თორემ თავს უნდა იკლავდე! მარტო ნესტორისა და ტატაჩის ცოდვა არ გაგახარებთ ან და მარადის!

უსმენდა ამას მართალი და ყურები უბჟუოდა. ვერც წარმოედგინა, დედამინის ზურგზე თუ ვინმე შეუბედავდა ბიკენტის ასეთ სიტყვებს. კაცმა კი გაფაციცებით შეხედა ყმანვილს, ის თუ ანუხებდა, ნეტა მართალი რას ფიქრობსო.

— ა, შეხედეთ ამას, ძველი კონტრა ჯერ კიდევ სულდგმულობს! ქვეყნიერება ტრაქტორით გადავხანით, ეს სარევე-

ლა კი ვერ ამოვძირკვეთ! — სიცილითა თქვა, ამით, გვეყოფა ხუმრობაო, ბეჭედი დასვა.

მაროც მიხვდა ამას, მართალიც. დედაბერმა კი გაგულისებით მომუნა პირი და ცეცხლისკენ მიბრუნდა, ზურგი შეაქცია კაცს და ცხადი გახდა, ძღვიბის მთელი გვარეულობა თაფლადაც რომ დაღვრილიყო, მის გულს ვერ მოიგებდა.

ამ დროს ქუჩიდან დაიჭყვიტინა კოლექტივის მანქანამ. მარო აფორიაქდა, ხელებიდან ყველაფერი უცვიოდა. ახალა გაახსენდა ნუხანდელი სათქმელი. ეგერ დერგში სულუგუნი დევს, შვილო, ტოპრაკით ლობიო მოგიტანე, ნანა, კეჟერას მწნილი ქვაბში ჩაგიდევი, სქუა... მოაყოლა და მოაყოლა... მართალი თავს უქნევდა, თან დარიკო მამიდას ეხმარებოდა.

დედაბერი ფეხს ძლივს ადგამდა. ტუჩები მაგრად მოეკუმა, კუშტად იყურებოდა. ბიკენტი არ გამოჰყოლია, ბუხართან დარჩა. ნელინელ ჩაიყვანეს კიბეზე, ეზო გადაატარეს. მძლოლი გადმოვიდა, კაბინის კარი გამოუღო და შესვეს შიგ ჩიტივით...

თავის ქანქარით გახედა ეზოკარს დედაბერმა.

— მართალი, ნენა! სახელოვანი ვაჟკაცი იყო ნესტორი, ჭემმარიტებას ეძებდა და ვერ იპოვა! ტატაჩიმაც ვერ იპოვა, რადგან ღონე არ ეყო! კაცი მაშინ გახდები, კაცების ამოცნობას რომ ისწავლი... მზაკვარია ის შენი ბიკენტი, ფრთხილად იყავი... სხვისი იმედი ნუ გაქვს, სხვისი გზებით ნუ ივლი, შენს შარას დაადექი, ნენა!

მართალი დარიკო მამიდის დაბებკილ ხელს ტუჩებით შეეხბო, მშრალი ქალღღვივით ხეშეში კანი ჰქონდა.

უკან მხრებანურული შებრუნდა. რატომღაც ეტირებოდა, მაგრამ ბუხრისპირას ბიკენტი ელოდებოდა და თავი მოითოკა.

— გიკვირს ალბათ, რას გადამეკიდა ეს კაციო! — თავი არ მოუბრუნებია, ისე თქვა ბიკენტიმ. — მართალი იყო ის კუდიანი, შესაცოდებელი კაცი ვარ მე!

გაუკვირდა მართალის, დაჯდომა ვერ გაბედა, ბუხრისყურს აესვეტა.

— ჩემი ხელობის კაცი ვერ იქნება ბოლომდე გულახდილი! — ხმადაბლა, მოზომილად განაგრძო ბიკენტიმ. — ნუ

გაოცებს, ასე რომ გაგიშინაურდი. მართას შვილი ხარ და იმიტომ შემტკივა გული. ადრეც ვცდილობდი დაგხმარებოდი, მაგრამ ამას იქნებ მრავალი წლის შემდეგ უფრო მიხვდე...

— ბიკენტი ძია, — ნიკაპი აუთრთოლდა მართალის, — მე მახსოვს, მამა რომ შემოვარდა ეზოში, ტალახში ჩაემხო...

ეს იყო საყვედური, ბრალდება და ბიკენტიმ თავი ასწია, ყურადღებით შეხედა.

— მეც მახსოვს! — შეყოვნდა, იყურა, იქნებ ყმანვილმა კიდეც რამე თქვასო და აუჩქარებლად განაგრძო: — შენ ვერ წარმოიდგენ, რა გზა გამოვიარე! ვცხოვრობ ფარულ სამყაროში და ყველაფერი, რასაც ვიქმ, ფარულია. შეიძლება, ასაკმა მომიკაკუნა, დავბერდი, დავიღალე. ყველაფრის გულში ჩატევა მომბეზრდა. ყველაფრის არც თქმა იქნება, მაგრამ ერთი რამ უნდა გაგიმხილო. ნურავის ეტყვი, ჩემს შვილებსაც კი... ვგრძნობ, წრე იკვრება ჩემს ირგვლივ, თითქოს ხაფანგი დამიგეს, ფეხი შევდგი და საცაა, გამომიჭერენ! ჯერაც არ ვიცი, თავს დავიხსნი თუ არა. ჩემი პროფესიის კაცი მხოლოდ ერთხელ ცდება. ამიტომაც მინდოდა ხელი დროულად წამეკრა, ცოტათი დაგხმარებოდი...

— არაფერი მჭირდება მე, ბიძია ბიკენტი! — უცოდველად ტყუოდა და ამიტომ დაამატა: — ხაფანგის ოსტატს ვავაზარქუას ვიცნობ მხოლოდ...

— და ლესტამბეს? — გაეცინა ბიკენტის, ამჯერად გულღიად. — ეჰ, ჩემო მართალი, ეგეთი წვრილფეხობისა არ მეშინია, ბიკენტის ქილყვავები ვერ მოერევიან.

„თურმე ყველაფერი ცოდნია!“ — გაიფიქრა მართალიმ.

— ის დღე დამამახსოვრდა, მაცხოვრისგორის თავზე, ძმაკაცებთან ერთად სტალინის პორტრეტი რომ ამოიტანეთ. — თქვა უცებ ბიკენტიმ. — მაშინ, მგონი, შენა თქვი, ეს ადგილი ყველას სჯობია სტალინის მონუმენტისთვისო. კაი აზრი იყო, ჭკუაში დამიჯდა!

მართალის რა დაავინწყებდა იმ საბედინერო დღესასწაულს, მოუფიქრებელ სიტყვებს, რომლებსაც ბიკენტიმ გრძელზე გრძელი კუდი გამოაბა.

— მონუმენტი თითქმის მზადაა. — ბიკენტის თვალბში სინათლე ჩაუდგა. — ეგ ერთი სამარცხვინო ხარვეზი გვექონდა მერეთელებს და ამასაც გამოვასწორებთ. დიდი ბელადის მონუმენტი ყველგან ააგეს ჩვენს გარდა. ახლა ჩვენი ჯერიც დადგა. შეიქნა ამაზე სჯაბაასი. ზოგმა თქვა, მოედანზე დავდგათო, ზოგმა სასტუმროს წინ რომ გზაჯვარედინია, იქო.. მე კი შენი ნათქვამი გამახსენდა და მდივანს მივმართე: ამხანაგო გრიშა, მე ვიცი ისეთი ადგილი, იოსებ ბესარიონის ძეს რომ შეეფერებამეთქი, ცადატყორცნილ მონუმენტს ქალაქის ყველა კუთხეკუნჭულიდან რომ დაინახავენ, აი, ისეთია ის ადგილიმეთქი... მოეწონა, წარმოიდგინე შენ!

— ბიკენტი ბიძია, ვერ გავიგე, იმ ხაფანგს მონუმენტი რას უშველის?

— უშველის და მერე როგორ! ახლა, გეთაყვა, ქალაქში დაჭერებია. ამას ჩემ გარდა არავინ გეტყვის და შენც არავისთან წამოგცდეს. იცოდე, რასაც ახლა გეუბნები, ვითომც არ მითქვამს. ეს ცოდნა გზაში დაგდებული იპოვე და გულში ჩაიმარხე. „მეგრელთა საქმე“ დატრიალდა! ეს წისქვილის ბორბალივითაა, ფქვავს და ფქვავს... წინასწარ არავინ იცის, ვინ მოჰყვება შიგ!.. შენ ტატაჩის შვილი ხარ, ფრთხილად იყავი, ზედმეტი არაფერი წამოგცდეს, ცუდ საქმეში არავინ ჩაგითრიოს. ამიტომაც გაგიმხილე ეგ ამბავი. საშიში დრო დგება. ამ დროს ეს მონუმენტი წამალივითაა, მისწრებაა! ჩვენ დიდი ბელადის ძეგლს ვაშენებთ, ჩვენ ერთგული სტალინელები ვართ...

— მე რა უნდა ვაკეთო?

— სწორედ საშენო საქმეა! ბოლო კლასი ხომ ისედაც საღამო სკოლაში უნდა დაამთავრო, თან უნდა იმუშაო კიდეც, თავი ხომ უნდა ირჩინო. მოძებნე შენნაირი ერთიორი ბიჭი, კომკავშირული სამეული... იქ კიბეა მოსამთავრებელი, კვარცხლბეკია ასაგები, მონუმენტი უნდა დაიდგას... საქმე ულევია, თანაც სასწრაფო! კომკავშირელები აშენებენ ბელადის მონუმენტს, ამაზე უკეთესი რა უნდა იყოს! თანაც ეს სასიამოვნოცაა... ვფიქრობ, ახალგაზრდებს გიყვართ დიდი ბელადი! ხომ გიყვართ? — დაჟინებით ჩაეკითხა.

მართალიმ თავი დაუქნია.

— აბა ვის არ უყვარს! — კმაყოფილებით დასძინა ბიკენტიმ. — დამთავრდება მშენებლობა, ატესტატებსაც აიღებთ და ინსტიტუტის კარსაც მიუკაკუნებთ.

ბიკენტი წამოდგა, ხელები თითქოს დაიბერტყაო, ისე შემოჰკრა ერთმანეთს.

— გამაცილე!

მართალი კიბეზე ჩაედევნა.

ჭიშკართან შეყოვნდა ბიკენტი.

— ის დღე მეც მახსოვს, ტატარის დაღუპვის დღე... მეტად ცუდად აეწყო! — ხელი სინანულით ჩაიქნია. — ისე მთლად მართასა ჰგავხარ! — ცალყბად გაუღიმა. — ნამდვილი კუდიანია ის შენი დარიკო, ქელეხი არ გამომაპარო!

10

აგიტვავონის მომცრო სცენაზე ერთიერთმანეთზე ეყარნენ გაბანრული მავნებლები, დივერსანტები, ჯაშუშები და ტერორისტები. ერთ მათგანს თავზე ძია სემის მაღალი შლაპა ეხურა, მეორეს ინგლისელი კოლონიზატორის ჩაფხუტი, მესამე ჩან კაიშის ჰგავდა... თბილისელმა მსახიობმა ტორჩინავამ ნაბიჯი წინ გადმოდგა. ზედგამოჭრილი სტალინი იყო, ოღონდ ცოტა ახალგაზრდული. წარბები ასწია, ჩიბუხიანი ხელი ჰაერში დინჯად მიმოატარა და ბრძანა:

— „გვახსოვდეს და არასოდეს არ ვივინყებდეთ, რომ სანამ არსებობს კაპიტალისტური გარემოცვა, იარსებებენ მავნებლები, დივერსანტები, ჯაშუშები, ტერორისტები, რომლებსაც საბჭოთა კავშირის ზურგში გზავნიან უცხოეთის სახელმწიფოთა სადაზვერვო ორგანოები, გვახსოვდეს ეს და ვანარმოთ ბრძოლა იმ ამხანაგებთან, რომლებიც ვერ აფასებენ მავნებლობის ძალასა და მნიშვნელობას...“

— ცირკია ეს ცხოვრება, — წასჩურჩულა არიქა ძაძუამ დურუ გეგიას. აგიტვავონი ბავშვებით იყო გაჭედილი, სუნთქ-

ვა ჭირდა და ტორჩინავას შუბლზე ოფლის წინწკლები უბრწყინავდა.

წარმოდგენები განუწყვეტილად მიდიოდა, სკოლებიდან საგანგებოდ მოყვანილი ბავშვები რიგში დგებოდნენ და ტორჩინავა, ალბათ, მესაქვერ იმეორებდა ერთსა და იმავე სიტყვებს.

იოსებ ბესარიონის ძემ იმპერიალისტებს კისერი მოუგრინა, ზედ ფეხებით შედგა და ბავშვები მხიარული აურზაურით დახუთული ვაგონიდან გარეთ გამოცვივდნენ.

— ესეც თუ თეატრია! — ტუჩი აიბზუა არიქამ.

ბოლო დროს უსაშველო მოწყენილობა ეუფლებოდა, ვერაფერი ართობდა. პროვინციული ქალაქის გამოზომილ ყოფაში ან რა უნდა ყოფილიყო გულის გადასაყოლებელი. წარმოსახვა სულ სხვა სივრცეებისაკენ იხმობდა, ყოფიერება კი მერეთის მტვრიან შარებზე დაატარებდა... დუხჭირი ცხოვრება აჭრიდა ფრთებს. ბოლო კლასამდე ისე მოაღწია, ტილოს ფეხსაცმლის გარდა სხვანაირი არ ღირსებია, მუდამ მუხლებგადაყვლეფილი და იდაყვგაცვეთილი ტანისამოსი ეცვა. სანამ პატარა იყო, ამას არაფრად აგდებდა, მერე და მერე გაუჩნდა გულთა ტკენანი. დაიხედა ტანზე და თითქოს თვალი აეხილა, შერცხვა და მოიბღუნდა. საშველი არსაიდან ჩანდა. მამის მწირი შემოსავალი ღვინოსა და არაყს ვერ აუდიოდა... გაუსივდა მაშინ გული არიქას, მამას დააბრალა ეს სიდუხჭირე და გუნებაში დაწყევლა, კიდეც თუ დათვრები, ფეხებით წინ შენოგიტანონო... იმავე დღეს აუხდა წყევლა, სასიკეთო არაფერი ახდენია ასე უცბად. დამთვრალა ის ცოდვით სავსე, ტალახში ნაქცეულა, ცხვირპირი გზისპირა რუში ჩაურგავს და პეშვისოდენა წყალში ჩამხრჩვალა. ნუ იტყვი, აქამდე რანაირადაც ცხოვრობდნენ, იმას თურმე გაჭირვება არ ერქვა. დედამისი ფუცუ ერთი სოფლელი ქალი იყო, მანამდე შინიდან ორჯერ არ გასულა. ახლა რაიმე სახსარი ხომ უნდა ეშოვა, დაიწყო ღვეზელების ცხოება და იმით ვაჭრობა. ოღონდ ეს კანონის დარღვევად ითვლებოდა და ბევრსაც ვერაფერს იხეირებდა... „ამიტომაც დავრჩი ასეთი პატარა!“ — სარკესთან

ტრიალებდა არიქა. კი წამოიზარდა, მაგრამ შეუმჩნეველი იყო ეს ზრდა და ასაკზე ნაკლები ჩანდა. თვალს დახუჭავდა მაშინ არიქა და ხან ტარიელის ტყავში გაეხვეოდა, ხან ავთანდილისა, ხან ამირანისა, ხან რომეოსი, ტრისტანისა... სახელგანთქმულ გმირთა ნიღბებს მოირგებდა და სარკის წინ გაათამაშებდა... თან იჯგიმებოდა, თან საკუთარ თავს დასცინოდა, თუმცა ამ თავის გატაცებას არავის უმხელდა...

— რა არ მოგეწონა, ხომ ჰგავდა სტალინს? — შეეპასუხა დურუ გეგია და მხარი გაჰკრა.

— ნელა, ვირო! — არცთუ გულმოსულად შეუყვირა არიქამ ღონიერ მეგობარს.

ნეტავი რას აქმევდა ერთი ციციქნა კატო დეიდა დურუს? ბეჭები ბუღასავით მომრგვალებოდა. ძალღონე პირდაპირ გადმოსჩქეფდა მისგან. არ იცოდა, რაზე დაეხარჯა მოზღვავებული ენერგია. ეტყობა, ზოგი ბუნებითაა ასეთი, ფინჩხსაც შეირგებს, თორემ არც დურუს უღბინდა მაინცდამაინც. რა ისეთი გასამრჯელო ჰქონდა მის წყნარ და უჩინარ დედას, ხელფასიდან ხელფასამდე ან მიჰყვებოდა, ან არა. ამიტომ გაბედა და სიცოცხლეში ერთხელ ამოიღო ხმა. ეს მაშინ მოხდა, როცა დაყვავებით უთხრეს, სამშობლოს ერთგული პატრიოტები თუ ხართ, ქვეყანას უჭირს და სესხის ამდენი და ამდენი ობლიგაცია უნდა შეიძინოთ... ის ობლიგაცია ფუჭ, ფარატინა ქალაქად მიაჩნდათ ისედაც, მათი განაღდებისა, ურიების გარდა, არავისა სჯეროდა. ამიტომ ზოგმა გადაყარა, ზოგმა ჩალის ფასად მიჰყიდა იმავე ურიებს. აქამდე უთქმელმა კატო დეიდამ უფროსს შეჰბედა, მოზვერევით ბიჭი მეზრდება, ვეღარ დავამშევო... ოჰო, ეს იყო წამდვილი ამბობება, აჯანყება, გაფიცვა!.. მერე და სად? სოციალისტურ მუშურგლესურ სახელმწიფოში! იქუხა, მაგრამ რა იქუხა! ესე იგიო, უთხრეს, შენ ამტკიცებ, რომ ჩვენ ბავშვებს ვაშიმშილებთო, პირიდან ლუკმას ვართმევთო, ხალხის ინტერესებს არაფრად ვაგდებთო, მოქალაქეთა საკეთილდღეოდ არა ვზრუნავთო... ესე იგიო... ესე იგიო... საბრალო მოანგარიშე ატირდა, თუ უჩემკაპიკებოდ სოციალიზმის დიადი შენობა დაინგრევა და პირსისხ-

ლიანი იმპერიალისტების მსხვერპლნი შევიქნებით, ჯანდაბას ჩემი თავიო. იოლად გადარჩა, ყურად იღეს მისი მონანიება, თორემ დარჩებოდა დურუ გეგია ამ ცისქვეშეთში კენტად...

— ადექი და შენ თვითონ გადი სცენაზე! — ნიშნის მოგებით უთხრა დურუმ.

სკოლის კომკავშირის მდივანი ბრძანდებოდა. არ იცოდა, რა დამსახურებებით შეევსო მატყუარა ოქმები და ერთი პატარა დრამნრე საქმეს დიდად წაადგებოდა.

— რატომაც არა! — არიქა მოწყვეტით გაჩერდა. — ჩამოვაცალიბოთ დრამნრე და ერთიორი სკეტჩი გავათამაშოთ. ბავშვებს მაინც გავაცინებთ!

— მერე გოგოები?

— ქალთა სკოლა აგერ არაა? მოვინვევთ ვინმეს...

— მოიტა ხელი!

იმ დღეს ამით დაშორდნენ ერთმანეთს. დურუ დატრიალდა, მოხალისეები შემოიკრიბა. არიქა ბიბლიოთეკაში ჩაჯდა და ძლივს ამოარჩია მომცრო სკეტჩი. დურუმ რომ წაიკითხა, სიხარულით აჭიხინდა. უფრო ის ახარებდა, რომ თვითონ შეყვარებული ყმანვილის როლი ერგებოდა, ქალთა სკოლის პიონერხელმძღვანელი ცისანა სიორდია კი საპატარძლოს გაითამაშებდა. კულმინაციის დროს ვაჟს გოგოს ლოყაზე უცოდველი კოცნა უნდა აღებეჭდა. რეპეტიციაზე ცისანა ზედმეტად ინმანებოდა, გრეხვაგრეხვით მიმოდიოდა. დურუს სითამამე არა ყოფნიდა, სიმწრის ოფლი ასხამდა და სანამ კოცნამდე მიაღწევდა, ათას სიკვდილს ათავებდა. ბაგეები ისე უშეშდებოდა, კოცნისათვის გემო ვერ ჩაეტანებინა, გოგოს გატკიცინებული ლოყის მაგიერ თითქოს ბეტონის ცივ ზედაპირს ემთხვეოდა. სკეტჩი მართლაც სასაცილო იყო, მაგრამ მაყურებელს დურუს ბაჯბაჯი უფრო აცინებდა და ბოლოს არიქამ მხარზე ხელი მოჰხვია, ყურში ჩასძახა: „მოეშვი, ჯიმაგე, ამ საქმეს, ნუ დააბოტებ სპილოსავით! დაუნიშნე ამ გოგოს პაემანი და კოცნე რამდენიც გინდა!“ დურუ განითლდა, წყენისაგან ბუშტივით გაიბერა, მაგრამ „არტისტობაზე“ ხელი აიღო. სამაგიეროდ „ორგანიზატორობის“ მთელი სიმძიმე



შემოიძლო კისერზე. არიქას რეჟისორის კვერთხი ეპყრა ხელთ, დურუ კი, თუ სარბენი გამოჩნდებოდა, დაუღლელად დათობ-არიკობდა. მისი საქმიანი ფაციფუცი შეუმჩნეველი არ დარჩენილა და ყოჩალი მდივანიაო, ამბობდნენ. მდივნობას, მით უფრო სკოლისას, ბევრი არავინ ეპოტინებოდა, გარდა იმ ყაიდის ახალგაზრდებისა, ჰორიზონტზე რომ რაიკომის მდივნის თბილი სავარძელი ეზმანებოდათ. სხვათათვის კომკავშირული მუშაობა მხოლოდ თამაში იყო, რაღაც ფორმალური რიტუალი, რომელსაც ხელშესახები რაიმე შედეგი არ მოაქვს, უნაყოფო საქმე, თვალეში მტვრის შესაყრელად მოგონილი, ოღონდაც, დურუ გეგია ასე არ ფიქრობდა, რასაც ხელს ჩასჭიდებდა, ისეთი ენთუზიაზმით ჩაერთვებოდა, ბუქს დააყენებდა.

გაუტკბათ ბიჭებს ლაზღანდარობა და ამ სკეტჩს სხვები მოაყოლეს. მავანმა მათში ზედმეტი მხიარულება და ჭკუამახვილობა აღმოაჩინა და მძიმედ დააგდო — რა დროს სიცილკისკისია, ომი ხვალზე დაიწყებაო. დურუ კომკავშირის რაიკომის მდივანმა დაიბარა, მეგობრულად ესაუბრა და ყმანვილებს უზომო მხიარულებას ლაგამი ამოსდეს...

— იცი რა, — თქვა მაშინ დურუმ, — „ნაპერნკლიდან“ გაავათამაშოთ!

სკოლაში ისწავლებოდა შალვა დადიანის ეს პიესა.

— მერედა კობა? — ჩაეკითხა არიქა.

— შენ იქნები კობა!

არიქა ჩაფიქრდა, თავი გააქნია.

— ვერა, მე ვერ ვიქნები! — თითებზე ჩამოთვალა. — ჯერ ერთი, პატარა ტანისა ვარ და გამწლეული. გვეტყვიან, თქვენ, ჰეი, რას დასცინით იოსებ სტალინსო! მეორეც, გვარსახელი მაქვს ისეთი, ამასაც ეჭვით შეხედავენ, სად იოსებ ჯულაშვილი და სად არიქა ძაძუა... მესამეც, ჩვენ გვყავს მეგობარი, რომელიც კობას უკეთ განასახიერებს!

მართალი თოდუა დაბრუნებულიყო „პრიუტიდან“, საღამო სკოლაში აპირებდა თურმე ბოლო კლასის მომთავრებას, დღისით უნდა ემუშავა, რათა სარჩო ეშოვა...

პირველმა არიქამ მიაკითხა მართალის. ფრთხილად, თავშეკავებულად შეხვდნენ ერთმანეთს. უმნიშვნელო რაღაცეებზე ილაპარაკეს. მართალიმ საბავშვო სახლზე, იქაურ უგემურ საქმელებზე, თავგადახოტრილ გოგობიჭებზე, პატარპატარა ჩურჩუტულ სასიყვარულო თავგადასავლებზე... არიქაც თითქოს იმავეს ლაპარაკობდა, სკოლის ამხანაგებს გადასწვდა... მართალის ზოგი ახსოვდა, ზოგიც დავიწყებოდა. სადაც ჩვენ არა ვართ, იქ თითქოს ცხოვრება წყდება, ანდა ზღაპრულღეგენდურ ელფერს იძენს...

— ჩვენც საღამო სკოლაში გადავდივართ, — თქვა არიქამ, — მე და დურუ!

ხსენებაც და დურუ გეგია გამოჩნდა. სიმორცხვის დასაძლევად ზედმეტად ხმაურობდა, ვერ ჩერდებოდა, მართალი ღონივრად ჩაბლუჯა, დაეჭიდა...

ასე შეიყარნენ ხუთი წლის შემდეგ სამი თანაკლასელი, სამი ძმაკაცი... მათი ასაკი — ცხოვრების ზღურბლი! რაც აქამდე მოხდა, სხვათა და სხვათა ნებით ხდებოდა. ამიერიდან თავიანთ ბედს თვითონვე განაგებდნენ. ერთი ხალხის მტრის შვილი იყო, მეორე — საეჭვო პოლიტიკური მრწამსის ქალისა, მესამე — აპოლიტიკური ლოთისა და ღვეზელის სპეკულიანტისა... ძნელი გახლდათ ფეხის აწყობა კომუნისტური მარშისათვის, მაგრამ ღონე ერჩოდათ, გული დიად საქმეებს მოითხოვდა და ისინიც ცდილობდნენ, არ ჩამორჩენოდნენ საყოველთაო კოლონას, წინ რომ სტალინი მიუძღოდა...

„გვახსოვდეს და არასოდეს არ ვივინყებდეთ, რომ სანამ არსებობს კაპიტალისტური გარემოცვა, იარსებებს მავნებლები, დივერსანტები, ჯაშუშები, ტერორისტები...“ — ბრინჯაოს თავი დინჯად, შესამჩნევი ქართული აქცენტით ლაპარაკობდა. იგი ყუთში, ბურბუშელაში იდო. ორი სხვა უზარმაზარი ყუთის ფორმით შეიძლებოდა იმის გარკვევა, რომელში იყო ბრინჯაოს ტანფეხი და ტორსი... თავი შედარებით მომცრო ყუთში მოეთავსებინათ, როცა შეაქანეს, მაშინვე რუსულად ალაპარაკდა. მართალიმ ბიჭებს შეხედა. ყუთი ფრთხილად გადააბრუნეს, პირი ბნელი კედლისაკენ უქნეს... „ნელა, ნუ მატრიალებთ!“ — გაბრაზდა თავი, მაგრამ სივრცე არ ეყო და ხმა მოეგუდა.

ეს იყო პირველი სამუშაო დღე. შინსახკომის რამდენიმე ჯანმაცარ თანამშრომელს დაეხმარნენ. მძიმე ყუთები გორგოლაჭებით ვაგონიდან სანყოფიში შეაგორეს.

მერე შინისაკენ გამოეშურნენ.

— მავნებლები, დივერსანტები, ჯაშუშები, ტერორისტები... — ჩაიმღერა არიქამ.

— ქილიკს მოეშვი! — გააჩუმა დურუმ. — შენ რა, არ გჯერა? ტყუილუბრალოდ არავის იჭერენ!

ქალაქში ბევრს იჭერდნენ. გაზეთში, მართალია, ტაშფანდურის მეტი არაფერი ეწერა, მაგრამ ქორი დასარსალებდა ნესტიან და ცივ ქუჩებში... თითქოს გაიხსნა მავნებელთა საქმე. ახლადდაკრეფილი ჩაი დროზე არ მიჰქონდათ თურმე ფაბრიკაში, რათა ხარისხი დაკლებოდა; ფერმებში ძროხებს არ უვლიდნენ, რის გამოც სენი შეეყარათ, მერე დროულად არ დაკლეს და ზარალს ზარალი წაამატეს; ფაბრიკაქარხნებში თურმე დაზგებს განგებ აფუჭებდნენ; მავნებლის ერთმა ბავშვმა ლიანდაგზე თითის სიმსხო რკინის ნაჭერი დადო, გაიჭყლიტება და ხანჯალს გავაკეთებო, ამით მატარებლის უშიშროება ხელყო... დივერსანტებსაც ნაუჭირეს თურმე ყელში

ხელი. თვით აღმასკომის თავმჯდომარე გაეხა მახეში, თავის-სავე აშენებული სტადიონის ხარაჩოდან მუშა ჩამოუვარდა. იმ უბედურმა სული განუტევა და სტადიონის გახსნით გამონვეული სიხარული ჩაუშხამა დედაქალაქიდან ჩამოსულ ამხანაგებს... ჯაშუშების საქმეებს კი ნურც ჩამოვთვლით! უცხოელთა ქსელში გაებნენ ექიმები, ზოოტექნიკოსები, სამოქალაქო ომის ვეტერანები, მძლოლები, ნოქრები... შინ რადიოგადამცემები ჰქონდათ, ხანდახან კი სათათბიროდ ამერიკელებისა და თურქების წყალქვეშა ნაგებში იკრიბებოდნენ...

ასე იყო თუ ისე, ბიჭებს თავიანთი საქმეები გამოუჩნდა. იმ საღამოს ძმაკაცები კვლავ შეიყარნენ მართალისთან. სკოლის ამხანაგი გუდუ შელია შეიამხანაგეს. შალვა დადიანის ნიგნი წინ დაიდეს და გაათამაშეს სცენა სპექტაკლიდან...

— „უკაცრავად, ამხანაგო, როგორ ფიქრობთ, ლენინი კიდევ დიდხანს დაიგვიანებს?“ — მორიდებით იკითხა მართალიმ.

— „თქვენ რა, ლენინს არ იცნობთ?“ — კითხვას კითხვა შეაგება გუდუმ.

— „ლენინს 1903 წლიდან ვიცნობ, მიწერმოწერით!“

— „პირადად კი ვერა?“

— „ვერა“.

— „აქ არის“.

— „მოვიდა კიდევ?“

— „დიახ, ეგერ კუთხეში! ყველაზე ადრე მოვიდა“. — იქ კი დურუ იჯდა და ვითომც „ისკრას“ კითხულობდა.

— „მე კი სულ სხვა წარმოდგენა მქონდა“.

— „როგორი?“ — ჩაჯინებით კითხულობს გუდუ შელია.

— „მეგონა, რომ ლენინი არა თუ პოლიტიკურად არის გოლიათი, არამედ გარეგნობითაცმეთქი... მაღალი, წარმოსადგეი...“

— ჰაჰაჰა... — იცინის გუდუ. — „ბევრ ჩვენგანს ესეთი წარმოდგენა გვქონდა, მაგრამ რა არის კიდევ საკვირველი, ეს მისი თავმდაბლობა და უბრალოებაა...“

— „დიალ... დიალ... სწორედ ეგრე უნდა იყოს — ახალი ბელადი ახალი მასისა, უბრალო და ჩვეულებრივი მასის, კაცობრიობის ქვედა ფენის სიღრმიდან რომ არის წამოსული...“

არიქამ მაგიდაზე დააკაკუნა და უკმაყოფილოდ თქვა:

— ზედმეტად კოხტაპრუნობთ, რაღაც არ მჯერა...  
თავიდან დავიწყოთ!

— ძნელია ბელადის ტყავში გაეხვიო! — ამოიხვნეშა მართალიმ.

— რა თქმა უნდა, ძნელია! ვიცი, გირჩევნია, რომეო იყო, მაგრამ დღეს შეეცადე კობა გახდე!

გვიან, როცა ბიჭები გაიკრიფნენ, მართალი ლოგინში ჩათბუნდა, ფიქრიზმანება ეწვია. წარმოიდგინა, რომ ის მართლაც კობაა... წვერულვაში მოუშვია, ქოჩორი უკან გადაუყრია. მიტინგზე სიტყვით გამოდის, მუშტს ენერგიულად იქნევს: „ამხანაგებო! ამ დამპალმა მთავრობამ დალუპა ცაცანა და ეფრო ბებები! დროა, შევიარაღდეთ და მაღალი ტახტი გადავაცირაგოთ!.. ეს ამბავი დროულად ვაცნობოთ ვლადიმერ ილიას ძეს, რათა ჯავშანო მოგვაშველოს!..“ რაღაც ამგვარ აზრებს უბდას ბუტბუტებდა ბალიშს ჩახუტებული მართალი, რომელიც მოკლე ხნით ახალგაზრდა კობად გადაქცეულიყო...

კვირის რეპეტიცია სკოლის პიონერთა ოთახში ჩაატარეს. გუდუ შელიას გარდა გოგი შანავაც მოვიდა, დილარ ძერია, რობერტ კუჭუა, გოგონებიდან კი ივლიტა და ვერიჩკა ცანავები.

კეკემ შემოიჭყიტა, თოლორაიამ, მართალი თვალით მოიხმო და ჩასჩურჩულა:

— მეც მინდა!

მართალიმ შუბლზე გადმოგდებული ზილფი ხუმრობით მოუწინკნა:

— ამ პიესაში ჯულიეტას როლი აღარა გვაქვს!

— მერე რა, უხმო როლს ვითამაშებ, მიტინგის დროს ხომ დგანან და ხელეხს იქნევენ... ვითომ ხალხი ვარ!

— როგორც ამხანაგი რეჟისორი იტყვის! არიქა, მივიღოთ კეკე ხალხის როლში?

არიქას სახე მოედრუბლა, თოლორაიები გულზე არ ეხატებოდა, მაგრამ არც უარი უთქვამს...

მაცხოვრისგორის ძირას, კიბის პირველ საფეხურთან, დაფაზე მკაცრი წარწერა გაჩნდა: „სდექ! აკრძალული ზონაა!“ ვისთვის იყო აკრძალული, ან რა იყო ასაკრძალი? თანაც იქვე, თითქოს ამ აკრძალვას უარყოფსო, ლამაზი კარიბჭე აღიმართა და წითელ ნაჭერზე ოქროსფრად დაიწერა: „აქ მუშაობს კომკავშირული სამეული!“

— ამდენი ქვალორღი ჩვენ უნდა ვზიდოთ? — ჩურჩულით იკითხა შემკრთალმა არიქამ.

— ცხრა საფეხურის გარდა, ეს კიბე ბაბუაჩემმა გერამ მარტოდმარტომ გამოთალა, ამოზიდა და ააშენა კიდეც! — თქვა მართალიმ.

— რა უნდა ამის ატანას! — დურუმ კუნთები აათამაშა, მუდამ ბულრაობაჭიდაობის გუნებაზე იდგა.

ამ ლაპარაკში იყვნენ, როცა ქალაქიდან „ვილისი“ მოვარდა და ბიკენტიმ მანქანიდან გადმოიხედა.

— ყოჩაღად ხომ ხართ პავკა კორჩაგინებო? — თვალი ჩაუკრა მართალის. — აგერ, ა, ბესა მოგიყვანეთ, კაცი კირით-ხურო და ყოვლისმცოდნე!

მანქანიდან ბიჭვით ცოცხლად გადმოხტა ორმოცდაათს გადაცილებული, გამხდარი კაცი. ჭალარა ქოჩორი მოკლეზე, ზღარბივით შეეკვეცა. შუაში შავი ზოლი გასდევდა. უღვაშებშიც თეთრი შერეოდა. ეს ჭალარა და პირისახის წვრილი ნაოჭები თუ ავლენდა მის ასაკს.

— ბესა, შენ იცი, ბიჭები დააკვალთანე! ოლონდ, იცოდე, შენებურად არ გაუტოო! — მერე მძლოლს მიუბრუნდა: — მიდი, მეჩქარება!

„ვილისი“ გაქრა, ბიჭებმა კი კაცს შეხედეს, საინტერესო იყო, საითკენ „გაუტევდა“.

ბესამ სათითაოდ ხელი ჩამოართვა, თან ღირსეულად უკრავდა თავს:

— ბესა, ბატონო, ქირია!

— მართალი თოდუა!

— დურუ გეგია!

არიქამ ხმა მიუმსგავსა, თავი დაუკრა:

— არიქა, ბატონო, ძაძუა!

გაიცინეს.

ბესა საფეხურზე ჩამოჯდა. ჯიბიდან თუთუნის და ქალღიმილი ამოიღო. თავისთვის მოხია და ბიჭებსაც გამოუწოდა. არც ერთი არ ეწეოდა, მაგრამ ამის გამხელისა შერცხვათ. ბესა დინჯად, აუჩქარებლად ახვევდა. ამათაც მიბაძეს.

მოუკიდეს.

კაცმა სიამოვნებით მოქაჩა, ნაფაზი დაარტყა. ამათაც დიდის ამბით მოქაჩეს და სამივეს ხველება აუტყდა.

— სუფთა ფილტვები პროტესტს აცხადებენ! — შენიშნა ბესამ. — აბა, ბიჭებო, სანამ საქმეს შევუდგებოდეთ, მივიხედმოვიხედოთ! მთავარია სტრატეგია და ტაქტიკა, ასე გვასწავლის დიდი ბელადი!

ბიჭებმა ერთმანეთს გადახედეს. თითქოს სწორი თქვა ბესამ, მაგრამ თითქოს დაცინვის კილოც გაკრთა, საჭირო სასოობა და თავყვანისცემა არ იგრძნობოდა მის ხმაში.

— სამუშაო მგელი არ არის, ტყეში რომ გაგექცეს! — რუსული ანდაზა მოაყოლა ბესამ. — ნაკლები ღონე უნდა დახარჯო და მეტის გაკეთება მოასწრო, აი, ეს არის ჩვენი უპირველესი ამოცანა!

წამოდგა და შეუყვავა კიბეს.

მიჰყვნენ.

— ბესა ბიძია, თქვენ სად ცხოვრობთ? — ჰკითხა დურუმ.

— ციხეში! — უბრალოდ, ვითომც არაფერიო, ისე შეეპასუხა ბესა.

ციხეშიო? — სამივე გაშტერებული გაჩერდა.

ბესამ მოიხედა, უღვაშებში ჩაელიმა.

— ადამიანი ციხისათვის იბადება, ბიჭებო! — თქვა და ხელი მერეთის თავზე, სივრცისაკენ გაიშვირა. — მე მინდა გავფრინდე, იმ ცისკიდეში გავუჩინარდე, მაგრამ ჩემი ხორციელი გვამი არ მიშვებს. ის ჩემი ციხეა!

— მაშინ ჩვენ სულ პატიმრები ვყოფილვართ! — გაეცინა მართალის.

— ასეა ეს! — ბესამ ამოიოხრა. — ციხეა ჩვენი მერეთიც! იმთავითვე კოლნევრად დავიბადე. იქნებ მე სულაც არ მინდა კოლნევრობა, მაგრამ ზედ მიმაბეს. პასპორტიც არა მაქვს, რომ სხვა ქალაქში გადავსახლდე, ჩემს ბედს ვენიო... ვინ დამბადა კოლნევრად? ან ეს პასპორტი ვინ მოიგონა?

— ასე თუ ვიმსჯელებთ, მესამე ციხე მთელი ჩვენი ქვეყანა აღმოჩნდება! — მტრულად დაასკვნა დურუმ. — ანდა მთელი დედამინა, რაკი სხვა პლანეტაზე ვერ გადავსახლდებით!

ბესამ სწრაფი მზერა ჰკიდა, ალბათ მიხვდა, რომ შორს შეტოპა, მაგრამ უკანდახვევა არ იწება.

— მეც მანდ არა ვარ? იცით, ყმანვილებო, რა საოცრებაა სამყარო, და, რა ცუდია, ყოველ ნაბიჯზე მესაზღვრე რომ გაგაჩერებს, სდექ, აქეთ წასვლა არ შეიძლებაო!

ბიჭები ჩუმად შესცქეროდნენ. მართალის სურდა შეკამათებოდა, მაგრამ ბესას სიტყვები შიშნარევ ცნობისმოყვარეობას უღვივებდა.

— ამას რომ მივხვდი, თავი მართლაც ამოვყავი ნამდვილ ციხეში, ოთხ კედელს შუა!

ესეც ქარაგმა ეგონათ, მაგრამ უცებ ნათელი გახდა, რომ ეს კაცი პატიმარი იყო.

— ათი წლით! — ბეჭედი დასვა ბესამ.

— ეს რანაირი პატიმრობაა, შენს გემოზე გიშვებენ! — ურწმუნოდ თქვა დურუმ.

— ჩემს გემოზე? — გაუკვირდა ბესას. — თქვენ ბიკენტის თოლორია მოკლე ჭკუისა ხომ არა გგონიათ? თუ აქ მტოვებს, იცის, გამქცევი არა ვარ. რომ გავიქცე, სასჯელს გამიორმაგებენ და სადმე კოლიმაში მიკრავენ თავს. აქამდეც გამამგზავრებდნენ, მაგრამ უფალმა ოქრო ხელები მიბოძა და ამიტომაც ურჩევნია ბიკენტის, აქვე ვყავდე, გვერდით.

მართალის უნებლიე სევდა დაეუფლა. ერთხელ კიდეც ჩაიჭყიტა არსებობის ისეთ კუნჭულში, რაზეც ისედაც უნდა სცოდნოდა, მაგრამ ამაღლებულ იდეალებზე ფიქრი რეალობას ისეთ ბურუსში ახვევდა, მისი კონტურების გარჩევა ჭირდა.



— ციხეებში მხოლოდ დამნაშავენი სხედან! — საკმაოდ უხეშად ჩაურთო დურუმ.

ბესა მოიღრუბლა, ყმანვილებს ზურგი შეაქცია და გზა განაგრძო.

აქედან უკვე მთლიანად ჩანდა ჩხერიისპირას გაშლილი მერეთი. ბუხრებიდან თეთრი კვამლი ამოდიოდა და ჰაერში ქრებოდა.

ბესამ მოიხედა. წელანდელმა წყენამ გაუარა, თვალებში სხივი ჩაუდგა და ნაუბლერა:

— ეჰ, ბიჭებო, მე მაინც ყველაზე თავისუფალი კაცი ვარ! არიქამ ტაში შემოჰკრა:

— ოთხგზის პატიმარი ყველაზე თავისუფალია!

წყნარად ჩაიციხა ბესამ, თითქოს იმის თქმა უნდოდა, თქვენ ვერც მიმიხვდებით, რანაირ საიდუმლოებას ვფლობო.

— სული უნდა ჰქონდეს კაცს თავისუფალი, ჩემო კარგებო! საპატიმროს კედლებიც ვერ მოიმწყვდევენ სულს. კაცის სული ოცნების კიბით ჯურღმულიდან უფლამდე ადის!

ასმეერთე საფეხურზე შეჩერდნენ. აქედან, ამ საფეხურიდან აფრინდა გერა კვარაცხელიას სული, ოქროს კიბეს აჰყვა და უფლის ტახტს მიეახლა.

— საქმეს მივხედოთ! — მოჭრა უცებ ბესამ, უბიდან დაკეცილი ქალღმერთი ამოიღო და საფეხურზე გაშალა.

მოყავისფრო ხაზებითა და ციფრებით დაფარულ ქალღმერთზე მაცხოვრისგორა ამოიკითხებოდა. ფერდობზე ამავე ვალი ას ერთი საფეხურიც აჩნდა და პუნქტირით ან ასაშენებელიც, სააღლუმე მოედანიც გორის თავზე, მაღალ კვარცხლბეკზე კი ბელადის სილუეტი.

— სამუშაო ბლომდაა! — ბესამ პუნქტირს თითი გააყოლა. — ამ პროექტით სამას სამოცდახუთი საფეხურია. ას ერთი უკვე გვაქვს!

ჯიბიდან „მეტრი“ ამოიღო, კოჭზე დახვეული რკინის ლენტის ბოლო არიქას მისცა, გაიქეცი, აი, იმ მიმართულებით გავზომოთო.

შეუყვანენ აღმართს. მონიშნულ ადგილზე პალოებს არჭობდნენ. მომავალი კიბე ხან გაკვალულ ბილიკს მისდევდა, ხან უმოკლესი გზით იმავე ბილიკს ასცდებოდა.

ასე ააღწიეს მაცხოვრისგორის თავზე. აქაც მონიშნეს სააღლუმე მოედნისა და კვარცხლბეკის ადგილები.

— ეკლესიის ნანგრევების მთლიანად გადახვეტა მოიხურვეს. დანგრევა ადვილია, აშენებაა ძნელი! — ბესამ ქალღმერთზე დატანებული ნანგრევები შემოხაზა. — ვეუბნები ბიკენტის, ძღვიბიევიჩის, — ჩაგემოვნებით წარმოთქვა ქოსას სახელი, — სიმბოლური იქნებამეთქი, ძველი სულიერი ძეგლის ნანგრევზე რომ ამოიზარდოს ახლის კვარცხლბეკიმეთქი... დამიჯერეს!

ამ გააზრებაში იღო რაღაც ფარული ეშმაკობა, მართალიმ ეს იგუჟანა, მაგრამ ვერ ამოხსნა.

— ზღუდეს გამაგრება უნდა, გალამაზება, ცოტათი აწვაც... — ენას არ აჩერებდა ბესა, გონებაში თავისთვის რაღაცას ანგარიშობდა. — ბლომად დაგვჭირდება ვირის მუშები...

— აბა ჩვენ რისთვისა ვართ? — დურუმ მკერდი ბორბალივით გამობერა.

— აჰ, თქვენ ვინ გაკადრებთ მძიმე ტვირთის აწევას! — თვალთმაქცურად შეიცხადა ბესამ. — თქვენ ჩვენი სახელოვანი კომკავშირული სამეული ბრძანდებით, რამე არ უნდა იტკინოთ!.. ისე, ხანდახან დაგვხედეთ ხოლმე და მერე ჩინმედლების მისაღებად გაემზადეთ... აბა, ყველა გმირი მეჩაიე ჩაის რომ კრეფდეს, რაღა გვიჭირდა!

— იცი, ბესა ბიძია, რა ეკუთვნის მაგეთ მეოხუნჯეს? — გაიფხორა დურუ.

— გაჩუმდი თუ ძმა ხარ, კაცი ოთხგზის პატიმარია და მაინც ოხუნჯობის ხალისზეა, — გამოექომაგა არიქა.

— არც მე მომწონს მაგეთი ხუმრობა, ბესა ბიძია! — შეიჭმუხნა მართალი.

— კაცი რომ ხუმრობის უნარს დაკარგავს, დროა მიწაში ჩანვეს! — ბესამ არაფრად ჩააგდო ბიჭების გაცხარება, მერე, მცირე დუმილის შემდეგ დასძინა: — შეიძლება მოგეწონოს, ან არა, სხვისი ნათქვამი, მაგრამ ადამიანთა ყველაზე არაკაცური თვისება ბეზლობა და ენის მიტანაა!

— ბესა ბიძია! — თვალი გაუსწორა მართალიმ. — ჩვენს შორის, ამ პატარა საძმოში, მაბეზლარა და ენის მიმტანი არ

გვირევი. რაც ითქვა, ჰაერში გაქრა! ოღონდაც, ჩვენ კომკავშირლები ვართ და ჩვენს იდეალებს ვერავის შევალახვინებთ!

დაღმართს დაუყვინ და ბესამ სევდიანად ამოიოხრა:

— ვინ მეძალეა და ენაზე ვინ მექაჩება! რაცა მჭირს, ჩემი ენის წყალობითაა. მაინც უნდა გითხრათ, ჩემო მართალი, ადამიანის წინაშე ყველაზე დიდი დანაშაული ცოცხალი აზრის ჩახშობა და ტვინში დოგმის ჩაჭედებაა. ამ დროს ადამიანში კვდება პიროვნება, იგი სათამაში ტიკინად იქცევა...

— მერე ვინ აკეთებს მაგას? — წამოიყვირა დურუმ. — დოგმების ჩარჩოში დოგმატიკოსები და რევიზიონისტებია, ჩვენი იდეალი კი შემოქმედებითი მარქსიზმია!

ბესამ ყურადღებით შეათვალიერა ბიჭები. არიქა და მართალი დუმდნენ. ცხადი იყო, ისინიც დურუმს უჭერდნენ მხარს. კაცმა თავი სინანულით გააქნია, თითქოს ავადმყოფები შეიცოდოდნენ.

გულზე მოხვდა მართალის, თავი შეურაცხყოფილად იგრძნო.

განა საკამათოა, რომ ბესა ქირია ცდება! მისი აზრები სულ სხვა, მტრული სამყაროდან მოსულსა ჰგავს და საშიშია. ასეთი კაცი აგენტითაა, ციხის შიგნიდან გამტეხია.

„მართლაც დასაჭერი ყოფილა!“ — დანანებით გაიფიქრა.

„დასაჭერი იყო და იმიტომაც დაიჭირეს!“ — გულღრძოდ დაასკვნა დურუმ.

„კარგი კაცია და აფსუსია!“ — შეეცოდა არიქას. ასეთი გონების პატრონი იმდენად არ უნდა ცდებოდეს, თექვსმეტი წლის ყმანვილების დასამოძღვრი გახდეს.

ჩამოივაკეს და ბესამ ხმაში ხვეწნა გაურია:

— ბიჭებო, სათხოვარი მაქვს! ოღონდ, კარგებო, თავს საფრთხეში ნუ ჩაიგდებთ, თუ არ შეგიძლიათ, უარი მითხარით, არ მენწყინება!

ბიჭებმა ყური ცქვიტეს, ერთმანეთს გადახედეს.

— ჯულაშვილის ქუჩაზეა ჩემი სახლი, ცოლიცა მყავს და თქვენზე პატარა გოგოც! შინ რომ წავიდე, გაქცევაში ჩამეთვლება და სასჯელს წამიმატებენ. იქნებ ჩემებს გააგებინოთ, რომ აქა ვარ, შორიდან მაინც შევაველებ თვალს!

ბიჭებმა ბულვარში ჩაისეირნეს. ნელ სიარულში დარბაისლობა და სიდინჯე იგულისხმებოდა. ბავშვობა დამთავრდა. ისინი დიდები იყვნენ. თავიანთი შრომით ირჩენდნენ თავს, თანაც უბრალოს კი არა, გამორჩეულსა და საპატიო საქმეს შესჭიდებოდნენ.

— კომკავშირის სამკერდე ნიშანი ნუ გავიწყდება! — შეახსენა დურუმ არიქას. ვერა და ვერ ასწავლა წესი და რიგი ამ ხვლიკუნას.

კინოთეატრ „ოქტომბერთან“ მაყურებლების რიგი იდგა. ეკრანზე „მესამე დარტყმა“ გადიოდა. ბოლო დროს ერთმანეთს ცვლიდნენ „სტალინიანას“ ციკლის ფილმები... იყო „სტალინგრადის დაცვა“, „ბერლინის დაცემა“... სტალინის ძვირფას სახეს გელოვანი ასახიერებდა. ყველანი ამბობდნენ, ზედმინწენითა ჰგავსო, თუმცა სტალინის მნახველი მერეთში არავინ იყო... ბელადისაგან განსხვავებით ჰიტლერი გიჟის კარიკატურად გამოიყურებოდა, ვინ ვერ მიხვდებოდა, რომ ფაშისტიცაა და სულელიც!

ლესტამბემ გამოიარა, კეკეს ხელს ჩაჰფრენოდა. გოგონა ცმუკავდა, ვერ ისვენებდა. ლესტამბეს კი, როგორც ყოველთვის, ცხვირზე ზეთი ჩამოსდიოდა.

— კინოში მივდივართ! — განაცხადა. მუშტი ჯიბეში ედო, ალბათ ბილეთის ფულს ჭმუჭნიდა, ეშინოდა, ვინმემ არ წამართვასო.

— იმ კვირასაც რეპეტიცია გვაქვს! — უთხრა არიქამ კეკეს. გოგონა ბრბოში უნდა მდგარიყო და „ვაშა“ ეძახა.

თოლორაიებმა გზა განაგრძეს.

— თქვენ ჩიტის გულები გაქვთ! — ადრინდელ კამათს განაგრძობდა დურუმ. — პატიმარია და იმიტომ გეცოდებათ. იმას იმ სიგრძე ენა აქვს, ციხიდან არავინ გამოუშვებს. პირადად მე მისი დავალებების შესასრულებლად ვერ ვირბენ!

— უკეთესია თუ ბიკენტისთან დავასმენთ და ოთხგზის პატიმარს მეხუთეჯერ დავაპატიმრებთ! — დაცინვით ურჩია არიქამ.

— რა განუხებს, ვერ გამიგია, — მხრები აიჩეჩა მართალიმ, — ილაპარაკოს კაცმა, თოფს ხომ არ ისვრის. ამ ენის გამო ისედაც ციხეშია, მეტი რა გინდა!

გეგეების სახლამდე რომ მიალწიეს, დურუმ შუბლზე თითი მიიკაკუნა, აფრაკადა ხართო, და შინისაკენ გადაუხვია.

არიქამ და მართალიმ ერთმანეთს შეხედეს, გზა რკინიგზის სადგურისაკენ განაგრძეს.

შავზე შავი ორთქლმავალი კვამლს აბოლებდა და წინდაუკან დააჯახირებდა საბარგო ვაგონებს. ბოლო ლიანდაგზე მწვანე ურჩხულივით განოლილიყო გრძელზე გრძელი ჯავშნოსანი მატარებელი. მრისხანე ქვემეხებს ლულეებზე ჩაჩები ჰქონდა და ეს თუ ანელებდა შიშს, რასაც მოქალაქენი გრძნობდნენ. ყოველ გაზაფხულს ქალაქს გრიპივით ჩამოუვლიდა ქორი, არიქა, ამერიკელები მოდიან, თავს უნდა დაგვესხანო. ერთი ატომური ბომბიც საკმარისია მერეთის ასაორთქლებლად. ისეთ რამეებს ყვებოდნენ, სიცოცხლეს ალბათ სიკვდილი ჯობდა.

ჯავშნოსანის გასწვრივ შაშხანიანი გუშაგები მიმოდიოდნენ და ყმანვილებმა შორიდან შემოუარეს.

ჯულაშვილის ქუჩაც აგერ იყო, სხვებისაგან არაფრით გამოირჩეოდა. ქალაქში ისედაც არსებობდა სტალინის პროსპექტი, მოედანი, სანაპიროც და ამ ქუჩის სახელი ან ზედმეტი სიყვარულის, ან ზედმეტი პირმოთნეობის შედეგი იყო.

ქირიების ორთვალიანი ოდა დაბალ ხიმინჯებზე იდგა, ბუხრიდან თეთრი ბოლი ამოდიოდა.

შეყოყმანდნენ, ჭიშკრის შედეგებისა ერიდებოდათ.

მეზობელი სახლიდან გაისმა ქალის ხმა:

— ცხუტა, ქალო, თქვენთან არიან, გამოიხედე გარეთ!

ფარდის შინაქარგი ფარდა გადაიწია, უმაღ კარიც გაიღო და აივანზე ტანმსხვილი ქალი გამოვიდა. პირმრგვალი სახე ჰქონდა, მაჯისსიმსო ნაწნავები. მეტად ახალგაზრდა ჩანდა ბესას დიასახლისი.

— შემობრძანდით, შვილებო, ჭიშკართან რატომ დგახართ! — ტკბილი, ლულუნა ხმით მოიხმო ცხუტამ.

ჭიშკარი მორიდებულად შეაღეს და შემოგებებულ ქალს მართალიმ ხმადაბლა ამცნო:

— ჩვენ ბესა ბიძიამ გამოგვაგზავნა!

ქალმა ხელები გაასავსავა, თვალეებზე უცაბედი ცრემლი გაუქრთა.

— შემობრძანდით და შინ ვილაპარაკოთ!

მწირი ხაბაკუბაკით განყობილ ცივ ზალაში შეუძღვა. კედელზე ბესას და ცხუტას ქორწილისდროინდელი, გადიდებული სურათი ეკიდა. იმის ქვემოთ კი ნაცრისფერ ქალაღზე დახატული მელნისფერი ზღვა და ტალღებზე მოცურავე მწვანე ქალთევზა. ასეთები ბაზარში იყიდებოდა იაფად.

— აქეთ, სითბოში შემობრძანდით! — დიასახლისმა ბიჭები მეზობელ ოთახში შეიყვანა. აქ, ბუხარში ცეცხლი ენთო, იქვე კალათაში სიმინდის ტაროები ეყარა, იატაკზე — ნაქუჩი, გობში კი — დაფშენილი სიმინდი.

ჯორკოდან გოგონა წამოიმართა. სიგამხდრისაგან სინათლე გასდიოდა, დიდრონი, შავი თვალეები უბრწყინავდა, კანი კი ისეთი გამჭვირვალე ჰქონდა, ძარღვების ფეთქვა ილანდებოდა.

— გვაპატიეთ, ყმანვილებო, მე და ჩემმა გოგომ სულ დავანაგვიანეთ აქაურობა! — ქალის ყოველ სიტყვაში მოფერების კილო ისმოდა და ბიჭებს თითქოს უნანავებდა. — ცირა, გავწიოთ ეს კალათა და სტუმრები ცეცხლთან მივუშვათ!

ცირას ხმა არ ამოუღია, მაგრამ კალათა და გობი გასწია, ნაქუჩი სწრაფად ახვეტა, ბიჭებს დაბალი ჯორკოები დაუდგა და შუაში ტაბლაც დადგა.

— ჩვენ არა გვშია! — გაუბედავად თქვა მართალიმ.

— დედას გეფიცებით, არა გვშია! — დაუდასტურა არიქამაც, თუმცა ორივეს კუჭი ეწვოდა.

— თქვენს ასაკში ადამიანს მუდამ ჰშია! — დაუყვავა ცხუტამ. ნაძალადევი მხიარულებით მიმოდიოდა, უპიდან კურცხალი ნეკათით შეუმჩნევლად მოიშორა.

ბუხარში შეშა მისწიმოსწია, ნაკვერჩხლები გამოხვეტა, ზედ „ფიცხინია“ დადო, მასზე კი ცივი ღომის ნაჭრები დაანყო... ცირამ სულუგუნი და მწნილი მოარბენინა, ამას სურით

ჭაჭის არაყი მოაყოლა, მომცრო ჭიქები, მოხარშული კვახი, ცოტა ჯანჯუხა და ტკბილისკვერი.

— ჩვენ არა ვსვამთ! — იუარა მართალიმ.

— დედას გეფიცებით, არა ვსვამთ! — არიქამ გულზე ხელი მიიდო.

უხერხულობისაგან წამდაუნუმ წითლდებოდნენ, არიქა მთლად ყაყაჩოსფერი გახდა.

ცირამ ტაშტი და წყლიანი სურა შემოიტანა, მკლავზე პირსახოცი გადაეფინა. ყმანვილებმა სიმბოლურად თითები დაისველეს.

დასხდნენ, ლუკმა გატეხეს და მხოლოდ მაშინ იკითხა ცხუტამ.

— რაო, რა შემომითვალა მაგ ჩემი ცოდვით სავსემ?

— ჯერჯერობით აქა ვარო, ქალაქში... — მთელი დღის უჭმელებმა სიმორცხვეს სძლიეს და მონდომებით ილუკმებოდნენ.

— მადლობა ღმერთს! — პირჯვარი გადაიწერა ცხუტამ. ცირამაც უთქმელად გადაიწერა პირჯვარი, რითაც სტუმრები გააკვირვა. პირჯვარს რომ იწერდა, ისეთი ბავშვი აქამდე არც ენახათ.

— გამოძღა ალბათ ურჩხული, კუჭში ვერ ჩაეტია ბოლო ლუკმა! — დააგდო უცებ ცხუტამ.

არიქამ პირი დაალო, ლუკმა ყელში გაეჩხირა. მართალის ყურში გაუჟღერიალა. ვინ ურჩხულიო? ალბათ ბიკენტი! ან ვავა ზარქუა!.. იქნებ ლავრენტი პავლეს ძე?.. ამაზე მადლა ფიქრითაც ვერ წავიდოდა და წასვლა არც სურდა...

მოუყრუა. ჭამა განაგრძო, თუმცა არც ისეთი ხალისით.

არიქამ პირი სასაცილოდ მომუნა, თითქოს სტვენას აპირებდეს და ჩაიხითხითა.

— ჩვენთან მანამ იქნება, ვიდრე სტალინის ძეგლს ავაშენებდეთ მაცხოვრისგორის თავზე!

— სტალინის? — ისე გაიოცა ცხუტამ, თითქოს სასწაული რამ უთხრესო.

— რა გაგიკვირდათ? — მართალის ხმაში მტრული სიმი გაჟღერდა.

— გაკვირვებით არ გამკვირვებია, — ენას კბილი დააჭირა ქალმა, — სტალინის ძეგლებს სად არ აშენებენ. მე სხვა გამკვირვებია! იცით, რატომ დაიჭირეს ჩემი მეუღლე?

ბიჭებმა უარის ნიშნად თავი გააქნიეს.

— აჩემა, ომმა ქვეყანა გააჩანაგა, წელი ვერ აგვიტრევია და ამდენი ძეგლისათვის ფულს წყალში რატომ ვყრითო. თავი დაანებე, შენ ვინ გკითხავსმეთქი, ვურჩიე. არ დამიჯერა, თუ არ მკითხავს, ნახავო! ადგა და თვითონ იმას, პირადად გენერალისიმუსს მისწერა, ამუნათებდა, პირმოთნეები თავს გავიდნენ და ზღვარი შენ დაუდეო!

— მერე? — ორივემ ერთად იკითხა.

— გვეგონა, წერილი მოსკოვში არც იქნებოდა მისული, ქუჩაში აიყვანეს. ახლა კი, ჩანს, დასცინიან, არ გინდოდა ხომ ძეგლების აშენება, მიდი და შენი ხელით ააშენეო! — ცხუტას თვალები დაენამა, ხელები პირისახეზე აიფარა.

ცირას ხმა არ გაუღია. „მუნჯია ალბათ!“ — გაიფიქრა მართალიმ.

— მუნჯია, ალბათ! — არიქას უთხრა, როცა იქიდან ბრუნდებოდნენ.

— მუნჯებს არ ესმით, იმას კი ყურები ჩვენკენ ჰქონდა! — დამაჯერებლად აუხსნა არიქამ და უცებ სიცილი წასკდა: — ნახე, რანაირი განაჩენი გამოუტანეს ბესას? არ გინდოდა ხო ძეგლის აშენება, მიდი და შენი ხელით ააშენეო!

მართალისაც გაეცინა. ეს უფრო ანგლობას ჰგავდა, ვიდრე სასჯელს. ბოლოს და ბოლოს იმ კაცს ტყვიას არავინ დაახლის. ცხვირი იქ ჩაყო, სადაც არ ეკითხებოდნენ და ამიტომაც აღზრდიან, როგორც საჭიროა... აი, ეს არის გენიალური მიხვედრა!

მართალიმ არიქა მიაცილა და შინისაკენ წამოვიდა.

ცივი, ჩაბნელებული სახლი დახვდა.

ბუხარში ძველი გაზეთის ნაფხრენი შეაგდო. უცბად აბრიალდა და კედლიდან სტალინის სახემ მწყრალად გადმოხედა... მართალის გააცვივა... გაზეთი წამში ჩაიფერფლა და ყმანვილმა გათოშილ ლოგინს მიაშურა...



— ასეთი ტემპით რომ გვემუშავა, უკვე შუა კომუნიზმში ვიქნებოდით! — ბესა ქირიამ ღიმილი დამალა. მართალიმ გაიფიქრა: „არ იშლის ქილიკს, ნეტავ ბიკენტის არ ჩაუკაკ-ლავედეს ვინმე!“

არადა, საქმე მართლაც სწრაფად მიიწვედა წინ!

დილაუთენია მოთუხთუხდა რამდენიმე სატვირთო მანქანა. ხრეში და ცემენტი მოზიდეს, სადღაც კარიერში დათლილი თეთრი საფეხურები... ზედ პატიმრები ისხდნენ, ზურგით კაბინისაკენ. შაშხანებით შეიარაღებული არმიელები დარაჯობდნენ, ქერა და ჩოფურა რუსის ბიჭები... პირველნი თვითონ ჩამოხტნენ ძარიდან, წრე შეკრეს, შაშხანები მომართეს.

— დავაი, ვილეზაი! — აყვირდა ამათი მეთაური.

პატიმრები არცთუ მკვირცხლად ხტებოდნენ ძირს. რუხი, დაძველებული შარვალკიტელი ემოსათ, ჯღანი ფეხსაცმელები, ზოგს გაზინთული კეპი ეხურა, ზოგიც უქუდო იყო. შეცივნილები ადგილზე ბუქნაობდნენ, ხელებს იფშვნიტდნენ.

„ვინ არიან ესენი? — ფიქრობდა მართალი. — დამნაშავენი? რა დაუშავეს ადამიანებს, ქვეყანას?“

გაუპარსავნი, დაუბანელნი, ლოყებჩაცვენილნი, — თანაბრად ყველას ყვითელი ფერი გადაჰკრავდა. ნისლიან დილას, ღამიდან გამოცვენილ, საიქიოში ნასტუმრებ კაცებსა ჰგავდნენ.

— სტროისია! — ყვიროდა რუსის მეთაური.

ბიჭებს ამ ნაცრისფერ ბრბოში უჭირდათ ადამიანთა ამოცნობა. იდგნენ გაუცხოებულნი, სულ სხვა ქვეყნის შვილები, უფსკრულის გაღმიდან მოსულნი და მართალის შერცხვა, რაკი საკმარისი თანაგრძნობით ვერ განიმსჭვალა.

— საცოდავები! — ამოიოხრა არიქამ. — პური მაინც წამოგველო, ან თუთუნია...

— ტორტი წამოუღე, ტორტი! — დაცინვით ჩაურთო ღურუმ.

მართალის ხმა არ ამოუღია. ფრთხილი ფიქრი შემოეპარა: სამი მეგობარი, სამი კომკავშირელი, ერთი ძლიერი და უჩინარი ხელით გამოქერნილნი თითქოს თანდათან შორდებოდნენ ერთმანეთს, თუმცა ბზარი ჯერაც მცირე იყო.

ამასობაში პატიმრებმა მანქანიდან ტვირთის გადმოყრა დაიწყეს. დურუ უმაღლ ნამოენთო, ღონე ერჩოდა და უსაქმოდ ვერ ჩერდებოდა.

წინ ჯარისკაცი გადაუდგა, შაშხანა მოუღერა და უხეშად შეუღრინა:

— ნაზად!

შეცბუნებული გამობრუნდა დურუ, დარცხვენილი ქოშინებდა:

— სულელია ვილაცა!

— ამათ თავიანთი წესები აქვთ! — მშვიდად აუხსნა ბესამ. — ჩვენ ჩვენს საქმეს მივხედოთ!

ყმანვილებს გაუძღვა და კიბეს შეუყვინ.

— ვინ არიან ესენი? — ჰკითხა მართალიმ.

— ვინ იცის! — ბესამ მოიხედა. ზევიდან პატიმრები რუხი თავგებივით ჩანდნენ.

— ქურდები იქნებიან, წესიერი კაცი იქ არ მოხვდება! — დურუს წყენა ვერ განელებოდა.

— ალბათ ასეცაა, — დაეთანხმა ბესა, — ოღონდ ესაა, წამდვილ ქურდს მუშაობას ვერ აიძულებ! იგი სხვა „ზეკებს“ ამუშავებს, თვითონ კი ყვენივითა ზის!

— ეს როგორ?

— ინდოეთში, გაგიგონიათ ალბათ, საზოგადოება კასტებად იყოფა. ყველაზე დაბალია „მიუკარებელთა“ კასტა. ისინი უწმინდურებად მიაჩნიათ, მათთან არავისა სურს ურთიერთობა. სხვა კასტები უფრო მაღალ საფეხურებზე დგანან. ციხეშიც ასეა! ყველაზე უკეთ ქურდები არიან. არ მუშაობენ, ბანქოს თამაშობენ, პატიმრებს ძარცვავენ, იმონებენ, უფროსებთან კარგი ურთიერთობა აქვთ... მოკლედ, ციხე მათი სახლია, თვით სახელმწიფოა მათი პატრონი!

— რად უნდა სახელმწიფოს ქურდის პატრონობა? — უხეშად შეუტია დურუმ.

— სხვა „ზეკების“ დასამორჩილებლად! ყველაზე უარესად ესენი არიან! კიდევ კარგი, თუ ქრთამისათვის ზიხარ, ანდა მკვლელობისათვის, მაგრამ თუ აზრის პატიმარი ხარ...

ბოლო სიტყვა ბესამ გაჭიმა, მაგრამ მიხვდა, რომ კვლავ აჭარბებდა და ენას კბილი დააჭირა.

— კი ხარ, ბესა ბიძია, აზრის პატიმარი, მაგრამ შაშხანიანი კაცი არ გადგია თავზე! — არ მოეშვა არიქა.

— ესეც მართალია! — დაეთანხმა ბესა. — ეს მაშინ ხდება, როცა „ზეკი“ საჭირო კაცია. ახლა მე საჭირო ვარ... ცოტა ხნით! სანამ კერპთაყვანისმცემლებს ბომონს დავუდგამდე!

ყმანვილებმა ერთმანეთს გადახედეს. ეს უკვე საშიში ხდებოდა, არათუ ბესასათვის, ამათთვისაც.

— ისე, ჩვენც დასაჭერები ვართ! — განაცხადა დურუმ. — ვისმენტ კიდევ და ვითმენტ კიდევ! ნამდვილად დასაჭერები ვართ!

მართალიმ კუმტად შეხედა დურუმს. არ მოეწონა მისი თავგამოდება. საკუთარი მრწამსი უნდა დაიცვა, მაგრამ კი არ უნდა გადაამლაშო.

— თუ დაგვიჭირეს, აზრის პატიმრები გავხდებით! — ჩაიციხა არიქამ, ეიოლებოდა ასეთი ხვედრი.

ბესას სახე სერიოზული გაუხდა. არიქას მკლავზე ხელი წაატანა და ხმადაბლა თქვა:

— რაცა მჭირს, ჩემი ძირს მოსაკენეტი ენის გამო მჭირს. მე არ მინდა, ბიძიებო, გზა გაგიმრუდოთ. ხელი მაქვს ყველაფერზე ჩაქნეული და იმიტომ არ მეშინია არაფრის. თქვენ კი მომავალი გელოდებათ. ფიქრით იფიქრეთ, კაცი იმიტომაა, იფიქროს! მაგრამ ფრთხილად იყავით, ბიძიებო, ენა მოითოკეთ და, რასაც მე ვლაპარაკობ, — გულს ვიფხან და იმიტომ ვლაპარაკობ ასე, — თქვენ მაგნაირებს ნურც გაიმეორებთ!

ამაზე გაჩუმდნენ. ლაპარაკი არც შეიძლებოდა, რადგან ასმეერთე საფეხურთან ვავა ზარქუა იდგა.

პატიმართა დიდი ჯგუფი ამოეყვანა აქაც. ისეთივე უსახურნი იყვნენ, როგორებიც ქვევით დატოვეს. იეჭვიანა კიდევც მართალიმ, იქნებ იმათ ამოგვასწრეს და წინ დაგხვდნენო. მჭიდროდ იდგნენ და ისე ათბობდნენ ერთმანეთს.

ძირს წერაქვები, ბარნიჩბები და თოხები ეყარა. მოშორებით, ოთხივე კუთხით ოთხი არმიელი იდგა შაშხანებით ხელში. ერთს უზარმაზარი სამგლე ქოფაკი გამოება საბელზე. ეტყობა პატიმრებზე იყო დაგეშილი, ენა გადმოეგდო, ღოჯებიდან ნერწყვი გადმოსდიოდა და თვალებს ბოროტად აბრიალებდა, თითქოს ნატრობდა, ერთი მიმისისინეთო.

„ესეც ვავა ზარქუა!“ — გაიფიქრა მართალიმ.

იქნებ ასეც იყო, ხან ეს ძალღი გადაიქცეოდა ვავად, ხან ვავა — ძალღად!

საფეხურზე ჩამომჯდარიყო ვავა. თავზე თბილი, ყურებიანი ქუდი ჩამოეფხატა და რაც იმის ქვეშ უფერულ, თეთრ ლაქად ჩანდა, პირისახე არც ეთქმოდა.

— აგვიანებ, ბესა! — უკმეხად გამოსცრა.

— ციხის კარი როცა იღება, მაშინ მოვდივარ, უფროსო! — უპასუხა ბესამ, მის ხმაში თავშეკავება და ღირსების გრძნობა ჟღერდა.

— ციხეს ისე ეთამაშები, ალბათ თავი უცვლელი გგონია, — ვავა წელში გაიმართა და ამ დროს სხეულში ძვლებმა თითქოს გაიჩხარუნა, — უცვლელი კი დედამინის ზურგზე არავინაა!

— მეც მაგისი იმედი მაქვს! — წყნარად, დინჯად შეეპასუხა ბესა და ყმანვილებს მიუბრუნდა: — მაშასადამე, არწივებო, ამოცანა ასეთია: ავიყვანოთ კიბე, სულ ორას სამოცდაოთხი საფეხური. გორაზე თლილი ქვებით მოვკირწყლოთ სააღლუმე მოედანი. კიბეს ავაყოლოთ ბორდიური, მოედანს კი გადასახედის მხრიდან პარაპეტი შემოვარტყათ. ზედ კიდზე ავაგოთ კვარცხლბეკი... დრო მცირე გვაქვს! ერთბაშად ყველა ფრონტზე უნდა ვიმუშაოთ. მოქალაქე პატიმრები ოთხად დავანაწილოთ — აქ, იქ, იქ და იქ!.. ჩვენ კი — სამი მამაცი კომკავშირელი და ერთი წყალნალეხული ბოროტმოქმედი ყოველივე ამას ხელოვანის ჯადოსნურ კვერთხს შევახებთ და საჭირო ფორმას მივცემთ! ხომ გასაგებია, მოქალაქე უფროსო?! — მიახალა უცებ ვავას.

ვაგა წამონითლდა, ღოჯები იმ ძალღივით გამოაჩინა, მაგრამ არაფერი უთქვამს, შებრუნდა და პატიმრების განაწილებას შეუდგა...

15

მაცხოვრისგორის ფერდობს რუხი ჭიანჭველები შეესია. მართალიმ თვალი გაადევნა. დათვლით ვერ დაითვლიდა და უკმაყოფილოდ გაიფიქრა, ეს რამდენი პატიმარი გვყოლია მერეთშიო. ამათ თუ გადაამრავლებ ამნაირ და უფრო დიდ ქალაქებზე, თავზარდამცემი რიცხვი გამოვა... შეეცადა ეს მკრეხელური ფიქრი გაეფანტა...

ქვევით, მთისძირას პატიმართა ერთი ჯგუფი მანქანებს ცლიდა, სხვებს ტვირთი ჯალამბარებით ფერდობზე ამოჰქონდათ. მესამენი კიბის გაყოლებით მუშაობდნენ, საფეხურებისათვის ფუძეს თხრიდნენ, ბეტონის ხსნარს ზელდნენ და ბესასთან მოჰქონდათ... სხვანი და სხვანი გორის თავზე ასწორებდნენ სააღლუმე მოედანს, საძირკველს ამზადებდნენ კვარცხლბეკისათვის...

ყმანვილები ბესას ეხმარებოდნენ. დურუ და მართალი მძიმე საფეხურს მიუჩოჩებდნენ, არიქა ქამრით ხსნარს ასწორებდა... ახალგაზრდული სიხალისით მუშაობდნენ, მაგრამ გულის სიღრმეში სამივეს უხერხულობა დაუფლებოდა, რადგან თვალს ვერ უსწორებდნენ ირგვლივ მომუშავე ჩამოფართხუნებულ, ძველმანებში გახვეულ, ერთნაირად დალეულ და დაჩიავებულ რუხ მასას, რომელსაც უჭირდა ეს მძიმე საქმე და ძლივსლა ზოზინებდა, გაავებული რუსის მეთაური კი აღმადალმა დარბოდა, ფაციფუცობდა, არ ეკითხებოდნენ და მაინც ეჩრებოდა:

— ჩქარა, ჩქარა! გაინძერი, ნეხვო! უჰ, შენი დედა!.. ორას მეთორმეტე, მშიერი კარცერი მოგელის, იცოდე!.. ას მეთე, გამოგოჭერ და უნიტაზში ჩაგაყოფინებ სიფათს!

იჭაჭებოდა, იჭაჭებოდა, ალბათ ვაგას აწონებდა თავს.

მოულოდნელად მქრქალი ნისლი გაირღვა და მზემ გამოიხედა. უღონო სხივები ვერ ათბობდნენ, მაგრამ მაინც სასიამოვნო იყო. „ზეკებსაც“ ცოტა ფერი მიეცათ, ერთმანეთში აჩურჩულდნენ, ალაპარაკდნენ. რუსის მეთაური, თითქოს ჩასთვლი-მაო, მზეს მინებდა... ჯარისკაცებსაც მოუდუნდათ ყურადღება. მხოლოდ ვაგა იდგა წინანდებურად მომართული, გამჭრიახი, ყოველივეს კიდევ ხედავდა და ყნოსვითაც გრძნობდა... მართლაც ძალღის სისხლი თუ უდიოდა ძარღვებში...

ნაშუადღევს ჯაგლაგა ცხენმა საველე სამზარეულო მოაჩინდრიკა. ალუმინის თეფშებით „ზეკებს“ წვნიანი ჩამოურიგეს, ბალანდა თევზით ყარდა... ყმანვილებიც ჩამოჯდნენ საფეხურებზე, მცირე საგზალი გაშალეს. რცხვენოდათ ჭამისა, ლუკმა ყელში არ გადადიოდა, ბესა დაინვიეს მხოლოდ...

— რას იზამ, — მიუხვდა ბესა, — კაცი იესო ქრისტე არ არის, ერთი პურით ათასი დააპუროს!

ვაგამ ჰკიდა ყური. თვითონ არაფერსა ჭამდა. პირზე ზიზლი ეხატა, თითქოს ამბობდა, ჭამა რა კაცის საქმეაო.

— მაგის საჭმელი ბალანდაა! — უკმეხად ამოიღრინა. — თავს ნუ უყადრებთ, მტერმოყვარე გაარჩიეთ, ზედმეტი გულჩვილობა იგივე მავნებლობაა!

— მართალი ბრძანდები! — ცალყბად გაუღიმა ბესამ. — ტყვიას რომ არ მესვრი, ამაზე მეტ მოწყალებას ან რატომ უნდა ველოდე?

ვაგას სველი ბაგე მოებრიცა.

— ჩემი ნება რომ იყოს, დაზგის ტყვიამფრქვევს ამოვიტანდი, იმ ბექობზე შევდგამდი და ტატატა, გადაგივლიდით! აი, ასეთი გულმონყალე ვარ მე!

— ეჭვიც არ მეპარება! — მშვიდად უპასუხა ბესამ. — არც ის გამიკვირდება, საქმეს რომ მოვამთავრებთ, მართლაც ამოიტანო დაზგის ტყვიამფრქვევი და ზეიმი იმით აღნიშნო!

ვაგამ თვალი მიაცივა, სისინით გამოსცრა:

— დაგიმასსოვრებ მაგ სითამამეს, ბესა ქირია! — შებრუნდა და გაშორდა.

ბიჭები გამტკნარებულნი უსმენდნენ, ჩარევა ვეღარ გაბედეს. ბოლოს დურუმ ამოღერლა:

— მიკვირს, ბესა ბიძია, თითქოს განგებ ეძებ მიზეზს, საქმე რომ გაიფუჭო!

— ეჰ, ბიძიებო, ყველანი სიკვდილის შვილები ვართ. გარდუვალის თუ შეგეშინდა, იმ წუთიდან მხდალი მონა ხარ... საქმეს მივხედოთ, ბიძიებო, საქმეს!

მოკლე შესვენება დამთავრდა. გაისმა ძაღლის ღრენა, ჯარისკაცების მოწყვეტილი, უხეში ბრძანებები. აზოზინდა, აფუსფუსდა ჭიანჭველების ჯარი, გასისწვრივდა მაცხოვრისგორის ფერდობზე მთისძირიდან ეკლესიის ნანგრევებამდე.

— ასე იშენებდნენ ფარაონები პირამიდებს! — თქვა ბესამ და ქამჩას დაავლო ხელი.

„ესეც ქარაგმა!.. — ფიქრობს მართალი. — პირამიდას მონები აშენებდნენ! მონები „ზეკები“... იქნებ ჩვენც მონები ვართ!.. ფარაონი ბელადია, იგი მონების ხელით საკუთარ საფლავს იშენებს!.. რა უნდა ბესას, ნუთუ ენა ექავება და მხოლოდ იმიტომ ყბედობს? „ზეკები“ უნდა შეგეცოდოს, მაგრამ ესენი ხომ დამნაშავენი არიან!.. ქვეყანა წინ მიდის, უმაღლესი საზოგადოება შენდება დიდი ბელადის წინამძღოლობით!.. ესაა მთავარი!.. სხვა რომ არ იყოს, დიდი ბელადი ქართველია და ეს ხომ უნდა გეამაყებოდეს...“

ფიქრები ნაწყვეტნაწყვეტად ჩნდება თავში, შიგ ვერ ჩერდება, უმაღლ ეკარგება, რადგან აზრი აქეთიქით უხტის, დასტრიალებს კიბეს, საფეხურებს, ბეტონის ხსნარს, რუხ მასა-ადექცეულ „ზეკებს“, რომლებსაც პირისახეზე მიწისფერი დაჰკრავთ და თვალეში სევდა ჩაჰგუბებიათ...

უხილავი ზღვარი ჰყოფთ ამათ იმათთან, თითქოს სხვა ჯურისანი იყვნენ, სხვა კასტას ეკუთვნოდნენ, „მიუკარებლებისა“, ფარაონთა მონებისა, შეჰგუებოდნენ ამ თავის ხვედრს, მუშაობდნენ თავჩალუნულნი, ჩუმად, ვერც ამჩნევდნენ კომკავშირულ სამეულს, ციურ სამყაროდან ჩამოფრენილებს... სხვა არარა აინტერესებდათ, გარდა თავის გადარჩენისა. ამიტომაც იყვნენ მორჩილნი, უტყვნი, ვითარცა ჯოგი, ნახირი, ფარა...

საღამოსთვის ენთუზიაზმი ნელდება, ბარაქიანად ვერ მუშაობენ. „ზეკებსაც“ თითქოს უქრებათ შიშის გრძნობა, ყურს არ უგდებენ ჯარისკაცთა უხეშ შეხმთანებას. თავჩაქინდრულნი ეზიდებიან მძიმე ტვირთს და ითვლიან წამებს, ელოდებიან სასტვენის ხმას, როცა განთავისუფლდებიან საძულველი საქმისაგან, დაენყობიან გრძელ კოლონად და წავლენ იქ, სადაც არ ელოდებათ სითბო, სიმყუდროვე, სიხარული... წამება იქაც გრძელდება, მაგრამ იქ შეიძლება მცირე დროით გამოითიშო, თვალი დახუჭო და სიზმრების სამყაროში მაინც იგრძნო თავი ადამიანად.

აჰა, მოვიდა წამი იგი! ისმის გაბმული სტვენა. „ზეკები“ საქმეს ცივად უშვებენ ხელს, გამოცოცხლდებიან, ახმაურდებიან, მაგრამ თან ცდილობენ, ჯარისკაცები არ გააღიზიანონ.

დაბლა ეშვებიან, ჯერ პატიმრები, მერე სამეული და ბესა, ბოლოს ვავა ზარქუა. იგი ფრთხილად იყურება აქეთიქით, ვინძლო ვინმე სადმე არ ჩაიმარხოს, თუმცა სულელის მეტი ვინ მოინდომებს ამას, მაცხოვრისგორის მთელი ფერდობი ხომ ხელისგულივით გადაშლილა.

მთისძირას „ზეკები“ ეწყობიან, რუსის მეთაური დარბის, ყვირის, რაღაცას ითხოვს.

ძალლი იღრინება, დუჟს ანთხევს.

გვარების მონოტონური ამოკითხვა და უკვე მოყირჭებული — „ვარ, ვარ, ვარ!“

— შენ რაღას უდგახარ, საგანგებო მონვევას ელოდები? — დაცინვით სისინებს ვავა.

ბესა მხრებჩამოყრილი მიჩანჩალებს რიგისაკენ.

უცბად თითქოს ბურუსი გაიხლიჩაო, წვრილი წივილი ისმის:

— მამა!

საიდანღაც, ჯარისკაცებსა და პატიმრების მიღმიდან, აქამდე უხილავი სივრციდან გამოენთო პატარა ხვლიკუნა, გაძვრაგამოძვრა და ზედ შეაფრინდა, კისერზე ჩამოეკიდა ბესას.



მოულოდნელობისაგან წამით გაირინდა ყველა — „ზე-  
კები“, ჯარისკაცები, ოფიცერი, ბიჭები და ვავა ზარქუაც კი...  
პირველი რუსის მეთაური მოეგო გონს, ავად შეუძახა:  
— ნაზად, სტრელიატი ბუდუ!  
ვავა მივარდა, თვალეები გადმოეკარკლა. ხელი სტაცა  
გოგონას, ეცადა მოეგლიჯა, მაგრამ ცირა მთელი ძალღონით  
შემოჭდობოდა მამის კისერს და არ უშვებდა.  
უხმო ჭიდილი გაიმართა.  
არიქა ჩაეკვება, ვავას მკლავს შეეხო.  
— ვავა ბიძია, მოემვი!  
დურუ და მართალიც მიცვივდნენ.  
— ვავა ბიძია, რა გინდა, ხომ არსად გარბის!  
შორიდან ქალის ხმამ მოაღწია:  
— ცირა, შვილო, დაბრუნდი, ნუ გააბრაზებ ბიძიებს!  
ბესამ, თვალაცრემლებულმა, ჩასჩურჩულა:  
— კარგი, შვილო, დამშვიდდი, წადი დედასთან!  
— არა, არა! — უფრო ჩაეხუტა ბავშვი, მაგრამ ვავამ  
ხელები ძალით გააშვებინა.  
რუსმა ბესას ქეროში ხელი წაჰკრა, შეუღრინა „რუკი ზა  
გოლოვუ!“ და წინ გაიგდო.  
ვავამ გოგონას ბიჭებისაკენ უბიძგა.  
მართალიმ მიიხუტა, ძლივს აკავებდა.  
— გამიშვი, გამიშვი! — ტიროდა ცირა, მაგრამ მისი  
გაშვება არ შეიძლებოდა.  
— ნაბიჯით იარ! — შეუძახა „ზეკებს“ ოფიცერმა და  
რუხი კოლონა ფეხების ფართხუნით გაემართა ქალაქისაკენ.  
ყმანვილები ცირასთან დარჩნენ, ამშვიდებდნენ... ცხუ-  
ტა მოვიდა, მძიმედ, დაღლილად მოაბიჯებდა. ილღიაში ფუთა  
ჰქონდა, ალბათ საგზალი გამოაყოლა ხელს.  
ბავშვს მოეფერა, სუ, სუო, ჩასჩურჩულა და წაიყვანა...

შინ დათრგუნულები ბრუნდებოდნენ. მიუჩვეველთ  
სახსრები ასტკივდათ, მაგრამ ეს არ იყო მთავარი.  
— ვავა ზარქუა მხეცია! — გულმოსულად დუდლუნებ-  
და დურუ. — არავინ შეებრალება, კბილებს ისე აღრჭიალებს,  
თითქოს შეჭმას გიპირებსო!  
— ნაგაზია, — ზიზლით შეეპასუხა არიქა, — პირველად  
რომ ვნახე, ძაღლის სუნი მეცა!  
მართალი ჩუმად მოდიოდა. მან ხომ ადრეც იცოდა, რომ  
ვავა ადამიანებზე დაგეშილი ძაღლი იყო, დაუნდობელი, მძუ-  
ლვარე...  
— ასეთები აფუჭებენ საქმეს! — ველარ მშვიდდებო-  
და დურუ. — სახელს უტეხენ იდეას. ჰგონიათ, სოციალიზმს  
ვემსახურებითო, სინამდვილეში კი დანაშაულს სჩადიან... ეს  
რომ სტალინმა იცოდეს!  
— ეს რომ სტალინმა იცოდეს, პირველს ვავასნაირთ  
ჩააყუდებდა სადაც საჭიროა! — კვერი დაუკრა არიქამ.  
„ეს რომ სტალინმა იცოდეს!“ — წონიდა მართალი.  
სტალინმა რამდენი რამე უნდა იცოდეს? თვით მართა-  
ლის ცხოვრებაში იმდენი უკუღმართობა მოხდა, მარტო მისი  
ამბების გარკვევას მოუნდებოდა დიდი ბელადი... რამდენია  
მართალისნაირი?.. რა დასკვნა უნდა გაკეთდეს აქედან?  
ბესამ თქვა, ქირიამ:  
— მე ნურაფერს დამიჯერებთ, ბიძიებო! იქნებ მე ენას  
ვიფხან, გულს ვიოხებ! მაგრამ გონიერი კაცი ეჭვიანი უნდა  
იყოს, ეჭვის სასწორზე უნდა შეაგდო ისიც, რაც უცილოდ  
მართალი ჩანს!  
„ეჭვის სასწორი!“ — ამ ორმა სიტყვამ შეაშფოთა მართალი.  
როგორღა იცხოვრებ, თუ ყველაფერი ეჭვის სასწორზე  
შეაგდე? მართალი ბრმა როდია, ხედავს, რა თქმა უნდა, შეც-  
დომებსაც, მაგრამ ძირითადი, გენერალური ხაზის რეალო-  
ბაში დაეჭვება შეუძლებელია. მართალიც იმ გზას მიჰყვება,  
რასაც მსოფლიოს მონინავე ადამიანები დაადგნენ... ოდესმე

ეს გზა კაცობრიობას ბედნიერებას მოუტანს... ჯერჯერობით კი უნდა მოვითმინოთ! ვავასნაირთა არსებობა შავ ლაქად ედება დიად იდეას, მაგრამ მზის მცხუნვარებას მისი ლაქები ვერას აკლებენ.

— კინოში ხომ არ შევიდეთ? — იკითხა, უფრო იმიტომ, ჭმუნვა განეფანტა და ეჭვიან ფიქრებსაც გარიდებოდა, თანაც ჯიბეში ავანსის ფულიც ედოთ.

ამჯერად „ფიცი“ გადიოდა!

გვერდიგვერდ ისხდნენ მეგობრები. დარბაზი სავსე იყო. ჩქამი არ ისმოდა. ეკრანზე სტალინის გამორჩენისას ვილაცამ ტაში კენტად შემოჰკრა. უმალ სხვებიც აჰყვნენ და ხანგრძლივი ტაში ოვაციასი გადაიზარდა. ფილმი მუნჯ კინოს დაემსგავსა, ფიგურები მოძრაობენ, ხმა კი არ ისმის... „გეფიცები, შენ, ამხანაგო ლენინ!..“ — ფრაზა იქნებ არც ამნაირად თქმულა, მართალის ახსოვდა და საკუთარ გულისყურში აუჟღერდა...

ბოლოს ტაში მინელდა, შეწყდა.

აგერ დიდ ბელადს ეს უკიდევანო ქვეყანა ფერფლიდან ამოჰყავს. აგერ პირველი ტრაქტორი მოლოდავს წითელი მოედნის ქვაფენილზე, სტალინი საჭეს მიუჯდება... წლები ინდუსტრიალიზაციისა... კოლექტივიზაციისა... სტალინს არ სძინავს, თავის მამობრივ მზრუნველობას ხალხებს არ აკლებს... ხალხი კი აღფრთოვანებასა და სიყვარულს გამოხატავს ენერგიული ტაშისცემით და „ვაშას“ ძახილით, დროშების ფრიალითა და გაცისკროვნებული ღიმილით, ჰიმნებითა და ორატორიებით... ისმის ერთიანი გუგუნი — „დიდება!“

სტალინის გვერდით მუდამ დგანან მისი თანამებრძოლები (ეკრანზე და გაზეთის ფურცლებზე ჩამომწკრივებულ კაცებს თითქოს სხვა რამ საქმე არცა აქვთ, გარდა ასე დგომისა!).

ბოროტი ძალა არ ისვენებს. „ნიანგის“ ფურცლიდან გამოსული სასაცილო ტიკინა — ჰიტლერი თავს გვესხმის... ტანკებმა გადათელეს ყანები და ხოდაბუნები... ცა დაიფარა შავ-სვასტიკიანი „მესერშიტებით“... სტალინი რუკაზე დახრილა, თანამებრძოლები, — ბრჭყვიალა სამხრეებიანი სამხედროები, — ელიან მის ბრძნულ მითითებებს. ისიც არ აყოვნებს, ჩიბუხით

რუკაზე მიუთითებს, საზიზღარ მტერს აქედან იქით დავარტყათ... ბელადის გენიალობითა და გამჭრიახობით აღფრთოვანებული საბჭოთა არმიელები და მოქალაქე პირებიც, ძახილით — „სამშობლოსათვის, სტალინისათვის!“ ტანკებს მუხლუხებში უვარდებიან... გაიქნევს ჰიტლერი გიჟივით ხელს, წამოვა რუხი ხროვა... ასწევს სტალინი ჩიბუხს, დადებს რუკაზე და სატანკო კოლონები გაარღვევენ კურსკის რკალს... ცოტაც და ბერლინის დაცემასაც შევესწარით... მერე პარადი წითელ მოედანზე, ფაშისტური შტანდარტები ცვივა კრემლის კედელთან, გამარჯვებულთა ფერხთით... რუსის მატრონა, სტალინსა და სამშობლოს ყველა შვილი რომ შესწირა, მაღალი ჯილდოს ღირსია. იოსებ ბესარიონის ძე ჯენტლმენურად ქედს იხრის დედარუსეთის წინაშე... ისმის საყოველთაო „ვაშა!“

შინ ჩუმად ბრუნდებიან, თითქოს სალაპარაკო შემოეღიათო. აბნეულ აზრებს აბნეული სიტყვები მოსდევს და ამას თუ უფრთხიან.

ჩამოხედა. ოდასახლების ფანჯრებიდან გამოკრთის სუსტი შუქი. მაღალი ზეცა ვარსკვლავითი მოიჭიქა.

— ჩვენ აქ ვიჭაჭებით, ვკამათობთ, ვჩხუბობთ, სამყაროს თვალში კი ჭიანჭველებივით უმნიშვნელონი ვართ! — მართალიმ ხელი ზეცისაკენ აღმართა. — შეხედეთ, უთვალავი სამყაროებია და ყოველ მათგანზე შეიძლება მილიარდი მჭმუნვარე მართალი, დურუ და არიქა დგას თავის ჭიშკართან, ხელს ზევითკენ იშვერენ და ამბობენ, ტყუილუბრალოდ ვიჭაჭებით, ჩვენ ყველანი ჭიანჭველებივით უმნიშვნელონი ვართო...

ნათქვამი ხუმრობასა ჰგავდა, მაგრამ ხმაში მწუხარების კილო კრთოდა და არიქამ მხარზე ხელი დაჰკრა:

— გამოფხიზლდი, ზლაპარია ეს ყოველი! იქ თუ ჩვენ-ნაირი ბიჭები დგანან, ალბათ სალამს გვითვლიან და ჩვენც ღიმილიანი სალამი შევაგებოთ!

— აფრენთ? — დურუს სახე სიბნელეში არ ჩანდა. — ასე თუ ვიფიქრეთ, თვით დიდი სტალინი უმნიშვნელო ჭიანჭველად მოგვეჩვენება. მაშინ მთელი ისტორია არაფერია და სიცოცხლე ჩირად არა ღირს!

— არ ვიცი, ღირს კი სიცოცხლე?! — მართალიმ სიტყვას გულისტკივილი ამოაყოლა. — თექვსმეტი წელი მთელი საუკუნე ყოფილა! ხანდახან ვფიქრობ, ნუთუ სულ ასე უნდა ვიარო, მარტოდმარტო...

— მართალი, ჯიმიია! — არიქას ხმა გაუთბა. — შენ ვარსკვლავები და სხვა სამყაროები კი არა, მარტოობა განუხეხს. ნუ იფიქრებ მაგრე! თავი თუ მარტო იგრძენი, აგერ მე გამიხსენე, შენი არა ვარ? აგერ დურუ გაიხსენე!.. ხვალზეგ ერთი ლამაზი გოგოც დაგეხატება გულზე და ყველაფერს სხვა თვალთ დაინახავ, ეკალბარდები ვარდბაღნარად მოგეჩვენება!

— ვინ გოგო? — შეცბა მართალი, აზრით სხვაგან დაფრინავდა და იმიტომ ჩაეძია.

— რა ვიცი, გოგოების მეტი რაა? — გაეცინა არიქას. — აგერ დურუს კი ეყოლება თორმეტი შეყვარებული!

— თორმეტი არა, — დურუს ხმა გაეზარა, — აფრენთ რა! ნავედი, ხვალ ადრე ვდგებით!

თურმე გამოუჩნდა გაუმხელელი საიდუმლო დურუს. ცისანა სიორდიაზე ყვება არიქა და ხითხითებს, იმის მიმოხრას ბაძავს, მანჭვავგრეხით მოდის. დურუ ისე გადაირევა ხოლმე, გამოლენჩებულივით უყურებს და ამ დროს ავინყდება მაღალი იდეალები, რითაც თავი აქვს გამოტენილიო, ამტკიცებს არიქა.

— შენ რითი გაქვს გამოტენილი? — ელიმება მართალის.

— თავში სრული სიცარიელე მაქვს, — მაიმუნობს არიქა, — არაფერი წმინდა და ამაღლებული იქ არ მიჩერდება! ნუხელ დიდის ამბით მივდე ბალიშზე თავი, დურუ უნდა დამსიზმრებოდა, რათა პოლიტიკურად დავემოძღვრე. ცხადში ხომ შეჭმული ვყავარ თავისი სიბრძნით... ოღონდ დურუს მაგიერ დამესიზმრა, რომ მივფრინავ და მივფრინავ, ისე მსუბუქად, ისე ლაღად, ჩიტივით მივსრიალებ... მოვიხედე და ჩემს გვერდით ანგელოზი დავინახე, ქირხეს რომ აქვს, ცირას, ისეთი გამჭვირვალე სახე ჰქონდა...

— შემთხვევით ის პატარა ჩხინკა ხომ არ მოგივიდა თვალში? — გაეცინა მართალის.

არიქამ ხმა გაკმინდა, ამოიხვნეშა, დაგვიანებული პასუხი გასცა:

— იტყვი რა, ის ხომ ბავშვია!

სიბნელეში ჭიშკარმა გაიჭრიალა და არიქა გაქრა. მართალიმ გზა განაგრძო და ზურგში მიენია მსუბუქი ჩურჩული:

— ნახვამდის!

„ნახვამდის, მეგობარო, მართლაც ჩიტივით ბიჭო!“ — ფიქრში პასუხობდა მართალი. რა ეშველებოდა, მართლაცდა, ქვეყნიერებაზე რომ არ გაჩენილიყვნენ არიქა და დურუ... ნუთუ შემთხვევითია, ბიოლოგიური შერჩევის შედეგია, რომ მერეთის ცისქვეშ ერთად შეიყარნენ სამნი ძმაკაცნი... და საერთოდ რას ნიშნავს „სამეული“? თითქმის ყველა ზღაპარსა და წიგნში სამეული იყრის თავს. მართალის წინაპართა გენეალოგიაც ამას მოწმობს. რატომ ხდება ასე! ალბათ იმიტომ, რომ არსებობის ყველა მთავარი სპექტრი აისახოს — მარჯვენა, მარცხენა და ცენტრი... ანდა ბოროტი, კეთილი და რაღაც მესამე — შუათანა, ადამიანი, რომლის არსში თანაარსებობს ბოროტიც და კეთილიც...

სახლის სიბნელეს შეერწყა. შიშინად ეძებდა ხოლმე ჩამრთველს, ჩართავდა და სწრაფად მიმოიხედავდა.

ცეცხლის დანთება დაეზარა, სახელდახელოდ შესანსლა პური და ყველი. ცივ ლოგინში დურთა თავი.

ჩათბუნდა, მაგრამ დიდხანს მაინც ვერ დაიძინა. ფიქრით ხან ვარსკვლავებს მისწვდა, ხან მიწიერ ამბებს... გაახსენდა, რომ დურუ ალბათ შეყვარებულია. მართალის კი არც ჰყოლია და არც ახლა ჰყავს, ვისაც შეიყვარებდა... ვინ იცის, ოდესმე თუ გამოჩნდება ისეთი ვინმე, ობოლ ბიჭს რომ კეთილ მზერას მიაპყრობს. ვის რაში სჭირდება სიღარიბეში სულამობდილი, უჭმელი და ჩაუცმელი მარტოსული.

აი, ცაცანა და ეფრო მაინც რომ შერჩენოდა!

ამ ფიქრში ჩაეძინა და ბებრები იხილა...

ზევიდან უფერული, გაცრეცილი ცა გადმომხობოდა ბრტყლად გადაშლილ უკიდევანო ტრამალს. ჰორიზონტის სწორი წრე მქრქალ ნისლოვანებაში იკარგებოდა. არსად მცირედი შემალღება, არც ხევსუვები, არსად ხე ან ბუჩქი... თხელ, მშრალ თოვლს ხეშეშა, ბურძგლა ბალახი აჩნდა. ნიავს დაჰქონდა მიწისპირიდან ახვეტილი ყინულის წვრილი ნამსხვრევები...

ტრამალს ლარივით ჰკვეთდა რკინიგზის ლიანდაგი, დასავლეთიდან აღმოსავლეთისაკენ, ცისკიდიდან ცისკიდეში. ღია ბაქანზე ჩამომდგარიყო საბარგო მატარებელი. ვაგონიდან გათოშილი ადამიანების გვამები გამოჰქონდათ, შეშასავით ერთი ერთმანეთზე აწყობდნენ ქალებს, კაცებს, ბავშვებს. ერთი ვაგონიდან გამოჩნდა ორი არსება, ადამიანებს რომ არცა ჰგავდნენ. მოყინულ ფიცარნაგზე ფეხის მოკიდება ჭირდა და ნელნელა ჩამოცოცდნენ. კუშტი, ჩაშავებული დედაბერი უფრო მტკიცედ მოდიოდა, მეორე ძლივს ადგამდა ნაბიჯებს, პირველს ეყრდნობოდა. კოჭლობით გაიარეს გვამებსა და სალდათებს შორის, დაადგნენ თოვლიან ველს, რომელზეც ქარს ბილიკი გადაეხვეტა... მიდიოდნენ ველის კიდისაკენ, სადაც თოვლში ჩანამქრული დაბალი მიწურები ჩანდა და სახურავებიდან შავი ბოლი ხრჩოლავდა.

ნელა, ტანჯვით მიიწევდა ორი დედაბერი, ერთი ეხმარებოდა მეორეს. ამას ძალა არა ჰყოფნიდა უკვე. არც პირველს შერჩენოდა ძალა, მაგრამ სულის სიმტკიცეს მიჰყავდა, რადგან უნდა გადაერჩინა თავი და მის ღონეს დანდობილი მეორეც.

„ბებიაა!..“ — შეჰკვივლა მართალიმ, მაგრამ მისი ხმა ველარ მისწვდებოდა სულ სხვა პლანეტის ცივ ტრამალს.

გაქრა სიზმარიმორჩვენება, ყმანვილს გამოეღვიძა... აკანკალებდა.

ბალიშს ჩაეხუტა და ატირდა. არავინ იყო მოყურადე, ვერავინ შეამჩნევდა მის სისუსტეს, ამიტომაც ქვითინებდა გულამომჯდარი.

ნუთუ სიზმარს დაეჯერება?.. იქნებ მართლაც ცოცხლები არიან? იქნებ მართლაც მოხდა საოცრება და დედაბრებმა გადალახეს მტანჯველი სივრცე, რომელიც უფრო ძლიერით სპობს და მოინელებს! სველი ბალიში გადააბრუნა. უკვე აღარ ტიროდა. მოკუნტული იწვა და სიბნელეს მისჩერებოდა.

ვერ ამოეხსნა გამოცანა. ვის რა დაუშავეს თითქმის მიხრწნილმა დედაბრებმა. მათი ცხოვრება ხომ მანამდე სამაგალითოდ ითვლებოდა, მასწავლებლები ბავშვებს უყვებოდნენ თოდუების, კვარაცხელიებისა და თოლორაიების საგმირო საქმეებზე... ჯილდოს წილ კი ამათ ერგოთ რბევა, გადასახლება და სიკვდილი... ალბათ არსებობს რაღაც ძალა, განგებ რომ სჩადის უსამართლობას... სტალინმა თუ იცის ეს ყოველივე?.. ამ ფიქრს გაურბოდა, მაგრამ ძალაუნებურად კვლავ უბრუნდებოდა... სტალინმა თუ იცის ეს ყოველივე?.. რანაირად უნდა ეპასუხნა ამ კითხვაზე?.. თუ იცოდა, მაშინ რატომ ხდებოდა ამდენი ბოროტება? თუ არ იცოდა, მაშინ როგორღა იქნებოდა ყოვლისმცოდნე გენიოსი?.. საშიში იყო ასეთი აზრი, მაგრამ ფიქრიდან ვერა და ვერ ამოიგდო...

თავი ასტკივდა, საბნიდან ხელი გამოაძვრინა და თვალზე აიფარა...

ოთახში დღის ნათელმა შემოაღწია, ბნელი გაიცრიცა და კედლებიდან პორტრეტებმა გადმოიხედეს.

„უნდა ავდგე!“ — გაიფიქრა და მოულოდნელად ძილში ჩაეშვა.

კვლავ ის ტრამალი დაინახა... ორრიგად ჩამწკრივებული მიწურები... მიწურებთან კიზილი – ნამჯიანი ნეხვის გორა... სახურავებზე ამოჩრილი მილებიდან შავი ბოლი ხრჩოლავს... ნიავი თოვლსა და ყინულის ნამსხვრევებს აყრის ორ დედაბერს. სიცივისაგან გათოშილნი დგანან, ხელები სამადლოდ გაუნვდიათ. ჩათბუნებული გამვლელები მიიჩქარიან, ამათ ვერც ამჩნევენ...

„ბებიაა!“ — კვლავ იკვივლა მართალიმ დედაბრებმა მოიხედეს.

„ჰო, ბებო გენაცვალოს!“ — გაყინული ტუჩებით პასუხობს სანთელივით ჩამომდნარი ცაცანა.



„მართალი დამირჩინე, ბიკენტი, და ყველაფერს გაპატიებ!“ — ამბობს ჟანგისფერი, გაძვალტყავებული ეფრო.

მართალის გამოელვინა, სამუშაოზე წასვლის დრო დამდგარიყო.

ეზარებოდა, სისუსტესა და დაღლას გრძნობდა, თითქოს ღამეც ემუშავა. „გუშინდელი დაღლა გამომყვა, — გაიფიქრა, — მიუჩვეველი ვარ!“ „პრიუტშიც“ ამუშავებდნენ ხოლმე. იქ ბოსტანი ჰქონდათ, ხილის ბაღი, საღორე და საქათმე, რამდენიმე ძროხაც ჰყავდათ და სეზონის დროს ჩაის საკრეფადაც დადიოდნენ. დირექტორი ირწმუნებოდა, ამით ვავსებთ ბავშვების სუფრასო, თუმცა მისი ოჯახის სუფრა უფრო ივსებოდა...

თავს ძალა დაატანა, ადგა, პირზე წყალი შეისხა. ცეცხლის დანთება კვლავ შეეზარა და ხმელა პური მოძიგნა.

კიბზე რომ ეშვებოდა, ჭიშკართან „ვილისი“ დაინახა. მანქანიდან ბიკენტი იყურებოდა.

— ცუდად ხომ არა ხარ? — მის მზერას არაფერი გამოეპარებოდა.

მართალიმ თავი გააქნია.

— რაღაც თვალეები გაქვს ამღვრეული! ჩაჯექი მანქანაში! ყმანვილი უკანა სავარძელზე მოკალათდა.

— ისაუზმე?

მართალიმ კვლავ დაუქნია თავი.

— ჩვენთან რატომ არ მოდიხარ? ხანდახან გვინახულე! მარტო ცხოვრობ, ცხელ კერძს მაინც შეჭამ!

გასაოცარი იყო ბიკენტის ასეთი თანაღმობა, მართალიმ არ იცოდა, რა ეფიქრა.

— გუშინ სკოლაში არ ყოფილხარ! — გამომცდელად შეხედა ბიკენტი.

— კინოში ვიყავით, „ფიცი“ ვნახეთ!

— ჰო, „ფიცი“ კარგია! — ფრთხილად, მოზომილად თქვა ბიკენტი. — ოღონდ არც გუშინწინ ყოფილხარ სკოლაში! — გაჩუმდა, იქნებ ყმანვილმა რამე თქვასო, მაგრამ დუმილი გაგრძელდა და ბიკენტიმ დაყვავებით დასძინა: —

წელს ატესტატი აუცილებლად უნდა აიღო. იცი შენ, ამის გაჭიანურება არ ივარგებს!

მადლობის მეტი რა ეთქმოდა და მართალიმ თავი დაუქნია, მაგრამ უცბად გულზე მოაწვა და ხმის კანკალით წამოიძახა:

— ნუხელ ბებიები დამესიზმრა, ცაცანა და ეფრო!

ბიკენტი მთელი ტანით შემოტრიალდა, ჯიქურ შეხედა:

— ყმანვილის სიზმარი არაფერს ნიშნავს, შენს ასაკში ადამიანს სისხლი უდუღს! — კვლავ წინ გაიხედა, მძლოლს ანიშნა, აქეთ გადაუხვიეო და განაგრძო: — შენ პატარა იყავი, იმ დღეს მეც დამიმახსოვრე და ალბათ მაბრალე რამეს! უნდა გითხრა, მე ვერაფერს შევცვლიდი... დრო გავა, ამას ყველაფერს მიხვდები. მე თქვენი გადარჩენა მინდოდა, ყველასი, მაგრამ ვერ შევძელი...

მანქანა ძაძუების ჭიშკართან გაჩერდა. არიქა უკვე გამოდიოდა, გაკვირვება და შიში დაეტყო.

— მობრძანდი, ყმანვილო, ჩაჯექი! — უბრძანა ბიკენტი.

არიქა გასუსული შემოძვრა, სალამიც კი დაავიწყდა.

ერთხანს მდუმარედ მიდიოდნენ. ბიკენტიმ კვლავ ანიშნა მძლოლს და გეგების ჭიშკართან შეჩერდნენ.

— დაუძახეთ იმ თქვენს ძმაკაცს!

არიქამ თავი გაყო და მღელვარებისგან ჩახრინული ხმით გასძახა:

— დურუ, დურუ!

დურუმ გამოიხედა. პირი საჭმლით ჰქონდა გამოტენილი და ძლივს გადაყლაპა.

ესეც ჩაისვეს და გზა განაგრძეს.

— ალბათ გაგიკვირდათ, — ჩაიცინა ბიკენტი, — იმ მხრიდან მოვდიოდი, სოფელში მქონდა საქმე. ვიფიქრე, გავუვლი ყმანვილებს და სამუშაოზე წავასხამეთქი!

„ვილისმა“ ბულვარი გადაჭრა. ადრე იყო და ხალხი ახლალა გამოდიოდა ქუჩაში.

ჩხერიის ხიდზე გააჩერებინა მანქანა ბიკენტი. მთელი ტანით შემობრუნდა, უკანა სავარძელზე მიჭუჭკული „კომკავშირული სამეული“ შეათვალიერა.

— ვიცი, კარგი ბიჭები ხართ, ნამდვილი, შეგნებული კომკავშირლები! ოღონდ ნუ მინყნთ და ცხოვრების სირთულეებში ჯერაც ჩახედულნი ვერ იქნებით. გამოცდილება გაკლიათ! ახლა შორიდან არ მოვყვები იმის მტკიცებას, რომ მსოფლიო გახლეჩილია და რომ ჩვენ, ქვეშარიტი სტალინელები ბარიკადის ამ მხარეს ვდგავართ. ეს მარტივი ქვეშარიტებაა და თქვენც კარგად იცით. სირთულე სხვა რამეშია! აი, თქვენ ამდენი, ერთად თავმოყრილი პატიმარი რომ ნახეთ, ცხადია, გული აგიჩვილდათ, შეგეცოდათ, ტირილი მოგიინდათ... ეს ასეც უნდა იყოს! თქვენნაირ ახალგაზრდებს არ შეიძლება ქვის გული ჰქონდეთ და გაჭირვებულნი არ შეიბრალონ... მაგრამ, მინდა იცოდეთ, რომ უდანაშაულოდ ციხეში არავინა ზის. ციხეში იმიტომ სხედან, რომ ან სახელმწიფოს ავნეს რამე, ან სხვა ადამიანს, ან ტვინი ისე აქვთ შემობრუნებული, ჩვენს იდეებს ძირს უთხრიან... წარმოიდგინეთ, იმათ რომ გაიმარჯვონ, თავზე ხელს გადაგვისვამენ? აიღებენ და ციხეებში გვიკრავენ თავს!.. უარესსაც გვიზამენ, გაგვწყვეტენ! ომი ომია, მტერს თუ არ აჯობე, გაჯობებს! კლასობრივი ბრძოლა სასტიკია და ყურადღება თუ მოვადუნეთ, დავიღუპებით!

ყმაწვილები გატრუნულნი ისხდნენ, შეკამათებას ვერ ბედავდნენ, ან რატომ უნდა შეჰკამათებოდნენ, როცა ბიკენტის პირიდან, „პრავდის“ მონინავესავით, თვით ქვეშარიტება ღალადებდა.

— ისიც ვიცი, თქვენ რომ ბესას ოჯახში იყავით! — ყმაწვილებს გაოცება შეამჩნია და გაეღიმა. — მე ათასი თვალის და ყური მაქვს, ქალაქში ყვავმა რომ გადაიყრანტალოს, იმასაც ვავიგებ!.. თქვენ ეს გულკეთილობით მოგივიდათ, მაგრამ იცოდეთ, რომ ეს დანაშაულია! აგერ მოვარდა იმისი ცოლშვილი და პატიმრების თვალწინ უსიამოვნო სცენა გათამაშდა. თქვენ ვითომ კეთილი საქმე ჩაიდინეთ, სინამდვილეში უარესი გამოგივიდათ. ვთქვათ, თქვენს მოქმედებაზე თვალის დახეხუჭეთ, მაგრამ პატიმრებში დისციპლინა რომ არ მოხანხალდეს, წესით, ბესა უნდა დაისაჯოს, ან მისი ცოლი. შვილი ჯერ პატარაა, ჭკუას მაგას ვერ მოკითხავ... ამჯერად კანონს

დავარღვევ და ისე მოვიქცევი, ვითომც არაფერი მომხდარა, სხვა დროს კი გონებას ძალა დაატანეთ! — მძლოლს მიუბრუნდა: — მიდი, ბარემ მთისძირამდე მივიყვანოთ!

მანქანა დაიძრა.

— რაც შეეხება ბესას, ვიცი, გრძელი ენა აქვს! ყურს ნუ უგდებთ, მაგას ტვინი სისულელეებითა აქვს გამოტენილი, თავსაც ილუბავს და ცოლშვილსაც ღუბავს. ვერა და ვერ გაიგო, ჩვენთან მორკინალ ყოჩს რქები რომ არ შერჩება... ასეა ეს!.. აბა თქვენ იცით, გაფრთხილება შეისმინეთ და საქმე კეთილსინდისიერად აკეთეთ!

ბიჭები მანქანიდან გადმოვიდნენ. სანამ „ვილისი“ შებრუნდებოდა, ნაცემებივით ადგილზე იდგნენ.

ხიდზე მოისმა ფეხების ბრაგაბრუვი. „ზეკები“ მოჰყავდათ სამუშაოდ, ბესა ქირიაც, ალბათ, მათ რიგში იდგა...

18

— უსიამოვნებას გადაგკიდეთ, ხომ, ბიძიებო? — ხმად-აბლა იკითხა ბესამ. ხელში ქამჩა ეჭირა და მომდევნო საფეხურისათვის საძირკველს ამზადებდა.

არიქამ ხსნარი ჩაუსხა და ამ დროს ჯიბეში თამბაქოს შეკვრა ჩაუცურა.

ბესამ ქვევიდან ამოხედა, გაუღიმა. არიქამ თვალი ჩაუკრა და ჩასჩურჩულა:

— შენც მონიე, ბესა ბიძია, და სხვებსაც უწილადე!

მართალი და დურუ საფეხურს ეჯაჯგურებოდნენ. ორივემ დაინახა. მართალიმ მზერა გააპარა, სხვებმაც ხომ არ შეამჩნიესო. დურუს ლოყები გაებუშტა, ჭარხალივით განითლდა, იქნებ მძიმე ტვირთისაგან, ანდა აღშფოთებისაგან, მაგრამ თქმით არაფერი უთქვამს.

სამუშაო სწრაფად მიიწევდა წინ, საფეხურს საფეხური ემატებოდა.

არც მთის თავზე იდგნენ უსაქმურად. ზღუდესა და ტაძრის ნანგრევებს შორის საკმაოდ ფართო მოედანი მოსწორდა. ზედ ხრეში დააყარეს, მოაშანდაკეს... სწორზე წვრილი ქვიშა დააფინეს და ქვის ფილების დაგებას შეუდგნენ.

ორმა დურგალმა კვარცხლბეკის ხარაჩო ააგო. „ზეკებმა“ მთისძირიდან ჯალამბრებით ამოზიდეს შეზელილი ხსნარი და ჩააბეტონეს. ამან დიდი დრო და შრომა წაიღო. ტვირთი მძიმე იყო, პატიმრები დასუსტებულნი და უღონონი.

„ფარაონის პირამიდა!“ — აეკვიტებინა მართალის. ასეთი გააზრება შეურაცხყოფდა სოციალიზმს, საბჭოეთს, დიდი ბელადის სახელს... მტკივნეული იყო ეს განცდა, მაგრამ ამოჩემებული სიტყვები ფიქრიდან ვერ ამოეგდო... გუნებაში უბრაზდებოდა ბესას... მართალია ბიკენტი, იარაღიანი მტერი კი არ არის იმდენად საშიში, სიტყვაა საშიში. დათესავ და ვერაფრით ამოძირკვავ...

ამაზე ბესამ თქვა იგავი:

— ერთმა დედაბერმა რკინისაგან ოქროს გამოდნობა იცოდა. გაიგეს ყაჩაღებმა, თავს დაესხნენ, შანთით აწამეს და რეცეპტი ათქმევინეს. აუხსნა საბრალო დედაბერმა, თუ როგორ გადაექციათ რკინა ოქროდ, ოღონდაო, დასძინა ბოლოს, საქმეს რომ შეუდგებოდა, თეთრ ხარზე არ უნდა იფიქროთო...

თვითონვე ჩაბჭირდა ბესა სიცილით. მართალი მიუხვდა იგავს, არიქაც, დურუმ კი ბრაზიანი ბურტყუნი მორთო, რა შუაშია თეთრი ხარო.

„ფარაონის პირამიდაა თეთრი ხარი, ვერა და ვერ ამომიგდია თავიდან...“ — ფიქრობდა მართალი.

— მთავრობა მობრძანდება! — ბესამ ქაშრით მოიჩრდილა.

ქალაქიდან შავი მანქანები გამოჩნდა, უკან მწვანე „ვილისი“ მოსდევდა.

„ფარაონი მოდის, რათა მონებს დახედოს!“ — გუნებაში იხუმრა მართალიმ, თუმცა ამ ხუმრობას გაურკვეველი წყენა ახლდა.

მანქანები გაჩერდნენ. შავლაბადიანი და შლაპიანი მამაკაცები გადმოლაგდნენ. მიიხედმოიხედეს, ხელების ქნევას მოჰყვნენ, ალბათ ერთმანეთს აზრს უზიარებდნენ.

მორჩნენ ლაპარაკს და აღმართს ამოუყვნენ. წინ რაიკომის მდივანი ამხანაგი გრიშა მოუძლოდა, ამას რაილაშასკომის ახალი თავმჯდომარე მოჰყვებოდა, დანარჩენებიც თანამდებობისდა მიხედვით დალაგდნენ. შემჩნეული ჰქონდა მართალის, რომ ხელმძღვანელი მუშაკები მოცულობითაც დიდები იყვნენ, ღონივრები... უმრავლესობას ბერიას სტილის ვინრო უღვაში დაეყენებინა, თვალს თუ ვინმეს აკლდა, სათვალეს კი არა, პენსიას იჩრიდა... ბიკენტი სხვებს მოსდევდა კუდში, განსხვავებულადაც ეცვა, გალიფე და ჩექმები, ქამრით შემოჭერილი ტყავის კურტაკი, თავზე კოზიროკიანი ქუდი ეხურა.

ყველაზე მეტად ერთი მამაკაცი ფაციფუცობდა. გამლილ ქალადს მოაფრიალებდა, ცანცარებდა, კიბეზე სხვებს ასწრებდა და პატარა ბიჭვით უკანვე ჩაცუნცულდებოდა, ვერ ითმენდნენ, სანამ სხვები მოზოზინებდნენ... დაბალი, კარგად ჩასუქებული ტიპი იყო, მაგრამ ისე მოძრაობდა, თითქოს წონა არცა აქვსო...

პატიმრები თავიანთ ტვირთიანად კიბიდან გადადგნენ, გზა გაათავისუფლეს. დიდრონი კაცები ამათ ვერ ამჩნევდნენ, ისე მოდიოდნენ და მასლაათობდნენ, თითქოს ფერდობი უკაცური ყოფილიყოს.

ამოაღწიეს.

აქ ბიკენტიმ გადაასწრო სხვებს, მსუქან კაცუნას ხელი გამოსდო და ყმანვილებისაკენ მოახედა.

— აი, ესაა ჩვენი სახელოვანი კომკავშირული სამეული! სამეული უხერხულობისაგან განითლდა.

უცხო უფრო აცანცარდა, აცმუკდა, ყმანვილებს ხელებში ეცა, სათითაოდ ჩამოართვა, ანჯღრია. სხვა კაცებმაც გაუღიმეს. ამხანაგმა გრიშამ მართალის მხარზე ხელი მოუთათუნა, ყოჩაღ, ყოჩაღ, კარგად გიმუშავნიათო, თითქოს რაც გაკეთებულა, მხოლოდ ამათი ნამოღვანარი ყოფილიყოს.

— ამხანაგი თეოფანე პროექტის არქიტექტორია! — ბიკენტის ართობდა კაცუნას აცანცარება. — სხვათა შორის, ეს ახალგაზრდა მშვენივრად ხატავს! — მართალიზე მიუთითა.

— აჰ, კოლეგავ, — თეოფანე ხელახლა ეცა მართალის ხელს, — ძალიან გამახარეთ, ძალიან გამახარეთ! მოხიბლული

ვარ თქვენი ნიჭიერებით, კიბე ზუსტად პროექტის მიხედვით გაგიკეთებიათ! უნდა ვიჩქაროთ, მეგობრებო, ხვალ ავტორი ამხანაგი ბენედიქტე ჩამობრძანდება! შინაურულად უნდა გაგიმხილოთ, პროექტი წარდგენილია სტალინურ პრემიაზე! ეს პატარა ამბავი როდია, მეგობრებო! თებერვალში უნდა ჩავეტიოთ, სხვა გზა არ არის!

კიბის მომთავრებას ბევრი არაფერი აკლდა. თეოფანე ზევით ავიდა. ზოგი უკან მიჰყვა, ზოგს დაეზარა სუფთა საფეხურებიდან ტალახიან ბილიკზე გადასვლა და აქვე დარჩა. თეოფანემ მოიხედა და გადმოსძახა:

— საქმის მწარმოებელი რომელია, გამომყვეს!

— ჰე, ბესა, მიდი აბა! — შეუფუცხუნა ბიკენტიმ.

ბესამ ქამჩა ძირს დადო, ხელები დაიფერთხა და სტუმრებს დაგვიანებული სალამით მიმართა:

— გამარჯობათ, თქვენი ჭირიმე, სალამი...

ვინც აქამდე ვერ ამჩნევდა, იძულებული გახდა ხელი გამოეწოდებინა. ბესამ სათითაოდ ჩამოართვა, მერე ხელები ზურგსუკან შემოიწყო და აუჩქარებლად შეუყვა ბილიკს.

მუშაობა შეწყდა. ყმანვილებიც ბესას დაედევნენ. სანამ მიეწოდნენ, ბესა და თეოფანე უკვე ცხარედ კამათობდნენ. ბესას რაღაცა არ მოსწონდა, თეოფანე თავს იმართლებდა.

— რა მასალაა ეს, რა მასალა! — ყვიროდა ბესა. — დახეთ, თქვენი თვალთ დაინახეთ! ჩვენ ხომ საფლავის ქურდები არა ვართ! დახედეთ, კვარცხლბეკის პერანგისათვის...

გათლილი ფილაქნებით მოედნის მოკირწყლვა თითქმის მოემთავრებინათ. კვარცხლბეკის პერანგისათვის განკუთვნილი წითელი მარმარილოს ფილები კი ცალკე ეწყო.

— მე მაგი არ მეკითხება! — თავს იცავდა თეოფანე. — იცოდე, ეს მთავრობის განკარგულებაა... პირადად მე სხვა მასალას მოვითხოვდი!

ამასობაში ზოგიერთი ხელმძღვანელი ამხანაგიც ამოვიდა და ბესამ პირში წყალი ჩაიგუბა.

ცოტა ხანში სტუმრები დაბლა დაემგნენ. თეოფანე მორიდებით გამოეთხოვა ბესას, ხელებს იფშენებდა და თვლებში შესცივინებდა, თითქოს ეშინოდა კიდეც მისი.

— ხვალ ავტორი ჩამოვა, ამხანაგო! ცნობილი მოქანდაკეა, ნიჭიერი კაცია, საცაა აკადემიის წევრი გახდება... აქამდეც ჩამოვიდოდა, მაგრამ შეუძლოდ იყო... შენი იმედი გვექნება, აბა!

ბესა შუბლშეჭმუხვნილი უსმენდა, პასუხად კი უცნაური რამ უთხრა:

— ხელოვნება სულიერების მსახურია, მისი კვარცხლბეკი სიყვარულზე უნდა აშენდეს!

თეოფანეს თითქოს შეაძაგდაგაო, ნირწამხდარი შებრუნდა და ადრე წასულეებს მიენია.

— მოიტა ხსნარი! — უკმეხად ბრძანა ბესამ.

არიქამ მოურბენინა, დურუმ და მართალიმ კი მომდევნო საფეხურს დაავლეს ხელი, აქაჩეს.

მუშაობა განახლდა, ყველას თავთავისი საფიქრალი გაუჩნდა და საქმეს უხმოდ აკეთებდნენ.

სადილობამაც მოაღწია. ფერდობზე წვნიანის ქვაბი ამოათრიეს, პატიმრებს თითო თალია ბალანდა ჩამოურიგეს. ისხდნენ თავისთვის და ხვრებდნენ. თებერვლის გრილ ჰაერს წამხდარი ცხიმის სუნი შეერია.

შორიახლო ახალგაზრდა „ზეკი“ იჯდა. თავი უხეიროდ ჰქონდა გადახოტრილი, საპარსი მანქანის კვალი ზოლებად აჩნდა. ალუმინის თეფში ორივე ხელით ეჭირა და თითქოს დავიწყებოდა. გაჰყურებდა მერეთის სივრცეს, იმის მიღმა გაშლილ ცის კიდეს და უცებ თავისთავად, ძალდაუტანებლად, სევდიანად აღიღინდა:

— სი ქოული, ბატა, მა დომიტალენქოო?\*

მოულოდნელი იყო გულიდან ამოსული ეს სინაზე, ცრემლისმომგვრელი და მწუხარე... ფერდობზე უცბად მდუმარება ჩამოწვა, შეწყდა თეფშების ჩხაკუნი, ხვნეშა, ჩურჩული... გახვედნენ ბიჭები — მართალი, დურუ, არიქა... მოიხედა თვალეზგაბრწყინებულმა ბესამ, ყური ცქვიტეს ჯარისკაცებმა და ყრუ ღრენა ჩაიხშო ქოფაკმა.

— გურს გენია მონტებულსუ ვა-შემი-ბრალენ-ქოო?\*



სევდა ჩამოეფინა მქრქალი ციდან, შეიპყრო ადამიანთა გაკერპებული გულები. სადაც სევდაა, იქაა სიყვარული, სიბრალული, მიტევება...

— ჭოფილ ვორექ, თოკილ ვორექ, ვავო-მი-ტა-ლენ-ქო-ო?\*

თითქოს მიწიდანო, ამოიზიდა ვავა ზარქუა, ძალზე უძალღესი, კბილები დაადრჭიალა, თავზე წამოადგა ჭაბუკს.

შიშმა შეაძრწუნა მართალი. იგუმანა, მკვლელობა რომ მოხდებოდა, უნდოდა ეყვირა და ხმა ვერ ამოიღო.

ვავამ ფეხი ამოჰკრა, ალუმინის თეფში ზედ გადმოამხო და დამარცვლით ჩასჩხავლა:

— სიკვდილი გაგათავისუფლებს, მძორო!

და უცებ გაახსენდა მართალის, ყურში აშკარად ჩაესმა ეფრო ბებიას მკაცრი, შეუვალი ხმა, შურისგებით ნათქვამი:

„სტალინზეა ეს სიმღერა, ბიკენტი!“

თავი ვერ მოითოკა, წამოდგა და აკანკალებული ხმით უთხრა თექვსმეტი წლის მართალიმ ვავას:

— მტრობა მტრობას ამრავლებს, ვავა ბიძია! სიმღერა ისეთი რამაა, კაცს თუ ხმა ჩაანყვეტინე, გულში აღილინდება, მაშინ კი მართლაც ვერ გაიგებ, რა ტრიალებს მის გულში!

ვავა მძიმედ შემობრუნდა. თვალები წითლად ენთო, სველი პირიდან ღოჯები მოუჩანდა.

„ავადაა, — გაიფიქრა მართალიმ, — კაცი ძალდაქცეული, ან ძალის კაცის სახებაში!“

ვავა ზარქუა აღმა წავიდა, მთის კიდეზე, კვარცხლბეკის ხარაჩოსთან გადმოდგა... ფხიზელ მოყურადედ გააჩინა იგი არსთა გამრიგემ, თან შესძინა უსაზღვრო ერთგულება და მწირი გონიერება.

ახალგაზრდა „ზეკმა“ ჯალამბრის სახელურს ჩაავლო ხელი და ტვირთის ამოსატანად წავიდა. უკან, მენყვილესთან ერთად რომ ამობრუნდა, სულს ძლივს ითქვამდა, შუბლზე ოფლი ასკდებოდა.

— ენევი? — ხმადაბლა ჰკითხა ბესამ.

პატიმარმა თავი დაუქნია.

ბესამ ჯიბიდან მუჭით თუთუნი ამოიღო და შეაჩჩია.

შეზინდებისას, სკოლისაკენ რომ მიემართებოდნენ, დურუმ უცებ იკითხა:

— რა იყო, დღეს ბესა რომ გაუფავრდა იმ არქიტექტორს?

მართალიმ მხრები აჩჩია, მიზეზს თვითონაც ვერ მიხვდა.

— კვარცხლბეკის საპერანგე მასალა არ მოენონა! — აუხსნა არიქამ.

— რას უწუნებს? მე მგონი კარგი მარმარილოა, წითელი გადაჰკრავს! — ჩაეძია დურუმ.

— იცი მერე რა მარმარილოა? — ხმას დაუნია არიქამ. — საფლავის ლოდებია. ზოგ ფილას ცალ მხარეს წარწერები აქვს, მიცვალებულთა გვარსახელები და თარიღები აწერია.

— გაფიცებ დედას! — არ დაიჯერა დურუმ. — მერე არ დააჩნდება?

— ჭკუას მოუხმე! წარწერას შიგნით მოაყოლებენ და მორჩა!

მართალის გული უსიამოვნოდ შეეკუმშა.

— ეგ არაფერი, — ხელი ჩაიქნია დურუმ, — მიცვალებულს რად უნდა მარმარილო!

— მიცვალებულს იქნებ არა, მაგრამ მათ შთამომავლებს კი! — ამოიოხრა მართალიმ.

ღიახაც, რას არ მისცემდა, რომ ეგულებოდეს თუნდაც რიყის ქვა ტატაჩის საფლავზე... ცაცანასა და ეფროს საფლავებზე... თუმცა იქნებ ბებიები ცოცხლები არიან... ვინ იცის, ვისთვის სიცოცხლის რა ჟამია გამოყოფილი...

მშობლიური სკოლის ეს კედლები ადრე ჭერმაღალი და ნათელი ახსოვდა. საბავშვო სახლის სკოლა მეტად უსახური და ბნელი ჩანდა. „პრიუტელებს“ რვა კლასს ამთავრებინებდნენ, მერე ცხოვრების ორომტრიალში მოისროდნენ და ყველა

ისე მიცურავდა, როგორც შეძლებდა მხარის მოსმას... მართალი მეტ ხანს შერჩა, თითქმის წელიწადნახევარი... ესეც ალბათ ბიკენტის დამსახურება იყო, ან თავისი უნარისა, ყოჩაღად ჩაებულბულებინა „სტალინინას“ ლექსები... ახლა ძველი სკოლის კედლები მოჟამული ეჩვენებოდა, ჭერი დაბალი, მერხები დაჩხაპნილი, ბიჭებს დანით ამოეჭრათ ინიციალები და ამურული სისულელები.

გაკვეთილზე აქლემაპარმენი შემოროხროხდა. ისევ ის აქლემა-პარმენი იყო, როგორიც მართალის ახსოვდა, ოღონდ უფრო გამელოტებული და, რაც ბუნკი შერჩენოდა, ისიც მთლად გასთეთრებოდა. კვლავინდებურად ჯანსაღი და ოპტიმისტური იერი ჰქონდა, ზეპირად ახსოვდა ყოველი მითითება და განკარგულება. ამაზე ამბობდნენ, სუფთა კაცია, ნამდვილი კომუნისტი, ასეთები თუ ააშენებენ კომუნიზმსო. დღესაც ის გაცრეცილი პერანგი ეცვა, იგივე კოსტიუმი, ტილოს იაფფასიანი ფეხსაცმელები, რაც ხუთი წლის წინ. სიდუხჭირის გამო როდი იყო ასეთი მომჭირნე, მასწავლებლთა ხელფასი იმ დროს რაღაცას ნიშნავდა. ზომიერება მიაჩნდა აქლემაპარმენს ადამიანის უპირველეს ღირსებად, თუმცა ეს ზომიერება სიძუნწეს უფრო ჰგავდა.

— ცხოვრებას არ უნდა ჩამოვრჩეთ, ბაღნებო! — ისეთი სასოებით ალაპარაკდა, თითქოს ლოცვას აღავლენსო. — თქვენ, ალბათ, უკვე წაიკითხეთ დიდი სტალინის უახლოესი მეგობრის ნიკიტა ხრუშჩოვის მოხსენება ყრილობაზე!

კლასში მძიმე სიჩუმე ჩამოწვა. ნიკიტა ხრუშჩოვის მოხსენება კილომეტრის სიგრძისა იქნებოდა, გაზეთის რამდენიმე ნომერში იბეჭდებოდა და სოფლის მეურნეობას ეხებოდა, თავიდან ბოლომდე მოსაწყენი ციფრებით იყო გაჭედული. მისი წამკითხველი მთელ ქალაქში აქლემაპარმენის მეტი ორიც არ დაიძებნებოდა.

— ეს არის სიმღერა ჩვენს დიად მომავალზე! — აღფრთოვანებით წარმოთქვა აქლემაპარმენმა და უცებ პროზაულად დაამატა: — ჭამა ხომ გვინდა, ბაღნებო!

— განსაკუთრებით ვახშამი, — წაიჩურჩულა არიქამ.

აქლემაპარმენმა ყური ცქვიტა, იშვიათად თუ რამე გამოეპარებოდა.

— რა იყო, ძაძუა, რა არ გასვენებს?

— არაფერი მასწ, შეკითხვა მქონდა! — წამოიზღაზნა არიქა.

— მერე?

— აქამდე რატომ არ იყო ყრილობა?

— ძაძუა, შენ თუ გაუნათლებელი ხარ და ისიც არ იცი, იყო თუ არა ყრილობა, რიგითობას მაინც ვერ მიაქციე ყურადღება? მეცხრამეტე საიდან იქნებოდა, მეთვრამეტე თუ არ იყო?

— ეს კი ვიცი, პატივცემულო, მაგრამ წესდებით ყრილობა ოთხ წელიწადში ერთხელ უნდა ყოფილიყო!

— დაჯექი, ძაძუა, გაუნათლებელი ხარ შენ! — გაჯავრდა აქლემაპარმენი. — ბიჭო, შენ უფრო იცი წესდება თუ დიდმა სტალინმა, ჰა?

ასეთ არგუმენტს წინ ვერაფერი დაუდგებოდა და არიქა გაჩუმდა.

აქლემაპარმენმა გამარჯვებულის იერით გადახედა კლასს და განაგრძო:

— გვიჭირდა, ბაღნებო, და იმიტომაც არ იყო ყრილობა. ჯერ ომი გადავიხადეთ, მერე ნანგრევებში ვიყავით და ის უნდა აღგვედგინა. სამუსაიფოდ ვის სცალოდა? თანაც ჩვენი ბელადი, დიდ სტალინი, თქვენ როგორ ფიქრობთ, ჭკუით ვერ აჯობებდა იმათ, ვინც საყრილობოდ შეიკრიბა? რა თქმა უნდა, იქ თქვენწაირ უწინგურებს არავინ გაუშვებდა, სულ დარჩეული, ჭკვიანჭკვიანი ხალხი შეირჩა, ისეთები, ჭკუა რომ მოეკითხებათ, მაგრამ სტალინის გამჭრიახობას ისინი ხომ ვერ შეედრებიან? ამიტომაც არ იყო საჭირო ყრილობა! ბელადს ისე მტკიცედ უჭირავს ქვეყნის საჭე, არავისი რჩევადარიგება მას არ სჭირდება!

„მაშ, ახლა რაღა საჭირო იყო ეს ყრილობა?“ — გაიფიქრა მართალიმ.

— ზოგიერთი ამხანაგი კი აქ პროვოკაციულ კითხვებს გვისვამს. — არიქას შეხედა აქლემაპარმენმა. — ვიცით, ეს

ამხანაგები კომკავშირლები არიან, კარგ საქმეს აკეთებენ. გაზეთებს ჩვენც ვკითხულობთ, განსაკუთრებით „მებრძოლ სტალინელს“, სტრიქონი არ გამოგვრჩება, მაგრამ ამხანაგები ჯერაც ახალგაზრდები არიან, ფრთხილად უნდა იყვნენ და ისე ნუ იაზროვნებენ, მტერს რომ გაუხარდება!

აქლემაპარმენი ამის შემდეგ ნიკიტა ხრუშჩოვის მოხსენების გადმოქართულებას შეეცადა, ოღონდ თავი და ბოლო ვერ მოაბა და უკრაინის შაქრის ქარხლის ამბებში გაიხლართა.

ამასობაში ზარმაც დარეკა.

დურუმ უსაყვედურა არიქას:

— მაინც საიდან მოგაქვს ეს პროვოკაციული კითხვები?

— ტვინიდან! — სერიოზულად უპასუხა არიქამ. — კითხვა რომ დამებადება, მინდა, პასუხი გამცენ!

— ხომ გიპასუხეს მერე!

— ის პასუხი კი არა, მუქარა იყო!

— ჰო, დაშოშმინდით! — ჩაერია მართალი. — აქლემაპარმენი ბეცია და მაგის ნათქვამს ნურაფრად ჩააგდებთ, მოუსმინეთ და გაიარეთ!

აქ თვითონ ტყუოდა! ვერ გაივლიდა! ცოდნა მოზაიკურ პანოსა ჰგავს, რომელზეც სხვადასხვა ადამიანთა ნააზრევი ფერად კენჭებად ლაგდება, საბოლოოდ კი ეპოქის ქრელი სურათი იხატება... ძნელია ამ სიჭრელეში ქეშმარიტების ამოკითხვა.

— აქლემაპარმენი ბეცია, — დაეთანხმა არიქა, — მაგრამ ის ხომ თავისი სიტყვებით არ მსჯელობს! ის გაზეთის ენით ლაპარაკობს. დღეს მოწინავეს ნაიკითხავს, ხვალ სკოლაში მოარბენინებს...

— წინააღმდეგობაში ვარდები! — არ დაუთმო დურუმ. — აბა, გაზეთსა და რადიოს თუ არ დავუჯერებთ, ვის უნდა დავუჯეროთ? მაგ გაზეთებში და რადიოში უამრავი ჩვენზე ჭკვიანი კაცი მუშაობს, ყველაფერს ამოწმებენ და ისე გვეუბნებიან. კარგად იცით, რომ ყველაფერი ბელადის მითითებით კეთდება, მის ნააზრევს გვერდს ვერავინ აუვლის, ყველაფერი იმასთან იყრის თავს. ამიტომ აქლემაპარმენი ბეციც რომ იყოს, იგი გაზეთის სიტყვებით ლაპარაკობს, ამ სიტყვების

უკან კი ბელადი დგას... მისი ნათქვამის ქეშმარიტებაში ეჭვს ვერ შევიტანთ!

დიახ, ბელადის ნააზრევი ის კედელია, რომელსაც ყველა ტალღა აწყდება!

— ნახვამდის, ბიჭებო! — დააგდო დურუმ და შინისაკენ გადაუხვია.

— სწორია ეს კაცი! — ჭოჭმანითა თქვა მართალი.

არიქამ თავი ურწმუნოდ გააქნია.

— მე არ ვიცი, სწორია თუ არა! მე ვიცი, რომ პატიმარ ბესა ქირიას, თუ შეგიძლია, თამბაქო უნდა მიუტანო და მის ცოლშვილსაც უნდა უთანაგრძნო!.. ვიცი, რომ „სი ქოული ბატას“ წამლერებისათვის კაცს წიხლი არ უნდა ჩააზილო!.. არ არსებობს ასეთი კანონები, მით უფრო, როცა ერთმანეთს ვარწმუნებთ, ნათელი მომავლისათვის ვიღვწითო!

— კანონი შეიძლება სრულყოფილი იყოს, მაგრამ ადამიანები ჯერ ხომ არა ვართ სრულყოფილები! ათასწლეულის გადმონაშთები...

— გადმონაშთებზე ნურაფერს მეტყვი, — ხმა აუკანკალდა არიქას, — კი ბატონო, მესმის, კაცობრიობის მომავლის იმედით მოვითმენთ და შავ პურსა და ჭიქა ჩაის დავჯერდებით, მაგრამ იმას მაინც ნუ წამართმევ, რაც მატერიალურით არ აღირიცხება, რასაც ფული არ სჭირდება და ღარიბსა და მდიდარს თანაბრად შეიძლება ჰქონდეს...

— ვინ გართმევს რამეს? — გაუკვირდა მართალის.

— ღირსებას! — ფიცხად დააგდო არიქამ. — კაცობას!.. მე უფლება მაქვს თანაგრძნობით მოვეკიდო „ზეკსაც“, ამას ნუ წამართმევ!

შებრუნდა და სიბნელეში გაუჩინარდა. ცოტა ხანს ისმოდა ჩქარი ნაბიჯის ხმა, მერე კარი გაჯახუნდა და ქალმა იკითხა:

— არიქა, შენა, შვილო?

— მე ვარ, დედა!

მართალიმ ფეხს აუჩქარა. ტვინს უბურღავდა აზრი, რომ ეს პატარა, წყნარი არიქა, მისი ბავშვობის მეგობარი ისეთივე სენითაა შეპყრობილი, როგორითაც ბესა ქირიაა დაავადებული — ეჭვის საშიში სენით!

თებერვლის ნესტიანმა ქარმა დაუბერა. ცაზე ვარსკვლავები აქაიქ ჭიატებდა, შავი ღრუბლები აქრობდა ვარსკვლავებს...

20

სიზმარში კვლავ დედაბრები იხილა. ვინრო მიწურში, მაყალთან მოკუნტული იჯდა ეფრო ბებია. იქვე, ხის ტახტზე ცაცანა წამონოლილიყო, ჭრელი ხალათი ეხურა. თავქვეშ, ბალიშის მაგიერ ნითელყდიანი სქელი წიგნი ამოედო. მართალი გუმანით მიხვდა, „მარქსიზმლენინიზმის საფუძვლები“ იქნებოდა. შინაც ჰქონდათ ეგეთი გამოცემა. ცაცანა მუდამ თან დაათრევდა, შიგ გვერდის მოსანიშნად ხან სათვალეს ჩასჩრიდა, ხან საჩვენებელ თითს... დედაბერმა პირი ყმანვილისაკენ მოაბრუნა, ალბათ სურდა შემოეხედა, მაგრამ თვალები დახუჭული ჰქონდა. „არ მომეკარო, შვილო! — ბაგე არც შეურხევი, ისე თქვა ცვილისფერმა ცაცანამ. — მეშინია, არაფერი გევენოს! საშინელი გაუგებრობა ხდება... წიგნში ყველაფერი სხვანაირად წერია... სტალინს ატყუებენ ალბათ, უმალავენ, თორემ არ დაუშვებდა ამას... უნდა შევატყობინოთ, თორემ დაიღუპა ქვეყანა...“ მართალი ოთახის კუთხეში იდგა, უსმენდა ამ სიტყვებს, მიახლოებას კი ვერ ბედავდა... აგერ ეფრომაც ასნია თავი, მოიხედა, ჟანგისფერი პირისახე გამოუჩნდა. თვალები კუშტი ჰქონდა, ვერ ხედავდა მართალის, სადღაც მიღმეთში იყურებოდა... „მართალი, შვილო, შენ მაინც დამირჩი, ბებო გენაცვალოს!“

გამოელვია მართალის. გული შიშისაგან უკანკალებდა... ოთახში გარიჟრაჟს შემოელწია... სიზმარს იხსენებდა, მაგრამ დეტალები შემოფანტვოდა. თითქოს ცაცანა ეუბნებოდა რაღაცას, სტალინს უხსენებდა...

ჩათბუნდა, ადგომა დაეზარა...

უნდა ეჩივლა სტალინთან, ხმა მიეწვდინა... ან იქნებ ლავრენტი ბერიასთან გაეგზავნა წერილი. ვინ იცის, იქნებ ობოლი ბიჭის თხოვნამ გაარღვიოს ცივი კედელი, მოარბილოს

მკაცრი მოსამართლეების გულები და მოხუცებს ეპატოს, რომ ერთი დედაა დამნაშავესი, მეორე სიდედრი. „ისეთი რა დააშავა მამამ?“ — მერამდენედ იკითხა გუნებაში. პასუხს ალბათ ვერასოდეს მიიღებდა. სიმართლე ერთადერთმა კაცმა იცოდა, ბიკენტიმ, იმას კი ბაგეზე კლიტე ედო, უფლება არა ჰქონდა გაეცა „სახელმწიფო საიდუმლოება“.

ფიქრში კვლავ ჩაეძინა და სიზმარი შეუბრუნდა. ისევ ის თოვლიანი ტრამალი იხილა. უფერული ცა გადმომხობოდა. ჰორიზონტის წრე მქრქალ ნისლში იკარგებოდა. ტრამალს კიდიდან კიდე სწორ ხაზად კვეთდა რკინიგზა... ღია ბაქანიდან მოშორებით თოვლში ჩაფლულიყო ორრიგი მიწურები... შავი კვამლი მოიზღაზნებოდა საკვამურებიდან... უკაცურ შარაზე დედაბერი მიათრევდა მომცრო მარხილს. ყინულზე ფეხი უსხლტებოდა, მძიმედ მიიწევდა წინ... მარხილზე ჭილობში გახვეული ცაცანა იწვა, ქალაღვივით თეთრი პირისახე ყინულს გამოექანდაკებინა...

ლოგინიდან წამოვარდა მართალი. უაზროდ მიმოიხედა. რა მოხდა? სად ხდებოდა ყოველივე ეს? ზმანებიდან ძლივს გამოაღწია. მიხვდა, რომ სიზმარი იხილა და გული მოეცა. „ვიღლები, — გაიფიქრა, — მიუჩვეველი ვარ ქვის სამუშაოს... მერე სკოლა, სპექტაკლი... თანაც ამინდი!“

მოჟამული ამინდი იდგა. ნელა, უხმოდ ცრიდა, ეზოში გასვლა არ მოგინდებოდა.

ცივი ტანსაცმლისაგან ააძაგძაგა და ბუხარს მიუცუცქდა. ცეცხლის გაღვივებას შეუდგა. ტაფამწვარი მოუნდა და ცხელ ტაფაზე სამი კვერცხი დაახალა.

ცოტასაც მოიცდის, სამუშაო დამთავრდება და მაშინ ამხანაგ გრიშას შეეხვეწება, იქნებ წერილი მისწერონ, მოხუცები შეიბრალებთ... ვის? სტალინს... ბერიას...



სპექტაკლი შაბათ საღამოს გაიმართა. სკოლის დარბაზი დიდი არ იყო, სცენაც მომცრო ჰქონდა. მართალიმ წინა ღამე თეთრად გაათენა, სცენა გააფორმა, იქაურობა სულ წითელი დროშებითა და ტრანსპარანტებით ააჭრელა და წითელი საღებავიც ბლომად გახარჯა, ოღონდ საღებავი ხელიდან ვერაფრით მოიშორა და იძულებული გახდა, პრემიერის დროს მაყურებლის თვალწინ კობას როლში სისხლიანი ხელებით წარმდგარიყო. ამიტომაც თამაშობდა თავიდან გაუბედავად. ცდილობდა ხელები ან ჯიბეში ჰქონოდა, ან ზურგსუკან ამოედო, მაგრამ თანდათან შეხურდა და სიფრთხილე დაავიწყდა.

— „თქვენ ერთი ცუდი ჩვეულება გაქვთ...“ — დინჯად, აუჩქარებლად მიმართავდა სცენის კიდეზე გადმომდგარი მართალი თოდუა მაყურებლებს. სცენაზე შეყრილი „ხალხი“, მუშურად ჩაცმული უფროსკლასელი ბიჭები და გრძელკაბიანი, თავმანდილიანი გოგონები ქალთა სკოლიდან — კეკე, ივლიტა და ვერიჩკა აღფრთოვანებული შესცივინებდნენ „ორატორს“. გადაჭედული დარბაზი პირდაღებული მისჩერებოდა წვერმინებებულ კობა ჯულაშვილს. პირველ რიგში დაბრძანდნენ დირექტორი თამარა, მთელი პედკოლექტივი და რამდენიმე სტუმარიც კომკავშირის რაიკომიდან. დანარჩენი სივრცე მთლიანად გაეცხო სკოლის მოწაფეებს, ერთიერთმანეთზე ისხდნენ, ფანჯრის რაფა და სცენის კიბეც შეეცხოთ, გასასვლელელებში იდგნენ, მთლად პატარები კი სცენის წინ, იატაკზე მორთხმულიყვნენ.

კედელზე სტალინის ღიმილიანი პორტრეტი ეკიდა და იოსებ ბესარიონის ძემ მართალის თითი დაუქნია.

„ფრთხილად, ყმანვილო, არაფერი შეგეშალოს!“

— „თქვენ ერთი ცუდი ჩვეულება გაქვთ, რომელიც პირში უნდა გითხრათ, — მართალიმ ხმას მტკიცე ჟღერადობა შესძინა, — ვინც უნდა გამოვიდეს და რაც უნდა გითხრან, ყველას სიხარულით და ტაშისცემით ხვდებით. თქვენ გეუბნები-

ან, „გაუმარჯოს თავისუფლებასო“, — ტაშს უკრავთ, „გაუმარჯოს რევოლუციასო“, — ტაშს უკრავთ; ეს კარგია, მაგრამ როცა გეუბნებიან, „ძირს იარაღიო“, ამასაც ტაშს უკრავთ. აბა, რა რევოლუცია იქნება, რომ უიარალოთ გაიმარჯვოს? ის რა რევოლუციონერია, ვინც იტყვის „ძირს იარაღიო“? ამის მთქმელი ორატორი, ალბათ, ტოლსტოის მიმდევარია და არა რევოლუციონერი და ვინც უნდა იყოს იმის მთქმელი, ის რევოლუციის, თავისუფლების მტერია!“

აი, აქ დაავიწყდა მართალის თავისი სისხლისფრად შეღებილი ხელები და დარბაზიდან ისე გამოჩნდა, თითქოს პატარა ჩირაღდანი უჭირავსო.

— „ნამდვილი გამარჯვებისათვის კი რა არის საჭირო? ამისათვის საჭიროა სამი რამ! კარგად გაიგეთ და დაიმახსოვრეთ: პირველი, რაც საჭიროა, ეს არის შეიარაღება, მეორე — შეიარაღება და მესამე კიდეც — შეიარაღება!“

ამ სიტყვებს რომ ამბობდა, ხმას ისეთი ცეცხლი შესძინა, ყოველი ბგერა ისე ამაღლებულად და თავშეკავებული სიღინჯით წარმოთქვა, იქუხა ტაშმა და აქლემაპარმენმა წამოიყვირა:

— გაუმარჯოს, ბაღნებო, დიდ სტალინს!

კედლის პორტრეტის სტალინმა ხელი ასწია და ღიმილით ჩაიდუღუნა:

„ყოჩად! ყოჩად!“

დარბაზი ტაშს უკრავდა და სცენაზე მდგომი „ხალხიც“. ვერიჩკასა და ივლიტას წივილი ბიჭების ხმაში გაირჩა. კეკეს კი, ამ თავის „მუშურ“ სამოსში პატარა დედაკაცს რომ დამსგავსებოდა, ხელები მკერდთან მიეტყუებებინა და გარინდებულყო...

თითქოს უნდა გახარებოდა მართალის... ის კი იდგა და უსმენდა... უსმენდა და თვალწინ ამასწინანდელი სიზმარი ედგა: სადღაც შორს, სხვა პლანეტაზე გადაკარგული ფართო ტრამალი და ორი დედაბერი — ცაცანა და ეფრო...

სპექტაკლის შემდეგ გასასვლელში ლესტამბე შეეჩეხა, კეკესათვის ჩაევილო ხელი, შინ მიათრევდა. გოგონას მზერა

თითქოს ამქვეყნიურს გასცლოდა და სადღაც ზმანებებში გადადიოდა.

ლიზლურად გაიღიმა ლესტამბემ, წაისისინა:

— რაო, ბელადს სისხლიანი ხელები ჰქონდა?

მართალის ემცხეთა, მაგრამ პასუხი არ გაუცია.

ქუჩაში, როცა არიქამ მკლავი გამოსდო, ეჭვით იკითხა:

— ცუდად ვითამაშე?

არიქამ ამოიხსრა.

— შენ არაფერ შუაში ხარ! ამ როლს კარგად ვერავინ ითამაშებს! — უცბად მაიმუნივით დაიმანჭა და მართალის ნაბაძა: — *„დგას ბუმბერაზი... კვლავ მის ხმას ვისმენთ, წითელ შუქს გვაფრქვევს ხალხების მხსნელი, კომუნიზმის და მშვიდობის გზისკენ, გაუშვერია მზრუნველი ხელი...“*

— ეს სტალინზე კი არა, ლენინზეა!

— სულ ერთი არაა?

მართალიმ გაუცინა, შემრიგებლურად უთხრა:

— ვხედავ, რომ არ მოგეწონა!

არიქა უცებ დანალღვიანდა, თვალებში სასონარკვეთა ჩაუდგა და ჩურჩულთ უთხრა:

— იცი, სულ მეჩვენება, რომ გვატყუებენ! ჩვენ კი სხვებს ვატყუებთ, ის სხვები კიდევ სხვებს... მე არ ვიცი, სინამდვილეში როგორი იყო კობა ჯულაშვილი, მაგრამ იმას კი ვხვდები, რომ მართალი კაცი ასეთი ენით არ მეტყველებს!

— შევეშვათ სტალინს, — მონყვევით თქვა მართალიმ, — და საერთოდ, პოლიტიკაზე ჯვარი ხომ არ დაგვინერია! სხვა რამე დავდგათ, თუნდაც სიყვარულზე!

— სიყვარულზე? — განელა არიქამ და უცებ სიცილით მონყვიტა. — სიყვარულზე ჯერ პიესა არ დანერილა! — თქვა და გაიქცა.

— ჰეი! — მიადევნა მართალიმ. — შენ რა, „რომეო და ჯულიეტა“ არ წაგიკითხავს?

არიქა გაჩერდა, სახე სერიოზული გაუხდა.

— წამიკითხავს და მეტი არა!.. მზამზარეული რომეო ხარ, მაგრამ ჯულიეტა სად გიშოვნო? ნახვამდის!

— არიქაა!

— მოვდივარ!

არიქა გამორბის. თავზე ყურებიანი ქუდი ჩამოუფხატია, ტანზე დაბამბული ჯუბა აცვია. წვრილ კისერზე ნაქსოვი კაშნე შემოუხვევია.

— რა უჟმური ამინდია! — უკმაყოფილოდ წვიკინებს.

— დურუუ!

— მოვდივარ!

ამასაც დაბამბული ჯუბა აცვია, უქუდოდაა. როხო თავი „პოლუბოქსით“ შეუკრეჭია.

— რა უჟმური ამინდია! — ესეც უკმაყოფილოა.

ქალაქი მოქუფრულია, რუხი ფერი დაჰკრავს. მიწა ატალახებულა, ხეები, სახლები, ღობე, ყველაფერი სველია, ჰაერი ნესტითაა გაჯერებული.

— მალე გაზაფხული დადგება! — იმედინად ამბობს მართალი.

— სანამ გაზაფხული დადგება, მე ფეხებს გავფშოკავ! — არ ცხრება არიქა.

— სამუშაოზე დაგვცხება! — ამშვიდებს დურუ. — დღეს კიბეს მოვამთავრებთ! ხვალზეგ კვარცხლბეკი იქნება მოსაპირკეთებელი!

— საფლავის ქვებით... — არიქა გამოუსწორებელია. დურუ მონყვევით ჩერდება, საყელოში ხელს ჩაავლებს, შემოატრიალებს.

— ენა დაიმოკლე, ეს ჯღანაობა სიკეთეს არ მოგიტანს!

— ნუ ჩხუბობთ! — შემრიგებლურად ჩაერთვება მართალი. — იქილიკოს, შენ რა გენალვლება, ვავა ზარქუა ხომ არ გვისმენს!

ბულვარზე კენტად თუ გაივლის ვინმე, ყველას ღუმელთან და ბუხრისპირას ურჩევნია.

ჩხერია მოდიდებულია, ამღვრეულა... მთებში ალბათ განვიმდა, თოვლი ღვება.

გზისპირას დედაშვილი დგას. ცხუტას ხელში მომცრო ფუთა უჭირავს, წვიმას არად აგდებს. ცირუ ბელურასავით მობუზულა, სცივა.

ბიჭები ნაბიჯს ანელებენ. დურუ თვალებს აბრიალებს, ქმინავს, თქმით არაფერს ამბობს. მართალი მორიდებით ესალმება. არიქა კი, თითქოს წინასწარვე ასეა დათქმულიო, ფუთას ხელს წაატანს, ილლიაში ამოიჩრის.

— მოვიდა უკვე?

— კი, შორიდან შევხედეთ! ძალიან გახდა! — ნუნუნებს ქალი.

ცირუს დიდრონ თვალეში სევდა ჩამდგარა.

— იქ ვავა ზარქუაა, ახლოს ვერ გაეკარები! — ჩივის ცხუტა.

— ჰო! — თავს უქნევენ არიქა და მართალი, სწრაფად შორდებიან, წინ წასულ დურუს ეწევიან.

მთისძირას „ზეკებს“ ითვლიან. ლაბადიანი ოფიცერი სიას კითხულობს, პატიმრები კი პასუხობენ: „ვარ! ვარ! ვარ!“

— რა ამოგიჩრია ილლიაში? — ვავა ეჭვიანი თვალეებით ბურღავს არიქას.

— სადილია! სამი მუტრუკი ვმუშაობთ, ხომ გვინდა ჭამა!

მაცხოვრისგორაზე ადიან. სამას მესამოცე საფეხურზე ჩამომჯდარა ბესა, ფუთას გახსნის და გაელიმება. შიგ მომცრო ხაჭაპურია, მოხარშული კვერცხები, თბილი წინდები და ცხვირსახოცი.

მუშაობას ბეჯითად იწყებენ. სულ ხუთი საფეხურია დასადები და კიბე მოედანს შეუერთდება... გვერდებზე თლილი ბორდიური ასდევს თეთრ კიბეს...

ზედა მოედანიც ფილებითაა მოკირწყლული. გადასახედის მხრიდან დაბალი პარაპეტი გასდევს, ისიც რუხი ფილებითაა მოპირკეთებული. მაღალი კვარცხლბეკი ჯერაც ხარაჩოებშია და ბესას ხელს ელოდება. სწრაფად იმუშავებს „ზეკე-ბმა“, მაღლობას კი არავის ეტყვიან.

აი, ბოლო საფეხურიც დადეს ბიჭებმა. ბესამ თვალეები მოჭუტა და ისე გახედა. თარაზო არც სჭირდება, ისეთი თვალი აქვს, ბენვისოდეწას არ შეცდება.

ამ დროს კი, ქვევით, შავი მანქანების მწკრივი გამოჩნდა.

— ავტორი მოდის! — მიხვდა არიქა.

ამხანაგი თეოფანე პატარა ტიკჭორასავით მოგორავს, მოკლე ფეხებზე მოუსვენრად ცმუკავს. ამხანაგი ბენედიქტე ერთი მსხვილტანიანი, ზორბა კაცი ყოფილა, საგრძნობლად შეთხელებული ჭაღარა უკან გადაუვარცხნია.

— ტარაპუნკა და შტეპსელია! — ხითხითებს არიქა.

ბენედიქტე აულელებლად ამოდის კიბეზე, თეოფანეს ფაციფუცს არაფრად აგდებს. ხანდახან გაჩერდება, დარჩენილ საფეხურებს ახედავს დინჯად. მარცხნივ და მარჯვნივ ფერდობს შეათვალიერებს, მერე უკან, მერეთს გადაავლებს მზერას და გზას განაგრძობს.

უკან მოსდევენ ქალაქის ხელმძღვანელები. ყველას ერთნაირი ლაბადა აცვია, ჯავშნოსნებევით ჩამწკრივებულან. რა თქმა უნდა, თანამდებობისდა მიხედვით, თითქოს ერთხელ და სამუდამოდ შედგენილ სიაში ადგილის გადანაცვლება შეუძლებელი იყოს... სულ ბოლოს ბიკენტი მოდის, თოლორიაა. ამიტომაცაა მოჩვენებითი ეს სია, რადგან ბიკენტის რიდი ამ ქალაქში რაიკომის მდივანსაც აქვს და ყველა დანარჩენსაც.

ბენედიქტეს არავისი რიდი არა აქვს. ყველას ერთნაირად უქნევს თავს. კომკავშირლებსაც ასევე გულგრილად გადაავლო მზერა, ბესასაც. თუმცა თეოფანემ რაღაც ჩაინკმუტუნა, ალბათ აგებინებდა, ამათ ყურადღება მიაქციეო.

აუჩქარებლად გადაჭრა ქვაფენილი, ხარაჩოებს შეუყვა და კვარცხლბეკის თავზე შეჩერდა.

მონუმენტივით გაიჯგინა, მერეთს გახედა.

— როგორა ჩანს, ჰა? — იკითხა.

თეოფანემ ტაში შემოჰკრა.

— შესანიშნავია, შესანიშნავი!

ბენედიქტე უკანვე ჩამოფოფხდა, პირისახეზე კმაყოფილება ეხატა, მზერა დაუთბა. სათითაოდ ხელი ჩამოართვა თანამდებობის პირებსაც, თეოფანესაც, იქვე მყოფ პატიმრებსაც.

— როგორც კი გამოიდარებს, ამოვიტანოთ! დღესასწაულეებამდე, ვფიქრობ, მოესწრება...

— აგაშენა ღმერთმა! — ხელები მოიფშენიდა ამხანაგმა გრიშამ. — მაშასადამე, თადარიგია საჭირო! — მერე კომკავშირული სამეული გამოარჩია, შეაქო: — ყოჩაღ, ბიჭებო, აბა, თქვენ იცით! დღე და ღამე რომ გაასწოროთ, ოცდახუთ თებერვალს მაინც უნდა გავხსნათ, ოცდამეთექვსმეტე წლისთავი აღვნიშნოთ... ეს ყმანვილი, — მართალი წარუდგინა ბენედიქტეს, — ჩვენი განმათავისუფლებლის ნესტორ თოდუას შვილიშვილია!

— გაფიცებ დედას! — ბანჯგვლიანი წარბები ასწია ბენედიქტემ, კოტიტა თითები ლოყაზე მოუთათუნა მართალის.

მუშაკაცის უხეში, დაკოჭრილი ხელი ჰქონდა.

სტუმრების ნასვლის შემდეგ შეისვენეს.

— უცნაური ბედი გაქვს სწორედ! — თუთუნს მოუკიდა ბესამ, ბოლი სიამოვნებით გამოუშვა. — შენს ერთ ბაბუას სამხიარულოდ ჰქონდა საქმე, მეორეს სატირლად. საბოლოოდ, ორივეს სატირლად მოუმთავრდა.

— ეგ როგორ? — დაბნეულად ჰკითხა მართალიმ, მდივნის ყურადღებით მოგვრილი უხერხულობა ჯერაც ვერ განელებოდა.

— ერთი ამ რესპუბლიკას ამყარებდა, მეორე იმას იცავდა, ორივე უდროოდ შეენირა არჩევანს!

ნუთუ მართალიმ არაფერი იცოდა? გერა ბაბუა იმ რესპუბლიკას იცავდა? მოლალატე მენშევიკების სისხლიან დიქტატურას? რაღაცისთვის კი მოუკრავს ყური, მაგრამ სიმართლეს ტაბუ ედო და ვერაფერი გაარკვია. გერა და ნესტორი მძახლები იყვნენ, თანაც ძღვიბის ძმაკაცები... იქნებ ამიტომ შეუნდეს გერას ცდომილებანი, მათზე თვალი დახუჭეს...

მთელი დღე ამ აზრს უკირკიტებდა, ტვინიდან ვერ ამოეგდო. გვიან, როცა შინ ბრუნდებოდნენ და დურუს გამოეთხოვნენ, არიქას უთხრა:

— გამიგონია, გერა ბაბუა წმინდა კაცი იყოვო, თავისი მხრებით ამოზიდა თურმე ეს საფეხურები და მარტომ ააშენა ეს კიბე. მაშ რატომ იცავდა იმ მოლალატე მენშევიკებს?

— მე რა ვიცი, — მხრები აიჩეჩა არიქამ, — მე და შენ არაფერი ვიცით, ჩვენ ხომ სხვათა მონაჭორს ვიმეორებთ, საჭირო კია თვით გერა ბაბუას მოვუსმინოთ...

— მკვდარს რანაირად მოვუსმენთ, — მოიწყინა მართალიმ, — გათავებულია ეს საქმე!

— ცოცხლები ტყუიან, თორემ მკვდრები ველარ იცრუებენ. რაც დრო გავა, მეტს გავიგებთ იმათზე. ყოველი ადამიანი ტოვებს ნაკვალევს, ოღონდ ამოკითხვა უნდა ვისწავლოთ და მართლაც უნდა გვინდოდეს ჭეშმარიტების დადგენა!

— რა ჭკვიანი ხარ, არიქა! — გულწრფელად უთხრა მართალიმ.

— ჰო, ტვინი არ მეტევა ამ პატარა თავში! — შუბლზე ხელი მიიკაკუნა არიქამ და სიცილით გაუჩინარდა.

23

ზამთარმა კუდი მოიქნია, ჩამობარდნა. მართალიმ დილით რომ გამოიღვიძა, ქალაქი ვერ იცნო, თეთრად გადაქათქათებულიყო. ცაზე ღრუბლის ფთილაც არ ჩანდა და მზის შუქი ფაფუკ თოვლში ისე ბრჭყვიალებდა, თვალის გახელა ჭირდა... დათბა, თოვლმა ღბობა იწყო... სახურავიდან ნკაპანკუპით წამოვიდა წვეთები, ჩამოეკიდა გრძელზე გრძელი გამჭვირვალე ლოლუები... თანდათან შეთხელდა თოვლის საბანი და ბოლოს მთლად დაინრიტა, ნაკადულები გააცოცხლა... ჩხერია აიმღვრა, აბობოქრდა, მასში ურჩმა, დაუოკებელმა ძალამ გაიღვიძა...

სამუშაო ბოლოს უახლოვდებოდა. „ზეკები“ მეტი არ გამოჩენილან. მხოლოდ ბესა ამოჰყავდა ბიკენტის „ვილისით“, ვავა ზარქუას მიუჩინდა დარაჯად, საღამოს უკანვე წააბრძანებდა ცხრაკლიტულში.

ღამით გადმოიტანეს მონუმენტის ნაწილები. ბიკენტიმ მოისურვა ასე. დაშლილი ბელადის ხილვა არაჯანსაღ შთაბეჭდილებას მოახდენს მერეთელებზეო... ამიტომაც ბნელი ღამით მიადგნენ რაიკომისა და შინსახკომის ტალიკტალიკი, ჯანიანი თანამშრომლები სადგურის სანყოფს, გახსნეს დალუქული კარი, დატვირთეს მანქანა და წამოვიდნენ...



მაცხოვრისგორის თავზე გრძელი ჯალამბრებით აზიდეს. დურუ პირველი შეუდგებოდა ხოლმე მძიმე ტვირთს. მართალი და არიქა ტყუილუბრალოდ ირჯებოდნენ, რადგან ჯალამბრების სახელურებს ველარ სწვდებოდნენ...

დღისით თეოფანე და ბენედიქტე მობრძანდნენ. თეოფანე მოუსვენრად წრიალებდა, უამრავ განკარგულებას იძლეოდა, თუმცა არც არავინ უგდებდა ყურს.

ბენედიქტე სულ სხვა კაცად წარმოჩნდა. ჯიბეებიანი ლურჯი ხალათი ეცვა. თავზე ლურჯი მიტკალის ჩაჩი ჩამოეხატა. პატარა ბიჭივით სწრაფად და დაუზარებლად ადიჩადიოდა ხარაჩოზე, სხვებზე ღონივრად მუშაობდა.

თავდაპირველად ფეხები შეაყენეს, დაფაზე იდგა და მასთან ერთად მაზარის კალთებიც იყო ჩამოსხმული. ყველაზე მძიმე მკლავებიანი ტორსი ჩანდა. ერთი მკლავი ოდნავ მოელუნა ბელადს, მეორეში ჩიბუხი ეჭირა და არიქამ შენიშნა:

— ამ ჩიბუხსაც ველარ ავწევ მარტოდმარტო!

სიტყვა მომთავრებული არც ჰქონდა, უბედურება მოხდა.

აქამდე ტორსზე მიყუდებული თავი გადმოგორდა.

„მავნებლები, დივერსანტები, ჯაშუშები, ტერორისტები!“ — მუქარით ჩამოთვალა და არიქას მარცხენა ფეხზე დაუგორდა.

ტკივილისაგან შეჰკივლა ბიჭმა, ძირს დაეცა.

— ვაი, დედა, ვაიმე, დედიკო! — იძახდა და ცდილობდა მძიმე თავი მოეშორებინა.

მიცვივდნენ დურუ და მართალი, დაეჯაჯგურნენ.

— ნამუშევარი არ გამიფუჭოთ! — იყვირა ბენედიქტემ და თვითონაც მოვარდა: — ფრთხილად, ფრთხილად!

თავი გადააჩოჩეს, არიქას ფეხი გამოაშვებინეს, მაგრამ გამწარებული ბიჭი არ ჩერდებოდა, კვნესით მოთქვამდა:

— ვაი, დედა!..

პირისახე მიტკალისფერი გაუხდა, გული მისდიოდა.

ფეხსაცმლიდან სისხლმა გამოჟონა, შარვლის ტოტი შეუღება.

დურუ და მართალი შეეცადნენ წამოეწიათ, ველარ მიუდგნენ.

ბესამ მოარბენინა ჯალამბარი, რომლითაც ადრე ტორსი ამოიტანეს, ყმანვილი ზედ დაანვინეს.

დურუმ სახელურებს ჩასჭიდა ხელი. თავდაღმართზე წინ მარტოკა ველარ ზიდავდა და მართალიმ მოურიდებლად, თითქოს შეჰღრინაო, ვავას მიუგდო:

— მოჰკიდეთ ხელი!

ვავა წამით შეეყოყმანდა.

— არსად გამქცევი არა ვარ, მე, ვავა ზარქუა! — მიუხვდა ბესა გასაჭირს. — გაქცევა რომ მინდოდეს, შენ ვერ დამიჭერ მე!

ვავამ პასუხი არ გასცა, სახელური ასწია.

კიბეზე ფრთხილად ჩაჰყავდათ, საფეხურები სველი იყო.

არიქა ხან ფხიზლდებოდა, ხან გონს კარგავდა და ბოდავდა.

გორის ძირას არავინ დახვედრიათ და იმ ჯალამბრით გადაარბენინეს ქალაქი, საავადმყოფოში მიიყვანეს.

მართალიმ საშინელი დაღლილობა იგრძნო, მუხლები ეკეცებოდა და მოსაცდელში ხის სკამზე დაეშვა.

— არაფერი მოუვა იმ თქვენს არიქას! — თქვა ვავამ.

— დოსტაქრებმა იციან თავიანთი საქმე! ჰო, მართლა, — ჭოჭმანით დაამატა, — უმჯობესია ვთქვათ, კიბეზე ფეხი დაუცდათქო, ან ლოდი გაუფარდათქო... სტალინის თავი, ჰმ, რალაც უხერხულია...

დურუმ თავი დაუქნია, ვავა გაუჩინარდა და უცებ მართალი მოიკუნტა, ბავშვივით ატირდა.

— ხომ არ გაგიჟდი! — შეუძახა დურუმ. — რას ბავშვობ, ვავამ ხომ თქვა, არაფერი მოუვაო, ექიმები წუთში მოარჩენენ!

იცოდა მართალიმ, ექიმები წუთში რომ მოარჩენენ არიქას, რომ შეიძლება ადამიანს ხიფათი შეემთხვას, ფეხიც მოიტეხოს და ეს სულაც არაა მსოფლიო ტრაგედია, ყველაფერი ეს იცოდა, მაგრამ თავს ვერ იკავებდა, შიგნიდან რალაც აუხსნელი ტკივილი აწვებოდა, ყელს ებჯინებოდა და ცრემლის გარდა სხვა გამოსავალი არა ჰქონდა.

— გაჩუმდი, სირცხვილია, ხალხი გვიყურებს! ჰო, კაი, ცრემლი შეიმშრალე და ნავიდეთ, ახლა უკვე ქანდაკებას დგამენ!

— ჯანდაბას! — წაიჩურჩულა მართალიმ.

— რა?

— დადგან უჩვენოდ! არიქას ხომ ვერ დავტოვებთ? მე არ დავტოვებ! შენ თუ გინდა, წადი!

დურუ აწრიალდა, წასვლა ეუხერხულა.

— წადი! — დაუყვავა მართალიმ, გული გადაენმინდა, დამშვიდდა. — ჯერ დეიდა ფუცუსთან ჩაირბინე, ისე უთხარი, არ შეაშინო! მე აქ დაველოდები!

დურუ გაიქცა. მართალი მოსაცდელში მარტო დარჩა. მდუმარება ჩამოწვა, სწორედ ისეთი, ხუთი წლის წინ, თეთრ პალატაში გონსმოსულმა რომ აღმოაჩინა... მაშინ შეაშინა იმ სიჩუმემ, ადამიანის ხმის გაგონება მოუნდა, დერეფანში გამოეხეტა, ბოლომდე ჩაიარა და იქ საოპერაციოს კართან გაიყინა... მაგიდაზე გვამი იდო ცვილისფერი, შიშველი ბიჭისა. დიდხანს ფიქრობდა მერე, იმ ბიჭს ოპერაციას უკეთებდნენო. გვიან მიხვდა, ქირურგები სავარჯიშოდ იჩიჩქნებოდნენ ბიჭის მუცელში, მისი სული კი კარგა ხნის წინ გაფრენილიყო ცაში... მოგონებამ გული შეუღონა, თავბრუ დაასხა.

— ცუდად ხომ არა ხარ?

თავზე თეთრხალათიანი კაცი წამოსდგომოდა.

— არა! მეგობარმა ფეხი იტკინა და იმას ვახლდი!

— ისეთი რა დაეცა?

— ლოდი! — მოკლედ მოჭრა მართალიმ.

— დაკოჭლდება! — ამოიხვნეშა კაცმა და გაშორდა.

შემოსასვლელმა კარმა გაიჯახუნა. ფუცუ დეიდა შემოიჭრა ქოშინით.

მართალი გაეგება.

— ცოცხალია?

— ნუ გეშინია, ფუცუ დეიდა, ფეხი იტკინა ცოტა!

ქალმა მკერდზე მჯილი მიიკრა, გული ამოვარდნასა ჰქონდა, სკამზე მძიმედ დაეშვა...

ბინდისპირზე დურუ მოვიდა. შინ შეურბენია, ბამბურის ნაცვლად თავისი გაცრეცილი პალტო ჩაუცვამს.

— როგორაა საქმე?

ფუცუმ ამოიოხრა.

დურუ მართალის მიუჯდა, ჩასჩურჩულა:

— დავდგით უკვე, თეთრი ტილო გადავაფარეთ!

მართალი გაუჩუმდა. უკვე არ ახარებდა ეს საქმე. თავს ვერ უტყდებოდა, რომ მის ერთგულეზას ბზარი დააჩნდა.

ისხდნენ მდუმარედ, თითქოს სალაპარაკო არაფერი ჰქონდათ. დურუ თუ ჩაახველებდა ხანდახან, სკამს მოუსვენრად აჭრაჭუნებდა. ფუცუ დეიდა აწრიალდებოდა უცებ, კედლებს ეხლებოდა, მაგრამ როგორღაც უხმოდ, სიტყვების გარეშე და მისი ეს უთქმელი ტანჯვა მძიმე საყურებელი იყო.

ნაშუალამევს მორიგე ექიმმა გამოიხედა, პალატაში შესვლის ნება დართო.

ცალკე ეწვინათ, მომცრო ოთახში, ალბათ პატივსაცემ პირთათვის რომ აქვთ შემონახული.

— ოლონდ ნუ იხმაურებთ! — გააფრთხილა ექიმმა.

არიქას ეძინა, რაკი ნარკოზი ჯერაც მოქმედებდა. პირისახე თეთრი და მწყაზარი ჰქონდა. ჩხინკა მხრები მოეშინებინა, უღონო ხელები საბნის ზევით დაეწყო. წვრილი კისერი, გამჭვირვალე, თხელი ნაკვთები უფრო პატარას აჩენდა და მართალის გული შეეკუმშა. თითქოს უმცროსი ძამიკო იწვა მის წინ, ანდა შვილობილი. ტოლები იყვნენ, მაგრამ ახლა თავს ასაკოვნად გრძნობდა.

ფეხი თაბამირში ჩაესვათ და ამაღლებულ ბალიშზე ედო.

ნელა, თანაბრად სუნთქავდა, მკერდი აუღრჩაუდიოდა.

ფუცუმ სკამი მიაჩოჩა, მყარად დაჯდა.

დურუ ყოჩაღობდა, პირისახე უნებლიეთ ემანჭებოდა, უბეები უსველდებოდა, სურდოშეყრილივით ცხვირს ახვლიპინებდა.

დრო გაინელა... ორჯერ ექიმმა შემოიხედა, ხომ არა წუხსო, იკითხა.

მოულოდნელად გაყურდა ავადმყოფი, სუნთქვის რიტმი შეეცვალა. ქუთუთოები შეარხია... მიიხედმოიხედა, ვერავინ იცნო და კვლავ ძილს მინებდა, მაგრამ რამდენიმე წუთის შემდეგ ისევ გამოეღვიძა და გაკვირვებულმა იკითხა:

— რა მოხდა?

— არაფერი, გენაცვალე, ცოტათი ფეხი იტკინე! — სულსწრაფად შეაგება ფუცუმ, ხელზე მოეფერა.

არიქა ჩაფიქრდა, იხსენებდა... ბიჭებს დააკვირდა და გაუღიმა:

— ერთადერთი კაცი ვარ დედამინის ზურგზე, სტალინის თავისაგან რომ დაზარალდა!

ვერ მოეშვა ქილიკს. ნარკოზი ჯერ არ გასვლოდა, ტკივილებს ეძინა და იმიტომ იყო ქილიკის გუნებაზე.

მეტი არაფერი უთქვამს, ჩუმად ჩაიცინა და ისევ ძილ-ბურანში შებრუნდა.

გარეთ ამინდი ჭინჭყლობდა, ნვეთებს ნკაპანკუპი გაჰქონდა და ბიჭებმა ვერც გაიგეს, თვითონაც როდის ჩაეშვნენ ძილში.

თითქოს წუთიც არ გასულაო, სახეზე კაშკაშა შუქი დაეფინათ და ორთავემ თვალები დაჭყიტა.

არიქას ეღვიძა, ტკივილისაგან შუბლი ოფლს დაენინნკლა.

— მოითმინე, დედა გენაცვალოს, მოითმინე! — ეჩურჩულებოდა ფუცუ, პირსახოცით ოფლს უმშრალებდა.

— რაო, დადგით უკვე? — არიქა ცდილობდა თავი ყოჩაღად დაეჭირა, მაგრამ ხანდახან კვნესა დასცდებოდა.

— კი, დავდგით! — დურუმ უპასუხა. — ხვალ ბესა დაინყებს კვარცხლბეკის მოპირკეთებას...

— მაშ, გამოვჩნდებით სხვა ქალაქებში! — თქვა არიქამ და დარდიანად დაურთო: — ანი სცენაზე ველარ გამოვალ... მინდოდა, მერკუციო მეთამაშა!

— ნეტავი შენ მყავდე კარგად და... — ჩაიდუღუნა ფუცუმ.

ამ ლაპარაკში კიდეც გათენდა. დღე ჰგავდა ღამეს, ნისლი ნელა იფანტებოდა.

მორიგე ექიმმა შემოიხედა, თვალებს იფშვნეტდა.

— ითმენ, ყმანვილო? — ჰკითხა არიქას. — თუ ძალიან შეგანუხა, მითხარი და გამაყურებელს გაგიკეთებ!

არიქა ძალიან წუხდა, მაგრამ ითმენდა...

მოგვიანებით ბიკენტი გამოჩნდა. თან ამაღლა ახლდა, მთავარი ექიმი და რამდენიმე თეთრხალათიანი კაცი. საქმიანი იერით ბჭობდნენ, ხელებს იქნევდნენ, ლათინურ ციტატებს აფრქვევდნენ. მამის გვერდით ლესტამბეც აწურულიყო, ხელში გაქონილი ქალაღდის პარკი ეჭირა.

— როგორა ხართ, არნივებო! — ნაძალადევი მხიარულებით იკითხა ბიკენტიმ, დაბნეულ ფუცუს ხელი ენერგიულად ჩამოართვა, სკამზე ჩამოჯდა და არიქასაკენ დაიხარა. — მაგრა ხომ არ გტკივა, ვაჟკაცო?

არიქამ სანყლად გაუღიმა. მთლად გაცრეცილიყო.

— ნუ გეშინია, ქორნილში ისე იცეკვებ, იატაკს ბრაგაბრუგი გაუდიოდეს! — თითით ლესტამბე მოიხმო, პარკი გამოართვა. — ზინაიდა პეტროვნამ გამოგვატანა, აი, ცხელი ღვეზელები!

ფუცუმ მორიდებით ჩამოართვა, განზე მიდგა. ლესტამბე რწევარწევით დაიხარა, ავადმყოფის უღონო ხელი აიღო და უხალისოდ ჰკითხა:

— როგორა ხარ?

მართალიმ და დურუმ თავი ზედმეტად იგრძნეს და დერეფანში გავიდნენ.

მაღე ლესტამბეც გამოჩნდა, ნელგამართული მოიკვანწებოდა.

— უნდა გაგელახა მაშინ! — ძველი ამბავი გაიხსენა დურუმ.

— როგორა ხართ? — ისევე უხალისოდ იკითხა ლესტამბემ, ალბათ სულ არ აინტერესებდა, ვინ როგორ იყო. — მაგრად კი დაშავებულა, სანყალი! — გულსგარეთ თქვა. — თქვენ თვითონ ნახეთ? იქნებ ვინმემ უხიმანდრა?

— ვის უნდა ეხიმანდრა? — გაგულისებით შეეპასუხა მართალი. — რომელი მტერი მას ჰყავდა, ჰა? არ იცნობ არიქას?

— ვიცნობ, ცხადია, — ცალყბად გაიღიმა ლესტამბემ, სველ ტუჩზე ენის წვერი მოისვა, — ისიც მახსოვს, ბელადის პორტრეტის მაგიერ მე რომ მკიდებდა...

— ბავშვურად იანგლა, შენ კი დაგიმახსოვრებია! — თავშეკავებით თქვა მართალი.

— ცხადია, — ჩაიკრუტუნა ლესტამბემ, — მე არც მწყენია, მაგრამ ხომ შეიძლება თავისი კვიმატი ენით სხვასაც აწყენინა, იმან კი ფეხზე ლოდი დააგორა!.. რამეს კი არ ვამტკიცებ, ლოგიკურად ვმსჯელობ!

— იცი, რას გეტყვი? — დურუმ წარბები ავად შეათამაშა. — ეს შენი ლოგიკა შეიტენე... — უნდოდა არცთუ ზრდილობიანი სიტყვა ეხმარა, მაგრამ ბიკენტი გამოვიდა პალატიდან, ყმანვილებს ხელი დაუქნია.

— მაცხოვრისგორისაკენ მივდივარ და თქვენც აგიყვანთ! — მერე ლესტამბეს მიუბრუნდა. — შენ სკოლაში წადი! ლესტამბემ მეგობრებს მძიმედ, მონყალეზასავით დაუქნია თავი.

უკვე მანქანაში, ვითომც სასხვათაშორისოდ, იკითხა ბიკენტიმ:

— როგორ ფიქრობთ, შემთხვევით მოხდა ყველაფერი?

— ახლომახლო უცხო არავინ იდგა! — თავდაჭერილად შეეპასუხა მართალი.

დურუ მოქუფრული იჯდა, ფრჩხილებს ითვალეიერებდა, უკვირდა, შვილის დანყებულ ლაპარაკს მამა რომ აგრძელებდა.

— მაგრამ ხომ შეიძლებოდა, ბრინჯაოს თავი ვილაცას განგებ არასწორად მიეყუდებინა, გამოსწევ და გადმოგორდება!

— ჩვენ, მე, მართალიმ და არიქამ დავდეთ ისე, როგორც იდო! — დურუს ხმა ჩაეხლიჩა, კოპები შეეჭმუნა. — მეტი არავინ გაჰკარებია!

— ბესა სადღა იყო?

ბიჭებმა ერთმანეთს გადახედეს და მართალიმ მტკიცედ მოჭრა:

— ბიკენტი ბიძია, ზედმეტია ყოველნაირი ეჭვი, ბესა ახლოსაც არ გაჰკარებია და იმ დროს სულ სხვაგან იდგა!

— ჰო, კარგი, კარგი! — უკმეხად თქვა ბიკენტიმ და ზურგი შეაქცია, წინ გაიხედა.

მეგობრები მთის ძირას ჩამოსხა და გაბრუნდა.

აქედან კარგად ჩანდა კვარცხლბეკის ხარაჩოები და ზევით ამართული თეთრი დაშნა, რომელიც, ალბათ, რამდენიმე დღეში ბელადის ხატებად გადაიქცეოდა.

ქოშინით აიარეს მაღალი კიბე.

— ა, მოხვედით, მამაცო კომკავშირლებო? — ბესა სატეხით ხელში მარმარილოს ფილასთან ჩაცუცქულიყო. — როგორაა თქვენი ძმაკაცი?

— ფეხი მაგრა ტკივა! — პირქუშად ამცნო დურუმ.

— სამწუხაროა ამბავი ესე, გაუღიმარო ხელმწიფე ჩემო! — მიუღექსა ბესამ. — კაი ყმანვილია არიქა ძაძუა და მისი ტკივილი მეც მეტკინება! — მერე ცოტა იყურა და მართალის ამოხედა: — გეძებდნენ, ავუხსენი, სადაც იქნებოდი, მაგრამ გზაში აგცდნენ ალბათ.

— ვინ მეძებდა?

— სოფლიდან ამოგაკითხეს! დარიკო მამიდამ შემოგითვალა, ჩემი სული ზეცასა შინა არს, გვამს კი გაპატიოსნება და საძვალეში წასვენება სჭირდება!

— მოკვდა? — შეიცხადა მართალი.

— ღმერთმა იმის ხნობამდე გაგაძლებინოს, ას ოცდაათისა იყო! — პირჯვარი გადაიწერა ბესამ, საქმეს მიუბრუნდა...

— მამა! — ლესტამბემ თვალი გაუსწორა ბიკენტის, მაგრამ კაცის მზერას ვერ გაუძლო და პირი განზე მიაბრუნა. — უკვე თექვსმეტისა ვხდები და სკოლასაც მალე დავამთავრებ!



ბიკენტი სავარძელში ისვენებდა. გაზეთი განზე გადადო, სათვალე გულისჯიბში შეინახა. საერთოდ არ სჭირდებოდა, მაგრამ ექიმმა ურჩია, კითხვის დროს იხმარე, თვალი დაისვენებსო.

შინ მარტო კაცები იყვნენ, მამა და შვილი.

— გინდა ძმაკაცები დაპატიჟო?

— ძმაკაცები კი არა, — აგდებით შეეპასუხა ლესტამბე, ბაგე ზიზლით მოექცა, — სადა მყავს ძმაკაცები, ან რაში მჭირდებიან...

— ვერაფერი გამიგია! უცნაური ახალგაზრდები ხართ, ამ ასაკში უძმაკაცოდ...

— შენც ხომ არავინ გყავდა?

— როგორ არ მყავდა? — შეცბა ბიკენტი. — აგერ ტატარჩი... მართა... — კაცის ხმას სიმტიკიცე აკლდა და ლესტამბემ შეთქმულივით გაულიმა, მიგიხვდი, რა ძმაკაცებიც ეგენი არიანო. ბიკენტი გაღიზიანდა, მოიქუფრა და მოჭრა: — მაშ, რა გინდა, რასა მთხოვ? მაჯის საათს გიყიდი!

— მაჯის საათი, ჰოო... — კმაყოფილებით ამოიკრუტუნა ლესტამბემ. — შენ მე პატარა გგონივარ, მამა! აგერ მართლის სტალინის ძეგლის აშენება დაავალე. ვინ არის მართალი თოდუა? კობას როლი სისხლიანი ხელებით ითამაშა... ან არიქა ძაძუა ვინ არის? ან დურუ გეგია?... შენ ხომ იცი, როგორ კარგად ვიცნობ ამათ. წინასწარ ვხვდები, სად რა უნდა თქვან, რანაირად უნდა მოიქცნენ! შენ კი, ა, გენაცვალეთ, სტალინის ძეგლი ააშენეთო, ერთიორი დღე წაიმუშავეთ და ჯილდოც, სახელიც, დამსახურებაც მოგერთმევათო...

ბიკენტი აიმრიზა, მიხვდა, რა საშიში საწამლავი იხარშებოდა ამ „წუნკალი ბალანას“ ვინრო თავში, ამიტომ სიბრაზე ვერ მოითოკა.

— შენ რა, ვინმემ აგიკრძალა მუშაობა? დროზე გეთქვა და ყველაზე ლამაზ ნიჩაბს მოგართმევდი! ვირის მუშის ასპარეზი უსაზღვროა, თუ სურვილი გაქვს, მაგ ბედნიერებას არ მოგაკლებ!

— კარგად იცი, რა ნიჩაბზეც ვლაპარაკობ. — ლესტამბე დიდვით, გონივრულად უქცევდა, ეტყობა, ადრევე ემზა-

დებოდა ამ საუბრისათვის და დრო ახლა შეერჩია. — ისინი წაიმუშავებენ და სტუდენტები გახდებიან!

— შენც გახდი, შვილო, სტუდენტი! იცი შენ, ჩემგან ხელის წაკვრაც არ დაგჭირდება!

— ფიჰ, თავს მოვიკლავ ამ ჩვენი ინსტიტუტის გულისათვის, ნუცას სკოლაზე უარესი, თორემ უკეთესი მაგი არაა... აქ წასწავლი კაცი სოფლის მასწავლებელზე დიდი არასოდეს გამხდარა!

— გეტყობა, აკადემიკოსობას ეპოტინები, მაგრამ იმას ვერ ვხედავ, წიგნს აკლავდე თავს! — დაცინვით უპასუხა ბიკენტიმ.

— შენ ისეთი სამსახური გაქვს, მამა, არ გაგიჭირდება და მოსკოვში, ჩვენ რომ ვიცით, იმ სასწავლებლისკენ მომიძებნი გზას!

ბიკენტი ერთხანს გაუჩუმდა. ადრევე იცოდა შვილის გატაცების ამბავი. თავდაპირველად ღიმილს ჰგვრიდა მისი არჩევანი, მერე კმაყოფილი იყო, რადგან ქვეყანას ეზრდებოდა კიდევ ერთი ერთგული მოქალაქე. მერე და მერე, როცა თვითონვე საკუთარი საქმის მიმართ ჭოჭმანი შეუდგა, უკვე აღარ სიამოვნებდა, ლესტამბემაც რომ მისი გზა ირჩია... მამის გზაო, ფიქრობდა, მაგრამ ხვდებოდა, შვილის გზა ცოტა უფრო მრუდი იყო. ბიკენტი, ბოლოს და ბოლოს, ერთი პროვინციული ქალაქის ჩეკისტად იჯდა. მართალია, თავის წრეში პირველ კაცად ითვლებოდა, მაგრამ ქვეყნიერების რუკაზე ეს ქალაქი იმდენად მცირე წერტილად ჩანდა, თვით ბიკენტის საკუთარი როლი იმდენად უმნიშვნელოდ ეჩვენებოდა, აღარც ღირდა ლაპარაკი.

სავარძელში უკან გადაინია, დაამთქნარა და თვალი მილულა:

— ამ თემაზე კიდევ გვექნება საუბარი. მეგონა, საჩუქარს მთხოვდი, მაჯის საათს გიყიდი!

— ჰოო, — განელა ლესტამბემ, — მაჯის საათი კაია...

ბიკენტიმ შვილის ხმაში უკმაყოფილო კილო დაიჭირა და გამოფხიზლდა:

— შენ, გატყობ, კიდევ რალაც უნდა მთხოვო!

— ჰოო... — ყოყმანობდა ლესტამბე, თან კარისაკენ მი-  
ინევდა, რათა საჭიროების შემთხვევაში, გაქცევაც შეძლებო-  
და. — მამი, წამიყვანე რა, ციხეში!

— ციხეში? — გაკვირვება ვერ დამალა ბიკენტიმ. —  
რა გინდა ციხეში?

— ექსკურსიაზე! აგერ, მუზეუმებში დადიან, მე კი ციხე-  
ში მინდა... შევხედავ პატიმრებს...

— სისულელეს ნუ ლაპარაკობ! — წამოჭარხლდა ბი-  
კენტი. — ეს რა ახირებაა!

— ოჰ, მამი, ისე მინდა დახვრეტაში მონაწილეობა მივი-  
ლო! თექვსმეტისა ვხდები და ჯერ კაცი არ მომიკლავს!

— რა?! — წამოინია ბიკენტი, ირგვლივ მიმოიხედა,  
ბუხრისპირას დაგდებულ რკინის საცეცხლურს დაავლო ხელი,  
მაგრამ ლესტამბე უკვე კართან იდგა და პირისახე ზაფრანის-  
ფერი გახდომოდა.

— რა მოხდა, რა! — ჩაიჭიჭყინა ბავშვურად, წამში ასაკი  
ჩამოაკლდა თითქოს. — შენც ხომ დაგიხვრეტია... მინდა და...

ბიკენტიმ საცეცხლური გაუქანა, მაგრამ ლესტამბე  
ოთახიდან გავარდა და საცეცხლური კარს მოხვდა.

კაცი მარტო დარჩა, ამოიოხრა. ადრეც ფიქრობდა ბი-  
კენტი თოლორიათა, მთლად ქკუადალაგებული ბიჭი რომ არ  
ეზრდებოდა, მაგრამ „ასეთი“?

ღიას, ბიკენტის ხელი არასოდეს ათრთოლებია, მაგრამ  
თექვსმეტისა იგი მართაზე ფიქრობდა და არა კაცის კვლაზე...

სოფლის განაპირამდე „სევისტრანით“ იმგზავრა. ბრე-  
ზენტით გადახურული პატარა ავტობუსი აუჩქარებლად მი-  
თუხთუხებდა აღმართდაღმართებში. ბრეზენტის სველი ბო-

ლოები ტყლაშუნობდა. შეცივებული მგზავრები ჩიტებივით  
მოზუზულიყვნენ ტყავგადაკრულ, მაგარ სკამებზე...

გზა მოკლეზე გადაჭრა მართალიმ, თავს არიდებდა  
ატალახებულ ორღობეს, სველ ეკალბარდებს.

დარიკო მამიდის ოდას მალალი ტყე ეფარებოდა და ის  
რომ გაიარა, ეზოც გამოჩნდა.

ფართო ეზო ჰქონდა დარიკო მამიდას, ტრიფოლიატის  
ცოცხალი ღობე შემოგვერგოდა ირგვლივ. მწვანე, ხავერდო-  
ვანი მოლი ეფინა. ქიშკრის მაგიერ უბრალო ხარისა იყო გადე-  
ბული და ახლა ის განზე გაენიათ.

შუაში ფოთლისაგან გაძარცული უზარმაზარი ზამ-  
თრის მსხალი იდგა.

მომცრო ოდის წინ მწვანე ტოტებითა და ქალაღდის  
ყვავილებით შემკული ჩარდახი აეგოთ. მის სიღრმეში, ბავშ-  
ვისას რომ მოჰგავდა, ისეთ კუბოს სოფლის დედაკაცები შე-  
მოსხდომოდნენ. მეჩონგურე ქალები თითებს სიმებზე ჩამო-  
ჰკრავდნენ და გულმოსაკლავად დაამღერებდნენ ლექსს  
საწუთროს წარმავალობასა და ამაოებაზე. მამაკაცები გრძელ  
სკამზე ჩამომსხდარიყვნენ, გაზეთის ნახევში თუთუნს ახ-  
ვევდნენ და აბოლებდნენ.

მართალიმ თავი მორცხვად ჩაღუნა, გვერდზე არ გაუ-  
ხედავს, ეზო ისე გადაიარა. გრძნობდა, რომ უთვალთვალე-  
ბდნენ, ალბათ ერთმანეთს ცნობისმოყვარედ ეკითხებოდნენ,  
ვინ არისო.

მარო ატირდა, ავიშვიშდა:

— უდროოდ წასულო დედაჩემო, მოგაკითხა შენი  
ნესტორის შვილიშვილმა, შენი ტატაჩის ვაჟკაცმა!.. მართა-  
ლი, შვილო, გული გვატკინა დარიკო მამიდამ, დაგვტოვა სამ-  
უდამოოოდ!

„უდროოდო!“ — ღიმილის მომგვრელი იყო ეს სიტყ-  
ვები, მაგრამ მართალის გაახსენდა დარიკო მამიდის ბოლო  
სტუმრობა, ას ოცდაათი წლის დედაბრის თამამი სიტყვები...  
გაახსენდა მართლაცდა უდროოდ გამქრალი ეფრო და ცაცა-  
ნა, მართა და ტატაჩი... ასლუკუნდა, ასლუკუნდა და უცბად  
ცრემლად დაიღვარა, აქვითინდა...

გამოცოცხლდნენ აქამდე უჩუმრად მსხდარი დედაკაცები, თითქოს საბაზი მოეცათო, მორთეს მოთქმა და ვაივიში. ყველა თავისას ტიროდა, თორემ დარიკო მამიდას რა ჰქონდა სატირალი, ისედაც ცას გაჰკიდებოდა და წუთისოფელს იმდენ ხანს შერჩა, კიდევ მობეზრდა და გაღმა გამგზავრება სანატრელი გაუხდა.

— ნუ ტირი, შვილოო! — მოთქმით მოეფერა მარო. — მაგისი ხნისა მოიყარე, გენაცვალე, ვაჟკაცო, გვარის გამგრძელებელოო!..

კაცებმა ხელი ჩაავლეს მართალის, კუბოს მოაცილეს, წამობრძანდი, ჭიქა წაუუქციოთო...

ყმანვილი ნებას დაჰყვა... უკანა ეზოს ფანჩატურში გრძელი მაგიდა იყო გაშლილი. კეცის მჭადები ელაგა, ლობიო, მწნილი, ხელადებით ღვინო...

მავანი დაუჯდა მასპინძლად, ჭალარა უღვაშებზე ხელი მოისვა, ლუკმა აცალა და ჭიქა შეუვსო.

— მიირთვი, მიირთვი, ყმანვილო! გერონტი მქვია მე, ფულარია... აგერ, ა, ორ ნაბიჯზე ვცხოვრობ აქედან, მეცეცხლური მეზობელი გახლავარ. აცხონოს ღმერთმა ჩვენი დარიკო, მეგონა, არასოდეს მოკვდებოდა... გაანათლოს ღმერთმა მისი სული, ვის რამდენი აქვს გამოწერილი, არავინ იცის წინასწარ... ბაბუა მყავდა ას შვიდი წლის. სამჯერ გაჭრეს მანამდე ექიმებმა და გადარჩა. ბოლოს დააპირა მაინც სიკვდილი. შეიყარნენ მეზობლები და გამართეს მსჯელობა, ამდენი ღვინო დაგვჭირდება, ამდენი ლობიო, ფხალი და მჭადის ფქვილი... ჰაიტი, თქვე ტუტუცებო-მეთქი, შევუძახე, კაცი ჯერ ცოცხალია და კუბოში რანაირად აწვენთმეთქი... შევედი შინ, დავხედე და შევეკითხე, რავა ხარ ბაბუმეთქი. რა ვიცი, შვილო, მგონი მიმაქვს წერილიო, მიპასუხა. ხომ არ ვცადოთ ბედი, იქნებ ერთხელაც გავესინჯოთ ექიმებსმეთქი... მაგეთ კაცობას თუ იზამ, ღმერთი გადაგიხდის სიკეთითაო, ჩაიჩიფჩიფა... აბა, გაამზადეთმეთქი, შევუფუცხუნე ქალებს. ვხედავ, ჩემი არავისა სჯერა, გიჟადა მთვლიან... მოვრეკე კამეჩები, შევუბიურემს, დავაყარე ზედ ჩალაბულა, დავუფინე ლეიბები და წამ-

ოვანვინე ჩემი ავადმყოფი... სულ ჯაყჯაყით ჩავედით მერეთში. თან მივდივარ, თან იმას ვდარდობ, ამან გზაში სული რომ დალიოს, ხომ შევრცხვებიმეთქი... არ იყო ჯერ მაგისი დრო მოსული და ცოცხლად ჩავიყვანე. ვეცი პატივი ექიმებს როგორც საჭიროა, დააგდეს საოპერაციოზე, მაინც მოკვდებო და სულ დაჯიჯგნეს მაგ უღმერთობმა... გადარჩა, ხომ იცი შენ! გადარჩა და კიდევ შვიდი წელი იცოცხლა!

მართალის გაელიმა, გერონტის მონაყოლმა გუნება გამოუკეთა.

— დამილიე ახლა ეს ერთი ჭიქა, მიცვალეზულის სულის მოსახსენებელი! — ჩაურთო გერონტიმ. — ისე, ნესტორი, ბაბუაშენი, მე არ მინახავს! ამბობენ, კაი ცხენოსანი იყო. ერთხანს დარიკოსთან ემალებოდა ნიკოიას სტრაჟნიკებს. დაეცნენ კიდევ ამ ჩვენს დარიკოს, მაგრამ ნესტორმა გაასწრო, ძუკუსთან გადაბარგდა. ვაჭარი კაცი იყო ეს ძუკუ, ოქროში ცურავდა თურმე. გადაარჩინა ძუკუმ ნესტორი, ოღონდ ნამეტანი ძუნწი იყო, ხომ იცი შენ, და სტუმარს გზის სახარჯო არაფერი მისცა. დაადგა თურმე ნესტორი თოფით თავზე, რა ვქნაო, უთხრა, მე ბევრი ოქრო არ მჭირდება, მაგრამ რევოლუციას სჭირდებაო. შენ კი რალად გინდა, მაინც ქოთნით მიწაში მარხავო... რაც ოქრო ჰქონდა იმ ცოდვით სავსე ძუკუიას, ყველა წაართვა. იმის შემდეგ გული აიყარა ძუკუმ ვაჭრობაზე, გალოთდა და გაკოტრდა... გაკეთდა საქმე, წურბელა ჩამოსცილდა სოფელს!

მართალის ნირი ეცვალა, ველარაფერი თქვა, გერონტიმ კი ჭიქა ისევ შეუვსო.

— სხვა მიცვალეზულებიც მოვიხსენიოთ!

ღვინო მჟავე და ცივი იყო. აქამდე მართალის ჭიქაზე მეტი არც ჰქონდა დანალევი. ყელში არ ჩასდიოდა, მაგრამ უარის თქმას ვერ ბედავდა.

— ტატაჩი ცოცხალივით მახსოვს, კარგი ვაჟკაცი იყო, — განაგრძო გერონტიმ, — მაგისგან დიდად ვართ დავალებული. ჩამოგვაკითხავდა ხოლმე, ჭკუას გვარიგებდა. ჩვენი კულაკები გადაგვირჩინა ერთხელ. დარიკოს პირით შემოგვითვალა,

ხვალ ჩამოვდივართ, უნდა დაგარბიოთ და თავს უშველეთო. ვინც როგორც შევძელით, ისე ვუშველეთ თავს. საქონელი ჭურიაში გადავმალეთ, სიმინდი ტყეში გავზიდეთ, ქონება მიწაში ჩავფლეთ... მოვიდა მთავრობა, მიიხედმოიხედა, მაგრამ ბრანნი, გალოკილი თითივით შიშველტიტველნი დავხვდით. საბოტაჟი და ერთიორი კაცი მაინც გაიგდეს, აღარც მობრუნებულან. სამაგიეროდ სხვები გადავრჩით... ისე, სიმინდიც დაგვიღპა და ქონებაც. ნახირი გადაგვირჩა, ოღონდ მერე კოლექტივმა წაგვართვა მაინც... ასეა ეს, — ხმას დაუნია გერონტიმ, — მთავრობის ვალია წაგვგვლიჯოს, ჩვენი ვალია — გადავმალეთ. ყოველთვის ასე იყო და ასე იქნება!

მართალის კამათის საღერღელი აეშალა, უნდოდა აეხსნა ამ უბირი კაცისათვის, რომ მთავრობა ხალხისთვისაა, ხალხს ემსახურება, უკეთესი მომავლისათვის იღვწის... თავი შეიკავა, გაუჩუმდა...

მალე ფანჩატურში სხვა მოტირალნი შემოიყვანეს. მართალი და გერონტი წამოდგნენ და სამზადს შემოუარეს. გერონტიმ ხელი სტაცა.

— იქით ნუ წახვალ!

იქ, მაჯისსიმსხო ჯაჭვით ხბოსტოლა ქოფაკი იყო დაბმული. წამით მართალის თვალები ძალის თვალებს შეეფეთა. ყრუ ღრენა აღმოხდა პირუტყვს და ყმანვილს გული ჩაუფარდა.

მიცვალებულის გასვენების დრომაც მოაწია. მამაკაცებმა მსუბუქი კუბო მხარზე შეიგდეს და სასაფლაოსკენ გასწიეს. ქალებიც უხმოდ მიჰყვნენ. მხოლოდ მარო მოთქვამდა სანწყლად.

მართალი სხვებს ჩამორჩა...

ორღობის კუთხიდან „სევისტრანი“ გამოხანხალდა.

მართალიმ ხელი აუნია, გააჩერა...

თებერვლის ზეცას ცხვირპირი ჩამოსტიროდა, უსიამოვნოდ ცრიდა.

მერეთელებს მაცხოვრისგორის ძირას მოეყარათ თავი. ზევიდან მხოლოდ შავი ქოლგები მოჩანდა, მთლიანად დაეფარა ქვედა მოედანი, თუ არ ჩავთვლით ვიწრო დერეფანს, პიონერთა ორმხრივი მწკრივი რომ იცავდა.

ბავშვთა ეს მწკრივები კიბესაც აჰყვებოდა გორის თავამდე.

ერთ მხარეს გოგონები იდგნენ, მეორე მხარეს — ბიჭუნები. თეთრი მაისურები ეცვათ, გოგონებს ლურჯი ქვედატანები, ბიჭუნებს მოკლე, ლურჯი შარვლები. მკერდზე წითელი ყელსახვევები უღვიოდათ. ცდილობდნენ პიონერული სალამი გამოესახათ, ოღონდაც, სისველემ უკვე ტანში გაატანა და სიცივისაგან გალურჯებულები კბილებს აკანკანებდნენ.

საზოგადოების წარმომადგენელთა კოლონები დიდიდანვე ჩამწკრივდა, ფეხები დაწყდომამდე ჰქონდათ.

თავში რაიკომის თანამშრომლები მოდიოდნენ, რა თქმა უნდა, ამხანაგ გრიშას ხელმძღვანელობით. ერთნაირად ნაცრისფერი ლაბადები ეცვათ. თვალს ჭრელი გვირგვინილა ახალისებდა, ამხანაგ გრიშას გოგობიჭს დიდის ამბით რომ მოჰქონდა.

ხელმძღვანელ ამხანაგებს მილიციისა და უშიშროების თანამშრომლები მოჰყვებოდნენ. ამათაც ლაბადები ეცვათ. მარტო ბიკენტი განსხვავდებოდა სხვათაგან. რუხი მაზარა ჩაეცვა, თავზე წითელვარსკვლავიანი, კოზიროკიანი ქუდი ეხურა. გალიფეს ტოტები აზიურ ჩექმებში ჩაეყოლებინა, ჩექმებზე კი კალოშები ამოეცვა... ზინაიდა პეტროვნა ბენვიან ჯუბაში ჩათბუნებულყო. თავზე ვარსკვლავიანი „პილოტკა“ ეხურა, ალბათ სურდა, ქვეყნისათვის შეეხსენებინა, რა ამხანაგობის წევრიც ბრძანდებოდა... ამათაც გვირგვინი მოუძლოდათ, ლესტამბესა და დურუს მოჰქონდა. იქვე კეკეც ცმუ-



კავდა, ხანდახან გვირგვინს ხელს შეახებდა, მაგრამ ძმა ავად უბღვერდა და კეკე ცივად შორდებოდა.

ამათ უკან ქალაქის ნაირნაირი დანესებულებათაგან-ნიზაციებისა და ახლო სოფლების წარმომადგენელთა რიგი ჩამწკრივდა დროშებითა და პორტრეტებით.

კიბის დასაწყისთან, ადრე რომ ამკრძალავი ფირნიში ეკიდა, ახლა სასულე ორკესტრი იდგა და მონდომებით აგრი-ალებდა, სველი ბელურებივით შეჯგუფებული გოგონების მომცრო ანსამბლი კი წვიკინა ხმას აყოლებდა:

— პატარა გორი დიდაა!..

აუყვანენ კიბეს. გრძლად გაიჭიმა ჭრელი ქარავანი... ამხანაგი გრიშა მოღრუბლული ჩანდა. ბოლო დროს უქეიფობა დასჩემდა, წინათგრძნობა ანუხებდა. რას ვიკლავდი თავსო, ფიქრობდა თავისთვის, ნეტა მოედანზე დავთანხმებულიყავი, ამ აღმართზე მაინც არ დამჭირდებოდა ასვლაო... იმისი შიშიც ჰქონდა, ვაითუ მთის წვერზე ბელადის ძეგლის ატანა ვინმემ პროვოკაციად ჩამითვალოსო...

ცხვირი დააცემინა საპატიო ყარაულის ერთმა პიონერმა, თან შეშინებული მიაცქერდა სახეანითლებულ მდივანს. თითქოს გადაედოვო, დაამცხვიკა მეორემ, მესამემ... მიჰყვა რიგს...

— დავაცივებ ბავშვები! — ჩასჩურჩულა რაიალმასკომის თავმჯდომარემ.

ამხანაგმა გრიშამ მკაცრად შეხედა, ალბათ რეაგირების გარეშე არ უნდა დაეტოვებინა ეს აპოლიტიკური განცხადება, მაგრამ თვითონაც ცხვირში ღიტიანი იგრძნო, შეეცადა თავშეკავება გამოეჩინა, მოუხმო ნებისყოფას, მაგრამ რაც უფრო უძალიანდებოდა, მით უფრო ელიტინებოდა და უცბად ისე დააცემინა, ისე დააქუხა, წინ მიმავალი შვილები კინალამ ძირს დასცა.

— იცოცხლე! — შეანია რაიალმასკომის თავმჯდომარემ.

რაკი მდივანმა გაბედა, ვინც თავს იკავებდა, ყველამ საბელი მიუშვა... ზოგს იქნებ არც ემცხიკვებოდა, მაგრამ პირველ კაცს ხომ ვერ ჩამორჩებოდნენ. ამიტომაც მაცხოვრისგორის ფერდობს ბარე რამდენჯერმე აუარა და ჩამოუარა ცხვირის დაცემინების ტალღამ... პატარა გოგობიჭები გამხი-

არულდნენ, დაავიწყდათ რიგი და წესი, პიონერული სალამი და თავშეკავება, თითქოს ერთმანეთს ეჯიბრებინანო, მონდომებით აცხიკვებდნენ, კისკისებდნენ და მხრებით ერთურთს ეძიძგილავენოდნენ, ჯღანაობდნენ...

ამხანაგმა გრიშამ ფეხს აუჩქარა, თითქმის მირბოდა. სხვებიც ვერ ჩამორჩებოდნენ და დეპუტაციების ნელი სვლა აღმართზე სირბილს დაემსგავსა... გრძნობდა ამხანაგი გრიშა, რომ ბარე რამდენიმე თავი შეენირობოდა საგაზაფხულო გრიპის ამ ეპიდემიას, მაგრამ რაიმეს შეცვლა უკვე არ შეეძლო და აქოშინებულმა ამოათავა კიბე, ზევით, ადრევე შეკრებილ ხალხში გაირბინა და ფიცარნაგს მიაშურა. მიკროფონთან უმაღლ გვერდში ამოუდგნენ რაიალმასკომის თავმჯდომარე, ჩაის ფაბრიკის დირექტორი, „ზაგოტზერნოს“ უფროსი, მთავარი ექიმი და სხვა ხელმძღვანელი ამხანაგები. სულ ბოლოს არქიტექტორი თეოფანე და ავტორი ბენედიქტე, რომელთათვის ადგილი თითქმის აღარ დარჩა და კუთხეში, ქალაქის გამორჩენილ გვამებს შორის ძლივს ჩაეკვებნენ...

ამხანაგმა გრიშამ მიკროფონზე თითი დააკაკუნა — „ტკაცტკაცტკაც!“ კიბის გასწვრივ და ქვემოთ, მთისძირას, აგრეთვე ქალაქში ჩამოკიდებულმა რეპროდუქტორებმა თითქოს თავში ჩაუკაკუნეს მოქალაქეებს.

— ამხანაგებო! — რიხით ჩასძახა ამხანაგმა გრიშამ. ხმამ იქუხა, მთელ მერეთს გადაეფინა და ჩხერიის ქალებში გულგახეთქილი ჭილყავები წამოყარა. — ამხანაგებო! — უფრო მოზომილად გაიმეორა, ხმა შეურბილდა, საზეიმო კილო დაეტყო. — დღეს ჩვენ...

ეს იყო „მებრძოლი სტალინელის“ გუშინდელი ნომრის მონინავე, ტრაფარეტული ლოზუნგების ჩამონათვალი, ის ნუსხა, საიდან გადახვევას ვერავინ გაბედავდა. ყოველ ორიგინალურ აზრში, მას თუნდაც მაამებლობის ბეჭედი დასმოდა, იგულისხმებოდა განსხვავებული ნიუანსი, ირონია, ქვეტექსტი... ორი თავი ამ ცისქვეშეთში არავის აბია, ტყუილუბრალო მეტიჩრობისათვის არავისა სცხელა.

— გაუმარჯოს!.. გაუმარჯოს!.. გაუმარჯოს!.. — სამგზის ისროლა მდივანმა, ჯერ ბელადის, მერე ლავრენტი ბერიას

მისამართით, მესამედ კი იმ ამხანაგებისა, ვაჟკაცურად და მედგრად ამ ორს მხარში რომ ამოსდგომიან.

სამგზისი „ვაშა“ გრიალით ჩამოგორდა მაცხოვრისგორიდან ქალაქში და უკანვე აგორდა, ექომ მრავალგზის ჩამოსდახა ცის გუმბათიდან.

— ამხანაგებო, ყველა დროისა და ხალხთა დიდი ბელადის იოსებ ბესარიონის ძე სტალინის ძეგლს გახსნილად ვაცხადებ! — დასჭექა ამხანაგმა გრიშამ, მიმოიხედა და იკითხა: — მაკრატელი?

რეპროდუქტორებმაც, ცხადია, მთელ ქალაქს მოჰფინეს — „მაკრატელი?.. მაკრატელი?..“ თუმცა მოქალაქეთა უმრავლესობა ვერაფრით მიხვდა, რად სჭირდებოდა მდივანს მაკრატელი.

ვისაც ევალეზობდა, იმან ხომ იცოდა და ხონჩით მოართვეს. ამხანაგმა გრიშამ ხელი დასტაცა და კვარცხლბეკისაკენ გაემართა. ბრბო კვლავ ორად გაიყო, დერეფანი განთავისუფლდა. ამხანაგი გრიშა წითელ ლენტთან მივიდა. ამ საზეიმო წამს მას ერთ მხარეს ამოუდგა ბედნიერი ავტორი ბენედიქტე, მეორე მხარეს არანაკლებ ბედნიერი არქიტექტორი თეოფანე.

მდივანმა მაკრატელი გაატკაცუნა. ლენტის გადაჭრილი ბოლო ზევით ავარდა და მონუმენტის თავიდან თეთრი ტილო შრიალით ჩამოეფინა.

წამიერი დუმილი ჩამოვარდა.

ვარდისფერ კვარცხლბეკზე რუხმაზარიანი ბელადი წამოიმართა. ფეხებზე მძიმე სალდათური ჩექმები ეცვა. თავზე კოზიროკიანი ქუდი ეხურა („ამ ქუდით მიუჭექყყა ფეხი არიქას!“ — გაიფიქრა დურუმ). მარცხენა ხელი ძირს ჩამოეშვა, მარჯვენა კი ოდნავ მოედუნა და თითებში ჩიბუხი ეჭირა.

ამ დროს წვიმა საბოლოოდ შეწყდა. ღრუბლები გაიხლიჩა და ცარგვალადან მზემ გამოაჭყიტა. სხივები დაეშვა ბელადის მხრებზე. დიდ სტალინს შავი ჩრდილი მოსწყდა, გადაეფინა თავყრილობას, მაცხოვრისგორის ფერდობს, განივრცო მერეთის თავზე.

უფრო აცივდა თითქოს.

საბოლოოდ აირია ბავშვების რიგი კიბეზე. ცნობისმოყვარენი მალლა ამოდიდნენ, მცივანანი დაბლა ეშვებოდნენ, შინისაკენ გაპარვა ერჩიათ.

მიტინგი გრძელდებოდა.

დურუ გეგიაც ფიცარნაგზე იდგა. აქამდე არასოდეს უფიქრია, რომ დასჭირდებოდა საჯაროდ სიტყვის წარმოთქმა. ეს ხომ მართალის საქმე იყო, ან არიქასი. ოლონდაც, მართალი დედაბრის სატირალში გაემგზავრა, ასეთ მნიშვნელოვან „პოლიტიკურ საქმეს უგანა“... არიქა საავადმყოფოშია და ამით იმანაც უგანა... დურუ რომ ყოფილიყო, ყავარჯნებით ამოკოლიკდებოდა.

დგას ახლა დურუ გეგია ამხანაგი გრიშას ზურგს უკან. ქალაღდის ნაგლეჯი ხელს უწვავს. იმ ნაგლეჯზე მოკლე ტექსტი უწერია, მრავალგზის რაიკომის კაბინეტებში შეჯვრებული და აწონილდაწონილი. არაფერი დარჩენია შესათხზველი, ტვინზე ძალის დატანება არ სჭირდება, მაგრამ იმისი ეშინია, ვაითუ ბოლო წუთს კითხვა დამავინყდესო.

აი, გაისმა ამხანაგი გრიშას ხმა, ამ ღირსშესანიშნავ საქმეში უდიდესი წვლილი შეიტანეს ჩვენმა შესანიშნავმა კომკავშირლებმა, ჩვენმა მომავალმა და მათი სახელით ამხანაგი დურუ გეგია მოგესალმებათო. დურუს მუხლები მოეკვეთა და ძირს მხოლოდ იმიტომ არ ჩაჯდა, ჩასუქებული ბიძები ირგვლივ მჭიდროდ შემორტყმოდნენ და ჩაცუცქების საშუალება გამოირიცხა.

— ამხანაგებო! — ხმა აუკანკალდა დურუს. ქალაღდი გახსნა და ასოები მართლაც ვერ აღმოაჩინა, გაქათქათებული და სუფთა მოეჩვენა. თავზარდაცემული იდგა სარგადაყლაპულივით და თეთრ ქალაღდს დაშტერებოდა. ასწია დურუმ თავი, უამრავი თვალი შეეფეთა, ყველა მას უყურებდა. ამათ მიღმა ფერდობი ჩანდა, ქრელი ქიამაიებივით აღმადღმა დარბოდნენ ბავშვები. უფრო შორს, მთის ძირას შავი ქოლგების ზღვა ტორტმანებდა, იქით კი მთელი მერეთი გაყურსულიყო და მის სიტყვებს ელოდა.

დურუმ ქალაღდი მოჭმუჭნა და სასონარკვეთით იყვირა:

— დიდება დიიდ სტაალინს!  
პასუხად, რა თქმა უნდა, „ვაშამ“ იგრიალა.  
ამხანაგმა გრიშამ გაკვირვებით შეხედა, გადმოიხარა  
და ჩასჩურჩულა:

— ნაიკითხე, ბიჭო, ნაწერი ნაიკითხე!  
დურუმ ვერაფერი გაიგო და ერთხელაც დასჭექა:

— დიდება დიიდ სტაალინს!  
ახლაც პასუხად „ვაშა“ გაისმა, ოღონდ კანტიკუნტად.  
— ჰო, კარგი, კარგი!

ამხანაგმა გრიშამ მკლავში ხელი ჩაავლო და მიკრო-  
ფონს მოაშორა. ფიცარნაგზე მდგომმა მჭიდრო კრებამ ყმანვილი  
უკანუკან გააჩოჩა და ძირს ჩამოაგდო, რა თქმა უნდა, უნებლიეთ.

დურუ განზე გადგა, თავისთვის ანგარიშშიუცემლად  
დუდღუნებდა: „დიდება დიდ სტაალინს!“ თანდათან გონს  
მოეგო, ეს რა დამემართაო, ცეცხლი მოეკიდა. დაჭმუჭნილი  
ქალაღი გახსნა. ზედ შავით თეთრზე ეწერა რაიკომში ერ-  
თობლივი ძალისხმევით შეთხზული ტექსტი იმის თაობაზე, თუ  
რა ვაჟკაცურად იბრძოდა და შრომობდა სამი მამაცი კომკავ-  
შირელი... ისე გამოდიოდა, რომ არც „ზეკები“ არსებობდნენ,  
არც ბესა ქირია და მხოლოდ სამმა დევგმირმა ჩაიღინა საქმე-  
ნი ესე საგმირონი.

დარცხვენით გახედა დურუმ მონუმენტს. იოსებ ბესა-  
რიონის ძემ უღვაშებში ჩაიღიმა და მამაშვილურად თქვა:  
„ამხანაგებს არ ყოფნით იუმორის გრძნობა!.. დამშვიდდი, ამხ-  
ანაგო დურუ, მთავარია ერთგულება!“

— დამშვიდდი დურუ გეგია! — თვალწინ ამოიმართა  
ვავა ზარქუა. — მთავარია ერთგულება, ენის ტლიკინი ბევრს  
შეუძლია!

არ ესიამოვნა დურუს ეს შექება, პასუხი არ გასცა.

მიკროფონთან სხვა ორატორი იდგა და იმისი სიტყვე-  
ბიც „მებრძოლი სტალინელის“ სიტყვებსა ჰგავდა.

სულ ბოლოს ამხანაგმა გრიშამ პატარა გოგონა გამო-  
იყვანა და გამოაცხადა:

— ახლა ბელადისადმი მიძღვნილ ლექსს ნაიკითხავს  
პიონერი კეკე თოლორაია!

პატარა კეკემ მიკროფონში მონდომებით ჩასძახა:

— „ბელადი ქალაქს ეწვია ჩვენსას,  
დინჯად დაუყვა მოედანს, ქუჩას,  
ის (მერეთელთა) მინას და ზეცას,  
უცქერს და პირზე ღიმილი უჩანს!..“

28

მარტის დასაწყისში გამოიდარა. ცა გადაინმინდა და  
ლურჯად აკამკამდა. მზის სხივებს ძალა მიეცა და მერეთელები  
ქუჩებსა და ეზობალებში გამოეფინნენ. ხეხილის ტოტებზე  
კვირტები დაიბერა, ალუჩა და ტყემალი თეთრად შეიმოსა.

წინა დღეს მართალიმ ეზო გადაბარა, საბოსტნედ შე-  
ამზადა.

დღესაც საქმე ბევრი ჰქონდა, მაგრამ გული ვერ დაუ-  
დო. აივნიდან გადაიხედა და მოუსვენრობა დაეუფლა. ქალაქ-  
ზე გადმოღვრილი ღია მწვანე საღებავი თეთრი ყვავილებით  
აჭრელებულიყო. მაცხოვრისგორის აღმამსწრაფი ფერდობი  
ნაზ ფერებს შეევესო. გორის თავზე, საითკენაც ეფრო ბებია  
პირჯვრისწერით გაიხედავდა ხოლმე, ახლა მალალ კვარცხ-  
ლბეკზე დიდი სტალინი გადმომდგარიყო. აქედან მხოლოდ  
სილუეტი ჩანდა, მაგრამ მართალის ერვენებოდა, რომ ბელა-  
დის გამჭრიახი მზერა მსჭვალავდა მთელ ქალაქს.

სინყნარე სუფევდა ცისქვეშეთში და სწორედ ამ სინყ-  
ნარეში იმალებოდა რაღაც საფრთხე.

უსაგნო, უმიზეზო შიშმა შეიპყრო და შინ ვერ გაჩერდა.

ეზოდან გავიდა და ტალახადის ქუჩას გახედა. უჩვე-  
ულო არაფერი ხდებოდა. ორისამი კაცი მიიჩქაროდა ცენ-  
ტრისაკენ. იქნებ ბაზარში მიდიოდნენ, ანდა სამსახურში, თუმ-  
ცა მათს მოძრაობაში ზედმეტი მოუთმენლობა იგრძნობოდა.

„რა ხდება?“ — წინათგრძნობა ეჭვში გადაეზარდა.

დურუს შეურბინა.

— რა ხდება?

დურუმ გაკვირვებით შემოხედა.

— რაზე მეკითხები? დედა სამსახურშია, მე ახლა ავდექი! ერთად გაემართნენ საავადმყოფოსაკენ, არიქას მიაკითხეს.

— რა ხდება? — კითხვა შეაგება არიქამ.

— რა უნდა ხდებოდეს? — დურუს თვალები დაუმრგვალდა. — ტვინის ლერძი ხომ არ გადაგიბრუნდათ? ორივე ერთნაირად მეკითხებით!

— რა ვიცი, ექიმები კუთხეკუთხე დგანან და ჩურჩულებენ, შემოვლა დაავინყდათ!

არიქა უკვე დგებოდა, ყავარჯნით შეეძლო სიარული. მარცხენა ფეხი, წვივსქვემოთ, თაბაშირში ჰქონდა ჩასმული. ტკივილს უკვე არ გრძნობდა, მაგრამ გაუსაძლისი ქავილი აწუხებდა. მცირე მანძილზე შეეძლო სიარული და ალბათ მალე გამოენერებოდა კიდევ.

აქეთიქით ამოუდგნენ ყავარჯნიანს. დერეფანში ყურადღება არავის მიუქცევია. თეთრხალათიანები რალაცნაირად დარეტიანებულევივით მიმოდიოდნენ. სანიტარმა ქალმა ჩაიარა, თვალზე ცხვირსახოცი მიედო და ტიროდა.

— აწყენინეს? — იკითხა არიქამ.

„მანც რა ხდება?“ — ფიქრობდა მართალი. აქ მისი ტოლი არავინ იყო და კითხვას მოერიდა.

ბულვარამდე ჩაისეირნეს. არიქა თავს სუსტად გრძნობდა, მაგრამ სიამოვნებდა სუფთა, გრილი ჰაერი და მზის ალერსიანი სითბო.

რაიკომთან ხალხი მომრავლებულიყო. ჯგუფებად იდგნენ და უსმენდნენ შენობის თავანზე გადმოდგმულ რეპროდუქტორს, საიდანაც სიტყვები წყვეტილწყვეტილად, სვენებსვენებით ვარდებოდა და აზრის გამოტანა გაჭირდა.

„ვილისმა“ გაიარა, ბიკენტის პირზე მიწისფერი ედო.

საიდანაც კეკე გამოვარდა, ტიროდა.

— კეკე! — მოუხმო მართალიმ, მაგრამ გოგონას არ გაუგონია, უფროსებს შორის გაძვრა და გაქრა.

მერე ლესტამბემაც მოირბინა.

— კეკე არ გინახავთ?

— იქითკენ გაიქცა! — მართალიმ ხელი სტაცა, შეაჩერა. — რა ხდება?

— ვა, არ იცით? — ლესტამბე დაიღმიჭა. — რა და სტალინი კვდება!

— რა? — სახტად დარჩა მართალი.

— რას მიქარავ? — ავად შეუბღვერა დურუმ.

— მერე შენ რა გიხარია, შე ბოთევ! — მშვიდად, აუღელვებლად შეეპასუხა არიქა, მაცხოვრისგორისაკენ გაიხედა და წყენით დაამატა: — ფეხი მომიჭეჭყა და ახლა კვდება?

— მე რა, მე სულაც არ მიხარია! — ჩაიჭიჭყინა ლესტამბემ, დურუს შიშით შეხედა. — მე რატომ უნდა მიხაროდეს! შებრუნდა და კეკეს საძებრად გაიქცა.

ხალხი თანდათან მატულობდა. ამხანაგმა გრიმამ გაიარა. რალაცნაირად დაპატარავებულიყო. თავჩალუნულმა აირბინა კიბე. რაიონისა და ქალაქის ხელმძღვანელები პირველ კაცს მიჰყვნენ, დაბნეულნი ჩანდნენ.

მოქალაქენი ჩურჩულით თუ ბედავდნენ აზრთა გაზიარებას. ისმოდა წუხილი, ოხვრა, ტირილი... ვიღაც ქალი იკლავდა თავს, ხმამალლა, მოურიდებლად ქვითინებდა.

რეპროდუქტორში კი დამარცვლით, დინჯად და მწუხარედ კითხულობდნენ ბიულეტენს:

— 1 მარტს, ღამით ამხანაგ სტალინს, როცა იგი მოსკოვში თავის ბინაზე იმყოფებოდა, ტვინში სისხლი ჩაექცა, რაც გავრცელდა სიცოცხლისათვის დიდმნიშვნელოვან ტვინის არეებზე. ამხანაგმა სტალინმა ცნობა დაკარგა. განვითარდა მარჯვენა ხელისა და ფეხის დამბლა. ავადმყოფს დაეკარგა მეტყველება. თავი იჩინა გულის მუშაობისა და სუნთქვის მძიმე დარღვევამ...

— რა გვეშველება? — ჩაიწუნუნა ვილაცამ.

— ომი დაიწყება! — შეეპასუხა მეორე. — ამერიკამ თურმე უკვე დაძრა გემები, თავს უნდა დაგვესხან!

— მამ ხელიდან გაუშვებენ ასეთ შემთხვევას? ატომიც იმათა აქვთ და...

— სტალინი თუ არ გამოჯანმრთელდა, დავიღუპეთ და ეგაა! — ნამტირაღევი ხმით ჩაურთო სხვამ.



რეპროდუქტორმა კი ამ დიალოგს ბეჭედი დაუსვა:

— ოცდაერთ საათსა და ორმოცდაათ წუთზე, გულის და სისხლძარღვების და სუნთქვის მზარდი ნაკლებობის მოვლენებისას იოსებ ბესარიონის ძე სტალინი გარდაიცვალა!

რომელიღაც ქალმა ისტერიულად შეჰკივლა. სხვები მდუმარედ, მოლუშულნი იდგნენ და არავინ იცოდა, რა უნდა მოემოქმედა.

— როგორ თუ მოკვდა? — დურუმ მოზღვავებული ენერგია იგრძნო, ადგილზე ველარ გაჩერდა, ხალხი გაარღვია, სადღაც გაიქცა, მერე ისევ მოვარდა და კვლავ წავიდა.

— გააფრინა, მგონია! — დაასკვნა არიქამ. — დავბრუნდე უნდა საავადმყოფოში, ან მე ვერ გავაცოცხლებ მაგას!

მართალის გული ჩაუვარდა, მიმოიხედა, ვინმემ ყური ხომ არ მოჰკრაო. ბრბოს სწრაფად გაარიდა. უკვე საავადმყოფოსთან უსაყვედურა:

— ენა გაქვს მომსპარი, სტალინზე ასეთი სიტყვებით...

— ყველა ადამიანი კვდება! — არიქამ შეისვენა, ყავარჯნებმა ილღიები ატკინა. — სტალინი კი არც მამა იყო ჩემი და არც ბიძა. მეწყინა, მაგრამ თავს ხომ არ მოვიკლავ. მე ჩემი გამჭირვებია!

— ხმამალლა მაინც ნუ იტყვი, ვინმემ რამე არ გიხიმანდროს! — დაუყვავა მართალიმ.

არიქა ამაზე გაუჩუმდა.

მართალიმ პალატაში შეიყვანა, წამოწოლისას შეეშველა.

არიქამ ამოხედა, უპეებში ცრემლი უბრწყინავდა.

— რად მინდა მე სტალინი, დამაკოჭლა და... — პირი კედლისაკენ მიაბრუნა.

მართალი ერთხანს დასცქეროდა, გულდამძიმებული გამობრუნდა.

რეპროდუქტორთან კვლავ ზღვა ხალხი იდგა, ლავრენტი ბერიას უსმენდნენ.

გრიშა ყოლბაიამ მოაბრაახუნა თავისი ხის ფეხი, მართალის ხელი ჩამოაყრდნო, შეისვენა.

— ხედავ, ყმანვილო, ეს რა დაგვემართა! — მაინცდამაინც დიდი დარდი არ ეტყობოდა.

უცებ ვავა ზარქუა გამოჩნდა. დაკარგულივით მოდიოდა. ხელებს ისე აცეცებდა, დაბრმავდა და გზას ვერ იგნებსო.

— ა, მართალი, შენა ხარ? — გაუცხოებული ხმით აღნიშნა, შებარბაცდა.

მართალიმ ხელი შეაშველა. მთვრალი ეგონა, მაგრამ ვავა ფხიზელი იყო.

— მეც სიკვდილი მომინდა, ბიჭო, სიცოცხლე მომბებრდა, — ყურში ხმადაბლა ჩასჩურჩულა.

ლავრენტი ბერია მძიმედ ლაპარაკობდა. სიტყვებს თითოთითოდ ისროდა, ყოველი სიტყვის შემდეგ ისვენებდა.

— აქედან წამიყვანე, თოდუას ბიჭო, მუხლები ვერ მიჭერს! — სთხოვა ვავამ.

მართალი შეებჯინა და ისე წავიდნენ.

— შენ გგონია, ამათ სწყინთ? — ჰკითხა ვავამ. — ესენი საკუთარ ბედს მისტირიან, საკუთარ ტყავს უფრთხილდებიან...

კიბეზე ძლივს ავიდნენ. ვავა მთლად მოირღვა, ოთახში შესვლისთანავე სკამზე დაეცა, მაგიდაზე დაემხო და მხრები აუცახცახდა.

მართალი უხერხულად იდგა, არ იცოდა, რითი დაემშვიდებინა.

ვავამ თავი ასწია, პირისახე საზარლად დამანჭოდა, თვალეები მშრალი ჰქონდა. ეტირებოდა და წვეთი ცრემლი არა სდიოდა.

— იქ არის! — კარადისაკენ მიუთითა. — გამოიტანე! კარადაში შინნახადი არყის ბოთლები იდგა.

— მოიტა, ყველა მოიტა!

— ბევრია...

— მოიტანე! — ჯიუტად გაიმეორა ვავამ.

ბოთლს საცობი კბილით მოაძრო და ჩაის ჭიქაში გადმოაპირქვავა.

სანამ მართალი ხმელა პურს მოძებნიდა, იმან გადაჰკრა და მეორეჯერ შეივსო.

— განა არ ვიცი, რომ კაცი უნდა მოკვდეს, სტალინიც ხომ მოკვდებოდა ოდესმე, მაგრამ ახლა რალა ვქნათ?! — ისე-

თი წუხილითა თქვა ვავამ. თითქოს სტალინი მხოლოდ მას მოკვდომოდეს და ამ მძიმე ტვირთს ველარ ეზიდებოდა.

მეორე ჭიქას მესამეც რომ მიაყოლა, თვალი დაებინდა, ენა დაება, გაუგებარი ლულული მორთო... ძლივს მიუხვდა მართალი, ვინა ხარო, ეკითხებოდა, ველარა ცნობდა... რევოლუციის დაძრობაც მოინდომა, მაგრამ ღონე არ ეყო და ძირს დაუვარდა.

მართალიმ სკამიდან გაჭირვებით აგლიჯა, ტახტზე გადაათრია და წამოაწვინა. არ გაუხდია, საბანი ისე წააფარა.

ვავამ პირი დაალო, სტვენით სუნთქავდა და ძილში ბორგავდა. მისი ყვითელი, ქოსა თავი ზიზღს ბადებდა.

მართალი დაიხარა, რევოლუციი აილო.

თვალნათლივ წარმოუდგა ეზოში შემოვარდნილი ტატარი.

„დედა, მიშველე!“ — შესძახა სასონარკვეთით ტატარიმ და ეკლის ღობეს მიაშურა. გაუკაფავი იყო ის ტიალი, მაღლა აძონძილიყო და გვიან მიხვდა, რომ ვერ გადაახტებოდა. შემობრუნდა და ვავა ზარქუას ტყვია ამ დროს მიენია...

ასნია მართალი თოდუამ რევოლუციი, დაუმიზნა ვავა ზარქუას უნარბო შუბლს და სასხლეტი მოსინჯა.

დამცველზე ეყენა... გადასნია დამცველი, ხელახლა დაუმიზნა...

ვავამ პირი მოკუმა, ახლა მშვიდად ფშვინავდა. მის გონჯ სახეს რალაც ბავშვური და მიამიტური დაეფინა... ამოიოხრა მართალიმ, რევოლუციი მაგიდაზე დადო და ბინიდან გავიდა, კარი გაიხურა.

რაიკომის წინ ისევ ისე იდგა ხალხი.

დურუ მოქაქანდა.

— სად დაიკარგე? — მღელვარედ ჰკითხა.

მართალიმ არაფერი უთხრა. ჩუმად მიეყრდნო ტელეგრაფის ბოძს და ყური სამგლოვიარო მარშს მიუგდო.

გული სევდითა და სინანულით ევსებოდა...

ზონას მუდამ ქუფრი გადაჰკრავდა. ცა გაცრეცილი და უფერული იყო. ტყეს ტყე არ ეთქმოდა. ჯუჯა ხეები სიცოცხლეს ებლაუჭებოდნენ და მშვენიერებისათვის ვერ იცლიდნენ. ბალახის მაგიერ მიწას ხავსი ეფინა. გრძელი და დაბალი ბარაკები ნესტსა და უამინდობას ერთიანად ჩაეშავებინა. ადამიანთა რუხ ჯოგს უსახური, ჭუჭყიანი და დაგლეჯილი ტანისამოსი ეცვა. პირისკანს სიყვითლე დასდებოდათ, ფერი სიკვდილისა, რადგან არსებობა აქ სიკვდილისა და სიცოცხლის ზღვარზე გრძელდებოდა...

ბერი ზაქარაიამ, სხვაზე გალელულმა და უღონომ, შიშისა და შიმშილისაგან უწონოდქცეული სხეული განძივით ატარა და სამგზის დალუპვას გადაარჩინა.

პირველად მაშინ, როცა პირუტყვის ვაგონში გამომწყვდეულმა ნელი და მტანჯველი ტაატით გადალახა რუსეთის ვრცელი სივრცეები... ვინრო ჭუჭრუტანიდან მხოლოდ ნაცრისფერ ველებს ხედავდა. ვაგონის სივინროვეში სუნთქვა ჭირდა. დასაჯდომი ადგილი არ ყოფნიდათ და რიგრიგობით ისხდნენ ჭუჭყიან იატაკზე. ჩარაზული კარი მრავალი დღე არ იღებოდა და იძულებულნი ხდებოდნენ იქვე, იატაკის ნაპრალში მოესაქმათ. ორ დღეში ერთხელ სარკმლიდან შემოუყრიდნენ ტალახიანი პურის ორასგრამიან ნაჭრებს და იმართებოდა ხელჩართული ბრძოლა საკუთარი სიცოცხლის გადასარჩენად. სუსტი ითელებოდა, ძლიერი ყოფიერებას იხანგრძლივებდა. ცოცხლებს მკვდრებისა შურდათ, მაგრამ სიკვდილი არავის ენადა. ერთი კვდებოდა და მეორეს უხაროდა, რადგან მისი წილი პური რჩებოდა იმ დღემდე, როცა ცივი ტრამალის კიდეზე ვაგონებიდან ცოცხლები მკვდრებს გადმოყრიდნენ, სახელდახელოდ ამოჩიჩქნილ საძმო სამარეში უთავბოლოდ ჩამარხავდნენ... დარწმუნებული იყო ბერი, მეც ასეთი ბედი მიწერიას, იქნებ მომდევნო დღეს, იქნებ ერთი კვირის შემდეგ... ძილბურანში ეზმანებოდა, რომ ჩანამქრულ საფლავეში ინვა, გაყინულ გვამებში ჩაჭედილიყო და ველარ იძროდა. უნ-

დოდა ეყვირა, მაგრამ გაყინულ ბაგეებს ვერ ხსნიდა და საშინლად იტანჯებოდა.

დროის ანგარიში საბოლოოდ დაკარგული ეგონა, როცა მატარებელი ტაიგისა და ტუნდრის ზღვარზე გაჩერდა. ღონემიხდილი პატიმრები კოლონებად დააწყვეს და თოვლიანი ველის კიდისაკენ გზას გაუყენეს. უზარმაზარი, რუხი კოლონა ჭუჭყიან ნაკადად დააჩნდა ქათქათა თოვლს... ყველამ ვერ გაიარა ტანჯვის ეს გზა, ყინულეთში ჩანვა და უმაღლესია მიიღო...

ჯუჯა არყითა და ფიჭვით დანინკლულ ტაფობზე მინაში ჩამჯდარი შავი ბარაკები გამოჩნდა და ბერი მიხვდა, ბენვის ხიდი განვლილი ჰქონდა.

სიცოცხლე არაფრად ფასობდა! ეს მაშინ გაიფიქრა, როცა დილაბინდზე წამოაგდეს, აყროლებული თევზის წყალწყალა ბალანდა აყლაპეს და ქვის კარიერზე თორმეტი საათით გარეკეს... სალ კლდეს წერაქვი რომ დაჰკრა, ჭახანი გაადინა და საკუთარ თავს უთხრა: „ვერ გავუძლებ!“ დიახ, ამას დევგმირიც ვერ გაუძლებდა... მძიმე, გაყინული ლოდებით მრავალგზის უნდა გაევესო ვინრო ლიანდაგზე დაყენებული ურიკა, ფრთხილად უნდა დაეგორებინა, ქვის სამტვრევის ხახაში უნდა გადაეპირქვავებინა და უკანვე, აღმართზე ამოეგორებინა... „ვერ გავუძლებ!“ — ფიქრობდა მისავათებული ბერი, მაგრამ ისიც იცოდა, ვინც ვერ გაუძლო, მეზობელ ხევში ეყარა; ტყიდან მგლის ხროვა გამოეყოფოდა სიბნელეს, ქვის სამტვრევი დანადგარით დამფრთხალი, მაგრამ შიმშილის ძახილს მინდობილი. ვინც ნადირის კბილს გადაურჩებოდა, ზაფხულს ელოდა, როცა ცა ყვავყორნებით დაიფარებოდა და ხევში მშრალი ძვალთა აქათქათადებოდა თეთრად...

სიკვდილისა არ ეშინოდა. იმ ხრამში გდებას წარმოიდგენდა თვალნათლივ. გვამებში ჩახერგილიყო თითქოს თვითონაც და მგლის კბილი აგლეჯდა ხორცს, ანდა ყორანი კორტნიდა და ამ ხილვისაგან ტანში ჰზარავდა...

გვიანდა აბრუნებდნენ უკან, ბნელ ბარაკში... ძლივს ლოღნიდა ქვადქცეულ პურის ნატეხს, აყოლებდა უშაქრო

ჩაის... ერთადერთი ფიქრი უტრიალებდა, დროზე მიეღწია ფიცარნაგამდე და თვალი მოეხუჭა...

უღონოდ მიგდებულს ვინმე უწვევრული ახალგაზრდა წამოადგა თავზე. ზონის კახპად იყო ეს ყმანვილი გადაქცეული, ვერავის ვერაფერს უბედავდა, ახლა კი გაყოჩაღებულიყო.

— შენ, ბიძა, მახორკა გექნება!

ბერიმ უკმაყოფილოდ ამოხედა, თავი გააქნია.

— მაშ, არა გაქვს? — ტუჩი გაანკლაპუნა კახპამ. — აქ ასე არ შეიძლება! მახორკას რომ გთხოვენ, უნდა მისცე! როცა მახორკა არა გაქვს, ფული უნდა დაყაჭო! თუ ფული არა გაქვს, ბათინკა უნდა გაიძრო! თუ ფეხზე ჯღანი გაცვია, პაიოკი უნდა დათმო!.. გესმის?

— თუ ესეც ვერ მოვახერხებ?

— მაშინ დიდი დრო აღარ დაგრჩენია, იზრუნე შენს სიცოცხლეზე!

— მომწყდი თავიდან! — ბერიმ პირი მიაბრუნა.

კახპა ამდენს ვერ გაბედავდა, იგი სხვისი მოგზავნილი იყო და ეს სხვაც მალე გამოჩნდებოდა.

ცოტა ხანიც და ქურდი ჟორა გამოემართა დარბაისლურად. მხრებზე დარდიმანდულად მოეგდო ბამბურა. გამორჩეული ცხოვრებით ცხოვრობდა ჟორა. ზონა მისი სახლი იყო და უფროსები, ალბათ, კეთილი თვალთ უყურებდნენ, რადგან არავის ახსოვდა, ვინმეს კარიერში წაეყვანოს, ანდა საერთოდ დაესაქმებინოს. თავის გადახოტვრასაც არავინ აკადრებდა, ხშირი თმა აღმა გადაევარცხნა და უღვაშებიც ბელადის სტილში დაეყენებინა.

— გლახადაა შენი საქმე, გეტყობა, ფეხებს მალე გაჭიმავ! — დიაგნოზი დაუსვა ჟორამ.

— ჰო! — გულგრილად შეეპასუხა ბერი.

— სიცოცხლე მოგძულეებია?

— ვიცე, სამშობლოში არავინ გამიშვებს, აქ კი დიდი ხანი არ მიწერია! — მხრები აიჩიქა ბერიმ.

— სადაური ხარ?

— ქართველი ვარ!

— ვაჰ, მართლა? არ გაგიგია, მეც რომ ქართველი ვარ? ჟორას ქართველობას კაცი ვერ დაიჯერებდა. ვინრო თვალეები აღმოსავლური ცბიერებით განგან მიჰქონდა. ყვრი-მალეები მალლა ამოსჩროდა. დიდრონი, მეჩხერი კბილეები ცხე-ნივით წინ წამოენია... დიდი ბელადი უყვარდა ჟორას, მკერ-დზე მისი პორტრეტი ამოესვირინგებინა და ქართველებშიც იმიტომ ჩაენერა. ერთხელ ყოფილა თურმე საქართველოში. „ტო“ და „კაცო“ აითვისა და არ ივინყებდა.

— მერეთში თუ ყოფილხარ? — ფიცარნაგზე შინაურუ-ლად ჩამოუჯდა. ბერიმ წამოინია, მაგრამ ჟორამ შეაჩერა: — ინეკი, ინეკი!

— იქაური ვარ!

— ვაჰ, მართლა? მაშ, ტუჩია დზიგუა გეცნობა ალბათ! ბერიმ გონება დაძაბა. ყურმოკვრით გაეგონა ვილაც ოხერ და წყალწაღებულ ბიჭზე, ბაზარი რომ აკლებული ჰქონ-და და ბოტანიკურში ყომარით ტოლსწორებს ფცქვნიდა.

— ბავშვზე ლაპარაკობ?

— მაგარი მასტია! — თქვა ჟორამ პატივისცემით.

— ჰო, კერკეტი კაკალია! — დაუდასტურა ბერიმ გულსგარეთ.

— დიდი კაცი გაიზრდება! საქმეზე ჩავედი და ისეთი პატივი მცა, მაშინვე ვთქვი, ძმაო, ეს ტიპი ქურდების პრაფე-სორი გახდებამეთქი!

— გონიერი ბიჭია! — სიტყვა შეაშველა ბერიმ.

— ჰოო! რაკი შენ ტუჩია დზიგუას ახლობელი ყოფილ-ხარ, ჩათვალე, გადარჩენილხარ! ამას იქით უბატონოდ ხმას ვერავინ გაგცემს!

ჟორა რომ გაშორდა, ზონის კახპა მოუცოცდა, მოეთ-ითლიბაზა:

— შენ, ჰეი, ბიძა, წელან გაგეხუმრე, ხომ მიხვდი... თუ გინდა, მოგანევიანებ!

— არ ვენევი!

— იქნებ სხვა რამე გინდა? — ჩაიხითხითა ყმანვილმა.

— მომწყდი თავიდან! — უბოროტოდ მიუგდო ბერიმ და კედლისკენ შებრუნდა.

(ტუჩია ძიგუას სახელმა და ქურდი ჟორას დიდსულოვ-ნებამ იხსნა იგი. შემდგომში, თოდუებთან, მოულოდნელად იკითხა ბერიმ:

— ტუჩია ძიგუა რასა იქმს, თუ იცით? მადლობა უნდა შევეუთვალი!)

რა ისეთ ძალას ფლობდა ქურდი ჟორა? მისთვის კანონი არ კანონობდა და განანესი არ ინერებოდა. მხრებზე ბამბურა-მოგდებული დააბიჯებდა ზონაში, დიდი ბელადის სტილში დაყენებულ უღვაშებში ჩაილიმებდა და ამ ღიმილში განაჩენი იკითხებოდა. ყველამ იცოდა, ეს განაჩენი საბოლოოა, გასა-ჩივრებას არ ექვემდებარება და ამიტომაც მორჩილებდნენ. „ესაა მისი სამფლობელო, — ფიქრობდა ბერი, — ვერსად სხვა-გან ის ვერ დაიდგამდა შესაფერ ტახტს!“

კვირის თავზე ბერი ზაქარაია კარიერში არ წაიყვანეს. ხელში ჩვარი და ვედრო ჩასჩარეს და ლაზარეთში გაამწესეს.

ეს იყო კირით შეთეთრებული, ნახევრადმინური შენო-ბა. ერთადერთი პატრონი ჰყავდა, დოსტაქარი ილია ილიჩი, რომლის მორჩენილი ავადმყოფი ქვეყანაზე არავის ენახა. ვინც ლაზარეთში შემოვიდოდა, უკან საკაცით თუ გაიტანდ-ნენ და პატიმრებს კარიერში წასვლა ერჩივნათ.

პალატები უმთავრესად ცარიელი იყო და ბერი შეუდ-გა იატაკის ხეხვას. ილია ილიჩი თავის კაბინეტში მარტოკა იჯდა, მარტოობის სევდას სამედიცინო სპირტით იქარვებდა.

— მიყურე მე შენ, — მთვრალის აჩემებულობით დაე-მუქრა ბერის, — კარგად იმუშავე, თორემ მარილწყლის ოყ-ნას გაგიკეთებ!

ბერიმ მორჩილად დახარა თავი. ეს ჩვარი და ვედრო გადარჩენის შანსს აძლევდა და ამიტომაც საქმეს გულმოდ-გინებას არ აკლებდა.

ერთ დღეს სენაკივით ვინრო და ბნელ პალატაში შეიხე-და. ეგონა, აქ არავინ არისო, ნიავივით სუსტი ჩურჩული კი მოესმა.

— ძია!

ქართულმა სიტყვამ შეაკრთო ბერი, გული უცნაურად შეუხტა.



სანოლზე ფერმკრთალი, ლამაზი გოგონა იწვა. გამ-  
ხდარი, წვრილი მკლავები მკერდზე დაეწყო. ცარიელი თვალე-  
ბილა შერჩენოდა, ვედრებით შემოჰყურებდა და აჩქარებით  
სუნთქავდა.

— ძია, მე ქალთა ბარაკიდან მომიყვანეს, მაია მქვია!

— ჰო, მაია, შვილო!.. — შუბლზე ხელი დაადო ბერიმ,  
გოგონა სიცხისაგან იწვოდა.

— მივხვდი, რომ ქართველი იყავი... ზონაში ორმოცამ-  
დე ქართველია... — ჩაიჩურჩულა ავადმყოფმა. — ალბათ ქურ-  
დი გგონივართ, არა?..

— არა, გენაცვალე, — დაიბნა ბერი, — დანყნარდი, მე  
ექიმთან წავალ და წამალს გამოვართმევ!

— რა საჭიროა, — გულდანყვევით თქვა გოგონამ, —  
ვიცი, მოვკვდები... მინდა, იცოდეთ, რომ ქურდი არა ვარ...  
იცით, მე მეთექვსმეტი ვარ. ალბათ ცუდი საქმე ჩავიდინე,  
თქვენ უნდა გაგიმხილოთ... თანაკლასელი შემიყვარდა...  
ოღონდ ნუ დამცინებთ, რა ვქნა, შემიყვარდა და... იმან კი ხელი  
მკრა... იმ დღეს თითქოს გონება დამიბნელდა, მინდოდა, თავი  
მომეკლა. საკონტროლოს ვწერდით და კალამი გამექცა, მზიან  
დღეს მილამდებამეთქი, ასეთ სიცოცხლეს სიკვდილი მირ-  
ჩვენიამეთქი... მასწავლებელმა დამასმინა, ჩემი ნაწერი ჩე-  
კას მიურბენინა...

ბერის გული მოეწურა. არ იცოდა, რითი ენუგემებინა  
საბრალო გოგონა.

— ნუ გეშინია, შენნაირ პატარა გოგოს ანგელოზები  
მფარველობენ! — ეს სიტყვები გულწრფელადა თქვა, გრძობ-  
და, მაღალი ნება კარნახობდა სწორ სიტყვებს.

— ათი წელი მომისაჯეს! — ხმა ჩაუვარდა გოგონას,  
უპეზე კურცხალი დაუგროვდა. — ვიცი, მოვკვდები... ათი წე-  
ლი იმოდენა დროა...

— შვილო... — ხმა აუთრთოლდა ბერის.

— ძია, გეხვეწები, როცა დამმარხავენ, პერანგს ნუ  
გამხდებინა... მრცხვენია...

„ღმერთო, ღმერთო!..“ — მზერა მაღლა აღაპყრო ბერი  
ზაქარაიამ, უსაშველო სევდა და ტკივილი დაეუფლა...

(შემდგომში, თოდუების სახლში, სიცხიანს, სიზმარში  
ცის ანგელოზი გამოეცხადა და საყვედური უთხრა: „ძია, რა-  
ტომ არ შეინყნარე ჩემი ვედრება?!“ ბერი ზაქარაია ძილში  
ტიროდა და თავის გასამართლებელი სიტყვები ველარ ეპოვა).

30

ზონის უსახური ყოველდღიურობის მტანჯველი მდი-  
ნარება მოჩვენებებს ბადებდა, თითქოს ნისლის სიმქრქალე-  
ში შემზარავი ურჩხულები მოცურავდნენ... ერთადერთი მანა-  
თობელი ვარსკვლავი, ერთადერთი ნიშანი სიცოცხლის არსე-  
ბობისა, თექვსმეტი წლის ნატაშა იყო... ნატაშა რასტოვა —  
ასე შეარქვა თავის ფიქრში ბერი ზაქარაიამ... იგი კაშკაშებდა  
ამ ბნელ გარემოცვაში, რაიც შედგებოდა რუხი და ჭუჭყიანი  
ჯოგისაგან სიკვდილთან წილნაყარი მამაკაცებისა, უსაკონ-  
იც რომ ბერიკაცებს დამსგავსებოდნენ, ბოროტი და სასტიკი  
ზედამხედველებისაგან და ლიპგადმოგდებული, ლაბაბიანი  
კომენდანტისაგან, რალაც თათრულრუსულის ნაჯვარს რომ  
ჰგავდა (ნუთუ ამ ღორის ამაზრზენ წიაღში უნდა ჩასახულიყო  
ეს ვარსკვლავეთის ასული?).

იგი ცხოვრობდა ზონის კუთხეში, ადმინისტრაციული  
შენობის გვერდით წამოჭიმულ კოხტა ფინურ კოტეჯში, რო-  
მელსაც ზონიდან ჰყოფდა მავთულხლართები, კოშკურები,  
შაშხანიანი ჯარისკაცები და ადამიანებზე დაგეშილი ქოფაკე-  
ბი... მისი ტოლ-სწორი აქ არავინ იყო და მონყენილი გოგონა  
ზონაში ეძებდა გასართობს. ყასბად დაბადებული მამიკო,  
გულქვა და შეუბრალებელი, მხოლოდ შვილის წინაშე დნებო-  
და და დუდღუნით ეხვეწებოდა: „ნატაშა, გეთაყვა, საშიშია,  
ისინი მკვლელები არიან, იქ ნუ მიდიხარ!“ თავგადასავლების  
მადიებელი ქალიშვილი კი ჯიუტად დახრიდა თავს და ქერა  
კულულებს ისე შეარხევდა, თითქოს მამას რქენით ემოქრე-  
ბაო (ოქროს კულულებით! შიგ მინავლებული მზის სხივი ჭია-  
ტობდა და ვერცხლი ციგლიგებდა!).

მართლაც საშიში იყო ეს გასეირნება. თითქოს ოქროს ლარი ჩაეგორებინოს ვინმეს ქურდების წრეში. ხანგრძლივი ზამთრის ყინვიან ქარბუქში თუ მოკლე ზაფხულის ხუთვაში, როცა ჰაერი კოლოთი და ქინქლით ივსება, ადამიანი ერთი წუთიდან მეორე წუთამდე თანდათან კვდება, მან იცის, რომ დღეს თუ არა, ხვალ, ზეგ მაინც ჩაიზილება ტუნდრისპირეთის ჭაობში, ან ქვის კარიერის მოსლიპულ კედელს ჩაჰყვება, ანდა ყინულის ხაროში ჩაიჭედება, რათა გაზაფხულის ჭუჭყიანმა ნაკადულმა წაილოს... აი, ამ დროს ერთადერთი სინათლე ამ ფერიას გაელვება იყო და რა გასაკვირია, ვინმეს ხელი წასცდენოდა, სიკვდილთან შეთამაშება გაებედა...

ნატაშას ხელში სახრე ეჭირა და მონყენილობის წამალს ეძებდა. ადამიანი ადამიანით ერთობა, მაგრამ გოგონა ირგვლივ ადამიანებს ვერ ამჩნევდა. ზონაში ავი ქოფაკები იღრიანებოდნენ და კაცობადაკარგული ლანდები დალასლასებდნენ. ნატაშას ერთნიც ეზიზღებოდა და მეორენიც. ვერ იტანდა სამხედრო ფორმას, შინელსა და ბამბურას, ლორითა და არყით გაფიჟვინებულ სიფათებს, კანტორშიკებს, ზედამხედველებს, ბადრაგს... „ბინძურები!“ — ზიზღით ებრიცებოდა ლამაზი ტუჩები. მაგრამ იგი ვერ იტანდა დაჩიავებულ რუხ ბრბოსაც, პირზე მინისფერი რომ დასდებოდათ და ჩინოსანთა თვალის დაბრიალებაზე მრავალგზის კვდებოდნენ. „ბინძურები!“ — ამათაც ამგვარად აფასებდა... ისე წამოიჩიტა, სხვანაირი ადამიანები არც ენახა.

დასეირნობდა ნატაშა ზონის ჭუჭყიან ბილიკებზე, ხელთ სახრე ეპყრა. გზისპირა თოვლს ყვითელი ნაჩვრეტები აჩნდა, გულისამრევი კვალი შარდისა, მაგრამ გოგონა ამას ვერ ამჩნევდა, რადგან გულის სიღრმეში ზღაპრის გმირს ეძებდა და ველარ პოულობდა... ხანდახან ბადრაგის ჯარისკაცს შეეფეთებოდა, მხედრულ სალამს მისცემდნენ — „Привет, Наташа“ გოგონა პირს მიაბრუნებდა, სალამზე პასუხს არ აძლევდა... ხან კი ნაცრისფერ ლანდს გადააწყდებოდა, უკბილო პირით ღიმღის რომ შეაგებებდა, თვალითა ჭამდა, თან გაუბედაობისა და შიშისაგან მიწამდე იღრიკებოდა... ინსტინქტით გრძნობდა

ამ დაღუპულ არსებათა ქვენა ლტოლვას, რაიც მის სინმინდეს ბლალავდა. ნატაშას ზიზღი მოანვებოდა და შეურაცხყოფილი და გაბეზრებული ლანდს სახრეს მწარედ გადაუჭერდა.

იმ დღეს ბერის წამოენია. კაცი ზურგით იდგა და გზა დროულად ვერ გაუთავისუფლა. მხოლოდ მაშინ შემოტრიალდა, როცა სახრემ გადაუშხუვლა — „Прощай!“ თოვლში გადააბიჯა, ჩეხოვისებური, სათვალისანი, ბეცი თვალებით ლმობიერად შეხედა.

— ნატაშა რასტოვა ასე არ მოიქცეოდა!

— ჰმ! — გამოსცრა ნატაშამ. ჩეხოვის სურათი სახელმძღვანელოდან ახსოვდა. იმ მიგდებულ სახელმძღვანელოში ტოლსტოის სურათიც ეხატა, მაგრამ რაკი სქელტანიანი წიგნები არასოდეს წაეკითხა, თავის სეხნიაზე არაფერი სმენოდა. გზა განაგრძო, თან ეს სახელიც წაიყოლია — „ნატაშა რასტოვა!“

ეს მოხდა კვირას, ერთადერთ დღეს, როცა გვიანი ბალანდის შემდეგ პატიმარს ორიოდე საათი რჩებოდა სულის მოსათქმელად... არადა, თითქმის თვე გავიდა, რაც ლაზარეთიდან გამოაგდეს. ისედაც უხვი წყალობა გადმოსდინდა ბერის თავზე იმით, რომ მცირე ხნით ჩვარი და ვედრო ეჭირა, ლაზარეთის იატაკს ხეხავდა... მერე შიშს გადააბიჯა, დოსტაქარს აბი სთხოვა, პატარა გოგონა სიცხისაგან ინვებო... ილია ილიჩს სპირტის საკმარისი დოზა ჰქონდა მიღებული. თითი მუქარით დაუქნია, ესე იგიო, უთხრა, შენ ავადმყოფებს ეჩურჩულეობი და ბერის კვლავ კარიერში უკრეს თავი... დილის ხუთი საათიდან სალამოს ათ საათამდე პროჟექტორებით განათებულ, კიბოს მეტასტაზებით შეჭმული კლდის ძირას, როცა მოკლე დღის მქრქალ გაელვებას ადამიანი ვერც კი შეამჩნევს, ნიჩბითა და წერაქვით ღრღნიდა ბერი მარადიულ ლოდს, ჟანგიან ურიკას ტვირთავდა... „იქნებ უკვე მოვკვდი და ყოველივე ეს ჯოჯოხეთში ხდება? — ფიქრობდა ხანდახან. — როგორ გამეპარა წამი, მერეთის მზიანი სანახებიდან რომ ამომგლიჯეს და დახუთულ ვაგონში ჩამჩურთეს!“

ასე გაგრძელდა მრავალი, გრძელზე გრძელი დღე, არც ერთი არ გამოიჩინოდა სხვა მსგავსი დღისაგან, როცა ქანც-განყვეტილი ძლივს აგნებ შენთვის გამოყოფილ ცივსა და ნეს-

ტიან ფიცარნაგს, ძილბურანში მიეგდები. თოში ძვალში გატანს, ძილშიც ველარა თბები, ვერ გეხულობ, საერთოდ ხარ თუ არა ხარ. სიზმარიც შავი, ბურუსიანი, მტანჯველი გენვევა, ცხადის გაგრძელებაა, უწყვეტი კრთომით გაჯერებული, იმის შიშით, რომ დრო ილევა, უღიმღამო, ჭუჭყიანი დილა საცაა მოაღწევს და მრისხანე შეძახილი — „Подем!“ წამოგადებს... ქოფაკების ღრენაში, ბოლმიანი გინებით ყინვაში გაგდებენ და სულ სირბილით, სულ სირბილით — წუთი საპირფარეოში, წუთი უფერული ჩაის დასალევად, ასგრამიანი ცომის გუნდის შესასანსლად და კვლავ ღორღიანი გზა კარიერისაკენ, სადაც ერთი ადგილიდან მეორეზე უსასრულოდ ეზიდებიან ქვას, რომელიც მერე არსად არავის მიაქვს, რადგან ჯოჯოხეთის წრემ ერთ ადგილას უნდა იტრიალოს.

ერთხელაც, როცა ბენვი კინალამ განწყდა, მეტს ვერ გავუძღებო, გაიფიქრა, ქურდმა ჟორამ თვალი ჩაუკრა — „ხვალ კარიერში აღარ ნახვალ, სამზარეულოში ქვაბების სახეხად დაგტოვებს!“ ყურებს ძლივს დაუჯერა. ნეტა რომელი ლურჯი ციდან ჩამოუშვეს ეს ახალი ჯილდო? „ასე ვიცით ჩვენ, ზემლიაკებმა!“ — უღვაშებში ჩაიღიმალა ჟორამ... მართლაც რომ! ქურდის წყალობით ედგა ბერის სული და მადლობის მეტი რა ეთქმოდა... უზარმაზარი, შავად გაზინთული ღუმელის კედელს ზურგით მიყრდნობილს ხერხემალში სითბომ დაუარა და მიხვდა, ჯოჯოხეთური ტანჯვის მიუხედავად სიცოცხლე მაინც გრძელდებოდა...

მთელი კვირა ახრიგინებდა თუჯისა და ალუმინის ვეება ქვაბებს, წლობით რომ ზინთი და ჭვარტლი ჩასჭედოდათ და ვერა ძალა მათ ვერ გაათეთრებდა... მცდელობა მაინც არ დაუკლია, სული კინალამ გადააყოლა.

მოულოდნელად კომენდანტი წამოადგა თავზე. კვირას ნატაშას სახრე რომ იგემა, მაშინვე გაიფიქრა, ეს ასე იოლად არ ჩამივლის, მგონი ჩემი გრძელი ენა მღუპავსო. აგერ აუხდა კიდევ! კომენდანტს კიტელი ღიპზე ასკდებოდა, ლაბაბი საყელოზე გადმოჰყვნოდა. ტახივით დაიხრუტუნა, ახედდახედა წვრილი თვალებით, რომლებიც თავისი შეორთქლილი სათ-

ვალიდან მის ქონიან, გაფიჭვინებულ სახეზე ძლივს აღმოაჩინა ბერიმ.

— ესაა? — მხლებლებს დაეკითხა კომენდანტი.

სტაცეს ხელი და წინ გაიგდეს. უნდოდა ეკითხა, რა დამიშავებიაო, მაგრამ იცოდა, წინააღმდეგობას აზრი არ ჰქონდა და დამორჩილდა.

ცხელ აბანოში ჩაკეტეს, ჯაგრისი და საპნის ნაჭერი შეუგდეს.

ეს იყო გაუგონარი ფუფუნება. პატიმრებს თვეში ერთხელ თუ დაბანდნენ. სახანძრო შლანგით მიუშვერდნენ ნელთბილ წყალს, ტიტლიკანა ბრბოს ტანზე მიმხმარ წვირს ჩამორეცხავდნენ, ძონძებს ორთქელში გაუტარებდნენ მკბენარების მოსასპობად და არავის ედარდებოდა, ამგვარ აბანოს ზედ ფილტვების ანთება თუ დაერთვოდა.

იხება და იხება ცოდვილი გვამი ბერი ზაქარაიამ. ცოდვილი იმიტომ, რომ ღმერთმა სიყვარულისათვის უბოძა იგი, მან კი ვერ გამოიყენა. ოდესღაც ბედნიერების ოქროსთმიანმა მზეჭაბუკმა საყვირი ჩაჰბერა, ხოლო ბერიმ ველარ გაიგონა მონოდების ხმა, რადგან სმენა შიშმა და სიმხდალემ დაუხშო. ახლა, ცხელი ჭავლის ქვეშ, ტანზე რომ დაიხედა, თვითონვე გაუკვირდა. ამდენი შიმშილისა და წამების შემდეგ ჯერაც შერჩენოდა ადამიანის ფორმა, თუმცა აქამდე ეგონა, ცარიელი ძვალილა დავრჩი, სული მალე გამეპარებო.

აბანოდან გამოსულს სუფთა შარვალხალათი და ფეხსაცმელები დაახვედრეს. ასე აქ არავის ანებივრებდნენ და შიმნარევი ეჭვებისაგან თავბრუ დაესხა.

გამოკოხტავდა ბერი ზაქარაია და სადალაქოში მიაბრძანეს. ბლაგვი სამართებლით პირზე ჯაგარი ჩამოფხიკეს და კაცმა საკუთარი თავი ვერ იცნო. გაბზარული სათვალისაგან საკმაოდ სანდომიანი მამაკაცი იყურებოდა.

„უფალმა თუ არ გაგიმეტა, ჯოჯოხეთსაც გადაურჩები!“ — გაიფიქრა, პირჯვრის გადანერა კი ვერ გაბედა.

კაბინეტში შეიყვანეს. კომენდანტი სავარძელში ტომარასავით იდო. წვრილი თვალებით ახედა.

— ისტორიკოსი ხარ, ხომ?



- დიას!
- მასწავლებლობა თუ შეგიძლია?
- პროფესიით პედაგოგი ვარ!
- ჩემი გოგო ხომ გინახავს?
- დიას!
- იცი შენ, რომ სკოლა აქ არა გვაქვს და ბიბლიოთეკა.

— კომენდანტის ხმაში მამობრივი სითბო გაკრთა. — ბავშვი გამიტუტუცდა. არადა, დედით ობოლია, გვერდიდან ვერ ვიშორებ. ამიტომაც ვერ ვაგზავნი დიდ მინაზე... ცალკე ოთახი გექნება კოტეჯში. ნუ დაივიწყებ, რომ პატიმარი ხარ. ის ოთახი იგივე საკანია. გამოხვალ და ტყვიას მიიღებ, გაქცევის მცდელობად ჩაგეთვლება. ნატაშა თვითონ მოგაკითხავს, როცა მეცადინეობა მოესურვილება...

სარკმელს გარედან გისოსი ეკეთა. შუშები თეთრი საღებავით იყო დაფარული. ვინც აქ ადრე ცხოვრობდა, ერთგან საღებავი ამოუფხაჭნია და ჭუჭრუტანიდან მოჩანდა მავთულხლართები, კოშკურა, ბარაკის შავი კედლები და ნაწილობრივ ეზოც.

კუთხეში მომცრო ტახტი იდგა, სარკმელთან მაგიდა და ორი ტაბურეტი, ალბათ მასწავლებლისა და მოსწავლისათვის.

ბერიმ თავი სამოთხეში იგრძნო. შეეძლო გემრიელად გამოეძინა თბილ და მშრალ ოთახში. ჭუჭრუტანიდან არავინ უთვალთვალედა. პატიმრის სალაფავის ნაცვლად საჭმელი ადმინისტრაციის სასადილოდან მოსდიოდა. ესაა, ხანდახან დაასაქმებდნენ, ოჯახის ფარეშობას აჰკიდებდნენ. დერეფანი უნდა დაეგავა, შეშა და ქვანახშირი შემოეტანა, ანდა სათლებით წყალი. დილაუთენია ცეცხლი უნდა დაენთო, გვიან ღამე კი ნაცარტუტა გამოეხვეტა... ასეთი შრომა სულაც არ იყო მძიმე, პირიქით, სახალისოდაც ეჩვენებოდა.

ნატაშა პირველსავე დღეს გამოცხადდა. შინაურულ „სარაფანში“ იგი უფრო უნლოვანი და უცოდველი ჩანდა. ტან-

კენარი გოგონა იყო, შხვართ ფეხებს მოუსვენრად აბაკუნებდა იატაკზე, ცმუკავდა... ახალგაზრდული მხურვალეობით პირთამდე ივსებოდა, სისხლს ვერ იოკებდა. მკერდი გამომწვევად ეჭირა, არავისი ხელი ჯერაც არ შეხებოდა და მოლოდინის თრთოლვა შიგნაღმრთო ჩაბუდებულიყო. მის თვალეში ქალურ მონოდებას გაუთვითცნობიერებელი სისასტიკე ენაცვლებოდა. შუბლი ეჭმუნებოდა, რაკი ფიქრი უჭირდა და საკუთარი უსუსურობა მრისხანებაში გადაეზრდებოდა. ცხვირის თხელი ნესტოები შეუთრთოლდებოდა ხოლმე, ლოყებიდან ყურისძირებამდე სისხლი მოასხამდა. ბაგე ეხლიჩებოდა, თითქოს იხვენებო — „ნუჟე, ნუ!“ თუმცა ამავდროულად ბავშვური გულუბრყვილობით ცდილობდა დაემალა სურვილი, რაიც ისედაც პირზე ენერა.

ასეთი დაუდეგარი, მოუთმენელი მონაფე არგუნა ბედმა სიჭარმაგეში შესულ ბერი ზაქარაიას. აქამდე ხომ მარტოკაცის გაუსაძლისი ყოფით იცხოვრა. სიყმაწვილის ჟამიდან მისი გული ქალის ტრფობას არ აუძგერებია. მეცნიერულ შტუდიებში ჩაფლულ ქალადის ჭიად ქცეულიყო, მარად თანამდევი შიშს დაეძაბუნებინა... ალბათ ამ შიშმა გაუხანგრძლივა ყოფიერება, მაგრამ ახლა ზონის ქურუმ ბნელეთში ქალწულებრივმა გამონათებამ მიახვედრა, რომ დროის ხანგრძლივობას ფასი არა აქვს, თუ მას ბედნიერებაც არ ახლავს... სევდა დაეუფლა ბერის, მისტიროდა დაკარგულ წლებს, მოისურვა თვალი აეხილა ამ პატარა, უჭკუო გოგონასათვის, ეთქვა, გეთაყვა, ჩემო ანგელოზო, შეისხი ფრთები და გასცილდი ჯოჯოხეთის ამ ბნელ და ჭუჭყიან კარიბჭეს, გაფრინდი მზიანი სამხრეთისაკენ, სადაც მარადმწვანე პალმების ფონზე ლურჯი ზღვა ლივლივებს, სადაც შავგვრემანი ჭაბუკები ნაბლისფერ ცხენებზე შემოგისვამენ და ტყიანი მთებისაკენ გაგიტაცებენ...

ნატაშა ველარ მიუხვდა ბერის ფიქრთა მდინარეებს, თავი გააქნია და ჭირვეულად იკითხა:

— აბა, მითხარით, ნატაშა რასტოვა როგორ მოიქცეოდა?

— დაჯექი! — მხარზე ხელი დაადო ბერიმ, ტაბურეტზე დასვა. ხელისგული თითქოს აენვაო, ქალიშვილის მხურვალეობამ ელვასავით გაჰკრა. ხელი ცივად უშვა, ვინრო ოთახში



ბოლთას მოჰყვა და ხმაგაბზარულმა დაიწყო ამბავი ნატაშა რასტოვას პირველი მეჯლისისა.

მსგავსი რამ აქამდე არა სმენოდა ზონის ნატაშას, არც უფლისწულისა და კონკიას ზღაპარი იცოდა, არც რომეოსა და ჯულიეტას სიყვარულის ამბავი... თვალეგაფართოებული შეჰყურებდა ბერის, ბაგეები საყვარლად გახლებოდა. ხანდახან გაბუშტულ, წითელ ტუჩზე ენის წვერს მოისვამდა, იგრილებდა... კაცს სურვილი კლავდა, შეხებოდა ამ ბაგეებს, თუმცა თვითონვე აფრთხოდა ეს უნებლიე ფიქრი, სირცხვილის აღმური სდიოდა, საძრახისად მიაჩნდა, საამისოდ თავს ბერიკაცად თვლიდა...

— რამდენი წლისა იყო ანდრეი ბალკონსკი?.. პიერი?.. ნატაშა?..

პასუხი რომ მიიღო, გაურკვეველად დასძინა — „აჰა!“

კაცი ფიქრში დიდხანს უტრიალებდა ამ „აჰას“, ვერ მიმხვდარიყო, რისი თქმა სურდა გოგონას, რა ენადა...

შიშისა და დანაშაულის გრძნობა ტანჯავდა ბერის. თითქოს მალლიდან ვიღაცა გადმოჰყურებდა, თითოს საყვედურით უქნევდა, ლალატს უკიჟინებდა... ვერ გაეგო ვის ლალატობდა... თუ ამას ლალატი ერქვა, ბერი ზაქარაიამ მხოლოდ საკუთარ თავს უღალატა, საკუთარ მრწამსს, არსებობის მიზანს, რაიც მამამისმა, ცხონებულმა სოლომონმა სახელშივე მიუნიშნა, ოლონდ ცხოვრება ისე გალია შევიღმა, ვერა და ვერ ამოხსნა მამის ქარავმა, თუმცალა ბერის ბედობლით კი იცხოვრა.

ასე გრძელდებოდა მონაფისა და მასწავლებლის ურთიერთობა. ნატაშას არც წერაკითხვა უყვარდა, არც ხატვა, არც მათემატიკა და მისთანები ხიბლავდა. იჯდა და გაფართოებული თვალეებით მისჩერებოდა ბერის, უსმენდა ათას ერთი ღამის ზღაპარს, რომელიც იკინძებოდა ბერი ზაქარაიას მიერ ნაკითხული წიგნებიდან, სადაც მუდამ ტრიალებდა ტრაგიკული სიყვარულის ვარიაცია და ერთხელაც ქალიშვილმა წარბები შექმუნა, თვალი გაუსწორა და მიახალა:

— გაფუჭებული!

ბერი აირია, შიშისაგან გული ჩაუფარდა. ეგონა, გოგონა წამოხტება, ტახვიტ გასიებულ თავის მამიკოს მოუხმობს

და ენადგაკრეფილ მასწავლებელს კვლავ კარიერში უკრავენ თავს, საიდანაც ცოცხალი ვერც დაბრუნდება, ცხადია.

— ნატაშა, ძვირფასო! — ძლივს ამოისუნთქა კაცმა.

— ისეთ რამეებს მიყვებით... — გოგონამ მოწყვეტით, შეთქმულივით ჩაიციხა, ტუჩზე თითი მიიღო. — მამიკომ არ გაგიგოთ... მეკითხებოდა, რას გასწავლისო, პარტისტორიას და არითმეტიკასმეთქი...

— ნატაშა, ძვირფასო! — აღულლულდა ბერი.

— ძვირფასო, ძვირფასო... — გამოაჯავრა გოგონამ და ოთახიდან გაფრთხილდა.

ბერი ადგილზევე დარჩა. გაოგნებული იჯდა ტახტზე. ერთხელაც გაიარა ბენვის ხიდზე, გადარჩა... სიფრთხილეს მოუხმო.

მომდევნო დღე თითქოს არ განსხვავდებოდა სხვა დღეებისაგან. სარკმლის ჭუჭრუტანას გარედან ჭუჭყიანი ნისლი მოეფინა, იმის მიღმა ძლივს ილანდებოდა ახლო ბარაკის სველი სახურავი... კომკურაზე გუშაგი იდგა. ეზო ცარიელი იყო, სინყნარე დაგუბდა... აგერ დერეფანში ფენსაცმლის ბაკუნი ისმის. ეს ნატაშას ფეხის ხმაა, აქეთკენ მოიჩქარის... ბერი ტახტზე ჯდება, უჭირს თრთოლვის დაოკება... მუხლებზე ხელებს აჭერს, თავს ითოკავს.

კი არ შემოვიდა, შემოფრინდა ნატაშა, კარი მიიჯახუნა, ზურგით მიაწვა.

— მამიკო წავიდა, სალამომდე არ დაბრუნდება!

ბერი უმწეობამ შეიპყრო. იგი სათამაშოა ამ გოგონას ხელში, მისით ერთობიან, თვითონ კი თავდაცვის არანაირი ღონე არ გააჩნია.

— დაჯექი, ნატაშა!

ტახტურეტზე ანიშნა. გოგონა დაჯდა, თითქოს ეკლებზეაო, ცმუკავდა. ბერიმ აღვირი ამოსდო გულისთქმას, ხმას სიმტკიცე შესძინა და ხმადაბლა დაიწყო თხრობა იმაზე, თუ რა ჭკვიანი ბავშვი იყო ვალოდია ულიანოვი და როგორი ფრიადოსანი — სოსო ჯულაშვილი... არ დავიწყებია ბელადების ბავშვური ონავრობანი, თუმცა ამ ეშმაკობებშიც იმთავითვე გონიერება და სიღარბაისლე იგულისხმებოდა.

— თექვსმეტი წლის ვალოდიას თუ ჰყავდა შეყვარებული? — ფიცხად იკითხა ნატაშამ. — ან სოსო ჯულაშვილს, როცა ის თექვსმეტი წლისა იყო?

ბერიმ მხრები აიჩჩინა.

— ნატაშა, ძვირფასო...

— ძვირფასო, ძვირფასო!.. — გაანჩხლდა მოულოდნელად გოგონა. — რომელი თქვენი „ძვირფასო“ ვარ! ნატაშა რასტოვას მადარებთ, ალბათ დამცინით! ის სასახლეში ცხოვრობდა, ლამაზ კაბებს იცვამდა, ირგვლივ თავადები ეხვივნენ, ხან ერთთან ცეკვავდა, ხან მეორესთან... მე კი ამ ჯურღმულში უნდა მოვკვდე... დედაც არა მყავს... თქვენ კი... თქვენ კი... ბებერო სულელო! — და უცებ ცრემლი გადმოყარა.

ბერის გული დაწყდა. მართლაც „ბებერი სულელია“, პატარა, უჭკუო გოგონაზე უგვანი ფიქრები რომ იკადრა! ეს ბავშვიც ხომ მსხვერპლია თავისი ბედისა, ესეც პატიმარია, ვერსად გაექცევა ამ ჭუჭყსა და სიბნელეს, მისი სიყმანვილე ამ ჭაობში უნდა ჩაიფერფლოს, ქურდებსა და მკვლელებს შორის და იქნებ ვერც ვერასოდეს იხილოს ფერადოვანი სამყარო, ბერი ზაქარაიას წარმოსახვამ და მონაყოლმა წიგნებმა რომ დაუხატეს...

— ნატაშა! — ბერი მის რბილ, ოქროს კულულებს შეეხო, გაუბედავად გადაუსვა ხელი.

გოგონა უცებ ნამოინია, ტაბურეტიდან მოსხლეტით ბერის მუხლებზე გადმოინაცვლა და ტირილით ჩაეხვია. გაოგნდა ბერი ზაქარაია, თავზარი დაეცა, ნამით გაშეშდა, მაგრამ სიცოცხლეში ერთადერთჯერ გადმოგდებულ ჯილდოს ხელი ველარა ჰკრა...

— ყველა რუსი ერთნაირი როდია! — მრავალი წლის შემდეგაც სევდა გაკრთებოდა ბერი ზაქარაიას ხმაში. — ზოგი

ტოლსტოის და ტურგენევის გმირია... რუსი ინტელიგენტები, დახვეწილი სულიერებითა და ფართო გონებით... მაგრამ რუსული ბრბო, ნაჯახით შეიარაღებული ბოროტი სტიქია...

ვერა ხვდებოდნენ მისი მსმენელები, რისი თქმა ენადა ბერის, რა ანუხებდა, გულს რა ცეცხლი შემოენთებოდა.

სენი სჭირდა განუკურნელი — შიშისა და ვერა და ვერ დაეძლია ბოლომდე.

„ჩაიფსი, ბიჭო, ბერი!“ — ქირქილებდა მარადი ქოსა ძღვიბია და ეს ხმა ფეხდაფეხ მოსდევდა, კუბოს კარამდე უნდა მიეცილებინა.

გარეგნულად დახვეწილი ინტელიგენტი, შინაგანად უწყვეტ თრთოლვასა და სისველის გრძნობას შეეპყრო.

მხოლოდ მაშინ, ზონის ბნელ ყოფიერებაში აკაშკაშდა გრძნობა, რომლის გამხელისა საკუთარი თავის წინაშეც ვერ ბედავდა.

ქალაღდის ჭიამ ოდესღაც, სიჭაბუკეში მართას ვერ შეჰბედა, ვერ გაუმხილა გაუმხელელი, გულში ჩაიმარხა და დააგვიანა... მართა ისე ჩავიდა მინაში, ვერაფერი გაიგო... კაცს კი გულისტკივილი მიუყურდა, მიუნელდა, ხანდახან თუ შეახსენებოდა, მსუბუქად გაკენწლავდა. ბერის არსებაში ადგილი არ დარჩენილიყო გრძნობისათვის, რითაც სავსეა მის მიერ ათასჯერ წაკითხული წიგნები, რადგან მასში მუდამ ბატონობდა სულ სხვა გრძნობა — ყოვლისმომცველი და დამთრგუნველი შიში.

ამიტომაც ვერ მოიცალა სხვა ქალისათვის, ამიტომაც ჩაიკეტა კვერცხის ნაჭუჭში — პალიმფსესტში, რომელსაც ალბათ მის გარდა სხვა არავინ წაიკითხავდა... და აი, სიჭარმაგის ჟამს, როცა უკულმართმა ბედმა ზონაში გადმოისროლა, როცა სიკვდილზე ფიქრი თუ აძლებინებდა, მოულოდნელად ამ ურჩხულეთიდან გამოცქრილდა ცისფერი ანგელოზი — ნატაშა... და ეს იყო უმაღლესი ჯილდო, სიცოცხლის საფასურად გადმოგდებულნი...

ასაკი დაავინყდა ბერის, ჩვიდმეტი წლის ყმანვილის მგზნებარებით ელოდებოდა თავის სატრფოს... დაავინყდა,

რომ ის პატიმარია ამ საკნისა, ამ ზონისა, ამ პატარა გოგოსი... ვეღარ ხვდებოდა, რა ღირსებების გამო გამოარჩიეს სხვა უბედურთაგან... ალბათ გოგონას ბავშვურმა ფანტაზიამ შექმნა არარსებული ხატი, თვითონ თავი ნატაშა რასტოვად წარმოიდგინა, ბერი ზაქარაიაში კი ანდრეი ბალკონსკი ამოიკითხა და ეს ყოველივე რეალობას იმდენად იყო დაშორებული, მხოლოდ ბავშვის უმნიფარ გონებას თუ შეეძლო შეეერთებინა შეუერთებელი.

შიში განდევნა ბერიმ, ვინრო საკანში თავისუფლება იგრძნო და ბედნიერების ყოველ წამს ჯილდოდ ითვლიდა განვლილი წამების წილ... თითქოს ვიღაცა მოვალე უბდიდა ვალს... ახლდა ამ გატაცებას სხვა გრძნობაც, რომლის გამხელისა რცხვენოდა და უფალ ღმერთს თვალს არიდებდა. ეს იყო ტკბილი გრძნობა შურისძიებისა! თითქოს დასცინოდა ყოვლისშემძლე კომენდანტს, დასცინოდა მთელ საბჭოეთს, ნიშნს უგებდა, თქვენ მე გამწირეთ, მაგრამ რევანში ავიღე, გაჯობეთ, რადგან თქვენი უღამაზესი ასული აგერ, ამ ბნელ საკანში, ამ ჭუჭყიან სარეცელზე ხასად მიწევსო...

ეს იყო ამბოხება, ეს იყო გამონვევა, და თუმცა ყოველივე უცილოდ სიკვდილით უნდა დამთავრებულიყო, იცოდა ბერიმ, მისი შიში აქამდეც სიკვდილის შიში როდი იყო. სიკვდილი გარდუვალია და მას ვერსად გაექცევი! უფრო აუტანელი ისაა, რომ ცხოვრებამ ფუჭად ჩაიარა, უშინაარსოდ, იმ დეფისადაც არ ღირს, საფლავზე წარწერილ ციფრებს შორის რომ დასვამენ...

თურმე რა ცბიერება ჩაბუდებულა ბერის სულში?... აი, გაიჩხაკუნებს კარის რაზა, მთქნარებით გაიღება ლევიათანის ყბა და დერეფნის სიბნელიდან ზღურბლზე წამოიმართება კასრივით მრგვალი და მძიმე კომენდანტი, ფენაფენა ქონიდან ძლივსლა მოჩანს ორი პანია ჭრილი — ტახის თვალები. უხეში ძალისა და ბოროტების სიმბოლო, იგი შემობაჯბაჯდება, სიკვდილის სიცივეს შემოიტანს, ეჭვიანად ახედდახედავს პატიმარს და ცხვირში ჩაიდუდღუნებს:

— როგორ მიდის მეცადინეობა?

— დიახ, დიახ, ნიჭიერი ბავშვია, ძალიან კარგად ითვისებს ჩემს გაკვეთილებს! — უწყინარი თვალთმაქცობით პასუხობს ბერი, სულში კი პანია ეშმა სიცილით ჩაბჭირდება.

მისი გაკვეთილები მართლაც სწრაფად აითვისა მონაფემ. ოთახში მსუბუქი ხალათით შემოდოდა, იმის ქვეშ საცვლებს არც იცვამდა, რათა დრო არ დაეკარგა და ჭაბუკადქცეული ბერი ნეტარების ისეთ მწვერვალებზე დაფრინავდა, ზონიდან და მთელი ციმბირეთიდან ცის ლაჟვარდოვანს აღწევდა.

— ბებერი ტურა! — კრუტუნებდა ნატაშა, თრთოლვა უვლიდა, ნდომისაგან დნებოდა. მოშიშვლებულ, გლუვ კანზე კაცის შავად დაკორძებული ხელი გართხმულ ობობას ჰგავდა, მაგრამ ამას ის ვერ ხედავდა, რადგან ნეტარებდა წიგნის რომანტიკულ გმირთან, რომლის რეალური ხატი არც აინტერესებდა. იგი მხოლოდ საკუთარ ქალურ საწყისს უგდებდა ყურს და მისი კარნახით ცხოვრობდა.

გაზაფხული ზამთრის გაგრძელებას დაემსგავსა, ოღონდ ოდნავ უფრო ჭინჭყლი და უსიამოვნო იყო. სწორედ ასეთ დღეს შემოვიდა ნატაშა. ხალათის ნაცვლად მონაფური კაბა ეცვა. მკერდზე კომკავშირული სამკერდე ნიშანი მიებნია. დანწული თმები თავზევით გვირგვინად შეეკრა. სიმკაცრეს და მიუკარებლობას ასხივებდა და ბერი უჩვეული რიდმა შეიპყრო.

— იოსებ სტალინი მოკვდა! — თქვა მონყვევით ნატაშამ, ტახტის კიდეზე ჩამოჯდა, დიდრონ თვალებში ცრემლი შეუგუბდა.

ბერი გაშრა, ტაბურეტზე დაეშვა და ხელისგულები პირზე აიფარა.

თითქოს დაბნელდა, გონება აერია, ვეღარ გაზომა მოულოდნელი ელდის სიღრმე.

მხრები შეუთრთოლდა, შეაძაგდაგა.

ტაბურეტიდან წამოიწია, ტახტზე პირქვე დაემხო და ზმუილი მორთო.

ცდილობდა თავს მორეოდა, ხელისგულით პირი მოემუნა, მაგრამ გულმეუცლიდან შეუკავებული ზმუილი ამოსდიოდა და ვერაფრით შეეჩერებინა.

ნატაშა შეშინდა, ფეხზე წამოხტა, დახედა აძაგდაგებულ კაცს და გარეთ გავარდა.

ბერი ზაქარაია ზმუოდა, ზმუოდა და ბოლოს წასკდა — ტირილი გიჟურ ხარხარში გადაეზარდა... ზურგზე გადაბრუნდა, კოტრიალობდა, ტლინკებს ისროდა და ხარხარებდა... თან თვალთაგან ცრემლი სდიოდა, თვითონაც ვერ გაეგო, სიხარულისა თუ მწუხარებისაგან...

33

ზონამ მხოლოდ ზაფხულში გაიგო დიდი ბელადის გარდაცვალების ამბავი. პლაცზე პატიმრები ჩაამწკრივეს და კომენდანტმა წაუკითხა ეს სამწუხარო ცნობა, თანაც დაამატა, გლოვა გლოვაა, მაგრამ დისციპლინა და განანესისადმი მორჩილება აუცილებელიაო.

გარიჟრაჟზე კი უბედურება მოხდა! ვინ იცის, ბიძგი ვინ მისცა, როდიდან დაგუბებულმა ბოლმამ იფეთქა, როდის დათესილი შხამიანი თესლიდან ურჩხული ამოიზარდა.

ბინდი იცრიცებოდა, როცა კოშკურიდან შაშხანის სროლა მოისმა. ბერი წამოხტა, მზერა სიბნელეს მიაპყრო. სარკმლის შუშა წითლად ღუღღუღებდა. გარედან ტკაცატკუცი და კაცთა ყრიამული ისმოდა.

„ხანძარია!“ — დაასკვნა.

სწრაფად ჩაიცვა და ჭუჭრუტანას მიენება.

ბარაკი ინვოდა, ცეცხლი უკვე სახურავზე ავარდნილიყო. მენამულ ფონზე შავი ლანდები მიმორბოდნენ და ბერის მოეჩვენა, ცეცხლს აქრობენო... უცებ ასწია ვიღაცამ ნაჯახი და მეორის თავზე დაუშვა... საზარელი კივილი, ხმის მოულოდნელი ჩანყვეტა, დაცემული სხეულის ბრავგანი...

ბერის შიშისაგან თითქოს დამბლა დაეცა, ხერხემალი გაუკავდა. ვერა და ვერ მოსცილდა ჭუჭრუტანას. აშკარად გაარჩია გამყინავი, მძულვარებით სავსე ღრიალი:

— ბეი გრუზინ!

ცეცხლი მეზობელ ბარაკებს გადაედო, აგურგურდა. ზონა დღესავით გაანათა. ბერი იხილა, ბრბო ღრიანცელით როგორ ნადირობდა ადამიანებზე... აგერ ჟორა იცნო... დარბაისელი, თავმომწონე ჟორა აქეთკენ გამორბოდა, საშველს ეძებდა... მავთულხლართს გადააწყდა, ზედ აბობლდა, მაგრამ მიუსწრეს, ნაჯახებითა და სახანძრო ბარებით აკუნეს...

— დასცხეთ ქართველებს!

რამდენიმემ აკრძალულ სივრცეში შეასწრო, შიდა მავთულხლართი გადალახა... უმაღლეს კოშკურებიდან აკაკანდა ტყვიამფრქვევი და ვინც ნაჯახს გაექცა, ტყვიით მოცელილნი ჩანვნენ...

— დასცხეთ ქართველებს! — მოისმოდა ზონის სხვადასხვა ბოლოდან... ცეცხლი კი ძლიერდებოდა, ბარაკიდან ბარაკზე გადადიოდა, ხარბად ლოკავდა ჩაშავებულ კედლებს.

ბერის მუხლები მოუდუნდა, ძირს განვა. ბავშვივით ტიროდა და ტახტის ქვეშ მიძვრებოდა, შორეულ კუნჭულში, რათა დამალვოდა საშინელ ხვედრს.

ყურში კი ძველებურად, იქედნურად ჩაიხითხითა ქოსა ძღვიბიამ:

„ჩაიფსი, ბიჭო, ბერი?“

თანდათან მიწყნარდა ხმები. უკვე აღარ ისმოდა სისხლმონყურებული ბრბოს ხავილი, კოშკურებიდან კანტიკუნტად თუ გაისროდნენ გამაფრთხილებლად.

დღის სინათლე შემოიპარა ოთახში, გაცრეცილი და უღონო.

შიშით დაღეული ბერი გამოფოფხდა ტახტიდან, კვლავ ჭუჭრუტანას მიენება.

ჯანლი გაიფანტა. მზე დაეკიდა აღმოსავლეთის ჰორიზონტზე და მისი მენამული სხივები დაეფინა დანახშირებულ ბარაკებს, მხრჩოლავ მორებს, ლანდადქცეულ ადამიანებს, საკუთარი ბოროტებით დათრგუნვილები რომ დალასლასებდნენ აქეთიქით და უჩუმრად აგროვებდნენ მიმოფანტულ გვამებს.

ბერი თვალი ვერ გაუსწორა მავთულხლართზე გადაკიდებულ გვამს, რომელიც ჯერ კიდევ გუშინ მისი კეთილისმ-



ყოფელი ჟორა იყო, დღეს კი ხორცის გროვად ქცეულიყო. თავი აქეთკენ მოედრიცა და ცალი, გადარჩენილი თვალი საყვედურით მოებჯინა, ვაჟკაცობა რატომ არ გეყო, რატომ არ მიშველეო.

უყურებდა ყოველივე ამას ბერი ზაქარაია, ცრემლი თავისთავად ჩამოსდიოდა. ამ რამდენიმე საათში მოტყდა, დაბერდა, კვლავ შეუბრუნდა შიშის სენი, მეტასტაზებად მოედო სხეულსა და სულს...

ალბათ დაავინწყდათ მისი არსებობა. მთელი დღე არავინ მოაკითხა... გარეთ კოლონებად აწყობდნენ პატიმრებს. ავტომატიან ჯარისკაცებს ავი ქოფაკები სადავით ძლივს ეჭირათ. პირუტყვი სისხლის სუნს გაეცოფებინა... კოლონები გაჰყავდათ ზონიდან. „ზეკების“ ჯგუფი კი ეზოს კუთხეში ხაროს თხრიდა, რათა მსხვერპლნი ერთიანად ჩაეხვეჭათ და მათი არსებობის კვალიც წარეშალათ.

გულისრევა მოაწვა ბერის, თავი ძლივს შეიკავა. ტაბურეტზე დაჯდა, მაგიდაზე დაემხო და ბედს მიენდო.

მეორე დღეს მოიცალა კომენდანტმა მისთვის, ზღურბლზე გადმოალაჯა, ყურადღებით შეათვალიერა.

— საქმე მოსალოცადა გაქვს! — დაიხრუტუნა. — ქართველებიდან შენლა გადარჩი. ეს ჩემი ნატაშას დამსახურებაა... არადა, დასანანია, დღეს ამნისტია უნდა გამომეცხადებინა, დაღუპულებს განთავისუფლება ეწერათ, მაგრამ თურმე ბედი არა ჰქონიათ.

გამტკნარებული უსმენდა ბერი. ამნისტიაო, განთავისუფლებაო... ვინ ეშმაკმა შეაბრუნა ჯოჯოხეთის ეს კევრი...

— მონესრიგდი! კანცელარიაში შენი საბუთები მზადაა. რაკი არეულობაში მონაწილეობა არ მიგიღია, ამნისტია შენზეც ვრცელდება. ამასაც ნატაშას უნდა უმადლოდე. გოგონა აღფრთოვანებულია თავისი მასწავლებლით. ნეტა ვიცოდე, ისეთი რა თაფლი წაუცხე!

ბერის პირი გაშრობოდა, ნერწყვი ვერ გადაეყლაპა.

— მოქალაქე უფროსო, მსხვერპლი ბევრი იყო?

კომენდანტს თვალები უფრო დაუნვრილდა, თითქმის გაუქრა.

— ეს შენ არ გეხება! ზონის ამბებზე, გაფრთხილებ, სიტყვა არსად დაგცდეს! ეს სახელმწიფო საიდუმლოებაა და მისი გაცხადება კანონით ისჯება.

საათიც არ გასულა და ძველ ბამბურაში ჩაცმული ბერი ზაქარაია თავისი შუშაგაბზარული სათვალისგან ბეცად შეჰყურებდა ნატაშას, საკონტროლო პუნქტამდე რომ გამოაცილა.

— ბებერო ტურავ, — ასე უთხრა ნატაშამ, — არ დამივიწყო! ჩვენც მალე გავემგზავრებით, ზონას ხურავენ. რა ბედნიერებაა, მამაჩემი დედაქალაქში გადაჰყავთ. იქ კინოც იქნება, ბიჭებიც, ცეკვებიც... მაინც არ დამივიწყო, ბებერო ტურავ!

— ნატაშა, ძვირფასო ბავშვო, ჩემო გადამრჩენელო! — ნაილულულა ბერიმ.

გოგონას სახე მოედრებოდა, ჩასჩურჩულა:

— ოცდაჩვიდმეტი ქართველი დაჩეხეს, მარტო შენ გადარჩი!

ცერზე აინია, ლოყაზე მიაშიტურად, რალაცნაირად უბინოდ აკოცა, შეტრიალდა და გაიქცა...

წარსული ცხოვრებით დატვირთული მიემგზავრებოდა ბერი ზაქარაია შინისაკენ, ძლივს მიათრევდა შიშის მეტასტაზებით დამძიმებულ სხეულს...

„ძია, გეხვეწები, როცა დამმარხავენ, პერანგს ნუ გამხდებიან, მრცხვენია!“ — პატარა, დაღეული გოგონას ჩურჩული სდევდა...

— „დამწუხრდა დედა მოსკოვი, თავი დახარა თბილის-მაც, დროშის ტალღაზე ესვენა მედროშე კომუნის ზმისა!..“ — ქალის მწუხარე ხმას სამგლოვიარო მუსიკა ახლდა, რაც ამძაფრებდა ისტორიული მომენტის მნიშვნელობას.

აქამდე სამშობლო და სტალინი თითქოს გაიგივებული იყო. ამიერიდან ქვეყანა დაობლდა და არავინ იცოდა, ხვალინდელი დღე რას მოიტანდა... „ეს რა გლოვის ხმა გვესმის ამ დილით, ეს რა გლოვის ზარს არისხებს კრემლი...“

ქალაქი შავლენტიანი წითელი დროშებით მოიფინა, ყველგან სტალინის შავარშიანი პორტრეტებია გამოფენილი... „შავი არშია სურათს მიეკრა, დროშას ავლია გლოვის არშია...“ ხელმძღვანელ ამხანაგებსაც წითელი, შავარშიანი სამკლავურები უკეთიათ...

სამგლოვიარო პროცესიები მერეთის სხვადასხვა კუთხიდან დაიძრა, მოაქვთ მალლა აღმართული პორტრეტები და დაბლა დახრილი დროშები...

სასულე ორკესტრი სამგლოვიარო მუსიკას აჟღერებს. მოფარფატე ბგერები ცაში დაფრინავენ და ჩიტებად იქცევიან... საყოველთაო მწუხარებას აღარ უხდება კამკამა ლურჯი ცა და მზის ცინცხალი სიკაშკაშე...

მომიტინგეები მაცხოვრისგორასთან გროვდებიან. ზევით, სტალინის მონუმენტთან ფიცარნაგზე ამხანაგები დგანან, ისე შორს და მალლა არიან, პანანა წერტილებივით ჩანან ქვევიდან.

კიბეები კვლავ პიონერებსა და ოქტომბრელებს უპყრიათ და მოუთმენლად ცმუკავენ.

ნიაგზე ფარფატებს დროშები, ჟღერს სამგლოვიარო მუსიკა. ენის ბორძიკი აუტყდა მიკროფონთან ჭიპმოჭრილ ამხანაგ გრიშას. მას საკუთარი ბედილბალი ადარდებს, უღრუბლო ცაზე ჭექაქუხილს ელოდება.

მატრაკვეცა კეკემ ლექსი წაიკითხა:

— „სტალინი ცოცხლობს, ყველას ასე სჯერა ურყევად. გულს ნუ გაიტეხთ! — დღეს პარტიამ გასცა ბრძანება, მზეს ელვარება არასოდეს არ გაუქრება, უკვდავებასთან ხელი არ აქვს გარდაცვალებას!..“

ბიკენტის შვილია კეკე და ათას ბავშვში იგი შეარჩიეს... წინ იხედება ბიკენტი, მომავალსა ჭვრეტს...

ოღონდაც, მართალი თოდუა ვინ შეარჩია?

მართალი ფიცარნაგის კიდებზე დგას... მის უკან პატარა გოგონები ჩამწკრივებულან.

მარჯვენას ასწევს, კამკამა ცას ახედავს და ამალღებულად ამეტყველდება:

— „ჰე, ამხანაგებო! შორს დარდი და ცრემლი, ეს გული უღვევლ სიყვარულს რომ იტევს, — ეკუთვნის სამშობლოს, — ყმანვილის მჭექარე ხმა თეთრი მტრედივით მალლა მიფრინავს, გარემომო სივრცეს გადაეცლება, ექო შორით შორიდან პასუხობს: — მოსკოვი, კრემლი, პარტიის სტალინურ ცენტრალურ კომიტეტს! — ხმას დეპეშის სტილზე დაიყენებს, მერე კვლავ მალლა აიჭრება: — არა, ჩვენ არ გვჯერა სტალინის სიკვდილი — დღეს მისი პარტია კვლავ სდგას ტიტანივით, სტალინი იცოცხლებს, იგი არ მოკვდება, რადგანაც წინსწრაფვა...“

აი, აქ შეირხევიან გოგონები, შოშიის ბარტყებივით პირებს დააღებენ და რეფრენს მიუსწრაფებენ:

— „ეს არის სტალინი!“

მართალი კვლავ მიუგდება:

— „რადგანაც სინათლე...“

— „ეს არის სტალინი!“

— „რადგანაც პარტია...“

— „ეს არის სტალინი!“

— „რადგან კომუნისმი...“

— „ეს არის სტალინი!“

რეპროდუქტორებმა მრავალგზის გაიმეორეს ეს სიტყვები, მერეთის თავზე აფარფატდნენ, მიმოიფანტნენ, გარეუბნებს უწიეს — „ეს არის სტალინი!..“ „ეს არის სტალინი!..“ „ეს არის სტალინი!..“

ბრინჯაოს მონუმენტმა უღვაშებში ჩაიღიმა, ჩიბუხი შეარხია და მეგობრულად ჩაიდუღუნა:

„დიახ! დიახ!“

გოგონები ჩამოფრთხილდნენ ფიცარნაგიდან. მართალიც ჩამოხტა, ხალხში გაერია. წუთის წინანდელი აღმაფრენა დაიცხრო, რატომღაც უკმაყოფილება იგრძნო. გლოვა სპექტაკლით შეიცვალა. ცარიელი სიტყვები ცაში გაიფანტა და გულში არაფერი ჩარჩა.

— როგორი ქართველი დავკარგეთ! — ჩაილაპარაკა ვილაცამ მის გვერდით. გოდორა კაცი იყო. სხვებმა დაუდასტურეს:

— აბა, აბა!

„როგორი ქართველი! — იაზრა მართალიმ. — სტალინი ხომ თავისთავად გენიაა, ეპოქაა, მაგრამ ამავე დროს ის ქართველია...“ აქამდე გულის კუნჭულში მიმალულ პატივმოყვარეობას მალამოდ მოეცხო ეს სიტყვები და გლოვისათვის სრულიად შეუფერებლად, გუნებაში ჩაილიღინა:

„პატარა გორი დიდია, დიდი სტალინის მშობელი...“

ღიას, მსოფლიოს ხომ ვუჩვენეთ ვინცა ვართ!

მკლავზე მოჰქაჩეს. კეკემ შემოსცინა, უსწორო კბილები თეთრად უელავდა.

— კარგი იყო!

— შენ იყავი კარგი, ლამაზი იყავი! — უნებლიეთ შეეპასუხა.

კეკეს სინათლემ გადაურბინა და თვალები აუკიაფდა.

„ბავშვებს გლოვა არ შეუძლიათ!“ — გაიფიქრა მართალიმ. არც თვითონ შეეძლო დიდხანს ეზიდა მწუხარების მძიმე ტვირთი, მით უფრო გაზაფხულის ამ ცისკროვან დღეს.

— როგორა ხარ, ბიჩო? — ჰკითხა საიდანღაც გამომძვრალმა ზინაიდა პეტროვნამ.

მკერდზე სტალინის მომცრო პორტრეტი ჩაეხუტებინა და ნამტირალევი თვალები დასწითლებოდა.

მართალიმ ამოიოხრა. ამით დაუმტკიცა, მეც შენუხებული ვარო, თუმცა ცოტათი შერცხვა საკუთარი ფარისევლობისა.

კეკეზე ფიქრობდა, თვალწინ მისი „გონჯი“ სახე ედგა და წამით გამოითიშა.

— მაგარი ქართველი დავკარგეთ! — თქვა ისევ იმ კაცმა.

— მეორე მაგარი ქართველი დაგვრჩა მოსკოვში! — ჩაურთო ვილაცამ.

ამ დროს ჩამოჰკერეს ჩონგურის სიმს და დაბალ ხმაზე, სევდანარევიად წაუმღერეს მეჩონგურე ქალებმა:

— „ჩქინი ბერია თექ ვარენო, ირო თქუანს სიმართლესი, მუნაფასი ფაჩუნსუ დო მოძირანა სინათლესი, ნა...“

„თითო ქართველი ყოველთვისა გვყავს დედაქალაქში!“ — გაიფიქრა მართალიმ და ეს აზრი ესაიამოვნა...

გამოცდები დიდად არ გაძნელებიათ. სალამო სკოლას ისედაც სულ რამდენიმე ახალგაზრდა შერჩა და ამათ ვინ გააშავებდა. სამ სახელგანთქმულ ჭაბუკს, სტალინის მონუმენტის კომკავშირელ მშენებლებს მით უფრო არავინ გადაულობავდა გზას. აღნიშნა კიდეც აქლემაპარმენმა:

— სულაც გამოტვინებულნი რომ იყოთ, ჩვენი უბადლო ბელადის მონუმენტის აღმშენებლებს დაბალ ნიშნებს მაინც ვერ გაკადრებთ!

ასე იყო თუ ისე, ივნისის მზიან დღეს დირექტორმა თამარამ ახალგაზრდებს სკოლის დამთავრება მიულოცა, ატესტატები ჩამოურიგა, რის შემდეგაც ყველანი აივანზე გაიკრიფნენ და სამახსოვრო ფოტოსურათები გადაიღეს.

— ახლა კი დედაჩემი გველოდება, ეს ამბავი უნდა აღვნიშნოთ! — განუცხადა დურუმ მართალის და არიქას.

— დედაჩემიც გველოდება! — თქვა არიქამ.

ამაზე შეკამათდნენ. მართალის არავინ ელოდებოდა და მორჩით, იქაც მივიდეთ და იქაცო, ძმაკაცები დააშოშმინა.

ციცქნა, მუდამუამს დამფრთხალი კატო დეიდა დაბნეული ფაცურობდა, ხელიდან ყველაფერი უვარდებოდა. ზოგჯერ გაირინდებოდა, სათითაოდ შეათვალეერებდა ყმანვილებს, თითქოს უკვირდა, ასე უცებ, თვალის დახამხამებაში რანაირად დაკაცდნენო. გუშინ რომ დურუს ღვინო მოეთხოვა, კატო დეიდას, ალბათ, გული შეუღონდებოდა, ახლა კი მისი შვილი კაცვივით დაჯდა სუფრის თავზე, გადახედა ლამაზად განწყობილ პურმარილს და ბრძანა:

— შენ მარჯვნივ დაჯექი, შენ მარცხნივ! — მერე დედას მიუბრუნდა: — შენც დაჯექი, ოლონდ მამაჩემის პატარა ყანწიც აქ დამიდგი, მაგით განსხვავებულს შევსვამთ!

„შევსვამთო!“ — არიქამ და მართალიმ ერთმანეთს გადახედეს, კაცები იყვნენ და უნდა შეესვათ კიდეც. თუმცა, რა ასმევთ ნეტა კაცებს ამ მყავე სითხესო, კი გაივლეს გუნებაში.

— ძმებო, დღევანდელ დღეს გაუმარჯოს! — რიხით ნა-  
მოინწყო დურუმ. — ადრეც ბევრი გვილაპარაკნია, გვიკამათნია,  
მაგრამ რაც იყო, ბავშვობა იყო და დღეის იქით ჩაგორდა წარ-  
სულში! ამიერიდან სამყაროს კარიბჭესთან ვდგავართ და რასაც  
დავიპყრობთ, სულ ჩვენია!

— *„ჩვენ უნდა ჩვენი ვშვათ მყოლობადი!“* — ჩაურთო  
მართალიმ.

— ცხოვრება ყველას შეახვედრებს კუთვნილ სიკეთეს,  
ოღონდ დროულად შევამჩნიოთ და ხელი ვსტაცოთ! — მიუ-  
ლექსა არიქამ.

— ამინ, ღმერთმა გისმინოთ, შვილებო! — კატომ პირ-  
ჯვარი გადაინერა.

ჭიქები მიაჭახუნეს... ყელში არ გადადიოდა, მაგრამ  
ჯიბრით დაცალეს. მეგობრებს დურუმ დაასწრო, წვეთი არ  
ჩატოვა და შეუტია:

— აბა, გოგოებივით ნუ ინაზებით, თუ ქეიფია, ქეიფი  
იყოს!

მეორე ჭიქა უფრო ძნელი აღმოჩნდა, მესამე — არც  
ისე ძნელი.

„განსხვავებული სასმისიო“ და დურუმ ყანწი შეივსო.  
ჭიქანახვერნიანი იყო, მაგრამ აქამდე ხომ ყანწი ხელში არა  
სჭეროდათ და მართლაც დაიჯერეს, კაცები ვართო, რაკი  
კაცები ვართ, ამის დაღვესაც შევძლებთ, ნებართვა არავის-  
გან გვჭირდება, ჭკუა ჩვენ თვითონ მოგვეკითხებაო.

წამოდგა დურუ ფეხზე. ხვალზეგ ბეჭებგანიერი და ახ-  
ოვანი ვაჟკაცი დადგებოდა ალბათ, ახლაც ვერავინ დაუნუ-  
ნებდა ტანადობას.

— ცხოვრებული მამაჩემის სული მაპატიებს, რადგან ამ  
განსხვავებული სასმისით ჯერ სხვა სადღეგრძელო უნდა წარ-  
მოვთქვა! — განაცხადა საზეიმო კილოთი. — მე მინდა ამით  
დავლიო ნომერ პირველი ქართველის სადღეგრძელო!

— რუსთაველის? — იკითხა არიქამ.

— რამ დაგათრო, ბიჭო, ასე უცებ? — გაუკვირდა დუ-  
რუს. — მე მინდა მსოფლიო ხალხთა დიდი ბელადის სტალინის

სადღეგრძელო დავლიო!.. შეიძლება, დედამინის ზურგზე უკა-  
ნასკნელი ქართველი არ დარჩეს, მისი სახელი კი დარჩება!

— ღმერთმა ნუ ქნას, შვილო! — ხელები გაასავსავა  
კატომ.

— ასეთი მაგრები ვართ ჩვენ, ქართველები! — გალალ-  
და დურუ. — მეოცე საუკუნეში აბა ვისა ჰყავს ასეთი გმირი...  
ჩვენც მაგრები ვართ, ძმებო, მაგრა ვიმუშავეთ!

— ჰო, მაგრები ვართ, ქვეები ვზიდეთ! — გონება დაე-  
ბინდა მართალის, უაზროდ პასუხობდა.

— მე კი ფეხიც შევნირე! — ჩაიჭიჭყინა არიქამ.

გემრიელი ხაჭაპური გამოეცხო დეიდა კატოს. ელარჯი  
ისე ინელებოდა, ლუკმას ვერ მოაცილებდი... გარეთ მზე ჩასვ-  
ლას აპირებდა, სიცხე ნელდებოდა, ღია კარფანჯრებში ნიავი  
ქაქანებდა... ახალგაზრდებსაც თავში უქაქანებდა და თამადა  
ცდილობდა გეზი არ შეშლოდა... მამის სული მოიხსენია... დედა  
ცამდე აიყვანა. მართალი და არიქა წამოდგნენ, დიდის ამბით  
უთხრეს, ჩვენთვის დეიდა კი არა, წამდვილი დედა ხარო, კოც-  
ნეს და კოცნეს... კატომ თვალებიდან ბედნიერების ცრემლი  
გადმოყარა...

— ახლა კი, — თითი ასწია დურუმ, ვილაცას დაემუქრა,  
— „მარგალი კოჩიში“ \* სადღეგრძელო შევსვათ. ის მეორე  
კაცია ქართველებში და პირველი მარგალებში! მთავარია,  
ჩვენ უპატრონოდ არა ვართ მოსკოვში!

— უპატრონოები ინდიელებია რეზერვაციებში, ჩვენ  
რატომ ვიქნებით უპატრონოდ? — უკმაყოფილოდ იკითხა  
არიქამ.

მართალიმ ჭიქა ასწია და ლექსი ჩააჭიკჭიკა:

— *„სტალინის დროშის დიდებას იცავ, სტალინის სიბრძ-  
ნის გათბობს ნათელი. სიმართლის მცველო, ორგულთა რისხ-  
ვავ, შენს სახელს ჰფიცავს ყველა ქართველი...“*

დურუმ „ვაშა“ შესძახა და ტაშიც შემოჰკრა. არიქამ  
მოინწყინა და ჯიუტად თქვა:

— დედა მელოდება!

თამადა დაცხრა, მხარზე ხელი მოფერებით მოუთათუნა:



— კაი თუ ძმა ხარ, ისე კარგად ვქეიფობთ, სუფრას ნუ ამიშლი!

— დედა მელოდება! — გაიმეორა არიქამ და სანწყლად დაამატა: — ცუდად ვარ, ბიჭებო!

— ვაიმე, შვილო, ღვინომ განყინა? — დაფრთხა კატო.

— დაჯექი, დედა, შენ ნუ ღელავ! — მკაცრად თქვა დურუმ. — ამას ჩვენ გავარკვევთ! მაშ, მეგობრების სადღეგრძელო აღარ დავლიოთ?

— ჩვენთან დავლიოთ! — არიქას ფერი დააკლდა, გაიცრიცა. — დედა მელოდება, თან ცუდადა ვარ!

მართალი უცბად გამოფხიზლდა.

— ჰო, ნავიდეო, არიქა ნავიყვანოთ!

დურუმ ჭიქა მაინც არ დადგა, მეგობრების სადღეგრძელო დალია, ლუკმაც დააყოლა და არიქა ჩიტივით აიტაცა, მხრით შეებჯინა.

ქუჩაში გავიდნენ. შებინდებულნი.

— ისევ ცუდადა ხარ? — ჰკითხა დურუმ.

— გადამიარა, ახლა უკეთა ვარ! — გრილმა ჰაერმა არიქა გაახალისა.

დურუმ მხიარულ ჭკუაზე იყო და ჩაილიღინა:

— ართ ცოროფილ მათ ქოპუნსი, გურმა მიხუტოლუანს, ნა...

— სი სოთინი მიდურქუნი, შხვასი ქიხუტოლუანსი, ნა...

— ჩაურთო არიქამ.

— ქიანას კოჩი გოჭყორდუნი, უკული მოგიგონუანსი, ნა... \* — დაასრულა მართალიმ.

სიცილხითხითით მიღწიეს არიქას სახლამდე.

აქაც გაშლილი სუფრა ელოდებოდათ. ფუცუ დეიდამ სათითაოდ ჩაიხუტა, ლოყები დაუკოცნა სამივეს.

— მოგილოცავთ, შვილებო, მოგილოცავთ! დაკაცდით, დავაჟკაცდით, კაცებოვაჟკაცებო!.. ეს რამდენი მალოდინეთ, ლომი გამიცვიდა კარდალში!

დურუმ აქაც სუფრის თავზე გამოიჭიმა, ღვინო ჩამოასხა ჭიქებში.

არიქამ პირი განზე მიაბრუნა, ცხვირზე ხელი იტაცა და გარეთ ძლივს გაასწრო.

— ჩემი სიკვდილი, აწყინა ღვინომ! — უკან გამოეკიდა ფუცუ.

— სუსტია! — განაცხადა დურუმ. — არიქა ძაძუა სმაში ვერასოდეს დაჯაბნის დურუმ გეგიას!

— მაგას დაგიმახსოვრებ! — მართალის ღვინო დასანახადაც შესჯავრდა. — ათი წლის შემდეგ შეგაჯიბრებთ...

ხელი ხელს დაუკრეს.

ძლივს შემოლასლასდა არიქა, დედა ეხმარებოდა, ფერი არ ელო.

— მეტი არ შემიძლია, ბიჭებო! — სუფრას თვალი მოარიდა.

— ფუცუ დეიდა, ნაყვანე და ლოგინში ჩაანვინე ეგ გლახა! — დიდის ამბით ბრძანა დურუმ. — მე და მართალი დავლევთ ახლა მაგის სადღეგრძელოს და ხვალ კენჭივით იქნება!

— ჩვენ ძმები ვართ! — მართალის დაასლოკინა. — ჩვენ ვართ ათოს, პორტოს და არამისი!

— დიაახ! ამ ჭიქით ჩვენს არიქას ვადღეგრძელებთ!

დურუმ ორისამი სადღეგრძელო კიდეც მოაქიჩმაჩა, მაგრამ მართალისაც უკვე მეტი ღონე აღარა ჰქონდა.

გვიანი იყო, როცა ფუცუ დეიდას გამოემშვიდობნენ. მისავათებულმა არიქამ თვალი ძლივს გაახილა და გამოსამშვიდობებელი სიტყვა წაილულლულა.

ტალახადის ქუჩა მთლად ჩაბნელებულიყო.

დურუმ შედგა და უცებ მთელი ხმით დასჭექა:

— ცოროფილი აკა პუნსუ, ქუმოძირუნ აკა წუნსუ...\*

მართალიმ ხმა აუნყო, ოღონდ უფრო მოზომილად, მეზობლებისა მოერიდა.

— ცოროფილი ჟირი პუნსუ, ჟირი ხოლო ჯგირი პუნსუ...\*

დურუმ ყოყინი შეწყვიტა და იკითხა:

— რატომ ჰქვია ამ ქუჩას, მაგალითად, ტალახაძე? ტალახი რომაა, იმიტომ?

— ნამო, შინ მიგაცილებ! — შესთავაზა მართალიმ.

— არა, მე მიგაცილებ!

— არა, მე!

ცოტა ხანს იძიძგილავეს, მერე ხელი ხელს დაუკრეს და თავთავიანთი გზით წავიდნენ.

ბნელში, ჭიშკართან შეყოვნებული მართალი ურდულს ეძებდა და ლილინებდა:

— ყოროფილი ვითი პუნსუ, თეთ პუნსუ დო თითი პუნსუ...\*

„არა, რატომ ჰქვია ტალახაძე? — წყენით გაიფიქრა. — ვინ ოხერია ეს ტალახაძე?.. ბერიას დიდი მეგობარიაო, ჰი... სახელი უნდა გამოვუცვალოთ... ერთი კაი სახელი უნდა მოვიგონო!“

ლოგინს ხელის ფათურით მიაგნო და უკვე ძილბურანში წაიბუტბუტა:

— რა დავარქვა?.. ყველაზე გრძელ გვარს მოვიგონებ... მამუკა თავაქალაშვილისა... მამუკას ქუჩა...

ჩაეძინა...

მერეთში ქორი გავრცელდა, თვით ლავრენტი ბერია ჩამოვიდა მონუმენტის სანახავადო. თურმე საგანგებო მატარებელი ჩამოდგა რკინიგზის სადგურზე. სამგზავრო ვაგონებს ერთი საბარგოც ება. გააღეს კარი და შავი ლიმუზინი ჩამოაგორეს. ისეთიაო, ამბობდნენ, ტყვიას არ ატარებსო. ამხანაგი გრიშა და ბიკენტი თოლორაია დახვდნენ სტუმარს თავიანთი მანქანებით. მთელი მილიცია ფეხზე იდგა, მაგრამ ჩამოსულს დაცვის ბიჭები ჩამოჰყვნენ, ტყვიას კბილებით რომ იჭერენ, ისეთები.

მართალიმ თავისი თვალთ დაინახა შავი, გრძელი მანქანა. ფანჯრებზე ფარდები ჩამოეწიათ და მგზავრები არ ჩან-

დნენ. ამხანაგი გრიშას და ბიკენტის მანქანებიც კუდში მისდევდნენ. ბულვარს რამდენჯერმე შემოუარეს, ალბათ სტუმარი ქალაქს ათვალიერებდა. მაცხოვრისგორასაც მიადგნენ, იქიდან კარგა ხანს არ მობრუნებულან. მართლა ავიდა სტუმარი იმ კიბეზე თუ ქვევიდან ახედა, ეს ვერავინ გაიგო. ერთხანს მუზეუმთანაც იდგნენ. სადილობის ჟამს რესტორან „ჩხერიაში“ შევიდნენ. იმ დღეს რესტორანი რიგითი მოქალაქეებისათვის დაიკეტა და მილიცია არავის უშვებდა. მერე ოფიციალტები ირწმუნებოდნენ, ლავრენტის ვემსახურებოდითო, მაგრამ უფრო ჭკუათმყოფელნი არ იჯერებდნენ, ასეთ დროს, სტალინის სიკვდილის შემდეგ, როდესაც ჩვენს დიად სამშობლოს იმპერიალისტური აგრესია ემუქრება, სად ეცლებოდა მთავარ „მარგალს“ მერეთში ჩამოსასვლელადო.

14 ივნისს კეკეს თოთხმეტი შეუსრულდა. არც მართალის, არც მის ძმაკაცებს დაბადების დღე არასოდეს გადაუხდიათ. ისე დალხენით არავინ ცხოვრობდა, საკუთარი დაბადების დღე გახსენებოდა. შემთხვევით ვავა ზარქუამ უთხრა, კეკეს დაბადების დღეზე თოლორაიებმა სტუმრობა იციანო. ზინაიდა პეტროვნა რუსია, რუსმა კი დაბადების დღეზე ცეკვისაგან ქუსლები თუ არ გადაიტყავა, დარდით მოკვდებო... ამიტომაც გადაწყვიტა მართალიმ წასვლა...

ცხადია, საჩუქარზე უნდა ეზრუნა. მრჩეველი არავინა ჰყავდა, თვითონ კი დიდხანს იჭყლიტა ტვინი. წიგნებში ამოეკითხა, ქალებს დაბადების დღეზე ბრილიანტებს ან ყვავილებს მიართმევენო. ბრილიანტების ფული სადა ჰქონდა, ყვავილებით კი მერეთში არავინ დადიოდა და ბიჭები დასცინებდნენ. ბოლოს თავში ბედნიერი აზრი მოუვიდა. აილო ვატმანის ქალაღი და ზედფერებით დახატა: კეკე დამჯდარა ყვავილებით მორთულ მდელოზე და თავზე გვირილების გვირგვინი დაუდგამს... შორიდან შეხედავ, თვითონ კეკე ჰგავს თეთრ გვირილას...

გაზეთში ფრთხილად გაახვია, ბანრით შეკრა.

იჯახირა, შარვალი გააუთოვა. წინა ლამეს ცივ წყალში ამორეცხილ პერანგზე ღილი დააკერა და უთო ამასაც გადაუსვა.

დიდხანს კობტაობდა სარკესთან. თმა სავარცხელს არ ემორჩილებოდა. პირისახეზე ბურტყლი მოსდებოდა და საპარ-

სის ერთი ჩამოსმაც კმაროდა. ხან მოსწონდა საკუთარი თავი, ხან კი არა. ამიტომაც ჯერ ვერ დახატა ავტოპორტრეტი, ჯერაც ვერ შეიცნო საკუთარი თავი, ყველაზე უცნობი ნაცნობთა შორის.

დღის სიცხე შენელდა, საღამოს ჩრდილებს სასიამოვნო, რბილი ნიავი მოჰყვებოდა.

თოლორაიების ჭიშკართან ის გრძელი ლიმუზინი იდგა, ორი სხვა მანქანაც. შიგ დიდთავა, დაკუნთული ახალგაზრდები ისხდნენ. ეჭვით შეათვალიერეს მართალი, მანქანიდან არ გადმოსულან, ისე მიადევნეს მზერა.

რიდისაგან ფეხი უკან რჩებოდა. გაბრუნება გვიანი იყო და მოკლე ეზო სწრაფად გადაჭრა.

ლესტამბე წინკარში დახვდა, კედელს მიაჭეჭყა, სახეში შემოაორთქლა.

— სტუმარი გვყავს. — შეთქმულივით ჩასჩურჩულა. — ვითომ ვერ იცანი, გესმის, რამე არ სთხოვო!

მართალი წამონითლდა, უნდოდა ხელის კვრით მოეშორებინა, მაგრამ კეკემ გამოიხედა, გაუცინა. ილღიაში ამოჩრდილი რაღაც დაუნახა და მხიარულად ჰკითხა:

— რა მომიტანე?

მართალიმ გაზეთი შეხსნა, ქალღიგა გაშალა.

კეკემ ტაში შემოჰკრა, ყმანვილს კისერზე ჩამოეკიდა და ლოყაზე ტკაცანით აკოცა.

თითქოს ეტკინაო, ნაკოცნზე ხელი იტაცა მართალიმ. გოგონამ კი საჩუქარი წააფრიალა.

ბიჭები მიჰყვნიენ.

ზალაში სუფრა გაეშალათ, ზედ ხორაგი არ ეტეოდა.

აქ იმ კაცებს მოეყარათ თავი, საზეიმო დღეებში ტრიბუნაზე რომ ჩამომწკრივდებიან და რიგით მოქალაქეებს ზევიდან მოწყენით უქნევენ ხელს. ამ სიცხიან დღეს კოსტიუმებში იხრჩობოდნენ, მძიმე, დახურული კარადებივით შემოწყობოდნენ მაგიდას. ერთადერთი ქალი ერია, ამხანაგი დოდონა, ამასაც რაიკომის თანამშრომლისათვის შესაფერისი სიმკაცრით ეცვა, მაგრამ არც სიკეკლუცე აკლდა... ყველანი მისჩე-

რებოდნენ შუაში მოკალათებულ სტუმარს, რომელიც იმით განსხვავდებოდა სხვათაგან, რომ თავს ლალად გრძნობდა, თვლებში არავის შესცივინებდა. მისი მრგვალი პირისახე ზომიერი სისავსით გამოირჩეოდა, მელოტზე შუქის ანარეკლი უბრწყინავდა. ოქროს პენსნიდან უყურებდა მასპინძლებს და ვისაც მზერას მიაბჯენდა, ის თითქოს წამით კვდებოდა

კეკეს შემოვარდნამ დაარღვია საუბრის რიტმი. ბიკენტის ჭიქა აენია, ალბათ სადღეგრძელოს ამბობდა და ხელი ეგრევე გაუჩერდა.

სტუმარმა ნახატს გახედა, თავი მოწონებით დაუქნია.

— ყოჩაღ, ნიჭიერი ყმანვილი ჩანს! — თვალი ჩაუკრა მართალის, ვითომ ეშმაკობაში გამოგიჭირეო, დასძინა: — შეყვარებულის ნახატსა ჰგავს!

მართალის ზაფრა ეცა, სწრაფი მზერა ესროლა ბიკენტის. მასპინძელი არ გატოკებულა, ჭიქა წინანდებურად ეჭირა, მაგრამ მართალი მიხვდა, ბიკენტის სულში რაღაცა მოხდა, უტაქტო სიტყვებმა შეაკრთო თითქოს, უსიამოვნო წამი განაცდევინა.

ლესტამბემ მკლავზე მოჰქაჩა, უკან, სასადილო ოთახისაკენ წაიყვანა.

ბიკენტიმ სახეზე ღიმილი დაიხატა.

— ჩემი გოგო ნიჭიერია, ლექსს ისე წაიკითხავს, თქვენი მოწონებული! სტუმრის პატივსაცემად, მგონი, ახალი ლექსიც დაიზეპირა.

სასადილოში ყმანვილებისათვის ცალკე სუფრა გაეშალა ზინაიდა პეტროვნას.

— დადფეკით, ბიჩებო, აკ ისადილეთ!

ლესტამბემ ჭიქები შეავსო და სადღეგრძელოსათვის განემზადა, წინა ოთახში კი კეკე აჟღურტულდა:

— „ამ ლექსს თვით ხალხი მკარნახობს, არა სჭირდება მგოსანი, მე მხოლოდ შევკარ, შევკონე რითმების კრიალოსანი...“

ტაში დაუკრეს და გახარებული კეკე სასადილოში შემოფრთხილდა, მართალის პირისპირ დასკუბდა.

— ოჰ, სიყვარული, სიყვარული! — კომიკურად დაინახა ხმა სტუმარმა. — ყველაფერს თავისი ასაკი უხდება! მე, მაგალითად, ბოლო დროს სულ რაიკომის თანამშრომლები მომწონს!

სუფრაზე თავშეკავებულად ჩაიხითხითეს. აქედან გაუგებარი იყო, ამხანაგი დოდონა მორცხვად განითლდა, თუ თვითონაც ხითხითებდა.

— ჩემს სადღეგრძელოს რატომ არ ამბობთ? — ჭირვეულად იკითხა კეკემ.

— ჭკუა მოგმატებოდეს! — მოკლედ მიუგდო ლესტამბემ.

— სულ შენი ჭკუით დავდივარ, აი!

— თოთხმეტი წელი ცოტა არაა, — გაუღიმა მართალიმ, — საცაა სიბერეში შეაბიჯებ! უკვე მომავალ პროფესიაზე უნდა იფიქრო! ალბათ არტისტობა მოგიხდება... „ჯულიეტას როლშია კეკე თოლორაია!“ როგორია, ჰა?

— შენ კი რომეოს როლში, ხომ? — იქედნურად ჩაიხვიხვინა ლესტამბემ.

მართალი განითლდა, იხტიბარი არ გაიტეხა, ნათქვამი ყურს იქით გაუშვა.

— მე ალბათ მხატვარი გამოვალ! სახელოსნოს გავხსნი, ქალაღი და საღებავი ულევია, მიდი და ხატე!

ზინაიდა პეტროვნა ნირშეცვლილი გამოვიდა ზალიდან, თვალეში ძრწოლა ედგა, ხელები გაასავსავა:

— ამ კაცს სტალინი არ მოცონს, ისეტნაირად სტკვამს, კურები დამიგრდზელდა!

ყმანვილებმა სმენა გააფაციცეს. ეს რაღაც ახალი ამბავი იყო! დედამინის ზურგზე, პირნავარდნილი იმპერიალისტის გარდა, ვის შეიძლებოდა სტალინი არ მოსწონებოდა! მით უფრო ძნელი წარმოსადგენი იყო, „ამ კაცის“ პირიდან ბელადის თუნდაც მცირე აუგი.

ეტყობა, ზინაიდა პეტროვნას მსგავსად, სხვებსაც ენებში ჩაუვარდათ, რაკი მხოლოდ სტუმრის მშვიდი ხმა ისმოდა:

— ბიძია ჯო ბოლო წლებში მეტად ეჭვიანი გახდა! ქვეყანა დახურულ ყუთს დაემსგავსა. ფანჯრები თუ არ გამოვჭერით, სიბნელეში მოვიგუდებით. ცოტა უნდა განვმუხტოთ ვითარება, თორემ დენთის კასრზე ვზივართ და დავიღუპებით. რად გვინდა, მაგალითად, გერმანიის გახლეჩა? ძლიერი, ერთიანი გერმანია მოკავშირედ რომ გავიხადოთ, უფრო მო-

გებულნი არ დავრჩებით? ომი გათავდა და სულ ომის მდგომარეობაში ვერ ვიქნებით...

მერე ბიკენტი ჩაერთო. ხმადაბლა და მორიდებით ლაპარაკობდა და სიტყვების გარჩევა ჭირდა. აჭრაჭუნდა სავარძლები, აწკარუნდა სასმისები, ღვინო ლიკლიკით ისხმებოდა ჭურჭელში... სერიოზული საუბრიდან კვლავ სადღეგრძელებზე გადავიდნენ...

უმთავრესად სტუმარს ადღეგრძელებდნენ. სახელს არავინ ამბობდა, ეგრევე „სტუმრად“ მოიხსენიებდნენ. ხატოვან და ამაღლებულ სიტყვებში პირმოთნეობა და შიში ამოიკითხებოდა.

სტუმარმა გიტარა ახსენა. ალბათ ცოტათი შეჭუკჭუკდა უკვე და სიმღერის იშტაზე დადგა... არიქა, გიტარა, გიტარაო, აყვირდნენ... ახლავეო, წამღერებით მოურბენინა ზინაიდა პეტროვნამ... თურმე სტუმარს ყურში ჩაანვეთეს, ამხანაგი დოდონა შესანიშნავად უკრავსო.

მართალი და დაძმაც წამოხტნენ და ზალაში შელაგდნენ, კუთხეში მოკალათდნენ.

დაიდო ამხანაგმა დოდონამ ლამაზ მუხლებზე გიტარა, ლამაზი თითები სიმებზე დაანყო, მარჯვენა ხელის არანაკლებ ლამაზი თითებით სიმებზე გადაირბინა, ლამაზი ყელი მოიღერა და ისეთი ნარნარი ხმა ამოუშვა, კაცებს გაახსენა, რომ კაცებად იწოდებიან... სტუმარმა გულზე ხელი მიიდო და თაფლნაჭამივით ტკბილად ილიმებოდა.

— *ართ გიტარა ქომუჩუნი, სოფელი დომილინუენი, სქანი დო ჩქიმი გურიშ ჭუა ლექსო ქომიბირუენი, ნა...\**

სტუმარმა უცებ მკერდზე მუშტი დაიბრაგუნა, სალი კბილები დაკრიჭა და გაიხუმრა:

— არ ვიცი, ბოლო დროს რა მემართება, რაღაც სულ რაიკომის მდივნები მიყვარდება! ვენაცვალე, მდივანი რომ კაი გოგოა!

ამხანაგ გრიშას ფერი ეცვალა. პირი ისე მოალო, ეტყობა, ჰაერი არ ყოფნიდა. ამხანაგი დოდონა კი ვარდით განითლდა.



კარადებივით ჩამწკრივებული კაცები თითქოს დენმა დამუხტაო. აქამდე ამხანაგ გრიშას მიზიდულობა იგრძნობოდა, ახლა კი ამხანაგ დოდონას შეჰყურებდნენ სინაზით.

სახეანთლებულმა, ღვინისაგან ამჩატებულმა სტუმარმა დანაჩანგალი აიღო, თეფშის კიდეზე ჩამოჰკრა და ჩახლერილი ხმით ჩასძახა:

— ჩქიმი ჩონგური ტუმუტუმუ, განათლებას ქუმურთუმუ, კოლექტივმა მიშებლი დო უნარლებუ ლუმუს ბჭკუმუ!..\*

პენსნე ჩამოუვარდა, ხელით დაიჭირა, ხელახლა ცხვირზე წამოიკვა და მართალი მთლად დაიბნა, კიდეც იცნო და კიდეც ვერ იცნო ეს უცნაური სტუმარი.

კაცებმა ტაში დასცხეს. ამხანაგმა დოდონამ ხელისგულით სიმების თრთოლა შეაჩერა.

უცებ კარი გაიღო და მორიდებით თავი შემოჰყო ვავა ზარქუამ, ბიკენტის თვალთ რალაცა ანიშნა.

ყველამ მისკენ მიიხედა.

— შემოდი, ვავა, გვითხარი, რითი გაგვახარებ!

ვავამ თითის წვერებზე გაიარა, თითქოს მოიპარებო. ბიკენტის ყურთან დაიხარა, თან სტუმარს არ აშორებდა თვალს და საკმაოდ ხმამაღლა წასჩურჩულა:

— კატასტროფა მოხდა, ამხანაგებო, ჩვენს ცაზე!

— რა კატასტროფა? — იკითხა სტუმარმა მოუთმენლად.

— თვითმფრინავი ჩამოვარდა ციდან, მეხი დაეცაო და...

სიჩუმე ჩამოწვა. ვავამ ეს წახალისებად მიიღო და განაგრძო:

— ნატო დაიღუპა, ჩვენი მსახიობი, ვაჩნაძე!

ერთმანეთს გადახედეს. ზოგს წყენა დაეტყო, ნატო ვაჩნაძე მართლაც ყველას უყვარდა, ზოგს კი ქეიფის ჩამწარება თუ ემცხეთა.

ბიკენტიმ სტუმარს შეხედა. იმან მელოტზე ხელი გადაისვა, ჭიქა აიღო და პურზე ღვინო დაანვეთა.

— ეჰ, პირველი ქალი იყო არტისტებში!

მართალის გულზე მოანვა, თითქოს უბიძგესო, სწრაფად მიაშურა კარს. სტუმარმა თვალი გააყოლა და მოულოდნელად გასძახა:

— ყმანვილო!

მართალი შეჩერდა.

— ვითომ რა, ყმანვილო, შენ ჩვენზე უფრო გიყვარდა ნატო ვაჩნაძე? — ნასვამის ახირებით ჩააჯინდა, მერე ბიკენტის მიუბრუნდა და ჰკითხა: — ესაა ტატარის ვაჟი?

— დიახ! — ბიკენტი მონაფესავით წამოდგა.

— ჰო, დავამთავროთ! — მონყვეტით თქვა უცებ გაბებრებულმა სტუმარმა...

შინ ბნელში ბრუნდებოდა და მარჩიელობდა, მართლაცდა ვინ იყო თოლორაიების სტუმარი.

სახლს რომ მიუახლოვდა, შორიდან შუქი შეამჩნია. მარომ მომაკითხაო, იფიქრა.

ფეხს აუჩქარა, კიბეზე აირბინა.

— მარო მამიდა!

კარი შეაღო და გაშეშდა.

მაგიდას წელგამართული უჯდა დამჭკნარი დედაბერი და უხმოდ შემოსცქეროდა.

ძლივს იცნო მართალიმ, ყელში ბურთი მოანვა.

მიიბრინა, დაუჩოქა და მუხლებზე მოეხვია.

— რამოდენა გამხდარხარ, ბიჭო! — ხრინწიანი ხმით ჩაილაპარაკა ეფრომ და თავზე თავისი გაძვალტყავებული ხელი დაადო...

სოფლიდან მარო მოქოქოთდა, ეფროს ჩაეხვია და მოთქმით იტირა. ეფრო ჩუმად უსმენდა, უცხოხავით. დარიკო მამიდას სიკვდილი ოდნავადაც არ შეუცხადებია. აცხონოს ღმერთმაო, ასე თქვა და პირფვარი გადაიწერა.

მარო ენას არ აჩერებდა, ცაცანას ბედს კითხულობდა.

— აცხონოს ღმერთმა! — პასუხობდა ეფრო და პირფვარს იწერდა.

მართალის ცრემლი მოადგა, მაგრამ თავი შეიკავა. დედაბრისაგან უნდა ესწავლა სიმტკიცე და მხნეობა. სიზმრებიდან იცოდა ცაცანას თავგადასავალი და ამიტომ არას კითხულობდა.

მარომ აიჩემა, სოფელში წავიდეთ, დარიკოსა და ცაცანას საკურთხი დაუდგათ, თან შორი გზიდან ნამგზავრი ეფრო სულს მოითქვამს, მოკეთდებაო, წველაც კარგი მაქვს და ხილი და ბოსტნეული თავზე საყრელიო.

ასეც გადაწყდა. მართალიმ აბგა სახელმძღვანელოებით გამოტენა, ინსტიტუტისათვის უნდა მომზადებულიყო.

აივანზე რომ გავიდნენ, ეფრომ მაცხოვრისგორისაკენ გაიხედა, პირჯვრის გადასაწერად ხელი შემართა და უცბად ნირი შეეცვალა.

— ფუი, ეშმაკს, ეს რა ნამოუყუდებიათ!

— სტალინია, მაგი, ბებია, დაგაკლდა ალბათ თვალს!

— სტალინია თუ ვილაც ეშმაკი, წმინდა ადგილზე ღმერთი სატანას ვერ მოითმენს! — მკვახედ დაუტაცანა ეფრომ.

მართალის ენა მუცელში ჩაუვარდა. დედაბერთან კამათს აზრი არ ჰქონდა. ამ საცოდავს იმდენი რამ გადახდენია, სტალინი რომ სტალინია, ისიც მტრად ეჩვენება.

„სევისტრანით“ გაემგზავრნენ. ცხელოდა, ბრეზენტის ბოლოს ნიაგი აფართქალებდა.

ეფრო წელგამართული იჯდა და წინ კუმტად იყურებოდა.

მზე კაბადონზე ეკიდა, როცა მანქანიდან ჩამოვიდნენ.

დედაბერი ხელჯოხს ეყრდნობოდა და მჩატედ მიდიოდა.

მარო ტუტუნებდა, სულ რაღაცას ეკითხებოდა, ეფრო კი ხან უჩუმდებოდა, ხან მოკლე ჰოს ან არას მიუგდებდა.

სასაფლაოსთან გაიარეს. დარიკოს საფლავთან შეჩერდნენ. თავით მოზრდილი ქვა იდო, ფერხით — მომცრო.

ეფრომ ქვაზე ჯოხი დააკაკუნა და ჩასძახა:

— მანდ როგორა ხარ დროულად წასულსო? — მიაყურა და, თითქოს პასუხს ისმენსო. — ცაცანას თუ შეხვდი სადმე? ცივი ქვეყნიდან თუ ჩამოაღწია მაგ უბედურმა? — კვლავ მიუგდო ყური და მერე დასძინა: — დიდხანს არ ვაპირებ აქ დარჩენას, მალე ჩამოვალ და ერთად ვიქნებით!

მარო შეშინებული უსმენდა, მალმალე იწერდა პირჯვარს. მართალისაც შეეშინდა, ოღონდ იმიტომ, ჭკუაზე ვერ არისო.

შინ მისვლისთანავე მარო დატრიალდა, სადილის თადარიგი დაიჭირა.

ეფრო მსხლის ჩრდილში, ჯორკოზე ჩამოჯდა და გაყურდა, ეზოგარემოს თვალი მიაშტერა.

მართალიმ ჭილოფი მოათრია, ზედ წამოგორდა და ირგვლივ წიგნები შემოიწყო.

გაკრიალებული ციდან სიმშვიდე ჩამოეფინა. ნელი ნიაგი ფოთლებს აშარიშურებდა... მარო ჭურჭელს აჩხაკუნებდა... სადღაც ჭრიჭინობელა ჭრიჭინებდა... ბალახში კუტკალია გადახტა... მზის სხივებმა მსხლის ტოტებს გაატანა და წიგნს ჭრელმა ჩრდილმა გადაუარა.

თვალი აუჭრელდა მართალის, ასოთა რიგი წარიშალა, აზრი შემოეფანტა. იქნებ ჩასთვლიმა კიდეც და ეს ვეღარ შეამჩნია.

ჯორკოზე ეფრო შეირხა, შვილიშვილს გადმოხედა. ჩამოსვლის წუთიდან თითქოს უბრად არიანო, არაფერზე ულაპარაკნიათ. სათქმელს მდუმარება უხდებოდა, მაგრამ დუმილის წუთებიც ამოიწურა.

— რას კითხულობ? — გულსგარეშე ჰკითხა დედაბერმა.

— ისტორიას. ვემზადები!

— ჰოო! — ეფროს ხმა შეურბილდა. — მაინც რაო?

— საქართველო მეთერთმეტე არმიამ მენშევიკებისაგან გაათავისუფლაო. აგერ ორჯონიკიძემ დეპეშა გაუგზავნა ლენინს, სტალინსო...

— სიცრუეა ეს და სატანის ნამოქმედარი! — თქვა უცებ ეფრომ.

— რა, დეპეშა რომ გააგზავნა?

— დეპეშისა არაფერი ვიცი! — ეფრო თითქოს საკუთარ ფიქრებს პასუხობდა: — ცაცანამ შემოგივალა ასე, სიცრუეა ყოველიო!

— მაინც რაო? — სუნთქვა შეეკრა მართალის.

— იცი, სად ვიყავით?

— ვიცი! იქ ტრიალი მინდორია, ირგვლივ ცა დედამინას უერთდება. რკინიგზა ჭრის ამ მინდორს და პატარა ბაქანის პირას მიწურებია ჩამწკრივებული...

არ გაჰკვირვებია ეფროს, არ უკითხავს, საიდან იცი, ვისგან გაიგეო.

— ჰო! — თავი დაუქნია. — ასეა!.. მაგრამ მანამდე გრძელი გზა ვერ გათავდა საქონლის ვაგონებში... შიმშილი და სიცივე... შიგნითაც ისევე ყინავდა, როგორც გარეთ! განსაკუთრებით ბავშვები და ბერიკაცები იხოცებოდნენ... კაცებს ნაკლები გაძლება აქვთ... მე და ცაცანამ სხვებს ვაჯობეთ, ბოლომდე ჩავალწიეთ...

შეისვენა, კვლავ სივრცეს მისჩერებოდა, თვალები თითქოს ჩაშრეტოდა.

— წითელ წიგნს მიათრევდა ცაცანა. გზაშიც იმას კითხულობდა და იქაც... იმ მინურში ჩაათავა, დახურა, სათვალე დადო და დაასკვნა: „სიცრუეა ეს!“

ეფრომ ხელჯოხით მიწა მოჩხრიკა, პირი მოკუმა, ჩაფიქრდა. მართალიმ გადაწყვიტა, მეტს არაფერს იტყვისო, დედაბერი კი ისევე ალაპარაკდა:

— ღამით გამოიღვიძა. მინურში ციოდა. ჩემკენ თავი მოაბრუნა და მითხრა, სიცრუის გზას ვადექი თურმე, ეშმაკის მსახური ვყოფილვარ უნებლიეთო. ჩემი ცოდვა იმას ჰქონდეს, ვინც ჭეშმარიტ გზას ამაცდინაო... ოდესმე თუ შინ დაბრუნდები, მართალის გადაეცი, სიცოცხლეს ტყუილუბრალოდ ნუ გახარჯავს, ჭეშმარიტი გზა იპოვოსო... ყველა ქონებაზე უფრო დიდი ქონება ჭეშმარიტებააო... აი, ასე შემოგიტვალა ცაცანამ!

შუბლზე ხელი მოისვა, თითქოს ტკივილს იყურებო.

— დიდხანს არ უცოცხლია მერე, ჩაეძინა და გულიც გაუჩერდა... ბედნიერი!

ღიას, ბედნიერი იყო, რაკი გული გაუჩერდა და ტანჯვას განერიდა...

თითქმის ერთი თვე დარჩნენ მაროსთან. მზიანი ამინდი იდგა, ცა ლურჯად გადასარკულიყო და ოქროსფერი მზე ასავალიდან დასავალამდე ისე გადაგორდებოდა, ღრუბლის ფთილა არსად აეფარებოდა.

ხილით დაიტვირთა ხეხილი. ბოსტანი უხვად ხასხასებდა, ყანაში სიმინდი კედლად დადგა.

ეზოში წინილა მომრავლდა. ქათამი კაკანებდა, მოდით, ოქროს კვერცხი დავედო...

იქით გოჭი ჭყვიროდა, აქეთ ინდაური ქოთქოთებდა...

დილასალამოს ძროხა ზმუოდა, არიქა, მიშველეთ, ჯიქანი მისკდებაო...

მოკლედ, სუფევდა იდილია და სიმშვიდე, არსად ჩანდა თავმჯდომარე და გადასახადის ამკრეფი.

სიმშვიდე არ სუფევდა მართალი თოდუას სულში... ეფრო ბებიას ნათქვამს აეფორიაქებინა, ცაცანას შემონათვალს გაურბოდა... ცდილობდა უკუეგდო ეჭვები, უფრო ის ცოდნა, რომელიც სხვა სამყაროდან ჩამოიტანა დედაბერმა და ასე არ ესადაგებოდა მისეულ სიმართლეს, უნგრევდა მწყობრ შენობას... მართალი ცდილობდა გადაერჩინა იგი და ამით თავისი თავიც... მისი გონება შემზადებული არ იყო განდგომისათვის და მინებდა სოფლის მოჩვენებით იდილიას.

პირველსავე დღეს მარომ გააფრთხილა სტუმრები, სახლის უკან, ჩეროში ქოფაკი მყავს დაბმული, ძუკა ჰქვია, ახლოს არ გაეკაროთ, თორემ ცოცხლად შეგჭამთო.

— თავმჯდომარეზე უარესი მაინც არ იქნება! — თქვა ეფრომ და იქითკენ გაემართა.

მართალი წუნუნით აედევნა, აფრთხილებდა, არ გაგიჟდე, ბებია, ხბოს ტოლააო.

ძუკამ ყური ცქვიტა, ღრენა აღმოხდა, მაჯის სიმსხო ჯაჭვი ააჟღერიალა.

ეფრო არ შეჩერებულა, საშიში მიჯნა გადაიარა.

— რა იყო, ძუკა, რაზე მიღრენ, შე ბომბორა! — ხმადაბლა, შინაურულად უთხრა.

ძალლი მაინც ავად აჩენდა კბილებს, ყელიდან გამაფრთხილებელი ბგერები ამოსდიოდა.

მივიდა ეფრო, ჩხინკა თითები კისრის ბენვში ჩაუფლო.

— შენით ქვეყანას აშინებენ, ჩემო ძუკა, შენზე ავები კი აშვებულნი არიან!

ძალლი კვლავ იღრინებოდა, თუმცა წელანდელი სიავე არ ეტყობოდა.

ეფრომ ჯაჭვი შეხსნა, საყელოში ხელი ჩაავლო.

— ნამო, ძუკა, მზეზე გავიდეთ! რავა ამ ნესტიან ჩეროში მიუჩენია იმ დამწვარ მაროს შენთვის ბინა!

ძალლი მორჩილად წამოჰყვა, კედელს აკრულ ყმანვილს რომ ჩაუარა, თვალი დაუბრიალა, ვინა ხარ, აქ რომ ატუზულხარო, მაგრამ ეფრომ ხელის თათუნით დაამშვიდა.

— აქ დანექი, ძუკა, ჩემს ფეხთან! — უბრძანა.

ძალლი ჯორკოსთან წამოწვა, უზარმაზარი ენა გადმოაგდო.

ეფროც დაჯდა.

მართალიმ შიშს სძლია, გვერდით ჩაცუცქდა, მოფერებით მიმართა:

— ძუკა, ძუკა!

ჩუმი, ზანტი ღრენით შეეპასუხა ძუკა, თავი თათებზე დადო და გაიღურსა.

— იცის ძალღმა ავკარგის გარჩევა! — თქვა ეფრომ.

— მთელი ცხოვრება ჩეროში რომ დაგაბან, გაავდები კი არა, უარესი დაგემართება! კაცი პირიქითაა, ავი ვერ იშლის ავობას და სიავეში საზღვარი არ იცის!

ასე სულაც არ ფიქრობს მართალი, მაგრამ ბებიას არ ეკამათება... არცაა კამათის გუნებაზე. სოფლის სიმშვიდე აწყნარებს და იმიტომ!

ღრო მიდის და არაფერი იცვლება. დღეს ღამე მოსდევს, ღამეს დღე...

საღამოები მშვენიერია, გრილი, ნიავიანი, ხანგრძლივი, თითქოს მზეს ეძნელება ჩასვლა, სინათლეს არ სურს ქვეყნიერების დატოვება და სიბნელესაც ეზარება მოსვლა.

გერონტი შემოივლის ამ დროს, ფულარია. ჩაიდებს ყალიონს პირში, აბოლებს და ყველა ნაირ-ნაირ ამბებს. ხან ტყაში მაფასა და ოჩოკოჩს ახსენებს, ხან მკვდარ სულებს... მერე ბაზრის მაზანდაზე იქაქანებს, ხმას დაუნევს, შინაურები ვართო და მთავრობას მიალანძღავს, ინდივიდუალისტია, ვერ იტანს კოლექტივს... „კოლექტივი ჯგირი, მარა მუ რე ათე ზაცია?..“\* — მიაღუქსავს და ხითხითებს გამომწვევად.

ეფროს კუმტ სახეზე ღიმილი გაკრთება. ზის ერთნაირად წელგამართული, უსმენს გერონტის, თვითონ არაფერს ამბობს. გერონტიმ იცის, რამდენი გადახდენია დედაბერს, რასაა გადარჩენილი და მოწინებით მიმართავს: „ოსურპატენი, თქვენ კი იცით, მარა...“

რა იცის ეფრომ? — ფიქრობს მართალი. თავისი გაჭირვებისა იცის! ოჯახის უბედური თავგადასავალი იცის! მაგრამ არ იცის მაღალი პოლიტიკა... სტალინური სიბრძნე... ბერიას გამჭრიახობა... რთულია ეს ყველაფერი! ერთმანეთს რანაირად უნდა მიუსადაგო იდეალი და რეალობა... იდეალი სუფთა და ამაღლებულია, რეალობა ჭუჭყიანი და ტკივილებით აღსავსე... სადაა ჭეშმარიტება, როგორ უნდა შეასრულოს ცაცანას თხოვნა, რა გზები ეძებოს?

— ნამეტანი ეშმაკია „მარგალი კოჩი“, — ხითხითებს გერონტი, თან ყალიონს აპლაკუნებს, — თურმე გერმანიაც მოატყუა. მარგალურად გადასცემდა ფრონტიდან დანესენიებს. თავი იტყუებს ფრიცებმა, ეს რანაირი შიფრიაო. ვერაფერი გაუგეს! მარგალი არავინ ჰყავდა ჰიტლერს, მაგ სულწაყმედოდა, სტავკაში... ხეხეხე...

სწორედ აი, ამ დროს გამოარბენინებს მარო დაბალ ტაბლას, უცბად გააწყობს ვახშამს, — მოხალულ ღომს, მწვანოილს, ყველს, ხან უბრალოდ დაჭრილს, ხან „გემამაჟალიას“, ან დაფრხვნილს... ხან ელარჯს, ან ყველიან კვერებს... გერონტის ღვინოს გამოუტანს, ისიც დალევს ორსამ ჭიქას...



— მთავრობას რად უნდა დღეგრძელობა, — გაიცინებს, — მთავრობას ყველაფერი აქვს და ჩვენი სადღეგრძელო შეიძლება ის წვეთი აღმოჩნდეს, მოპირთავებულ ჭიქაში რომ ჩაანვეთებენ და კიდეებიდან გადმოიღვრება. ვუფროთხილდები მე მთავრობის ჯანმრთელობას და ამიტომ აგერ, ა, ეფროს ვადღეგრძელებ... აგერ, ა, მართალის ვადღეგრძელებ! გაიზრდება, კაცი გახდება და მტყუნანსაც განსჯის და მართალსაც!..

ჩამონვება ბინდი და ადგება გერონტი. წელებზე ხელებს შემოიწყობს, კრუსუნს მოჰყვება, აქაოდა ქარმა გამკრა, გამათავა კაციო. ცოტათი აჭარბებს კიდეც, თავს აცოდებს ქალებს... მართალი და ძუკა მიაცილებენ ჭიშკრამდე. ძუკა ავად გახედავს გარე მიდამოს, ჩაშავებულ ღობეყორეს შეუღაფლაფებს, თუ რამ ეშმაკეული მიმალულა, დააფრთხობს...

ვარსკვლავებით მოჭედილი ცა დაბლა ჩამოეშვება, ცის თავანზე მსხვილმსხვილი ვარსკვლავები ჩახჩახებს და ბინდს ანელებს... ჭასთან წყალს ააჩხრიალებს მარო, ფეხის წყალს გაახაზირებს, სამზადიდან გამოტანილი თბილით გაანელებს... იქვე, ეზოში დაიბანენ ფეხებსა და ხელპირს, მერე ოდაში შელაგდებიან.

აივანზე წვება მართალი. უსმენს ღამის ხმებს და გული უკანკალებს. კიბესთან სძინავს ძუკას. ხანდახან თავს ასწევს, სიბნელეს ყრუდ შეუღრენს და მართალიმ იცის, ქოფაკის რისხვას ვერა მტერი ვერ გადაურჩება. გულდამშვიდებულს ჩაეძინება და მაშინ ციდან ქალწული ვინმე ჩამოაკითხავს... თეთრი კაბა მოსავს ქალწულს, უხვი თმები ბეჭებზე აყრია. სანოლზე ჩამოუჯდება ყმანვილს, გულისპირზე ხელისგულს ჩამოუსვამს, აათრთოლებს...

გამოეღვიძება მართალის, ბნელს მიუგდებს ყურს. ვარსკვლავეთში თეთრი ღანდი გაკრთება. ყმანვილის გულის ბაგუნი ახშობს ყველა სხვა ბგერას... რალაც უნდა, რალაც სწადია!

კვლავ ჩაეძინება, ამჯერად უსიზმრო ძილში ჩაეფლობა. ჟანგისფერი რიჟრაჟი რომ მოეფინება ქუთუთოებზე, კედლისკენ შებრუნდება, რათა დილის სინათლეს არ დანებდეს. ამასობაში მარტოობით მოწყენილი ძუკა შეუძახებს, ადექი, ადექიო, ძილს საბოლოოდ დაუფანტავს.

ერთხელ გერონტის შვილიშვილი მოვიდა, ზიტა... ბაბუას სწვეოდა სანავსადგურო ქალაქიდან. გერონტის შვილი იქ მუშაობდა თურმე მილიციაში. მავან ქალს გადაეკიდა, ვერც რომ ეროვნებას გაუგებდა კაცი, ვერც სადაურობას. ერთი გოგო გაუჩინა და გადაიკარგა. სხვა ქალი შეირთო გერონტის შვილმა. იმან გაზარდა, შვილივით მოუარა, მაგრამ გერონტი ბუზლუნებდა, დედის ალიკვალთა მაინცო, ვაშლი ვაშლის ხესთან ვარდებო... პატარა ტანის გოგო იყო ზიტა, უხვი, ქერა თმები მხრებზე ზვინივით ეყარა. შუქია, მოელმო, გაურკვეველი შეფერილობის თვალეები სახის უსწორო ნაკვთებს მიმზიდველსა ხდიდა... ისე შეამტერდა მართალის, ყმანვილს შეეშინდა, ქალებმა არაფერი იეჭვიანონო, ამიტომაც მოშორდა ქალთა საკრებულოს, ძუკა აიყოლია, უკანა ეზოს ბაღში გადავიდა საკბილოს საძებრად.

ვაშლის ტოტს მისწვდა, ის იყო, უნდა მოეწყვიტა, ხითხითმა შეაჩერა.

ზურგსუკან ზიტა წამოპარვოდა.

— რა გინდა? — უხეშად შეეკითხა.

— ვაშლი!

— სამაგიეროს რას მომცემ? — ნაძალადევად გაეხუმრა.

— მე თვითონაც კარგად მოვწყვეტ! — იმავე ტოტს ნაეპოტინა და ამ დროს ზედ აეკრა, მისი მკვრივი სხეულის სიმხურვალემ მართალის გულღვიძლში გაატანა, ვაშლი თავისთავად მოწყდა და გოგობიჭს შორის ჩაეკვება.

დაასწრო ზიტამ, ხელი სტაცა და მტაცებლის წვრილი კბილები ჩაასო.

— გამაცილე!

ბაღზე მოკლე ბილიკი გადიოდა. ხეხილის მიღმა, ეკალბარდებში ღობე იყო ჩაყოლებული და ერთგან ალაგე მოეწყოთ. შეხტა ეშმაკი გოგო იმ ალაგეზე, ზედ ჩამოჯდა.

კაბის კალთა ზე აენია და ქათქათა მუხლისთავები გამოუჩინდა.

მართალის გააჟრჟოლა, სისუსტე იგრძნო.

— მოდი აქ! — ხმადაბლა მოიხმო ზიტამ. — ხელები მიჩვენე!

ყმანვილმა ხელები გაუწოდა, ზიტამ ორივეში ჩასჭიდა და მისი ხელისგულები მუხლებზე დაიდო.

მართალის სირცხვილისა და ნდომისაგან ცეცხლი წაეკიდა. ხელები გააცოცა. ეს იყო უმაღლესი ნეტარება, უსაზღვრო ტკბობა, ზიტამ კი გაიცინა, მისი ხელები მოიშორა, ალაგეს გადაახტა და მხიარულად მოაძახა:

— ზედმეტი არ მოგივიდეს!

მართალი ლობის გამოღმა დარჩა. ეშმაკუნამ თვალი ჩაუკრა, ხვალ ამ დროს აქ დამხვდით, დაუგდო და გაქრა.

ღამე შფოთიან ძილღვიძილში გაატარა. ზიტას მხურვალე ტანი და გლუვი მუხლისთავეები ეზმანებოდა და წადილისაგან თრთოლვა უვლიდა. გოგოზე ფიქრს სირცხვილი ახლდა, დანაშაულის გრძნობა, რაკი ღალატობდა გერონტის ნდობას... ზოგჯერ ძილი გადასძლევედა, რალაც უსაგნოსა და ფაფუკში ჩაეფლობოდა. ამ დროს ძუკა შეუღრენდა ბნელ ჩირგვნარს, მოჩვენებებს აფრთხობდა. გამოფხიზლდებოდა მართალი, ტკბილი ოცნება შეუბრუნდებოდა. ვითომ ზიტასაც არ სძინავს, მართალიზე ფიქრობს და ოცნებობს... უფრო მეტიც, თამამი გოგო ამდგარა და ახლა აქეთკენ მოიპარება. ძუკასი მას არ ეშინია, ძალლი წკმუტუნით შეეგებება ნაცნობს. გოგო ამოიპარება კიბეზე, ჩაიჩორჩე ცოტაო, წასჩურჩულებს. მართალი განზე გაიწევს, ადგილს უთმობს, თან სხეულში ცახცახი დაუვლის... მიხვდება, რომ ეს მხოლოდ ფიქრია და იგი მარტოდმარტოა... ეზო ბნელია და ცა ვარსკვლავიანი... ერთგული ძუკა კიბესთან გარინდულა, პატრონს დარაჯობს.

დილის ძილმა ღრმად ჩაითრია, დავინწყების მორევში ჩასძირა. მაროს ადგომა და ფაციფუცი არც გაუგია, არც ძუკას ღაფღაფი, გამვლელ ნახირს რომ აშინებდა, არც ხბოს ზმუილი, ძუძუს ბურჩინა რომ ეწადა, არც ქათმების კრიახი...

ეფრო გამობრძანდა აივანზე, გახედა მზიან ეზოგარემოს და გაკვირვებულმა შეუძახა:

— ადე, ძილისგუდავ, გაკეთდა ქვეყანა!

ადგა, ეზოში ჩავიდა, პირზე ცივი წყალი შეისხა, მაგრამ თავს კვლავ ბურანში გრძნობდა. დაბნეული მიმოდიოდა. მა-

რომ მოიხმო და ვერა გააგონა რა. ეფროს ნათქვამიდანაც აზრი ვერ გამოიტანა. ძუკამ თავი შეახსენა, აქა ვარო, მაგრამ იმასაც გვერდი უქცია და განაწყენებული ძალლი ზღაზვნით გაშორდა, ლობის ძირას, ჩრდილში წამოწვა.

დრო გაიწელა, არ თავდებოდა. მზე თითქოს გაჩერდა, არ აპირებდა მალლა აგორებას. როდისროდის მოვიდა ჟამი სადილობისა, როდის განერიდნენ შუადღის სიცხეს ეფრო და მარო, როდის დაგრძელდა საღამოს ჩრდილი... დათქმულ დროს, დათქმულ ადგილას მოვიდა გულგანვრილებული ყმანვილი... ზიტას შეაგვიანდა.

მზე უკვე გადაგორდა, სიცხემ იკლო. იმედი ამოეწურა და გოგონა სწორედ მაშინ გამოჩნდა ბილიკზე. მოკლე, მსუბუქი ხალათი ეცვა, იქნებ მთლად შიშველ ტანზე. ამ ფიქრისაგან ყმანვილს შეახურა და ენა დაება.

ზიტა ალაგეზე შეხტა, ზედ ჩამოჯდა და გაუცინა. მართალის ენის წვერზე სიტყვები გაუქრა და უბრალო საღამი ვერ ამოღერდა. ხელები მუხლებზე შეახო. ზიტა გამომწვევად ხითხითებდა, ბიჭის ხელებს ვითომ იშორებდა, მაგრამ ამ მსუბუქ წინააღმდეგობაში მონოდება უფრო იგრძნობოდა. ხალათის ღილები თავისთავად შეეხსნა, მოშიშვლებული ნაკვეთები გამოუჩნდა. ხალათქვეშ თურმე საბანაო კოსტუმიღა ეცვა. იოლზე იოლად შეიძლებოდა იმისი ჩამოღლეტა, სიფრიფანა ზღვარის გადალახვა, ოლონდ გამოცდილება არ ჰქონდა ამისა, არ იცოდა რა როგორ მოემოქმედა. ზიტა კი იმ დასაწვავი ალაგედან არ ჩამოდიოდა, ხითხითებდა და იშორებდა ბიჭის ხელებს, თითქოს ნებდებოდა და არც ნებდებოდა.

ბოლოს ვითომც სახე გაუმკაცრდა.

— გეყოფა, თავს ნუ გახვედი!

მართალი ასე იოლად ვერ ცხრებოდა, აკანკალებულ ხელს არ უშვებდა. ზიტა წამოინია, უკან, ალაგეს მიღმა ჩახტა და ღილების შეკვრას შეუდგა.

— დაუკრეფავში კი ნუ გადაძვრები!

— ზიტა! — ხმა გაეზარა მართალის. — მოდი, ცოლად წამომყევი!

— იჰ, — გადაიკისკისა ზიტამ, — ცოლი არა, ის არ გინდა! სულელი ხომ არ გგონივარ?

შეტრიალდა და გაიქცა. სანამ გაქრებოდა, მოიხედა, ხელი დაუქნია:

— ჯერ ტუჩზე რძე არ შეგშრობია!

მართალი ღობეს ეცა, უნდოდა, გადევნებოდა, მაგრამ ამ დროს მაროს ხმა მოესმა:

— აი, შენ, თურმე, სადა ხარ!

მართალის სირცხვილის მწვავე გრძობამ თავით ფეხამდე დაუარა. საბედნიეროდ, მაროს არაფერი შეუნიშნავს და ყმანვილის მღელვარება არაფრად ჩაუგდია.

სალამოს გერონტი გადმოვიდა. ყალიონი გაანყო, ამ ქვეყნისა და იმ ქვეყნის ამბებს მისწვდა. უცებ დააგდო, ხვალ ჩემი შვილი ჩამოდის, ზიტა ქალაქს უნდა წაიყვანოსო. ამას რომ ლაპარაკობდა, მართალის უყურებდა. ყმანვილი აწრიალდა, თითქოს ჯორკოზე ეკლები ამოიზარდაო.

— თვალსა და ხელს შუა დაიზარდენ ბავშვები! — შენიშნა მარომ.

— მალე ჩემს მართალისაც შევერთავ ცოლს, ხომ უნდა მოვესწრო თოდუების გვარჯიშის გამგრძელებელს! — ბრძანა ეფრომ.

უფროსებმა ჩაიცინეს. მართალი ვერ ისვენებდა, გული უკანკალებდა. ვაითუ გერონტი მიუხვდა ფარულ ზრახვებს, ახლა კი ანიშნებს, ქალებთან დაგინდობ, თორემ ყური უნდა აგინიოს კაცმაო...

ის ღამე თეთრად გაათენა. რა დროს ეგეებიანო, — ფიქრობდა, — ცხოვრება აინწნაო. ეგერ დიდი სტალინი მოკვდა და კაცმა არ იცის, ომი როდის გაჩაღდება... სანამ მე სოფელში დროს ვატარებ, ჭილობზე ვგორაობ, გოგოს ვეპრანჭები, ქვეყნიერების მატარებელი თავისი გზით მიდისო...

ნასაუზმევს ჭიშკრიდან გაიხედა და ზიტა დაინახა. მამისთვის ჩაეკიდა ხელი. მარომ და ეფრომ ლოყაზე აკოცეს. მართალის უცხოსავით დაუქნია თავი. შებრუნდა და უკან არც მოუხედავს.

ორღობის ბოლოს „სევისტრანმა“ გაიარა, ქალაქისაკენ გააქროლა.

— დროა, ჩვენც შინ დავბრუნდეთ, გამოცდები კარს მოგვადგა! — განაცხადა ეფრომ...

39

ქვეყნიერების მატარებელი მართლაც ისე მიდიოდა, მართალის არავინ ეკითხებოდა. ლესტამბე შეხვდა, თოლორაია. ხელში პასპორტი ეჭირა. პასპორტიანი კაცი უკვე მოქალაქეა და მართალიმ დაკაცება მიულოცა.

— მივდივარ! — შეთქმულივით თვალი ჩაუკრა ლესტამბემ.

— საით?

— რუსეთში, სასწავლებლად!

მართალი და ეფრო ნუთის წინ ჩამოვიდნენ „სევისტრანიდან“. ეფროს ხელჯოხი ეჭირა, მართალი კი სხვადასხვა ზომის ჩანთებითა და ფუთებით იყო დატვირთული, რადგან მარომ ბლომად გამოატანა საგზალი.

— რა უნდა გამოხვიდე? — ზრდილობისათვის იკითხა.

— ეს „სეკრეტია“! — თითი ასწია ლესტამბემ. — შენთან დასამალი რა მაქვს, მაგრამ თქმა არ შეიძლება და...

— ერთი ეს მითხარი, — მართალის კარგა ხანია ეს კითხვა თავში უტრიალებდა, — ის სტუმარი, თქვენთან რომ ვნახე, მართლაც ლავრენტი იყო?

ლესტამბემ თვალი განზე წაიღო, ენის წვერი ტუჩებზე მოისვა, რატომღაც გაღიზიანდა.

— აფრაკად ხომ არა ხარ, იმას ჩვენთან რა უნდოდა! თანაც მამაჩემს ლავრენტი, ხომ იცი, გულზე არ ეხატებოდა! — აჩქარდა, წასასვლელად გაემზადა. — უმჯობესია, იმაზე ფიქრს მოეშვი, ვითომც არ გინახავს! რიგითი თანამშრომელი იყო ცენტრიდან!

ჩუმად წამოვიდნენ ბებია და შვილიშვილი. ეფრო ნელა მოაბიჯებდა, ჯოხს ეყრდნობოდა. გაჩერდა, ჯოხი მიწას დაჭკრა და თქვა:

— რალაცა გაუჭირდა იმ კაცს!

— ვინ კაცს, ბებია?

— ლავრენტის გაუჭირდა რალაცა, თორემ ეს მაკვარანცხი თოლორაია გაბედავდა ასეთ სიტყვებს?

— დიდი ამბავი! — მხრები აიჩიქა მართალიმ, თუმცა ლესტამბეს სითამამე მართლაც გაუკვირდა. — კაცს ვინმე გულზე თუ არ ეხატება, ამისათვის შეჭამენ თუ რა!

— ვინმე კი არა, ლავრენტის შებედა, გულზე არ ეხატებაო! — ურწმუნოდ გააქნია თავი ეფრომ.

მართალი მოუსვენრობამ შეიპყრო. ერთი სული ჰქონდა, ტვირთს როდის დაყრიდა შინ და ძმაკაცებთან გაიქცეოდა. სოფელში ყოფნამ, იმ პატარა მაიმუნმა, ზიტამ, ქვეყნის ამბები გადაავინცა... ზიტას გამგზავრების შემდეგ ხურვება გაუნელდა, ბოლოს გაკვირვებით აღმოაჩინა, რომ გოგოს ხატი მესხიერებიდან ნაშლოდა და მისი გახსენება სისხლს სულაც არ უმღვრევდა.

ეფრო აივნის სკამზე დაჯდა, ჯოხი იქვე მიაყუდა და თქვა:

— ლავრენტის აუგად ხსენება პატარა საქმე არ არის! წადი, გაიკითხე, ქვეყანა ხომ არ ამოტრიალდა!

თურმე მართლაც ამოტრიალდა! მართალის ყურბალ-იშზე ეძინა, ამასობაში კი ბევრი რამ ცხადი შეიქმნა. არიქამ მეგობარს ცხვირწინ გაზეთი აუფრიალა. შავით თეთრზე ეწერა, ეს საზიზლარი ნაძირალა, ლავრენტი ბერია იმპერიალიზმის აგენტი აღმოჩნდაო. სტალინის ერთგულ თანამებრძოლად მოჰქონდა თავი, სინამდვილეში უცხოური სპეცსამსახურების დავალებით ცდილობდა ხალხი და პარტია ერთმანეთისათვის დაეპირისპირებინა, ავტორიტეტი გაეტახა ხელმძღვანელი ამხანაგებისათვის, მედგარი ლენინსტალინელებისათვის... აი, რატომ ხდებოდა ამდენი უსამართლობა, აი, ვინ ატყუებდა იოსებ სტალინს, ვინ ჩრიდა ჯოხს სოციალიზმის ბორბლებში!

თავზარდაცემული დაჰყურებდა მართალი გაზეთს, ასოები გაურბოდა აცაბაცა, ბოლოს ახედა არიქას, თვალი გაუსწორა და დაასკვნა:

— აი, თურმე, რა ყოფილა!

ერთმნიშვნელოვანი პასუხი გაეცა ყველა მის ეჭვს და ამან შეება მოჰგვარა. ეს ეჭვი, ჩუმჩუმა გულით რომ დაჰქონდა და სტანჯავდა, ჩრდილად ადგებოდა სტალინის ნათელ ხატებას. ამიერიდან გონება განთავისუფლდა შავი ქიმერისაგან. მისი კერპი, მისი ღვთაება, და არა მარტო მისი, ყველა მისი ტოლსწორისა, უცოდველი და წმინდა ყოფილა. ყოველივე ბნელი, რაც ცხოვრებას ახლდა, ქვეყნის ამ გამყიდველმა საფლავში ჩაიტანა.

ჩუმად მიაშურეს დურუ გეგიას. დურუს თვალები დაჰბუშტებოდა, ნამტირალევისა ჰგავდა, ანდა უძილობა სჭირდა. მეგობრებს ხელი ისე ჩამოართვა, თითქოს ქელეხზე შეიყარნენ და ერთმანეთს სამძიმარს ეუბნებინათ.

— აი, თურმე, რა ყოფილა! — ამანაც ესა თქვა.

არიქამ კი, მუდამ ეჭვიანმა და თავის ეჭვებში გაუტეხელმა, გამოსცრა:

— არ მჯერა მე ეს!

— რა არ გჯერა? — შეეკითხა დურუ.

— არ მჯერა და ესაა! — ურწმუნოდ გააქნია თავი და კოჭლობით წავიდა.

რა არ სჯეროდა? ბერიას ღალატი თუ სტალინის წმინდანობა?

დურუ შინ შებრუნდა, მართალი კი ბულვარის გზას გაუყვა.

ქალაქი თითქოს აპათიას შეეპყრო, შიშისაგან გაყურსულიყო. ქუჩაში იშვიათად ჩანდა გამგლევი, ყველა შინისაკენ მიიჩქაროდა, გადამალვას ესწრაფვოდა... თითქოსდა საიდანლაც თავდასხმას ელიანო, რადგან უნდა დასჯილიყო მხარე, რომელმაც თავის წიაღში შვა და გაზარდა სოციალიზმის მტერი, აქამდე რომ მეგობარის ნიღაბს ატარებდა.



კინოთეატრთან ვავა ზარქუას წაანყდა. უფრო დაჩი-  
ვებული მოეჩვენა, ისედაც ფერნაკლული მთლად გაცრეცი-  
ლიყო.

ფეხი მოინაცვლა, ამოღერდა:

— გაიგე? ასეც მეგონა!

მართალიმ არაფერი უპასუხა, გაშორდა. საოცარია,  
კვირით აღრე იმ კაცის სახელი საქვეყნოდ ქუხდა და ცასა  
სწვდებოდა, ახლა კი ადამიანი ვერ მოინახა, სიტყვით მაინც  
გამოქომაგებოდა, თანაგრძნობა გამოეხატა.

ფეხებმა თავისით მიიყვანა მაცხოვრისგორის ძირამ-  
დე. აიხედა, მაღალ პოსტამენტზე სტალინი იდგა. მზე დაჰ-  
ყურებდა, მისი სხივები თავზე შარავანდს ჰქმნიდა. მონუმენ-  
ტისაგან გადმოფენილი ჩრდილი შორს განფენილიყო და ყმან-  
ვილს შეამცვინა.

ნელა, მძიმედ შეუდგა კიბეს. ვინ ერეკებოდა? ვინ აძა-  
ლებდა? თვითონაც არ იცოდა, რა ძალას აჰყავდა ზევით, რა  
იზიდავდა...

ნახევრამდე რომ მიაღწია, მოიხედა.

ქალაქი თითქოს დაცარიელდაო, ხმა, ბგერა იქიდან ვერ  
აღწევდა. ალბათ მერეთმა უკეთესი დროის მოლოდინში თავი  
მოიმკვდარუნა, ცდილობდა თვალში არავის შესჩხეროდა, თავ-  
ვისი არსებობა დაევიწყებინა უხილავი მტრისათვის, რომლის  
არსებობა მოაზრებულაც არ ჰქონდა.

გაურკვეველი შიშით გულდამძიმებულმა გზა განაგრ-  
ძო და კიბეს თავზე რომ მოექცა, მოშორებით, კვარცხლბეკ-  
თან კაცი დაინახა.

ემცნაურა... რაც უახლოვდებოდა, გაკვირვებაც და ში-  
შიც უძლიერდებოდა და გული ძალუმად უცემდა.

კაცმა მოიხედა. პირმრგვალი იყო, მელოტი, ოქროს  
პენსნე ეკეთა.

„დაიჯერე?“ — ჩაიცინა.

მართალი შორიასლო გაჩერდა. გრძნობდა, მუხლები  
ეკეცებოდა.

კაცმა ჰორიზონტს ხელი მოავლო, თითქოს სივრცე  
მოხვეტაო.

„მე ამ წიაღში დავიბადე! ჩვენი ხალხი მცირეა, მაგრამ  
ნიჭიერი. ზოგიერთი ერი ასი მილიონია, მაგრამ მიწას ამძი-  
მებს, რაკი ერთ ყალიბში ჩამოსხმულსა ჰგვანან. ჩვენ კი, რამ-  
დენიცა ვართ, იმდენნი მართლაცა ვართ. აქ ქრისტეც შეიძლე-  
ბა დაიბადოს და სატანაც... და ყველა სხვაც, ვინც ამათ შორის  
მოთავსდება...“

მართალიმ კაცს თვალი გაუსწორა, გრძელმა მონო-  
ლოგმა შიში გაუნელა.

„თქვენ? თვითონ თქვენ საითკენა ხართ?“

კაცი ერთხანს დუმილით შემოჰყურებდა, თითქოს პა-  
სუხს წონისო. პენსნეზე სხივის ანარეკლი აბრჭყვიალდა და  
თვალეების გამომეტყველება აღარა ჩანდა... მერე კვარცხლ-  
ბეკს ხელი შეახო, მაღლა, მონუმენტს ახედა.

„მე ამ კვარცხლბეკის ერთი ლოდი ვარ, გამოაცლი და  
ეს მონუმენტი ჩამოშვავდება!“

„ეს ლოდები საფლავის ქვებია!“ — ხმა აუკანკალდა  
მართალის.

„გზა სამოთხისაკენ უცოდველთა ჩონჩხებითაა მოფე-  
ნილი!“ — თქვა კაცმა, კვარცხლბეკს ჩაეკრა და თითქოს ზედ  
მიეშრიტაო, გაქრა.

მართალიმ ნაბიჯი უკანუკან გადადგა. გაქცევა ვერ  
იკადრა, მაგრამ სწრაფად კი გაშორდა იმ ადგილს...

— ასეც მეგონა! — თქვა ვავა ზარქუამ კინოთეატრთან.

რა ეგონა ვავას ასე? ის, რომ ბერია მოლალატე ყოფილა  
და დიდ ბელადს უგანა, თუ ის, რომ იგი იყო ერთი ლოდი კვარ-  
ცხლბეკისა, გამოაცლი და მონუმენტიც ჩამოშვავდება!.. ეს  
კითხვები მაშინ დაიბადა მართალის თავში, როცა ვავა უკვე  
ვერ შეძლებდა პასუხის გაცემას... ალბათ წინასწარმეტყვე-  
ლური ალლო ჰქონდა ვავას, მიხვდა, საყრდენი ეცლებოდა მის

არსებობას და ამიტომ აჩქარდა, არ ისურვა მისთვის თავზარდამცემ მომავალს დალოდებოდა... ან იქნებ ხაფანგში იგრძნო თავი და გამოსავალი სხვა ვერაფერი იპოვა...

ყმანვილები იმ დღეს კარგ გუნებაზე იყვნენ. მერეთის ერთადერთ უმაღლეს სასწავლებელში, პედინსტიტუტის ფილიალში ჩაირიცხნენ. კომკავშირულ სამეულს რაიონული მასშტაბის სახელი მიუძღოდა წინ და სტუდენტურ წიგნაკებს ვერავინ დაამადლიდა.

შენობიდან გამოსულებმა მალლა აიხედეს. ცარგვალზე მწველი, შემანუხებელი მნათობი ეკიდა. ცას სილურჯე აკლდა, უფერული პირბადე აჰფენოდა და ჰაერი დახუთულიყო.

— ბიკენტი თოლორაია მთლად გაცოფდა თურმე! — ჩაილაპარაკა გამვლელმა.

— ჰო, გადაირია! — შეეპასუხა მეორე და ფეხაჩქარებით წავიდნენ.

ყმანვილებმა ერთმანეთს გადახედეს. მერეთის ცხელ ჰაერში შიშნარევი ქორი დაფარფატებდა და პირველმა არიქამ იცნოსა:

— ძამიკოებო, რალაცა ხდება, მგონია!

— თავში ყოველთვის მოჩვენებები გაქვს! — უდარდელად შეეპასუხა დურუ.

— ა, უყურეთ!

ქუჩაში გამოფენილ მოქალაქეთა უმრავლესობა ერთი მიმართულებით, მაცხოვრისგორისაკენ მიეშურებოდა.

— ზოგი იქით მიდის, ზოგი აქეთ! — იხტიბარი არ გაიტეხა დურუმ.

— შენ საითაც გინდა, წადი, მე კი ახალი ამბის გასაგებად მივდივარ! — თქვა არიქამ და კოჭლობით დაადგა გზას.

მეგობრებიც მიჰყვნენ, ფეხს აუჩქარეს.

ჩხერიის ხიდთან მოზრდილი ბრბო შეყრილიყო. აქედან, ცხადია, მხოლოდ ზურგები ჩანდა და ყოველ წუთს ახალ-ახალი ცნობისმოყვარენი ემატებოდნენ.

— წინ გავძვრეთ!

ხალხი მჭიდროდ იდგა, ყველანი წინ გასვლას ცდილობდნენ, თან ერთმანეთს ეკითხებოდნენ:

— რა ხდება? რატომ შევჩერდით? ვინ გაგვაჩერა?

სამეულმა სხვაზე მეტად იყოჩაღა, იდაყვები ენერგიულად აამუშავეს, ყაყანსა და ჩხუბს ყური არ უგდეს და სხვებზე წინ რომ გაძვრნენ, მილიციას გადაეყარნენ.

ხიდზე გარდიგარდმო მანქანა ეყენა. ნაპირის გასწვრივაც ჩამომწკრივებულებიყვნენ, რათა ვინმე ცნობისმოყვარე ჩხერიში ფეხდაფეხ არ გასულიყო.

ბიკენტი მილიციელებთან იდგა, განკარგულებებს იძლეოდა, მერე ბრბოსკენ მოიხედა და ხელი ასწია.

— მოქალაქენო, ისეთი არაფერი ხდება, გვაცალეთ მუშაობა! დაიშალენით, აბა, დაიშალენით!

მისი სიტყვა ყურად არ იღეს, დაშლას არავინ აპირებდა.

უცებ ყმანვილებს მოჰკრა თვალი და თითოთ მოიხმო:

— შენ, შენ და შენ!

მართალი, დურუ და არიქა ბრბოს მოშორდნენ.

— წამოდით, დაგვეხმარეთ!

„ვილისში“ ჩასხდნენ და მოკლე მანძილი გორის ძირამდე წამში გაირბინეს.

— ეს რა გვიქნა, კაცო, ვავა ზარქუამ? — წამოიძახა ბიკენტი და პირისახეზე ხელები ისე ჩამოისვა, თითქოს სიზმრის განდევნას ლამობსო.

მანქანა მოწყვეტით გაჩერდა და ბიკენტი ჩამოხტა. ყმანვილებს თვალები გაუშტერდათ და ჩამოსვლა შეაგვიანდათ. გონს პირველად არიქა მოეგო, ძმაკაცებს შორის იყო ჩაჭყლეთილი და ორივეს მუჯლუგუნი უთავაზა, ჩადით, ნუ აყოვნებთო.

კიბის დასაწყისში, მოედნის გასწვრივ სტალინის დიდრონი პორტრეტები დაემწკრივებინა ვავას, რვა ტილო ერთ მხარეს და რვაც — მეორეს... ერთგან ბელადს უბრალო სალდათური შინელი ეცვა, მეორეგან გენერალისიმუსის მუნდირი, მესამე სურათზე სავარძელში იჯდა, სხვაგან მორზე, ბალის სკამზე... აგერ სტალინი სპასკის კოშკთან, აგერ, კრემლის ეზო-

ში, მავზოლეუმის ტრიბუნაზე... წელზევით დახატული ტრადიციული პორტრეტები, სტანდარტულად ერთი ასაკის ამსახველნი... აგერ, სტალინის მამლაკატი ჩაუხუტებია, აგერ კრეისერის გემბანზე დგას, ნიავი მაზარის კალთას უფრიალებს... აგერ, ტუშინოს საჰაერო პარადს ადევნებს თვალს...

— რა უბედურებაა! — სასონარკვეთით ამოიოხრა ბიკენტი. — ნეტა ვინ ამოატანინა ამდენი, მარტო ხომ ვერ შეძლებდა!

კიბეზე ძირიდან თავამდე ყოველ მეორე საფეხურზე თითო სტალინი იდგა. თაბაშირის, ბრინჯაოსი, მარმარილოს სკულპტურები, სხვადასხვა ზომის ბიუსტები... გიმნაზიელის ასაკიდან ზრდასრულობამდე... ზომიერი სიდიდის ფერწერული ტილოები, გრაფიკული ნამუშევრები... ხის კუნძი, ბელადს რომ ჩამოჰგავს... ქოთანში ამოსული კაკტუსი, ესეც სტალინის მიმგვანებული...

კიბეს შეუყვანენ ბიკენტი, ყმანვილები და რამდენიმე „თანამშრომელი“...

— გამოფენა თუ უნდოდა, ვინ უშლიდა! — ბრაზობდა ბიკენტი. — ეს კი პოლიტიკურ პროვოკაციას ჰგავს და პასუხსაც ვაგებინებთ... მთელი ქალაქის სალაპარაკო გავხდით!

„თანამშრომლები“ თავს უქნევდნენ, ყმანვილები კი დუმდნენ. ერთი კაცის ნაირსახეობაში იყო რაღაც შემადრწუნებელი, დანაშაულებრივი, ზნეობის უარმყოფი, თუმცა ამათ ჯერაც ვერ გაეაზრებინათ, რატომ არ უნდა მოსწონებოდათ საყვარელი ბელადის ხატთა სიმრავლე...

„როგორ მოახერხა ეს ვაჟამ?“ — ეკითხებოდა მართალი თავის თავს.

წარმოიდგინა ღამის სურათი: ვაჟა ზარქუას ვნებანი... კერპის მსახურება... ძაღლი, რომელსაც პატრონი მოუკვდა და საფლავზე ყმუის... მარტოსული, ოთხ კედელში რომ არის გამომწყვდეული და ყოველი მხრიდან ასეული სტალინი შემოჰყურებს... მის ტვინში ადგილი არ რჩება სხვა რამისათვის, იქ შიში გაბატონებულია, სურვილი, დაემალოს ამ მოყურადე თვალებს... კაცი შეურაცხადი ხდება, შეურაცხადი ადამიანი

ყოვლისშემძლეა... ვაჟა ზარქუა ყველას ადამიანი ეგონა, მასში კი ერთგული ქოფაკი ცხოვრობდა... და ეს ქოფაკი უკანასკნელად უერთგულებს პატრონს, მაცხოვრისგორის მაღალ ფერდობს გადააქცევს ბელადის მუზეუმად...

მთელი ღამე იმუშავა ალბათ ვაჟა ზარქუამ. თითოთითოდ, მარტოდმარტომ გადმოზიდა, სათანადო ადგილი მიუჩინა ყოველ ახალ ნივთს... ამისათვის ხომ ასჯერ მიანც უნდა ასულიყო კიბეზე, იქნებ ასორმოცდაათჯერ... მერე გარიჟრაჟმა მოუსწრო, უკანასკნელად გადახედა ჯერ კიდევ მძინარე ქალაქს და მაშინ...

აქ მართალის ფიქრთა მდინარეა ჯებირს წაანყდა. ამ ამბავს ვერ მოუძებნა ლოგიკური ბოლო, დამაგვირგვინებელი რამ... ნეტა სად გაქრა თვითონ ვაჟა? კიბის პირველ საფეხურთან ხომ უნდა დახვედროდა პირველ სტუმრებს?

— სად დამემალება, ვასწავლი ჭკუას! — იქაღნებოდა ბიკენტი და მართალის გაუნათდა:

— ვაჟა ალბათ ზევით გველოდება, ოღონდ ავჩქარდეთ, თორემ გვიანი იქნება!

რა ჰქონდა მხედველობაში? თუ ვაჟა ზევით იცდიდა, სადღა გაიქცეოდა? ამ კიბის გარდა, სხვა რა გზა ადიოდა მაცხოვრისგორაზე? მერე, როცა ყველაფერი გაირკვა, გაოცებულმა ჰკითხა ბიკენტომ, წინასწარ რა იცოდით. მართალიმ მხრები აჩიქა, წინასწარ არც არაფერი ვიცოდით.

ზედა მოედნის პარაპეტზე სტალინის პორტრეტებიანი ხალიჩა და ნაქსოვი ფარდაგი იყო გადმოფენილი.

ბოლო საფეხურიდან მიმოიხედეს და მოედანი ცარიელი მოეჩვენათ.

კიბეზე, მაღალ კვარცხლბეკზე ბრინჯაოს ბელადი იდგა და ქალაქს მჭიმუნვარედ გადაჰყურებდა.

— ეგერ, ვაჟა! — წამოიძახა არიქამ.

კვარცხლბეკზე ხის კიბე მიედგა და ზედ ასულიყო.

ბანრის ბოლო ბელადის ჩიბუხს მოაბა ვაჟამ, თავი მარყუჟში გაყო.

— ეჰეი! — ხელი დაუქნია მოსულებს, კიბეს წიხლი ჰკრა და ბანარზე ჩამოეკიდა, აფართხალდა...

დურუ და მართალი ადგილს მოწყდნენ, თითქოს გაფრინდნენო...

ვავა ხროტინებდა, პირი დაელო და ენა გადმოეგდო.

უცებ ბანარი მოძვრა ჩიბუხს, ვავა ძირს წამოვიდა და ბიჭებს ხელებში ჩაუვარდა.

ქვაფენილზე დაანვინეს, ბანარი შეუხსნეს.

ჰაერი ხარბად ჩაისუნთქა ვავამ... პირი საზარლად დაელო და ყელიდან სტვენა ამოსდიოდა...

თანდათან დაწყნარდა, სუნთქვა დაუამდა, თითქოს მიიძინაო...

მოულოდნელად თვალი დააჭყიტა და ჩახრინნული, უგვანი ხმით ამღერდა ჰიმნის სიტყვებით:

— ქვეყანას მიეც დიდი სტალინი, ხაალხთა მონობის დამამხობელი...

## მეგრულ-ქართული

გვ. 5. „შქვით ნოემბერქ მუ მილუნი ვაგაჭყორდუ მოხანდეს, არწივიში მანგიორო ჩაქუჩ-მაგანა დოხანტეს.“ რაც შვიდმა ნოემბერმა მოიტანა, არ დაავინყდება მშრომელს, არწივის ნაცვლად ჩაქუჩი და ნამგალი დახატეს.

გვ. 8. „უტუში ჯარიში გოლუაფირო...“ იგულისხმება უტუ მიქავას ლაშქარი. „უტუს ჯარს ვენაცვალე...“ უტუ თოდუა, „მართალიად“ ნოდებული, აჯანყების ერთ-ერთი ბელადი იყო.

გვ. 9. „ბჟა დია რე ჩქიმი, დიდა — მუაჩქიმი...“ „მზე დედაა ჩემი, მთვარე — მამაჩემი...“

გვ. 25. „ყაზაყიში“ — გლეხის.

გვ. 26. „ჟინოსქუაში“ — აზნაურის.

გვ. 77. „ოსურ-პატონი“ — ქალბატონო.

გვ. 100. „ოსური“ — ქალო.

გვ. 109. „ვავა, ბაბა, ამდლა დოპილუნა, ბაბა!“ ვაიმე, მამა!.. დღეს მომკლავენ, მამა!

გვ. 194. „ჩქიმი სქვამი საქორთუოს მაფშალიეფქ დიკათესი, სტალინიშ ოძირაფუშა მოსკოვიშა მიდართეს, ნა...“ ჩვენს ლამაზ საქართველოში ბუღბუღები შეიყარნენ, სტალინის მოსანახულეებლად მოსკოვში გაფრინდნენ, ნა...

გვ. 305—306.

„სი ქოული, ბატა, მა დომიტალენქო?“

„გურს გენია მონტებულსუ ვაშემბრალენქო?“

„ჭოფილ ვორექ, თოკილ ვორექ, ვაგომიტალენქო?“

სად მიდიხარ, ბატა, მე მტოვებ?

გულზე ცეცხლშემონთებულს არ შემბრალეებ?

დაჭერილი ვარ, შებოჭილი ვარ აღარ გამიშვებთ?



- გვ. 374. „ჩქინ ბერია თექ ვარენო,  
 ირო თქუანს სიმართლესი,  
 მუნაფასუ ფაჩუნსუ დუ  
 მოძირანა სინათლეს, ნა...“
- გვ. 377. „მარგალი კოჩი“ — მეგრელი კაცი.
- გვ. 378. „ართ ცოროფილ მათ ქოპუნსი,  
 გურშა მიხუტოლუანს, ნა...“  
 „სი სოთინი მიდურქუნი,  
 შხვასი ქიხუტოლუანსი, ნა...“  
 „ქიანას კოჩი გოჭყორდუნი,  
 უკული მოგიგონუნსი, ნა...“
- გვ. 379. „ცოროფილი აკა პუნსუ,  
 ქუმოძირუნ აკა წუნსუ...“  
 „ცოროფილი ჟირი პუნსუ,  
 ჟირიხოლო ჯგირი პუნსუ...“
- გვ. 380. „ცოროფილი ვითი პუნსუ,  
 თეთ პუნსუ დო თითი პუნსუ...“
- გვ. 385. „ართ გიტარა ქომუჩუნი,  
 სოფელი დომილინუნი,  
 სქანი დო ჩქიმი გურიშ ჭუა  
 ლექსო ქომიბირუნი, ნა...“
- გვ. 386. „ჩქიმი ჩონგური ტუმუ-ტუმუ,  
 განათლებას ქუმურთუმუ,  
 კოლექტივმა მიშებლი დო  
 უნარლებუ ლუმუს ბჭკუმუ!..“
- გვ. 393. „კოლექტივი ჯგირი, მარა  
 მუ რე ათე ზაცია“.
- ჩვენი ბერია ხომ იქ არის,  
 მუდამ სიმართლეს ამბობს  
 ღრუბლებს ფანტავს და  
 სინათლეს გვიჩვენებს...
- ერთი შეყვარებული მეცა მყავს,  
 გულში ჩამიხუტებს,  
 შენ სადმე თუ ნახვედი,  
 სხვას ჩაიხუტებს...  
 ქვეყნად მამაკაცი თუ განყდა,  
 მერე მოაგონდები...  
 შეყვარებული ერთი მყავს,  
 ნეტავ მანახვა ერთ წამს...  
 შეყვარებული ორი მყავს,  
 ორივენი კარგი მყავს...  
 შეყვარებული ათი მყავს,  
 ესეც მყავს და ისიც მყავს...  
 ერთი გიტარა მომცა,  
 სოფელი მომავლეგინა,  
 შენი და ჩემი გულსტკივილი  
 ლექსად მამლერა, ნა...  
 ჩემი ჩონგური ტუმ-ტუმის  
 განათლება მოსულა,  
 კოლექტივში შევედი და  
 დაუყვედრებელ ღომსა ვჭამ!..  
 კოლექტივი კაი, მაგრამ  
 რა არის ეს „ზაცია“.